

PROBLEMA

DE ANNO

NATIVITATIS CHRISTI,

QUI B I

Occasionem offerente vetere Herodis Antipæ
nummo, in nummophylacio

CLEMENTIS XIV. P.O.M.

Asservato,

DEMONSTRATUR

CHRISTUM natum esse anno VIII ante æram
vulgarem, contra veteres omnes
& recentiores Chronologos.

AUCTORE P. DOMINICO MAGNAN
*Ordinis Minimorum Presbytero, Philosophiæ
Theologiæque Lectore emerito, necnon
Academiarum Regio-Metensis ac
Etrusco-Cortonenfis Socio.*




ROMÆ, MDCCCLXXII.

Apud Archangelum Casaletti Typographum
ad S. Eustachium

Et apud Venantium Monaldini Bibliopolam.

Superiorum facultate.



P R O Æ M I U M .

HUicce Opusculo occasionem dedit quædam mea, cum viro præstantissimo, mihiq; colendissimo, contentiuncula de vetere Herodis Antipæ numismate græco, quo paucis abhinc mensibus CLEMENS XIV, Pontifex Maximus, suum ditavit nummophylacium. Viri nonnulli, in republica litteraria principes, quibus legendum illud exhibui, Problema solutum existimare visi sunt. Si res ita sit, & numismatologiæ laude, cui ferè totus nunc studeo, & summa Chronologiæ utilitate, typis illud libenter committo. Rem, ob sexcentas implicationes, impossibilem ferè reddiderat præsertim Eminentissimus Baronius; sed immortalis Norisius, quem interdum exscripsi, viam mihi ostendit aperuitque, quamquàm ipse quoque erraverit.

APPROBATIONES.

NOS Frater Petrus Segura, Lector jubilat^{us}, necnon totius Ordinis Minorum humilis Corrector Generalis :

Virtute præsentium litterarum R. admodum Patri Dominico Magnan, nostræ Massiliensis Provinciæ Theologo, in Regio nostro Sanctissimæ Trinitatis Conventu de urbe commoranti, facultatem ultrò concedimus typis mandandi Dissertationem, cui titulus : *Problema de anno natiuitatis Christi*, &c. dummodò priùs approbatum fuerit a Reverendissimis PP. Franciscò Jacquier & Joanne Laini, Lectoribus jubilatis, &c. servanturque alia de jure servanda. In quorum fidem, &c. Datum Neapoli, in Conventu nostro S. Mariæ de Stellis, die 14 Januarii Anni 1772.

Fr. Petrus Segura Generalis :

Librum , *Problema de anno natiuitatis Christi* inſcriptum , ab admodum Reuerendo P. Dominico Magnan , noſtri Minimorum Ordinis emerito S. Theologiæ Lectore , pulcherrimo ordine ac mirâ perſpicuitate elaboratum , ex commiſſione Reverendiſſimi Patris Petri Seguræ , præfati Ordinis Correctoris Generalis , quâ potui curâ ac diligentiâ perlegi : nihilque in eo , quod orthodoxæ fidei atque doctrinæ adverſetur , deprehendi : Immò eruditiffimus auctor ita ſuum , quod ſibi propoſuit demonſtrandum , *Problema* ex Scripturarum oraculis , Flavii Joſephi aliorumque antiquorum teſtimoniis , atque ex veteribus monumentis ſolidè ac nervoſè ſolvit , oſtenditque Chriſtum anno VIII ante æram vulgarem natum eſſe , ut Chronologis tam veteribus quàm recentioribus palmam præripuerit . Quare opus hoc publicâ typorum luce dignum exiſtimo , dum ita , ad quos pertinet videatur . Datum Romæ in Minimorum Collegio S. Franciſci de Paula ad Montes die 15 Februarii anni 1772.

Fr. Joannes Laini , Lector ſubſtitutus , ſtudioſorum Regens , necnon ad Epiſcopatum promovendorum Examiner .

I M P R I M A T U R ,

Si videbitur Reverendissimo Patri Sacri Palatii Apostolici Magistro .

*Dominicus Jordani Patriarcha Antioch.
Vicesgerens .*

Reverendissimi P. Th. Augustini Ricchini
S. P. A. Magistri jussu perlegi *Problema de anno natiuitatis Christi*, auctore viro eruditissimo P. Dominico Magnan, Ordinis Minimorum Presbitero, &c. Cumque nihil proferat, quod ab orthodoxa fide, ac bonis moribus dissentiat; sed potius difficillimam & obscuram Historiæ, ac Chronologiæ Ecclesiasticæ partem, *De anno natiuitatis Christi*, ex vetere Herodis Antipæ nummo, mirâ doctrinæ sagacitate præclare illustret; Opus profectò dignum censeo, quod typis mandetur. Ex Bibliotheca Barberina VIII Kalendas Martii 1772.

Simon Ballerinius SSmi D. N. Papæ a cubiculo honorarius, J. V. D. & Bibliothecæ Barberinæ Præfectus.

7

Jubente Reverendissimo Patre Ricchinio ,
Sacri Palatii Apostolici Magistro , atten-
tè perlegi Opusculum , sacrà profanàque eru-
ditione ornatissimum , cui titulus : *Problema*
de anno natiuitatis Christi , auctore P. Do-
minico Magnan , ex Ordine Minimorum ,
S. Theologiæ Professore . In hoc quidem li-
bro nihil inveni sanctæ Fidei & bonis mo-
ribus aduersum ; sed contrà , quidquid con-
gessit eruditus auctor ad explicandum Pro-
blema difficillimum , rei antiquariæ & Hi-
storiæ studiosis gratissimum fore censeo .
Datum Romæ in Conventu Sanctissimæ Tri-
nitatis in monte Pincio , die 25 mensis Mar-
tii Anni 1772 .

*Fr. Franciscus Jacquier , ex Minimorum fa-
milia , in Romano Archigymnasio & in
Collegio Urbano de Propaganda fide Pro-
fessor emeritus .*

IMPRIMATUR .

*Fr. Thomas Augustinus Ricchinus Ordinis
Prædicatorum Sac. Pal. Apost. Magister .*

M O N I T U M

T Y P O G R A P H I .

I. **S**I quis librum istum, nondum compactum, receperit, septem nummorum veterum tabulas ante paginam 17 ordinabit.

II. Modò etiam prælo subjicio ejusdem R. P. Magnani opus alterum, cui titulus: Populorum insigniumque virorum numismata omnia, in variis per Europam nummophylaciis accuratè descripta. in 4 magno & charta regia. Tomus 1. Idem quoque emittam in 8 magno & eadem charta. Qui in hujus operis societatem nomen dare voluerint, solvent septem paulos cum dimidio, seu quatuor libras gallicas pro quolibet volumine; ceteri verò, scizum Romanum. Quoad Bibliopolas autem, qui operis socios conferent, ii consueta obtinebunt emolumenta.

I N D E X

SECTIONUM.

| | |
|--|-----------|
| P ROBLEMA <i>De anno natiuitatis Christi.</i> | pag. 17 |
| <u>HISTORIA <i>Opiniorum de anno natiuitatis Christi.</i></u> | <u>21</u> |
| <u>AXIOMA I. <i>Christus natus est ante mortem Herodis Magni Judæ Regis.</i></u> | <u>33</u> |
| AXIOMA II. <i>Christus fugit in Ægyptum ante mortem Herodis Magni.</i> | ibid. |
| <u>AXIOMA III. <i>Christus a Magis adoratus est ante mortem Herodis Magni.</i></u> | <u>35</u> |
| <u>AXIOMA IV. <i>Christus natus est dum census, Augusti edicto, agebatur in Judæa.</i></u> | <u>36</u> |
| <u>DEFINITIO I <i>Æræ vulgaris.</i></u> | <u>38</u> |
| <u>DEFINITIO II <i>Æræ Christianæ.</i></u> | ibid. |
| <u>DEFINITIO III <i>Periodi Julianæ.</i></u> | ibid. |
| <u>DEFINITIO IV <i>Anni Juliani.</i></u> | ibid. |
| <u>POSTULATUM I. <i>De initio æræ vulgaris.</i></u> | <u>39</u> |
| POSTULATUM II. <i>De concordia annorum variarum epocharum.</i> | ibid. |
| POSTULATUM III. <i>De annis Consulum Romanorum.</i> | ibid. |
| <u>P O.</u> | |

POSTULATUM IV. *De anno periodi Julianæ, concurrente cum anno primo æræ vulgaris.* 40

PROPOSITIO I. *Herodes Magnus mortuus est anno IV ante æram vulgarem, mense Martio.* ibid.

COROLLARIUM I. *Errat Keplerus, scribens Herodem Magnum a Romanis Judææ Regem declaratum fuisse hyme anni XL ante æram vulgarem.* 65

COROLLARIUM II. *Errat Calvisius scribens Herodem Magnum a Romanis Judææ Regem declaratum fuisse adulto vere anni XL ante æram vulgarem.* 83

COROLLARIUM III. *Errat Torniellus scribens Herodem Magnum a Romanis Judææ Regem fuisse declaratum anno XXXIX ante æram vulgarem.* 84

COROLLARIUM IV. *Errat Norisius scribens Herodem Magnum Judææ regno positum esse, captis Hierosolymis, anno XXXVIII ante æram vulgarem.* 92

COROLLARIUM V. *Errat R. P. Faure annos nummorum Vari, moriente Herode Magno Syriæ Legati, numerans ab epocha Augustorum, incunte anno XXVII ante æram vulgarem.* 120

CO-

COROLLARIUM VI. Perperam, in narrandis
rebus Herodianis, Josephi auctoritatem car-
pere conantur Ricciolius & alii. 131

COROLLARIUM VII. Errat Norisius scri-
bens Herodem Magnum obiisse autumno an-
ni IV ante aram vulgarem. 147

COROLLARIUM VIII. Anni Herodis re-
gni, a Josepho annumerati, ab ineunte anno
sacro, seu mense nostro Martio, computandi
sunt. 153

COROLLARIUM IX. Errat Scaliger scri-
bens annos Herodianos, a Josepho annu-
meratos, a mense Ijar, seu Aprili nostro,
fuisse computatos. 158

COROLLARIUM X. Errat Norisius scribens
Herodem Magnum obiisse anno III ante aram
vulgarem. 165

COROLLARIUM XI. Errat Vossius scribens
Herodem Magnum obiisse anno II ante aram
vulgarem. 170

COROLLARIUM XII. Errat Scaliger scri-
bens Herodem Magnum obiisse anno I ante
aram vulgarem. 171

COROLLARIUM XIII. Errat Baronius scri-
bens Herodem Magnum obiisse anno VI a.e.
vulgaris. 175

C O-

COROLLARIUM XIV. Errat Pagius scribens
Archelaum, Herodis Magni filium, *Viennam*
exulasse anno VII æræ vulgaris. 182

COROLLARIUM XV. Errat Ricciolius scri-
bens Archelaum, Herodis Magni filium,
Viennam exulasse anno XII æræ vulgaris. 185

COROLLARIUM XVI. Errat Baronius scri-
bens *Archelaum*, Herodis Magni filium, *Vien-*
nam exulasse anno XIV æræ vulgaris. 189

COROLLARIUM XVII. Errat R. P. Faure
annos nummorum Antipæ, Herodis Magni
fili, numerans a priori Patris testamento. 192

COROLLARIUM XVIII. Errat Baronius
scribens *Antipam*, Herodis Magni filium,
anno XXXVIII æræ vulgaris fuisse rele-
gatum. 205

COROLLARIUM XIX. Errat Vsserius scri-
bens Antipam, Herodis Magni filium, an-
no XXXIX æræ vulgaris fuisse relegatum. 207

PROPOSITIO II. Christus fugit in *Ægyptum*
ineunte anno V ante æram vulgarem. 229

PROPOSITIO III. Magi, Christum adoratu-
ri, venerunt *Hierosolymam* exeunte anno VI
ante æram vulgarem. 235

COROLLARIUM I. Minus benè Gravesonius
contendit Christum a Magis fuisse adoratum
pie

die XIII ab ejus nativitate ; nec rem probabiliorem dicunt S. Augustinus & alii , scribentes exm adoratum ante Maria purificationem . 239

COROLLARIUM II. Minus benè putat Alexander Christum , ante fugam in Ægyptum , Bethlehemum non rediisse . 252

PROPOSITIO IV. Judææ census , quo natus Christus die XXV Decembris , actus est anno VIII ante æram vulgarem a Procuratore Cyrino , seu Quirinio , tùm Syriæ Præside Saturnino , ac toto Orbe in pace composito . 260

COROLLARIUM I. Errat Stampa scribens anno VI ante æram vulgarem factam fuisse primam Palæstinæ descriptionem a Sulpicio Quirinio , seu Cyrino . 273

COROLLARIUM II. Errat Baronius scribens Cyrinum , seu Quirinum , nascente Christo , fuisse Syriæ Præsidem . 280

COROLLARIUM III. Errat Norisius scribens Varum , nascente Christo , fuisse Syriæ Præsidem . 298

COROLLARIUM IV. Errat Valesius putans in textu Lucæ , ubi de censu agitur , pro Sentio Saturnino irrepsisse Quirinii nomen . 300

CO.

COROLLARIUM V. Errat Eusebius confun-
dens duos census , alios in Judæa a Qui-
rinio . 321

COROLLARIUM VI. Errat Natalis Ale-
xander scribens censum , nascente Christo ,
in Judæa fuisse a Quirinio cæptum & a Sa-
turnino absolutum . 324

COROLLARIUM VII. Errant qui putant
Christum natum esse die VI Januarii . 328

COROLLARIUM VIII. Errat Nazæus aut-
mans Christum natum esse die XXV Maii . 333

COROLLARIUM IX. Errat Harduinus scri-
bens Christum natum esse mense Septembri . 336

COROLLARIUM X. Errat Georgius Syn-
cellus scribens Christum natum esse anno IX
ære vulgaris . 342

COROLLARIUM XI. Errat Paulus Middel-
burgensis scribens Christum natum esse an-
no XXII ante æram vulgarem . 343

COROLLARIUM XII. Errat Parisius scri-
bens Christum natum esse anno XXI ante æram
vulgarem . 347

COROLLARIUM XIII. Errat Paulus Mid-
delburgensis scribens Christum natum esse an-
no III ære vulgaris . 348

COROLLARIUM XIV. Errat Dionysius exi-
guis

gnus scribens Christum natum esse anno I æræ
vulgaris . 349

COROLLARIUM XV. Errat Labbens scri-
bens Christum natum esse anno I ante æram
vulgarem . 350

COROLLARIUM XVI. Errat Parvinius
scribens Christum natum esse anno II ante
æram vulgarem . 352

COROLLARIUM XVII. Errat Baronius scri-
bens Christum natum esse anno III ante æram
vulgarem . 353

COROLLARIUM XVIII. Errat Sulpicius Se-
verus scribens Christum natum esse Sabino
& Rufino Consulibus , seu anno IV ante æram
vulgarem . 364

COROLLARIUM XIX. Errat Vaillantius
scribens Christum natum esse anno V ante
æram vulgarem . 366

COROLLARIUM XX. Errat Pagius scri-
bens Christum natum esse anno VI ante æram
vulgarem . 371

COROLLARIUM XXI. Errat Boivinins scri-
bens Christum natum esse anno VII ante
æram vulgarem . 376

SOLUTIO PROBLEMATIS . Christum natus
est anno VIII ante æram vulgarem . 377

SCHO-

SCHOLIUM I. *Cur genuina censenda allata
solutio.* 379

SCHOLIUM II. *Historia IV priorum Chri-
sti annorum.* ibid.

CANON CHRONOLOGICUS *Ab anno XL
ante aram vulgarem ad annum XLI ejus-
dem aet.* 382

E R R A T A

Pag. 59, lin. 16 dele *Augusto*.

Vox hæc græcè observatur quidem in nummis Herodis Antipæ, quos edidit Vaillantius, ut n. I, p. 187, quosque hic delineatos vides, tab. 3, num. III & V, cum ΤΑΙΩ ΚΑΙCΑ ΓΕΡΜ CEB; sed non legitur in nummo Clementino, quem exhibui ead. tab. 3, num. I, nec in num. IV Pelleriniano, ut litteris suis ad me nuper scripsit clarissimus *le-Blond*, Bibliothecæ Mazari- næ Vice-Prefectus, vir scriptis numismatologicis ac multiplici viâ Academia celebris.

PRO-







7
11









HEI
NVMM



3A
B

N° 9.





N.º 1.



PROBLEMA

DE ANNO

NATIVITATIS CHRISTI.

QUam sit abstrusarum, reconditarumque rerum in hominibus ignorantio tolerabilis, inquit eruditus Petavius (1), documento illud esse potest, quod vulgarium & quotidianarum tantis sit difficultatibus obstructa cognitio. Cum enim Christo Domino, ab eoque gestis rebus, & ipsius Nativitate, vitâ atque morte, nihil sit Christianis hominibus notius; obscurissima nihilominus illorum omnium tempora sunt, neque quibus annis singula contigerint, plenè fuit hæcenus ac liquidò compertum.

A

Di-

(1) Dionys. Petavius *de doctr. temp.* part. II, lib. XII, proth. p. 395 edit. Lutetiae Paris. MDCXXVII, in fol. & ipsum sequutus Vaillantius *Dissert. sur l'ann. de la naiss. de J. C.* apud *Memoir. de l'Acad. roy. des inscript.* tom. II, part. II, p. 185, edit. à la Haye MDCCLXIX, in 12.

Divus quidem Lucas, Evangelista, Christi nativitatis annum diligenter, admodumque accuratè (2) indicavit, cum loco inferioris laudando, scripserit eum natum esse anno, quo universi orbis Romani census edito Cæsaris Augusti actus fuit: quæ res certè notissima erat in Judæa & in toto Romano Imperio, ac memoriæ demandanda.

Hujus tamen census, præter consuetudinem, non meminerunt ferè Scriptores profani: unde Sancti Patres, qui id scriptum non invenire, de eo, prout variis cognitionibus affectum habuere animum, variè loquuti sunt. De iis tamen, qui prioribus Ecclesiæ seculis florere, meritò queri liceret, quod indigentius illa, quæ erant eis cognitu faciliora, utpote proximiora, persequentes, justissima posteritatis studia frustrati sunt. Verùm hoc sub ipsa Christianæ religionis initia (3), quod primis imperiorum ac civitatum temporibus accidit, ut qui tùm vivebant homines gerendis potius essent quàm scribendis rebus intenti. Ex quo factum est ut, obsolescente pau-

(2) Non autem *minus limatè ac subtiliter*, uti scripsit Petavius, ut n. 1.

(3) Petavius, ut n. 1.

paulatim illarum memoriâ , qui se ad easdem notandas & illustrandas postea contulerunt , in tenuibus & obscuris antiquitatis vestigiis majori se operæ & industriæ laude , quàm fructu ac pretio jactaverint .

Si primi Christi Discipuli annos numerassent ab ejus Nativitate , uti fecerunt deinde Christiani , res indubitata remansisset : ast ab Ethnicis , quibuscum vitam degere tenebantur , minimè intellecti fuissent . Hinc in locis variis a variis epochis annos numerarunt .

In Patriarchatu Alexandrino (4) Christiani victoriæ Actiæ , anno Romano 723 (5) , aut potius mortis Antonii & Cleopatræ epochâ utebantur . Deinde verò in Ægypto æram Diocletiani , seu Martyrum , amplexi sunt a tertio ad sextum Christianismi seculum . Hoc tandem exeunte Ecclesia latina uti cœpit ærâ , quam Dionysius exiguus , Scythiæ Monachus , Diocletianum , qui tot Christi Martyres mactaverat , ut tyrannum execrans , excogitaverat a Christi Domini Incarnatione , cujusque initium ducebat a prima

A 2

die

(4) Teste Vaillantio , ut n. 1.

(5) Errore , ut credo , Typographi apud Vaillantium , ut n. 1 , scriptum est 751 pro 723.

die Januarii anni 4714 periodi Julianæ, seu 754 Romani, quo Romæ Consules fuere, Gajus Julius Cæsar, & Lucius Æmilius Paullus.

Hæc est æra, quæ hodiè *vulgaris*, aut etiam minùs bene *Christiana* appellatur. Cùm enim Dionysij exigui ætate jam oblitterata esset Christi Nativitatis anni memoria, erravit ipsemet in eo adsignando, & in errorem induxit ceteros. Unde numerandus est etiam inter eos, de quibus scripserat Divus Augustinus (6): *per Olympiadas & per Consulatum nomina, multa sæpe quærentur a nobis: & ignorantia consulatus, quo natus est Dominus, & quo passus est, nonnullos coegit errare.*

Nullum porro, sacris Scriptoribus exceptis, circa Nativitatis Christi annum per XVIII sæcula non errasse mihi videtur. Utrum autem bene an male, dijudicare poteris ex Scriptorum opinionibus, infra describendis, si eas cum Problematis solutione conferre volueris.

HIS.

(6) Aur. Augustinus *Oper.* tom. III, part. I, de *doctr. Christi.* lib. II, cap. XXVIII, col. 36, edit. Paris MDCLXXXIX, in fol.

HISTORIA

Opinionum de anno Nativitatis Christi.

S*Eculo I* Divus Lucas Evangelista, Christi natale consignavit anno VIII ante æram vulgarem, seu 4706 periodi Julianæ, cum asserat, eum natum esse, dum jussu Cæsaris Augusti agebatur census, seu universi Orbis Romani descriptio. Vide inferius *Axioma IV*. Hæc enim descriptio facta est anno VIII ante æram vulgarem, ut dicturus sum propositione IV.

Seculo II exeunte, jam obliterated Christi nativitatis anni memoriâ, Sanctus Clemens Alexandrinus, doctissimus Ecclesiæ Pater, Christum natum dixit (7) *octavo & vigesimo anno*, qui, Ægyptiorum more, ab Antonii & Cleopatrz morte computatus, est secundus ante æram vulgarem, si cum iisdem Ægyptiis diem vi Januarii Christi natalem crediderit; aut tertius, si cum Ecclesia Romana diem xxv Decembris Christi nativitati assignaverit.

A 3

Dein-

(7) Clemens Alexandr. *Stromat.* lib. I, p. 99, edit. apud *Maxim. Biblioth. Vet. Patr.* t. III, Lugdun. MDCIxxvii, in fol.

Deinde Tertullianus (8), vir inter Africanos præstantissimus, incunte *Seculo III*, pariter existimavit Christum natum anno III ante æram vulgarem, cum annum XLI Imperii Augusti ortui Christi assignet (9). Verum Sanctus Hippolitus, Portuensis Episcopus & Martyr (10), Clementis Alexandrini Discipulus (11), sacrum natale, teste Alexandro (12), anno II ante eandem æram, seu 4712 periodi Julianæ consignavit (13). Eodem seculo Julius Africanus, historicus insignis, epocham nativitatis Christi fixit (14)

an-

(8) Hic obiit anno circiter 216, teste Lavocato *Dist. biflor. Port. t. II*, p. 571, edit. à Paris MDCCIV, in 8.

(9) Q. Sept. Florent. Tertullianus *Opera lib. adver. Judæos* p. 214, edit. Lutetiz MDCXXXIV, in fol.

(10) Anno circiter 230, teste Lavocato, ut n. 8, t. I, p. 565.

(11) Teste Joh. Jac. Hofmanno *Lexic. univ. biflor. tom. I*, p. 776, edit. Basileæ MDCLXXVI, in fol.

(12) Natal. Alexander *Hist. eccles. tom. III, Sec. I, Dissert. II*, p. 65, edit. Paris. MDCXCIX, in fol.

(13) Hippolitus *Canon. pascha.* apud Alexandrum, ut n. 12.

(14) Jul. Africanus in fragmento, quod Petavius recitat lib. VIII Auctarii, cap. 17, teste Alexandro, ut n. 12.

anno 4714 periodi Julianæ, seu I æræ vulgaris.

Seculo IV Divi Hieronymus (15) & Joannes Chrysostomus (16), Ecclesiæ Doctores eximii, Christum natum scripserunt (17) anno III ante æram vulgarem, haud dubiè Clementem, Alexandrinum sequuti. Eodem seculo Sanctus Epiphanius (18), Ecclesiæ Doctor & Salaminis Episcopus, Divi Hippoliti sententiam amplexus est, & Christi ortum anno Juliano XLIV, seu II ante æram vulgarem, addixit (19);

A 4

cùm

(15) Hic floruit seculo IV & incunte V, obiitque anno 420, teste Lavocato, ut n. 8, tom. I, p. 616.

(16) Floruit seculo IV, sed mortuus est anno 407, teste eodem Lavocato, ut n. 8, tom. I, p. 601.

(17) Sanctus nempe Euseb. Hieronymus *Oper. t. III, comment. in Daniel. cap. 12*, col. 1116, edit. Paris. MDCCIV, in fol. & Joannes Chrysostomus *Homil. in illud: Exiit edictum a Cesare Augusto*, apud Alexandrum, ut n. 12.

(18) Obiit anno 403, teste Hofmanno, ut n. 11, p. 604.

(19) Epiphanius Salam. *Oper. omn. lib. II, tom. I, Hæres. 21*, p. 445, edit. Colonæ MDCLXXXI, in fol. Quia tamen Sanctus Doctor ibid. lib. I, tom. I, Hæres. 22, p. 48, natalem Christi annum copulavit cum XXXIII Herodis regni anno, verisimile est
cum

cum eum natum asserat Augusto & Silano (20) Consulibus, VIII idus Januarii. In eadem sententiâ fuit Eusebius Cæsariensis (21), vir hujus seculi doctissimus, qui annum XLII Imperii Augusti & XXVIII ab Ægypto subjugatâ, ac Antonii & Cleopatraz morte, Natali Domini assignat in Historia Ecclesiastica (22) & annum III Olympiadis 194 in Chronico. Apollinarius autem Laodicænus (23), Apollinariarum auctor, Christum in lucem prodiiisse anno Juliano XLV, seu I ante æram vulgarem existimasse videtur (24): & Pandorus, Monachus Ægyptius, qui Arcadii Imperatoris ætate floruit (25), Domini nativitatem anno

eum credidisse Christum natum anno VIIII. ante æram vulgarem, ut dicturus sum inferius Propositione II.

(20) Seu *Silvano*, omisso nempe elemento V.

(21) Mortuus est anno circiter 338, teste Lavocato, ut n. 8, tom. I, p. 393.

(22) Eusebius Cæsar. *Oper. omn.* tom. II, *Hist. eccles.* lib. I, cap. V, p. 9, edit. Paris. MDLXXXI, in fol.

(23) Hic obiit anno circiter 380, teste Lavocato, ut n. 8, tom. I, p. 64.

(24) Apollinarius Laodic. apud S. Hieronymum, ut n. 17, col. 1114.

(25) Teste Georgio Syncello *Chronogr. ann. mundi* 5533, p. 326, edit. Paris. MDCLII, in fol.

no Juliano XLVI, seu I æræ vulgaris adscript (26).

Seculo V ineunte Severus Sulpicius (27), historicus celebris, Christi ortum affixit anno IV ante æram vulgarem, seu 4710 periodi Julianæ, utpote asserens (28) eum natum esse Sabino & Rufino (29) Consulibus, VIII Kalendas Januarii. Paullus verò Orosius, Sancti Augustini discipulus, Dominum natum dixit (30)

an-

(26) Pandorus apud Alexandrum, ut n. 12.

(27) E vita migravit anno 420, teste Lavocato, ut n. 3, p. 549.

(28) Sulpicius Sever. *Sacr. histor.* lib. II, p. 351, edit. Bononiæ MDLXXXI, in 12. Sulpicius tamen natalem Christi annum rectè assignasse dicendus est. Ibidem enim scripsit Christum natum anno XXXIII regni Herodis magni, quem, pagina sequenti, regnasse ait annos XXXVII. Cum enim Herodes, ex Propositione I, obierit anno IV ante æram vulgarem, ineunte principatus anno XXXVII, annus ejus regni XXXIII cum anno VII ante eandem æram copulandus est. Unde omninò videtur Sulpicius credidisse natum Dominum anno VIII ante æram nostram, & errasse tantum in assignandis ejusdem anni Consulibus.

(29) Seu *Ruso*.

(30) Paul. Orosius *Histor.* lib. VII, cap. II.

anno II ante æram vulgarem , Sanctum Hippolitum sequutus .

Seculo autem VI Cassiodorus , Consul anno 514 , Christi natale consignavit (31) anno III ante æram vulgarem . In Chronico enim disertè ait Christum natum C. Lentulo & Messala Consulibus , anno imperii Augusti XLI . Eodem seculo Dionysius exiguus , Scythiæ Monachus , Christum natum scripsit anno I æræ vulgaris , ut dicam inferiùs Propositionis IV Corollario XIV .

Deinde Sanctus Isidorus Hispalensis (32) , Hispaniæ oraculum *seculo VII* , Divi Hippoliti opinionem refricuit , & Christum natum credidit (33) anno II ante æram vulgarem . Eodem seculo Julianus Pomerius (34) , celebris Episcopus Toletanus , natum Dominum anno
Ju-

(31) Mag. Aur. Cassiodorus *Oper. omn.* tom. I, *Chron.* p. 385 , edit. Rotomagi MDCIXXIX , in fol.

(32) Hic , teste Lavocato , ut n. 8 , tom. I , p. 640 , obiit anno 636 .

(33) Isidorus Hispal. in *Chronico* , apud Alexandrum , ut n. 12 .

(34) Vitam deseruit anno 690 , teste Lavocato , ut n. 8 , tom. I , p. 645 .

Juliano XLV, seu I ante æram vulgarem existimasse (35) videtur.

Insequenti *seculo VIII* Venerabilis Beda (36), vir sanè doctissimus, sequutus est opinionem Julii Africani, & epocham nativitatis Christi fixit (37) anno Juliano XLVI, seu I æræ vulgaris.

Seculo autem *IX* Nicephorus (38), celebris Patriarcha Constantinopolitanus, sacrum natale consignavit (39) anno mundi 5500, aut 5501, qui in ejus mente, cum anno *IX* æræ vulgaris, seu 4722 periodi Julianæ convenire videtur.

Seculo X, æram vulgarem sequuti, Dominum natum credidère anno I ante eandem æram, seu 4713 periodi Julianæ.

Se-

(35) Julianus Pomer. *contra Judæos* lib. III, apud Alexandrum, ut n. 12.

(36) Mortuus est anno 735, teste Lavocato, ut n. 8, tom. I, p. 126.

(37) Beda *de Temp. ratione*, cap. 45, apud Alexandrum, ut n. 12.

(38) Hic obiit anno 828, teste Hofmanno, ut n. 11, tom. II, p. 18.

(39) Nicephorus Constant. *Chronogr. brev.* p. 400, edit. cum *Chronogr. Georgii Syncelli*, Paris. MDCIII, in fol.

Seculo autem insequenti *XI*, Cedrenus, Monachus Græcus, Christi natalem addixit (40) anno II ante æram vulgarem, seu Augusti imperii XLII, quem cum anno ab orbe condito 5506 copulavit.

Seculo XII, Dominum natum vulgò crediderunt anno XXII ante æram vulgarem.

Seculo etiam *XIII* Matthæus Parisius, doctissimus Monachus Anglus è Benedictinorum familiâ, existimavit (41) Christum in lucem prodiiisse anno XXI ante eandem æram.

Opiniones istæ floruere pariter insequenti *seculo XIV*.

At *seculo XV* Tostatus, doctus Abulensis Episcopus (42), Christi natale consignavit (43) anno 4713 periodi Julianæ, seu I ante æram vulgarem.

Insequenti *seculo XVI*, Eminentissimus Card-

(40) Georg. Cedrenus *Compend. hist.* tom. I, p. 173, edit. Paris. MDCXLV II, in fol.

(41) Matr. Paris. *Hist. major*, ad ann. MLXXVI, p. 7, edit. Paris. MDCXLIV, in fol.

(42) E vita migravit anno 1454, teste Lavocato, ut n. 8, p. 603.

(43) Tostatus *Defensor*. part. II, cap. XI & XII, apud Alexandrum, ut n. 12.

dinalis Baronius (44), Josephus Scaliger (45) & Toriiellus (46) existimarunt Christum natum fuisse anno III ante eandem æram, Consulibus Cornelio Lentulo & Valerio Messalino: sed Genebrardus (47), Archiepiscopus Aquensis, Christi nativitatem addixit anno Juliano XLV, seu I ante æram vulgarem. In eadem sententia fuit Lucidus Samofathenus (48), celebris mathematicus.

Seculo XVII R. P. Natalis Alexander (49) è Prædicatorum familiâ, ac in facultate Parisiensi Doctor, Christum natum scripsit anno V ante æram vulgarem. Vossius verò (50)

VO-

(44) Cxf. Baronius *Annal. Eccles.* tom. I, *Apparat.* p. 46, edit. Romæ MDLXXXV III, in fol.

(45) Joseph Scaliger *Nota in frag.* p. 59, edit. ad calcem *de emendat. temp.* Genevæ MDCX XIX, in fol.

(46) August. Toriiellus *Annal. sacr.* tom. II, ann. mun. 4051, n. II, p. 598, edit. Mediolani MDCX, in fol.

(47) Genebrardus in *Chronico* apud Alexandrum, ut n. 12.

(48) Lucidus *de emend. temp.* lib. VI, cap. 2, apud eundem Alexandrum, ut n. 12.

(49) Natal. Alexander, ut n. 12.

(50) Gerard. Joh. Vossius *Chronol. sacr. isag.* Differt.

voluit eundem in lucem prodiiſſe anno III ante eandem aram. Eodem ſeculo Labbeus, vir pereruditus, Chriſtum natum anno I ante aram vulgarem contendit in ſuo Compendio chronologico (51), ubi ait: anno Romæ 753, a mundo condito 4053, ante Jeſum Chriſtum (52) primo, Imperatoris Auguſti XLIII, 194 Olympiadis IV, Romæ Conſulibus Cornelio Lentulo & Lucio Calpurnio Piſone, die XXV menſis Decembris, Bethlehemi Judææ natus eſt Jeſus Chriſtus Deus-homo. Labbei ſententiam amplexus eſt Muſantius, ut teſtatur ipſemet in ſuis Tabulis chronologicis, ubi (53) ſcripſit: Herode regnante, natum eſſe Chriſtum . . . fatentur; verùm de natiuitatis anno varia Chronologorum ſententiæ: nos cum Labbeo, aliisque eam amplectimur, qua illam Herodiani regni 37 ſtatuit anno, Juliano 45 deſinente.

Hoc tandem ſeculo noſtro XVIII, R. P.
Joan-

ſert. I, de Chr. ann. nat. num. XLIV, p. 35, edit. Hagæ-comitis MDCLIX, in 4.

(51) Philipp. Labbe *Abregé Chron.* part. II, p. 518, edit. à Paris MDCLXIII, in 12.

(52) Id eſt, ante aram vulgarem.

(53) Joan. Dominic. Muſantius *ſab. Chronol.* ſext. æt. p. 79, edit. Romæ MDCCII, in 12.

Joannes Baptista Faure (54) eruditione clarus, Musantii sententiam de Christo nato anno primo ante æram vulgarem, contra Vaillantium & Eminentissimum Cardinalem Norisium tuitus est in Dissertatione historico-critica, ubi (55) ait: æram vulgarem, teste clarissimo Horrebovio (56), *primus Scaliger impugnare cepit. Me verò vehementer pudeat vulgarem epocham correctione dignam existimare, quam nuper Horrebovius, Protestantium & nostrorum Scriptorum elogiis apprimè doctus, Dissertatione peculiari anno 1731 ita probari putat diuturno mille annorum usu in occidentali Ecclesia, ut rationes post Scaligerum excogitatas facili, firmâque responsione elidi arbitretur.* Ludovicus autem Boivinius, Inscriptionum humaniorumque litterarum Academiæ Regio-parisiensis Socius, ineunte hoc seculo cum majori laude scripserat (57) Christum

(54) Joan. Bapt. Faure *Dissert. hist. crit.* p. 405 & seqq. edit. apud Musantium, ut n. 53.

(55) Faure, ut n. 54, §. VII, p. 431.

(56) Horrebovius *Oper. math. phys.* tom. II.

(57) Lud. Boivin. *Chronol. de Denys d'Halicarn.* edit. apud *Memoir. de liter. de l'Acad. roy. des inscript.* tom. II, part. II, p. 3, à la Haye MDCCXIX, in 12.

stum natum anno VII ante æram vulgarem .

Ex his omnibus tam pugnantibus sententiis abunde patet Christi nativitatis anni memoriam ab ipsâ ferè Apostolorum ætate fuisse oblitteratam, nec deinceps rectè restitutam, cùm singulis Ecclesiæ seculis adeò variè de eâ senserint sancti Patres, & alii Scriptores Christiani .

Plurimi inter eos varia Evangelistarum & sanctorum Patrum loca inter se conciliare tentarunt : verùm quia his vel illis sanctis Patribus plus minusve auctoritatis concesserunt, in varias abière partes, nec rem finire potuère . Non mirum certè . Etenim Evangelistæ, non Ecclesiæ Patribus, qui longo post tempore vixerunt, conciliandi erant, sed monumentis antiquis, Scriptoribusque coetaneis . Hic enim non agitur de fide & doctrina, sed de re merè chronologicâ .

Aliâ igitur viâ veram Christi natalis anni memoriam renovare tentabo : sed ut solvatur problema, necessariò præmittenda sunt quatuor Axiomata, totidemque Definitiones, Postulata & Propositiones, a quibus pendet ejus solutio .

AXIO-

A X I O M A I.

*Christus natus est ante mortem Herodis Magni ,
Judææ Regis .*

ID testantur Sacræ Paginæ , cùm Divus Matthæus (58) in Evangelio scripserit :
*cùm ergo natus esset Jesus in Bethlehem Juda
in diebus Herodis Regis .*

Quæram igitur in I Propositione quo anno
& mense mortuus sit Herodes .

A X I O M A II.

*Christus fugit in Ægyptum ante mortem
Herodis Magni .*

ID nos docet Divus Matthæus (59) in
Evangelio , ubi narratis quæ spectant ad
Magorum adorationem , statim sic prosequi-
tur : *qui cùm recessissent (Magi) , ecce Ange-
lus Domini apparuit in somnis Joseph , dicens :
surge & accipe puerum & matrem ejus , & fuge
in Ægyptum : & esto ibi usque dum dicam tibi ;*

B

fu-

(58) Matthæus *Evangel.* cap. II , p. 666 , apud
Bibl. Sacr. edit. Lugduni MDCXIII , in 12.

(59) Id. *ibid.*

futurum est enim, ut Herodes quærat puerum ad perdendum eum. Qui consurgens accepit puerum & matrem ejus nocte, & secessit in Ægyptum; & erat ibi usque ad obitum Herodis. Tunc Herodes videus quoniam illusus esset a Magis, iratus est valde, & mittens occidit omnes pueros, qui erant in Bethlechem, & in omnibus finibus ejus, a bimatu & infra, secundum tempus quod exquisierat a Magis.... Defuncto autem Herode, ecce Angelus Domini apparuit in somnis Joseph in Ægypto, dicens: surge & accipe puerum & matrem ejus, & vade in terram Israel. Defuncti sunt enim qui querebant animam pueri. Qui consurgens accepit puerum & matrem ejus, & venit in terram Israel. Audiens autem quod Archelaus regnaret in Judæa pro Herode patre suo, timuit illò ire: & admonitus in somnis, secessit in partes Galilææ: & veniens habitavit in Civitate, quæ vocatur Nazareth.

Quæram igitur in II Propositione quo anno Christus fugerit in Ægyptum.

AXIO-

A X I O M A III.

*Christus a Magis adoratus est ante mortem
Herodis Magni.*

ID evidens est ex Evangelio, cùm Divus Matthæus (60) ibi scripserit: *Ecce Magi ab Oriente venerunt Ierosolymam, dicentes: ubi est qui natus est Rex Iudæorum? Vidimus enim stellam ejus in Oriente, & venimus adorare eum. Audiens autem Herodes Rex, turbatus est, & omnis Ierosolyma cum illo; & congregans omnes Principes Sacerdotum, & Scribas Populi, sciscitabatur ab eis, ubi Christus nasceretur. At illi dixerunt: in Bethlehem Judæ. Sic enim scriptum est per Prophetam: & tu Bethlehem terra Juda, nequaquam es minima in principibus Juda: ex te enim exiet Dux, qui regat populum meum Israel. Tunc Herodes clam vocatis Magis, diligenter didicit ab eis tempus stellæ, quæ apparuit eis: & mittens illos in Bethlehem, dixit: ite, & interrogate diligenter de puero, & cum invenieritis, renunciate mihi, ut & ego veniens adorem eum. Qui cum audissent Regem, abierunt.*

B 2

runt.

(60) Id. ibid.

rant. Et ecce stella, quam viderant in Oriente, antecedebat eos, usquedum veniens staret supra, ubi erat puer. Videntes autem stellam gavisi sunt gaudio magno valde, & intrantes domum, invenerunt puerum cum Maria matre ejus, & procidentes adoraverunt eum: & aperitis thesauris suis obtulerunt ei munera, aurum, Thus & Myrrham. Et responso accepto in somnis ne redirent ad Herodem, per aliam viam reversi sunt in regionem suam.

Quæram igitur in III Propositione quo anno Magi Hierosolymam venerint Christum adoraturi.

A X I O M A IV.

Christus natus est dum census, Augusti edito, agebatur in Judea.

ID testatur Divus Lucas (61) in Evangelio, ubi narratis quæ spectant ad Joannem Baptistam, Præcursores Domini, hæc subjungit: *Factum est autem in diebus illis, exiit edictum a Cesare Augusto, ut describeretur universus Orbis. Hæc descriptio prima*
fa-

(61) Lucas *Evangel.* cap. II, p. 701, apud *Bibl. Sacr.* ut n. 58.

facta est a *Præside* (62) *Syriae* *Cyrino* (63),
 & ibant omnes, ut profiterentur singuli, in suam
 Civitatem. Ascendit autem & *Ioseph* a *Galileæ*
 de civitate *Nazareth*, in *Judæam* in Ci-
 vitatem *David*, quæ vocatur *Bethlehem*, eo
 quod esset de domo & familia *David*, ut pro-
 fiteretur cum *Maria* desponsata sibi uxore præ-
 gnante. Factum est autem, cum essent ibi,
 impleti sunt dies ut pareret; & peperit filium
 suum primogenitum, & pannis cum involvit,
 & reclinavit eum in *Præsepio*, quia non erat
 eis locus in diversorio.

Quæram igitur in IV Propositione quo an-
 no census ille actus fuerit: & tandem in
 solutione Problematis, quo anno *Christus* natus
 sit, demonstrabo.



B 3

DE-

(62) Ibi vox *Præsides* æquivocatione laborat, ut di-
 cturus sum inferius propositionis IV Sectione II: unde
 eod loci laudatæ vulgatæ editionis accuratius legeretur
Censore, aut *Procuratore*.

(63) Seu *Quirinio*.

DEFINITIO I.

Æra vulgaris (64) est ea, quâ utuntur Christiani in Europa, & a cujus initio numeramus nunc annum 1772.

DEFINITIO II.

Æra Christiana est ea, quæ initium ducit a Christi nativitate, & quâ uti deberent Christiani.

DEFINITIO III.

Periodus Juliana est quidam Orbis annorum ex triplici illo Cyclorum genere constitutus, aureo scilicet numero, Cyclo solari, & indictione, ex quibus inter se multiplicatis resultant anni 7980, quorum 4714 concurrere dico cum anno primo æræ vulgaris.

DEFINITIO IV.

Anni Juliani initium ducunt a die prima Januarii.

PO-

(64) Hæc omnium ore dicitur etiam *Christiana*, sed minus bene, cum omnino diversa sit a vera æra Christiana, ut sequentibus patebit.

P O S T U L A T U M I.

Concedendum æram nostram vulgarem , de qua definitione I , iniisse die I mensis Januarii anni ab hinc 1772 , quo Romæ Consules erant Cajus Julius Cæsar & Lucius Æmilius Paullus . Hæc præsertim ærâ in annis computandis utimur . Cæteras , si Christianam excipias , inferiùs in Canone chronologico additurus sum tantùm , ut faciliùs intelligi possint Scriptores infra laudandi . Hinc

P O S T U L A T U M II.

Concedendum supponendumve annos Romanos , periodi Julianæ , Imperii Romani , Olympiacos , Julianos & Aëtiacos , concurrisse cum annis æræ vulgaris , quibus conjuncti sunt in Canone inferiori . Id demonstrare possem , ast nimis longum .

P O S T U L A T U M III.

Concedendum Romæ Consulatum gessisse eos , quorum nomina notantur in Canone , chronologico inferiùs subnectendo , iisque annis sub quibus scripta sunt . Id etiam certum demonstrare possem , si necesse esset .

DE ANNO NAT. CHRISTI
P O S T U L A T U M I V .

Concedendum annum 4714 periodi Julia-
næ concurrere cum anno primo aræ vulgaris .

P R O P O S I T I O I .

*Herodes Magnus mortuus est anno IV ante aram
vulgarem , mense Martio .*

HÆC Propositio certa demonstratur plu-
rimis , & quidem omnium efficacissi-
mis Historiæ momentis , cùm de ea conve-
niant Scriptores coætanei , aut ferè coætā-
nei ; Historici variarum Nationum , Judæi ,
Græci & Romani ; & vetera monumenta .
Nulla enim major Chronologis afferri potest
probatio .

Ut autem res faciliùs intelligatur , brevem
Herodis Magni & Herodis Antipæ historiam
contexere necesse est , additis characteribus
& circumstantiis , quibus annus Herodis Ma-
gni mortis confirmari aut impugnari potest .
Hic mihi duces erunt præsertim numismata
antiqua & Flavius Josephus , testis probatissi-
mæ fidei & omni exceptione major , cui-
que inter omnes , qui Historiam Herodia-
nam

nam conscripsere, ut fatetur Eusebius (65), palma citra controversiam debetur, ut pote qui floruit eodem ac Herodes seculo, quique Nicolai Damasceni, testis oculati, scripta prae manibus habuit, plurimaeque ex illis transcripsit (66). Nicolaus porro, Historicus inter coetaneos celeberrimus, primus Herodis Magni administer fuit, unde ejus res gestas haud dubie bene novit.

Josepho igitur teste, Herodes Magnus *quintâ die* (67) *postquam Antipatrum filium occidit, vitam defunctus est; post detrusum Regno Antigonum anno trigesimo quarto; ex quo autem a Romanis Rex declaratus est anno trigesimo septimo.* Hic porro annus IV est ante aera vulgarem, 750 Romanus, & 4710 periodi Julianæ. Nam

I. Auctore Josepho, Herodes Ascalonita, Magnus deinde dictus, *Romæ* (68) *universi*
Se-

(65) Eusebius, ut n. 22.

(66) Ut videre est in variis Josephi Operibus.

(67) Flav. Josephi *Opera*, lib. xvii de *antig. Jud.* cap. x, p. 505, edit. Francoforti MDLXXX, in fol. idem narrat ibid. de *bel. Jud.* lib. I, cap. xxi, p. 672.

(68) Id. ibid. de *antig. Jud.* lib. xiv, cap. xxvi, p. 423.

Senatûs suffragiis Judææ Rex declaratus est : dimissoque Senatu Marcus Antonius & Cæsar (deinde Augustus dictus) medium habentes Herodem exiverunt , Consulibus , cæterisque Magistratibus ducentibus , ascenderuntque in Capitolium , sacra ibi facturi , & (69) Senatûs consulta deposituri . Atque hoc pacto Herodes regium fastigium adeptus est Domitio Calvino iterum & Cajo Asinio Pollione Consulibus , Olympiade centesimâ octogesimâ quartâ : id est , exeunte circiter Septembri anni XL ante æram vulgarem , seu 4674 periodi Julianæ , vergentis 714 Romani , quo Consules fuere Calvinus & Pollio . Hic enim Josephus , ut inferius dicturus sum Corollario primo , paulò minus accuratè notavit Olympiadem currentem initio anni consularis , quo eo loci utitur præsertim pro charactere Chronologico , Herodisque Regni annos numeravit ab ineunte anno Judæorum sacro , seu Martio nostro , ex sequenti Corollario VIII.

Porro si ab ineunte circiter Martio anni 4674 periodi Julianæ numeres XXXVII annos ; XXXVII initium habebis anno 4710 ,
qui

(69) Id. ibid. p. 424.

qui est IV ante æram vulgarem , seu 750 Romanus. Herodes igitur obiit anno IV ante æram vulgarem , & quidem mense Martio , ut ex dicendis inferiùs patebit . Vide infra Sectiones III & V , ac Corollarium VII.

II. Herodes , Auctore Josepho (70) , Regno suo verè potitus est post expugnatam Hierosolymam & detrusum Antigonom *Olympiade 185* , *Romæ Consulibus Marco Agrippâ & Canidio* (71) *Gallo* , anno scilicet 717 Romano , 4677 periodi Julianæ , seu XXXVII ante æram vulgarem , *trigesimo quarto* , ut subiungit Josephus (72) , ante mortem ejusdem Herodis . Porro si ab ineunte circiter Martio anni 4677 periodi Julianæ numeres XXXIV annos , XXXIV initium habebis pariter anno 4710 , seu IV ante æram vulgarem , Romano verò 750 . Eo igitur anno obiit Herodes .

III. De hoc Herodis mortis anno cum Josepho conveniunt & nummi antiqui , eo ipso
tem-

(70) Id. ibid. cap. xxviii , p. 432.

(71) Ita apud Josephum pro *Caninio* , Typographi incuria , mutato *N* posteriore in *D* .

(72) Josephus , ut n. 67 , p. 505.

tempore cusi. Ille rem narrat, isti tempus ostendunt.

Nummi porro veteres, quos laudaturus sum, quibusque ad idem demonstrandum jam usi sunt Norisius & Vaillantius, Antiochiæ ad Orontem fuere cusi per triennium, quo Publius Quintilius Varus præfuit Syriæ; cujus metropolis erat Antiochia. In antica parte Jovis tantum caput exhibent barbatus & laureatus, lævam versus, sine epigraphe: sed in postica, ubi cernitur muliebris civitatis genius sedens cum palmæ ramo in dextra & Orontis fluvii natantis figurâ ad pedes, legitur **ANTIOXEΩN ENI OTAPOT EK**, vel **ςK**, seu **ϷK**, vel **ZK**, id est, moneta *Antiochensum sub Varo anno vigesimo quinto, vel vigesimo sexto, vel vigesimo septimo (a)*, quibus Varus, Augusti Legatus, Syriam administravit.

A variis epochis annos numeravere Antiochenfes, ut liquet ex eorum numismatibus: sed Augusti ætate utebantur arâ Aëtiacâ, ut certò nos docent eorum nummi argentei, in honorem hujusce Imperatoris cusi,
in

(a) Vide tabulam I.

in quorum averſa parte cernitur idem omnino typus ac in nummis Vari jam deſcriptis, ſed cum epigraphe ΕΤΟΤΕ ΝΙΚΗΣ ΑΚ; id eſt, anno *Victoriæ vigefimo ſexto*. Id ſuſius oſtendam inferiùs Corollario V, adverſus R. P. Faure & alios, qui, contemptâ evidentia, aliter ſentire auſi ſunt, ut gravi contra ſuam ſententiam argumento ſeſe expedire poſſent.

Cùm igitur hæc victoria a Cæſare Octaviano obtenta ſit die ſecunda Septembris anni 723 Romani, ſeu XXXI ante æram vulgarem, his numeris addas 25, 26 & 27 (73), & habebis annos Urbis 748, 749 & 750, ante æram vulgarem VI, V & IV; periodi verò Julianæ 4708, 4709 & 4710, quibus Syriæ præfuit Varus, cujus triennio exeunte obiit Herodes Magnus, ut colligitur ex Joſephi narratione.

Eo teſte (74), *Quintilius Varus Saturnino*
ſuc-

(73) Si inveniretur Vari nummus, ut adnotavit eruditus Vaillantius, ut n. 1, p. 199, cum anno 23, hic etiam cuſus dici poſſet exeunte anno Romano 750 a Kalendis Januarii, ultimo Vari triennii, quo ſecunda Septembris revera inſiit annus 23 Aſtiacus.

(74) Joſephus, ut n. 67, cap. VII, p. 497:

successor missus est in Syriam, anno nempe 748 Romano, seu VI ante aram vulgarem, ut patet ex primo superiori nummo, & ejusdem Josephi Historiâ, ubi Herodis Magni obitus describitur anno Romano 750, seu IV ante aram vulgarem.

Ex Josepho (75) enim Antipater, Herodis filius, a Patre Romam missus est cum pretiosissimis muneribus & testamento, in quo Rex ipsum Antipatrum Regem declarabat. Ibi (76) plura, longa & graviora tractavit negotia: sed ipse apud Patrem (77) de cogitato structoque patricidio accusatus, Hierosolymam (78) rediit (anno circiter II Quintilii Vari), *Regiam enim domum ingressus*, teste Josepho (79), *ibi invenit Varum*, qui fortè per idem tempus Hierosolymis erat, tunc verò ab Herode in consilium de rebus agendis adhibitum. *Hic porro* (80) *Antipatro patricidii crimine convicto, surgens abiit e*
Con-

(75) Id. ibid. cap. iv, p. 494.

(76) Id. patet ex eodem Josephi libro xvii.

(77) Teste Josepho, ut n. 67, cap. vi, p. 496.

(78) Teste eodem ibid. cap. vii, p. 497.

(79) Josephus ibid.

(80) Id. ibid. cap. vii, p. 500.

Concilio, & sequenti die Antiochiam Profectus est, ubi plurimum solebat degere. Hæc namque verba clarè ostendunt Quintilium Varum jam a longo fat tempore Syriæ præesse.

Post Vari discessum, ait Josephus (81), Herodes Antipatrum coniecit in carcerem, & Romam Cæsari de eo significavit per litteras, missis etiam qui coram eloquerentur mandata. Per eodẽm dies interceptæ sunt Antiphili ad Antipatrum ex Ægypto missæ literæ, quibus Acme, Judæa genere (82), & una ex ancillis Juliæ uxoris Cæsaris, ei significabat se voluntati ejus obsequutam, & litteras ad Herodem misisse, & insertum his exemplar fictitiarum Salomes litterarum ad suam Dominam, quæ insidias Herodi tenderent. Herodes, cognitâ filii malitiâ in concitandis turbellis cujuscumque generis, legatos, & litteras accusatrices misit ad Cæsarem.

Interea, eodem Josepho auctore, dum legati (83) instructi mandatis ac litteris Romam properant, Rex, morbo correptus testamentum condidit. Desperatâ deinde salute, quod jam
ad

(81) Id. ibid.

(82) Id. ibid. p. 501.

(83) Id. ut n. 67, cap. VII, p. 501.

ad septuagesimum ætatis annum accederet, duo Interpretes patriæ legis præstantissimi concitaverunt juventutem ut opera, quæ Rex præter patriam consuetudinem fecerat, tollerent; & aquilam auream, quam super majorem Templi portam dedicaverat, detraherent. *Hujus seditionis auctorem* (84) *ejusque socios viros exussit Herodes: in quam notem etiam defectus lunæ incidit*. Hic Josephus convenit quoque cum astronomicis tabulis. Teste enim Petavio (85) anno 750 Romano, seu IV ante æram vulgarem, fuit revera defectio lunaris die XIII Martii, aut potius die XII (86), horis post meridiem antecedentis diei XI, ad meridianum Hierosolymæ circiter $9 \frac{3}{4}$ digitorum, præter propter 9.

Re-

(84) Id. Ibid. p. 502.

(85) Petavius, ut n. 1, lib. XIII, p. 661.

(86) Teste Emman. a Schellstrate *antiquit. Eccles.* tom. I, Dissert. I, cap. II, art. I, p. 17., edit. Romæ MDCXCI, in fol. ubi ait: *Ego verò post accuratissimum calculum, a viro erudito hac de re initum, comperio duas hoc anno (IV ante æram vulgarem) eclipses lunæ contigisse; priorem die XII Martii (& non XIII, ut asserit Petavius) horis post meridiem antecedentis diei XI, &c.*

Regi verò *morbus*, inquit Iosephus (87), *factus est gravior*; pœnam (88) impietatis exigente numine. Ille tamen evasurum se sperabat, accersendis medicis intentus & medicamentis conquirendis undique. Profectus etiam ultra Jordanem fluvium, calidis aquis se fovebat apud Calliroen. Ibi de medicorum consilio immixtus fovendus in refectum oleo solium, visus est illis jam agere animam. Hinc rursùm Hierichuntem reversus est, & paulo post (89) *super venerunt a Roma litteræ a Legatis missis ad Cæsarem, quarum summa erat Acmen ab irato Cæsare occisam esse propter locatam Antipatro operam, ipsumque Antipatrum relinqui arbitrio & Regis & Patris.*

Has diversas circumstantias adnotare volui, ut certiùs judicare possis, quantum temporis effluxit a convicto Antipatro ad ejus necem. Iter enim Legatorum a Judæa in Urbem, rei pergravis tractatio, & Cæsaris iudicii missio ab urbe Roma in Judæam, plurimum

C

rium

(87) Iosephus, ut n. 67, cap. VIII, p. 502.

(88) Id. ibid. p. 503.

(89) Teste eodem Iosepho ibid. cap. IX, p. 504.

rium mensium spatium necessariò ostendunt: unde non sine fundamento dicere possum Herodem mortuum anno tertio Vari legationis in Syria, seu anno XXVII Aetiaco, quo cuminum est tertium Vari numisma superius descriptum. Hic porro annus est 750 Romanus, quo, ex Josephi narratione, Herodes vità decessit, ut statim dicam.

Herodes, teste Josepho (90), auditâ litterarum summâ paululum recreatus est, sed mox repetitus gravi dolore sese occidere voluit, ac cultelli ictu perpetrasset facinus, ni Achiabus nepos ictum præveniens, clamore sublato cohibuisset ejus dexteram: moxque denuò luctus cum trepidatione ac tumultu occupavit palatium, quasi Rege jam agente animam. Strepitum persensit Antipater, & patrem vitam finisse credidit. Hinc spem concepit, & cum custode carceris de missione egit, multa & in præsens & in futurum post acquisitam potestatem pollicens. Sed custos conatus ejus nunciavit Regi, qui exclamans præ indignatione jussit uni e satellitio, ut sine mora Antipatrum occideret.

He-

(90) Id. ibid.

Herodes deinde, inquit Iosephus (91), mutata voluntate, mutavit etiam testamentum. Antipam enim, quem prioribus tabulis regni successorem destinaverat, Galilææ simul ac Perææ Tetrarcham constituit; regnum verò Archelao largitus, Trachoniticam (92), Gauloniticam, Bataneam & Paneada regiones Tetrarchiæ nomine assignavit Philippo filio, germano fratri Archelai. His ita ordinatis quintâ die, postquam filium Antipatrum occidit, vitam defunctus est, post detrusum regno Antigonum anno trigesimo quarto; ex quo autem a Romanis Rex declaratus est anno trigesimo septimo (93), vir in omnes ex aquo

C 2 sa-

(91) Iosephus, ut n. 67, p. 504.

(92) Id. ibid. p. 505.

(93) Hæc eadem dicere voluit eruditus Vaillantius, ut n. 1, p. 198, sed peregrinante animo, nisi editionis Correctoris errore, omnia perturbavit, cum, auctoritate Iosephi, ut ait, scripserit Herodem obiisse anno 37 a detruso Antigono & 34 ex quo Rex a Romanis declaratus fuerat; & quod peius est, subiungit Antigonum detrusum anno Romano 714, & Herodem a Romanis Regem salutatum anno Romano 717; ubi certè præter Auctoris intentionem, scriptum legitur 37 pro 34, 714 pro 717, 34 pro 37, & 717 pro 714.

servus, iræ servus, juris Dominus. Testamento lecto, acclamatum est Regi Archelao, qui curavit ut exsequiæ patri fierent quàm splendidissimæ, quique, *per septem dies juxta patriam legem luctu parentis celebrato*, in templum ascendit, ubi gratulatrices voces accipiens & pro iis gratias agens, ait tamen abstinere se a Regis nomine, quod ab auctoritate & assensu Cæsaris pendeat, penes quem sit testamenti a patre scripti confirmatio.

Hinc, auctore Josepho (94), Judæorum quidam, novarum rerum cupidi, descentes Matthiam & socios, quos Herodes affecerat supplicio, *seditionem concitârunt in ipso Paschatis festo*. Eos compescere placide conabatur Archelaus, *quod pararet profectiorem ad Cæsarem*, ut sententiam Cæsaris cognosceret: sed cum verbis placare non posset, *in eos (95) misit exercitum*, edixitque per præconem ut omnes in sua discederent, unde illi, *festivitate relicta, abierunt*. Tum Archelaus ad mare descendit, & Romam navigavit.

He-

(94) Josephus, ut n. 57, cap. xi, p. 506.

(95) Id. ibid. p. 507.

Herodes igitur obiit mense Martio, aliquot tantum diebus ante Paschatis festum, anni 750 Romani, 37 incœpto ex quo Rex a Romanis declaratus fuerat, 34 pariter incœpto a detruso Antigono, tertio Vari legationis in Syria, 4710 periodi Julianæ, & IV ante æram vulgarem; quo anno Paschatis festum celebratum est die IX vel X Aprilis (96). Si enim ab anno 4674 periodi Julianæ, quo Herodes Rex a Romanis declaratus est, ut dixi superius Sectione I, numeres 37 annos, habebis annum 4710. Item si ab anno 4677 ejusdem periodi Julianæ, quo Hierosolyma capta & detrusus Antigonus, ut dixi superius Sectione II, numeres 34 annos, habebis pariter annum 4710, seu IV ante æram vulgarem.

IV. Idem evincitur ex anno, quo deinde exulavit Archelaus. Hic, inquit Josephus (97), ethnarchiâ susceptâ, memor discordiæ superioris, non solum Judæis, sed etiam Sama-

C 3 rien-

(96) Non vero die xxviii Martii, ut negligenter scripsit Vaillantius, ut n. 1, p. 197.

(97) Josephus, ut num. 67, *de bell. jud.* lib. II, cap. vi, p. 681.

riensibus crudeliter abusus est : nonoque principatus sui anno Legatis contra se ab utrisque ad Casarem missis , ipse quidem in exilium pellitur Viennam Gallia civitatem ; Patrimonium verò eius fisco Caesaris adjudicatur . Alibi tamen Iosephus (98) scribit Archelaum in exilium missum anno principatus decimo ; proditque in vita sua (99) patrem sui ipsius Mathiam natum fuisse anno decimo principatus Archelai , cuius rei testes appellat publicas tabulas . Unde fat evincitur Archelaum regnasse novem annis completis , inito jam decimo . Porro si Judæorum more a Martio anni Romani 750 numeres decem annos , decimi initium habebis mense Martio anni Romani 759 , seu VI æræ vulgaris, Romæ Consulibus Æmilio Lepido & Lucio Arruntio .

Id præcisè nos docet Dio (100) , dicens : Marco Æmilio Lepido & Lucio Arruntio Consulibus , *Herodes Palaestinus* (Archelaus
nem-

(98) Id. ibid. *antiq. Jud.* lib. xvii , cap. xv , p. 516.

(99) Id. ibid. *de vita* , p. 585.

(100) Dio Cass. *Rom. Hist.* lib. lv , p. 347 , edit. Basileæ MDLVI , in fol.

nempe) a fratribus accusatus, trans alpes est relegatus, ac pars ejus ditionis in publicum redacta. Cùm igitur Archelaus exulaverit anno 759 Romano, teste Dione, & decem annis incompletis a morte patris regnaverit, teste Josepho, evidens est Herodem Magnum obiisse anno 750 æræ Romanæ, seu IV ante aram vulgarem.

Jam exule Archelao, Imperator Augustus, teste Josepho (101), Senatorem Quirinium, virum Consularem, misit in Syriam ut jura populis redderet, facultatesque censeret omnium. Hic in Judæam venit jam attributam Provincie Syria, ut percenseret facultates ejus regionis civium, & Archelai pecunnias in potestatem suam redigeret. Hic census, subdit Josephus (102), incidit in annum trigesimum septimum post victum a Casare in Actiaca pugna Antonium. Quod confirmat assignatum Archelai exilii annum. Cùm enim navalis apud Actium pugna commissa fuerit anno 723 Romano, die secundâ Septembris,

C 4 an-

(101) Josephus, ut n. 67, lib. xviii, cap. I, p. 517.

(102) Id. ibid. cap. III, p. 519.

annus inde XXXVII cœpit eadem die anni 759 æræ Romanæ, seu VI æræ vulgaris.

V. Eeodem anno, IV ante æram vulgarem, Herodis Magni mortem pariter evincunt Herodis Antipæ & Philippi, ejus filiorum, historia & numismata antiqua, testes vere coætanei, cùm iis tunc uterentur Judæi & Syri eorum vicini.

Primò quidem Philippi nummi, quorum istum, ex æræ medio, publici juris fecit eruditus Abbas Fontenus (103). In antica parte exhibetur caput Augusti laureatum, lævam versùs, cum epigraphe **KAICAPOC CEBACTOT**, id est, *Cæsaris Augusti*. In poslica vero legitur: **ΦΙΛ... ΤΕΤΡΑΡΧΟΥ**: circa templum, inter cujus columnas adsunt elementa **Λ. ΑΓ** (104), idest, *Philippi Tetrarchæ anno trigesimo tertio*.

Opus est, ut videtur, non Judæorum, quibus vetabatur Principum effigies depingere, & mul-

(103) Fontenu *sur une med. de Phil. le Tetrar.* edit. apud *Histoire de l'Acad. roy. des inscrip.* t. III, p. 405, à Amsterdam MDCCLXXI, in 12.

(104) In icone Fonteniana malè scriptam est **ΑΓ** pro **ΑΓ** Sculptoris errore. Vide tab. 14.

& multò magis templa eorum frequentare : sed Syrorum , Cæsaream Philippi incolentium , qui in eo caput Augusti , templum in ejus honorem ad Panium ab Herode Magno antea conditum , & annum ab Aëtiaca victoria (105) more suo (106) exhibuerunt .

Annus porro XXXIII Aëtiacus iniit secundo Septembris anni secundi æræ vulgaris , & exiit eodem die anni tertii , fuitque VI Tetrarchiæ Philippi . Philippus enim , auctore
Jo-

(105) Epochæ , cujus annus XXXIII in nummo ob-
signatur , alia esse non potest præter Aëtiacam , quæ
initium ducebat a secundo Septembris anni 723 Roma-
ni , seu XXXI ante æram vulgarem . Cùm enim num-
mus cufus fuerit Imperatore Augusto & Tetrarcha Phi-
lippo , quorum nominibus insignitur , annus XXXIII
numerari potest nec ab epocha Seleucidarum , cujus ,
primis Tetrarchiæ Philippi annis , jam currebat IV se-
culum ; nec ab æra Pompeiana , cujus tunc erat annus
circiter LXX ; nec ab epocha Julii Cæsaris , cujus jam
numerabatur annus ad minus quinquagesimus ; nec a
condita Cæsarea , cujus anno XVI obiit Augustus ;
nec tandem a Philippi principatu , cujus , moriente
Augusto , numerabatur tantum annus circiter XLII.

(106) Syri Antiochenfes , ut jam dixi superiùs
Sectione III , & ostendam infra Corollario V , Seleu-
cenes & alii , annos , imperante Augusto , a victoria
Aëtiaca computabant .

Josepho (107), obiit anno Tiberii principatus vigesimo, cum ipse praefuisset triginta septem annis Trachonitidi, & Gaulanitidi ac Baſſanae. Anno XXXIII aerae vulgaris, die XIX mensis Augusti, Tiberius annum Imperii vigesimum iniit, eumque explevit eodem die anni sequentis XXXIV. Obiit igitur Philippus inter Augustum anni XXXIII & Augustum anni XXXIV, annusque ejus Tetrarchiae XXXVII iniit mense Martio anni XXXIII aut XXXIV. Si inierit anno XXXIII, primus Tetrarchiae annus coepit anno IV ante aerae vulgarem; si vero annus XXXVII inierit mense Martio anni XXXIV aerae vulgaris, primus Tetrarchiae annus coepit anno III ante eandem aerae. Igitur Herodes Magnus obiit anno IV, aut anno III ante aerae vulgarem: sed quia ex nummis Herodis Antipae, infra describendis, patet eum obiisse ante annum III, anno IV obiisse dicendus est.

Rursus, si ab anno Actiaco LXIV, currente cum Tiberii principatus XX, quo obiit Philippus, retro numeres XXXVII ejus Tetrarchiae

(107) Josephus, ut n. 67, lib. xviii, cap. vi, p. 526.

trarchiæ , annum habebis Aëtiacum XXVII : annus igitur Aëtiacus XXXIII , Philippi nummo obsignatus , fuit VI ejus Tetrarchiæ . Cum autem annus XXXIII Aëtiacus inierit anno secundo aræ vulgaris , manifestum est Philippum principatum iniisse anno IV ante eandem aram , eodemque anno obiisse Herodem Magnum .

Secundò , vetus Herodis Antipæ nummus ex ære parvo , in Gazophylacio Clementis XIV , Pontificis Maximi , asservatus , cujus occasione hæc scribo , signatus fuit anno XLIII Herodis . Hic enim in antica parte exhibet coronam lauream , intra quam græcè legitur ΓΑΙΩ ΚΑΙΣΑΡΙ-ΓΕΡΜΑΝ . Id est , *Cajo Casari Germanico Augusto* ; & in postica cernitur palmæ ramus cum epigraphæ ΗΡΩΔΗΣ ΤΕΤΡΑΡΧΗΣ Λ. ΜΓ : Id est , *Herodes Tetrarcha anno quadragesimo tertio (a)* . Vaillantius , celeberrimus numismatologus , alterum fere consimilem edidit , sed in aversa facie loco Λ. ΜΓ , legitur Λ. ΜΔ , id est , *anno quadragesimo quarto (b)* .

Qua-

(a) Vide tab. III.

(b) Vide eandem tab.

Quatuor igitur & quadraginta annis Tetrarcha fuit Herodes Antipas . Hic porro perpetuo exilio apud Lugdunum urbem Galliae , a Caio Caligula , Romanorum Imperatore , damnatus est , teste Iosepho , qui fusiori calamo rem ita narrat .

Imperante Tiberio , Agrippa (108) Aristobuli filius , ac Herodis Magni nepos , patruo Herodi Antipæ infensus (109) quod sibi apud Tyrum in convivio , cùm largius indulissent poculis , paupertatem exprobrasset , ad Flaccum , virum Consularem , & tùm Syriæ Præsidem primùm se contulit , & deinde in Italiam navigavit . Ibi a Caio (110) , deinde Imperatore , in intimam amicitiam receptus , die quodam dùm unà vehitur curru , incidit in confabulationem de Tiberio ; & quia soli erant , precatus est Tiberio , ut quamprimùm principatûs locum Caio digniori cederet . Quibus ad Imperatorem ab auriga delatis , Agrippa in vincula dejicitur sub custodia .

Mortuo autem Tiberio , Caius , ejus success-

(108) Id. ibid cap. vii , p. 527 .

(109) Id. ibid , cap. viii , p. 528 .

(110) Id. ibid. p. 529 .

cessor (111), nimium sui cultorem Agrippam non solum e custodia eripuit, sed capiti ejus diadema imposuit, Tetrarchiæ, quæ Philippi fuerat, Regem constituit, adjecit Lysaniæ Tetrarchiâ, & pro ferrea catenâ dedit ei auream pari pondere. *Altero deinde anno principatus Caii Caesaris, Agrippa petiit veniam navigandi in suum Regnum, ordinandi ejus gratiâ, reversurum se eo peracto pollicitus.*

In Judæam pervenit æstate jam declinante anni XXXVIII æræ vulgaris, secundi Caii Imperatoris. Rex enim, teste Philone (112), a Caio monitus ne Brundisio solveret, petiturus Syriam, quod ea navigatio longa esset ac difficilis; utereturque potiùs compendiariâ per Alexandriam, expectatis etesiiis... paruit ut Domino consulenti utilia.

Herodias autem (113), Agrippæ Soror ac Herodis Antipæ Uxor, femina ambitiosi animi,

(111) Id. ibid. p. 534.

(112) Philo *omn. quæ exstant oper. lib. in Flaccum* p. 968, edit. Lutetiz Paris. MDCXL, in fol.

(113) Teste Josepho, ut n. 67, lib. XVI, cap. IX, p. 534.

mi, regiam fratris dignitatem ægrè ferebat, quod cum in celliore quàm maritum cerne-
ret fastigio. Hinc non poterat imperare suis
affectionibus ut maritum modò rogans, mo-
dò etiam socordiam exprobans, ad similia
speranda, & susceptâ transmarinâ peregrina-
tione apud urbem ambienda erigeret: ne-
gans sibi vitam ferendam diutiùs, si Agrippa
Aristobuli, a patre supplicio traditi, filius,
& ob extremam inopiam metu creditorum
profugus, reversus regno fruatur: ipse verò
filius Regis, & a cognatis ad Regnum in-
vitatus, per desidiam nihil tale affectaret,
privatâ vitâ contentus.

Ast Herodes resistebat (114) tum quietis
amore, tum quia suspecta habebat Romana
negotia; unde conabatur (115) eam in di-
versam sententiam traducere: verùm cum
molestiorem in dies uxorem pateretur, ei-
dem morem tandem gerere coactus, sine
parsimonia factò apparatu exquisitissimo, unà
cum Herodiade Romam proficiscitur.

Agrippa, ait Iosephus (116), cognitâ
He-

(114) Ex eodem ibid.

(115) Teste eodem ibid. p. 535.

(116) Iosephus ibid.

PROPOSITIO I. 63

Herodis mente , quamprimùm e portu eum solvisse didicit , etiam ipse Romam misit Fortunatum , Libertum suum , ad Imperatorem cum muneribus & litteris contra Herodem ; *simulque mandavit ut per occasionem amplius cum Principe super hoc negotio differeret .* Unà fere Puteolos uterque appulit , & Caius tum forte Baiis in Campania erat . Itaque Imperator , ab Herode salutatus , Agrippæ perlegit litteras , accusantes Herodem , quòd priùs cum Sejano conspirasset in Tiberium , & nunc iterum Artabano partho faveret contra Caii novum imperium . Argumento erat ipsius Tetrarchæ apparatus , qui in armamentariis suis haberet tantum armorum , quantum instruendi virorum septuaginta millibus sufficeret . *Quâ re Caesar commotus , percontatus est Herodem , utra ne essent quæ nunciarentur de armorum numero .* Quo annuente , satis approbatam putans defectionem , ademptam illi Tetrarchiam ad Agrippæ Regnum adjecit , pecuniam quoque ejus donans Agrippæ indici . Herodem verò perpetuo damnavit exilio apud Lugdunum , urbem Gallie .

Antipas igitur ex Tetrarchia sua dimotus
est

est ante Caligulam mortuum ineunte anno XLI æræ vulgaris ; immò ante autumnum anni præcedentis . Hujus enim anni XL mense Septembri Agrippa , Caium Caligulam Baias comitatus , ait illi , teste Philone (117) , *donasti mihi Regnum , quâ sorte nulla inter mortales felicior . Id cum prius unam regionem non excederet , adjunxisti mihi mox majorem alteram , Trachonitim & Galilæam .* Unde evidenter patet quod tunc Agrippa , Herode Tetrarchâ exulante , acceptam antea a Caio Galilæam possidebat .

Anni igitur XLIV Tetrarchiæ Herodis Antipæ , veteribus ejus nummis obsignati , effluerunt a morte patris Herodis Magni ad annum currentem XL æræ vulgaris , seu 793 Romanum , cujus mense Septembri jam exulabat Antipas . Porro si Judæorum more a Martio anni 750 Romani numeres XLIV annos , XLIV initium habebis mense Martio anni 793 . Ergo Herodes Magnus obiit post initum Martium anni Romani 750 , seu 4710 periodi Julianæ , qui est IV ante æram vul-

(117) Philo , ut n. 112 , lib. *de legat. ad Caium* , p. 1037 .

vulgarem : non autem ante , quia sic invenire non liceret annos saltem inchoatos XXXVII Regni ejus ex quo Judæorum Rex a Romanis declaratus fuerat ; nec etiam , post , quia sic Herodes Antipas non potuisset attingere initium anni XLIV Tetrarchiæ suæ .

Iis igitur prænarratis , inquirendum est num contra assignatum mortis Herodis Magni tempus quid valeant argumenta opinionumque Chronologorum & aliorum , qui aliter sentiére .

COROLLARIUM I.

Errat Keplerus scribens Herodem Magnum a Romanis Judææ Regem declaratum fuisse hieme anni XL ante æram vulgarem .

RECTè quidem censet Keplerus Herodem Magnum Judææ regnum a Romanorum Senatu obtinuisse anno Romano 714, seu XL ante æram vulgarem , sed perperam scribit (118) Marcum Antonium & Cæ-

D fa-

(118) Keplerus *de natal. Christi* cap. VIII , apud Norisium , ut infrà n. 121 , col. 120 .

farem circa æquinoctium verum Romam venisse, ac Herodem Regem factum primo quadrante anni VI Juliani, seu XL ante æram vulgarem, cum æstate sequenti expectaretur Olympias 185.

Idem cogitasse videtur Montacutius (119), dum annum Romanum 717, in mense Junio, quartum vocat Regni Herodis.

Haud dubie iis erroris causa fuit Flavius Josephus, dum scribit (120) Herodem regium fastigium adeptum esse *Domitio Calvino iterum & Caio Asinio Pollione Consulibus, Olympiade centesimâ octogesimâ quartâ*: quia Olympias hæc exiit anno XL ante æram vulgarem mense Julio, inquit Olympias 185. Verum hic Josephus aut Olympiades inchoavit ab Octobri, quod Syris in usum fuisse quidam sentiunt (121), aut, assignato anno consulari pro charactere Chronologico, minus

(119) Montacutius in *apparatu V*, num. 10, apud Norisium, ut infra n. 121, col. 121.

(120) Josephus, ut n. 67, lib. XIV, cap. XXVI, p. 424.

(121) Teste Henric. Norisio *Oper. omn.* tom. III, *Cenotaph. Pisani*. Dissert. II, cap. VI, col. 222, edit. Veronæ MDCCXXIX, in fol.

nus diligenter addidit Olympiadem currentem initio anni consularis quo utitur, vel initio anni sacri Judæorum, a quo Herodis regni annos numeravit. Sic, qui æram vulgarem tamquam veram admiserunt, vulgò scripserunt Christum natum esse anno primo ante æram vulgarem, seu ab Urbe conditâ 753, die XXV Decembris, Consulibus Lentulo & Pisone, licet jam antea iniisset annus ab Urbe conditâ 754. Quemadmodum enim isti diligenter tantum attendunt ad annum ante æram vulgarem, addito anno Romano currente initio assignati anni ante æram vulgarem, ita Josephus diligenter indicato anno Romano Consulum nominibus, cum paulò minori diligentia subungere potuit Olympiadem, currentem initio illius anni.

Quod autem res ita sit, illud invictè forsitan probabo, duce Eminentissimo Norisio, qui omninò ostendit Herodem Magnum a Senatu Romano Judææ regnum obtinuisse anno XL ante æram vulgarem, seu 714 Romano, exeunte circiter Septembri.

Anno enim XLII ante æram vulgarem, ut rem altius repetam, seu 712 æræ Romanæ, Consulibus Marco Æmilio Lepido iterum &

Lucio Munatio Flanco, pugnatum est apud Philippos, victisque Bruto ac Cassio, Romani orbis imperium Triumviri inter se partiti sunt.

Hocce autem prælium Philippense exeunte autumnino fuisse commissum colligitur ex Plutarcho, qui narratâ Cassii clade ac morte, de militibus Antonii & Cæsaris Octaviani, antequam postremo prælio cum Bruto conflicerent, scribit: *Ex castrorum (122) concavitate asperrimam hiemem expectabant; paludibus etiam impliciti, præterea post pugnam autumnalibus pluviis copiosi, limo omnia contubernia impleverant, aquâque, quæ ex frigore in glaciem densabatur. De iisdem ait etiam Appianus (123): appetente hieme quoque molestâ, in planicie cænosâ manentibus, &c.* Deinde, victo etiam Bruto, Cæsar in Italiam agros militibus divisurus, transmisit; Antonius verò in Græciam descendens, Athenis hiemavit, teste Plutarcho (124).

Anno insequenti, XLI ante æram vulgarem,

(122) Plutarchus in *Bruto* apud Norisium ibid. col. 211.

(123) Appianus lib. IV, p. 660, apud Norisium ibid.

(124) Plutarchus in *Antonio*, apud Norisium ibid.

rem, seu 713 aræ Romanæ, Publio Servilio & Lucio Antonio, Triumviri fratre, Consulibus, Marcus Antonius, auctore eodem Plutarcho (125), *vere appetente*, Lucio Censorino Græciæ Prasæto, ipse in Asiam transmisit. In Bithyniam primùm advectus, teste Josepho, *omnium gentium* (126) *legationes habuit obviam*. Aderant & Judæorum primates, Phasælum & Herodem accusaturi, quasi in speciem solum regnaret Hyrcanus, re autem verâ tota potestas esset penès hos fratres. Herodem verò Antonius in magno honore habuit, qui ad objecta diluenda venerat, quo factum est, ut ne ad colloquium quidem adversarios ejus admiserit.

Ex Appiano (127), dum Antonius per æstatem in Phœnicia, quæ una Provinciæ Syriae est, moraretur, L. Cocceium ac Cæcinam Cæsaris legatos excepit. Interim exactis totâ Asiâ ac Syriâ tributis, relicto in Asiâ L. Munatio Planco, in Syria vero

D 3

L. De-

(125) Plutarchus ibid.

(126) Josephus, ut n. 67, lib. xiv, cap. xxii, p. 417.

(127) Appianus *de bell. civ.* lib. v, p. 706, apud Norisium, ut n. 121, col. 213.

L. Decidio Saxâ , *militibus* (128) *per hiberna distribatis* , in *Ægyptum* post Cleopatram profectus est , a qua exceptus splendide , biemavit ibi sine insigniis Imperii .

Dum hæc in Asia ab Antonio geruntur , Cæsar in Italia agros militibus dividebat , unde ingentes tumultus totâ passim Italiâ erupere . Eos bellum inter Lucium Antonium , Consulem , & Cæsarem Octavianum circa autumnum consequutum est . Lucius Antonius , plerisque frustra tentatis , Perusiam tandem se recepit . Cæsar eum statim insequutus , triplici exercitu Urbem cinxit . Obsidium per hiemem protractum est : Urbs enim in collibus sita , ac numerosis copiis munita , nisi fame expugnari poterat . Lucius Antonius , teste Appiano (129) , *nocte quæ Kalendarum Januariarum præcedit* , eruptione factâ , castra Cæsaris aggressus , cum multa suorum clade repulsus est . Nonnisi igitur anno insequenti dedita est Perusia .

Ineunte hoc anno , XL ante aram vulgarem , seu 714 Romano , jam incæpto ab
au-

(128) Appianus *ibid* p. 677 , apud eum. *ibid*.

(129) *Id. ibid.* p. 689 , apud eum. *ibid*.

autumno , Consulibus Domitio Calvino II & Caio Asinio Pollione , Lucius Antonius ciborum inopiâ deditionem facere coactus est. Cæsar Lucii Antonii militibus , auctore eodem Appiano (130), *hiberna designavit epipida , simulque qui eos deduceret*. Idem paulò ante scripserat : Lucius Antonius Consul *Perusiam* (131) *ideò venerat , ut , si opus esset , in Urbe munitâ hiemaret , donec Ventidius veniret cum sociis*. Obsessa igitur est Perusia anno XLI ante æram vulgarem , instante hieme , & dedita ineunte anno insequenti , antequam hiems exiret .

Dum hæc in Italia gerebantur, Labienus, qui ex clade Philippensi ad Parthos fugerat , auctor fuit Orodi , eorum Regi , ut Italiâ bello civili inter Cæsarem Octavianum & Lucium Antonium flagrante , Marco Antonio verò in hibernis Ægypti voluptatibus turpi socordiâ indulgente , Syriam occuparet . Hinc Parthi , Pacoro Regis filio ac Labieno Ducibus , Syriam aggressi appetente vere , nullo negotio universam , exceptâ Tyro , sube-

D 4 ge-

(130) Id. *ibid.* p. 699 , apud eund. *ibid.*

(131) Id. *ibid.* p. 689 , apud eund. *ibid.* col. 214.

gerunt, divisiſque copiis Labienus in Aſiam, Pacorus verò in Palæſtinam movit, teſte Dione (132).

Scribit autem Joſephus (133) hanc Parthorum in Syriam irruptionem contigiſſe *altero anno* a Marci Antonii in Aſiam adventu. Perro, ut jam oſtendi, Antonius anno XLI ante æram vulgarem e Græcia in Aſiam tranſmiſerat, ac anno colligendis tributis conſumpto, Alexandriam, hieme inſtante, perrexerat. Parthi igitur Syriam invaſerunt anno XL ante æram vulgarem, ſeu 714 Romano, menſe circiter Martio. Hinc Plutarchus cùm narraſſet ludos, convivias, cæterasque voluptates, quibus Marcus Antonius per hiemem apud Cleopatram indulſerat, ſubjungit: *ejusmodi rebus* (134) *intento Antonio, duo Nuntii eodem tempore afferuntur; alter, quo certior factus eſt Lucium fratrem & Fulviam uxorem primò inter ſe diſſidentes, deinde cum Cæſare pugnantes, amiſſis*

re-

(132) Dio, ut n. 100, lib. xlviii, p. 219.

(133) Joſephus, ut n. 67, lib. xiv, cap. xxi, p. 419.

(134) Plutarchus in Antonio, apud Norſium, ut n. 121, col. 214.

rebus, Italiâ pulsos; alter, Labienum Parthorum Ducem, omnem Asiam ab Euphrate & Syriam, & Lydiam & Joniam occupasse narrabat.

Marcus Antonius, tanto armorum fragore excitus, inquit Appianus, *verno tempore (135) Alexandriâ Tyrum profectus est;* ubi cum accepisset Asiaticas provincias in Parthorum potestatem venisse, Italicum bellum prætexens, Athenas navigavit, ut cum Sexto Pompeio, magni filio, qui Siciliam cum instructissima classe tenebat, belli adversus Cæsarem societatem iniret, illatasque Lucio fratri apud Perusiam injurias ulcisceretur.

Interea, ut ex Josepho patet, Palestinæ Hyrcanus imperabat, omnia tamen unius Herodis, ejusdem generi, arbitrio gerebantur: quod agrè ferens Antigonus, cujus pater Aristobolus Judææ regno quondam a Pompeio privatus fuerat, Parthos totâ Syriâ victores, ingentium præmiorum promissis allectos, in Palæstinam accivit, ut eorundem operâ Paternum regnum recuperaret. Pa-

co-

(135) Appianus *de bell. civ.* lib. v., p. 701, apud Norisium ibid.

corus cùm sciret Hyrcanum Romanorum, partibus studere, cum duplici exercitu in Judæam statim venit, ut dejecto Hyrcano, Antigonum regno præficeret. Antigonus cum copiis, quas privatâ pecuniâ collegerat, Hierosolymam movit, atque a Civibus, Herodis regimen perosis, intrâ Urbem admissus est: regiam tamen non occupavit, quòd & situ munita, & valido milite intructa, ab Herode tenebatur. Pacorus exercitum procul ab Urbe castra metari jussit, expectans, ait Josephus (136), *conventuras e tota regione turbas ad Pentecosten, quam vocant, festivitatem, quæ dies postquam illuxit, multa hominum millia circâ templum congregata sunt, tam armatorum quam inermium. Pentecostes igitur tempore anni XL ante æram vulgarem, Hierosolymis adhuc erat Herodes, qui tunc, subjungit Josephus, cum suorum cohortibus erupit in hostem agentem in suburbio.*

Paulò post Pacorus, ut patet ex eodem Josepho (137), prætectu seditionis componen-

(136) Josephus, ut n. 67, lib. xiv, cap. xxiv, p. 420.

(137) Id. ibid.

nendæ, partem exercitûs Urbi admovit, ac Hyrcanum in colloquium amicè venientem, ac nullos dolos veritum, specie legationis ad Barzapharnem ducit, qui cum altero exercitu longius Hierosolymam substiterat. Hyrcanus ubi in castra venit in vincula conjicitur (138), ac Antigonus Judæis Rex statim imponitur. Herodes, qui in Regia remanserat, Hyrcani captivitate intellectâ, Hierosolymis relictis suos secum milites cum familia ducens, Massadam munitissimum oppidum se recepit: eodem verò valido præsidio ac copioso comœatu instructo, quò obsidium diutius protraheret, si eò Antigonus cum exercitu venisset, magnis itineribus in Arabiam ad Malchum Regem Nabatæorum, pluribus sibi beneficiis obstrictum, perrexit. Verùm a Malcho jussus Regni finibus excedere, in Ægyptum iter intendens, venit Rhinocuram, inde Pelusium: ubi a nautis Alexandriam navigaturis exclusus, a Magistratu ejus Urbis summo cum honore in Ægypti regiam deductus fuit. Cleopatra, cum Alexandriæ detinere conata est; *haud*

t. 1.

(138) Teste Josepho *ibid.* cap. xxv, p. 421 & seqq.

tamen , ait Josephus (139) , *efficere potuit ne Romam properaret procelloso* (140) *licet tempore ; & parùm tranquillis , ut nuntiabatur , rebus Italiae . Solvens igitur inde versùs Pamphyliam , & cum gravi tempestate conflictatus , agrè in Rhodum evasit , jacturâ etiam Sarcinarum factâ .*

In Italia autem Cæsar Octavianus , cùm accepisset Marcum Antonium in Græciam venisse , veritus ne idem inito cum Sexto Pompeio fœdere , bellum sibi renuntiaret , animum induxit Fulvii Caleni , qui Antonii nomine Galliam ac Hispaniam tenebat , legiones suas in partes trahere . Dum cunctatur , honestam occasionem perficiendi consilii expectans , Calenus Legatus morbo absimitur , ac Cæsar properè in Galliam profectus ,

(139) Josephus *ibid.* p. 413 .

(140) Hic Josephi interpres scripsit *licet hiberno tempore* , sed minùs benè ; vox enim Græca *Cheimnos* , qua utitur Josephus , tum *hiemem* , tum *maris procellam* promiscuè significat , eoque in loco *hiemem* nullo pacto designare potest , ut jam a¹notavit eruditissimus Anton. Pagi^{us} *Critica Historico-chronol.* t. I , *Apparat. Chronol.* p. 16 , edit. Antuerpiæ MDCCV , in fol. & ut fusiùs dicam infra Corollario IV.

Atus, Antonianas legiones sibi adjunxit, simulque Galliam ac Hispaniam, quæ huc usque Antonii legato paruerant, occupavit. Antonius hisce intellectis, cum Sexto Pompeio contra Cæsarem conspirans, cum classe in Italiam venit, ac statim Sipuntum cepit; inde Brundisium copias admovit, & Urbem terrâ marique obsedit, testibus Dione (141) & Appiano (142).

Cæsar Sexti Pompei amicitiam quæsierat, ne cum duobus hostibus unâ simul bellum gerere cogeretur: at cum Pompeius nullas pacis condiciones admitteret, inquit Dio (143), *Marco Vipsanio Agrippæ bellum contra eum gerendum injunxit, ipse verò in Galliam profectus est: quâ re cognitâ Pompeius, observato eo tempore, quo Apollinaribus ludis exhibendis occupatus erat Agrippa, (Præturam enim tunc gerens, ac præcipuus amicus Cæsaris, splendide omnia agebat, ludosque inter cætera equestres biduo præbebat, & Trojam vocatum ludum per nobiles pueros magni-*

(141) Dio, ut n. 100, lib. XLV III, p. 230.

(142) Appianus de bell. civ. lib. v.

(143) Dio, ut n. 100, lib. XLV III, p. 227.

gnificè exercebat) in Italiam transmisit, ac tandiù in ea pradas agendo commoratus est, donec Agrippa adveniret. Etenim Antonius contractâ societate cum Sexto Pompeio, auctor eidem fuerat, ut classe educâ, Italiæ maritima infestaret, dum interim ipse in altera Provinciæ parte Brundisium obsidio premebat.

Ad Herodiani Regni initium rectè consignandum insignis est character, quem Dio eo loci, hujus belli civilis tempus designans, nobis suppeditat, quemque Eminentissimus Cardinalis Norisius (144) primùm observavit. Ex collatis enim testimoniis Macrobiani, Dionis & Tullii demonstrat eruditissimus Cardinalis ludos Apollinares factos fuisse *IV idus Julias*, ac postea decretum, ut natalitia Cæsaris eo die celebrarentur. *Ludis Apollinariis*, scripsit Livius (145) *ante diem quintum idus quintiles Cælo sereno interdum obscurata lux est, cum Luna sub orbem Solis subisset*. In veteri Calendario, a Lambecio publicato, *III non. Julii* signantur ludi Apollin-

(144) Norisius, ut n. 121, col. 217.

(145) Tit. Livius *Hist. rom.* IV, lib. XXXVII, cap. IV, p. 289, edit. Paris. MDCLXXXI, in 4.

linares; dein *IV idus Julii Caesaris natalis*; & statim *III id. Iudi Apollinares*. Habemus itaque ex Dione, Agrippam Prætorem anno Romano 714, seu XL ante æram vulgarem, mense Julio, dimidiâ sui ferè parte, exacto, circa *Iudos Apollinares occupatum*, quo tempore Sextus Pompeius Thurios & Cosentiam obsedit; Antonius verò Brundisium, militari coronâ vallatum, premebat.

Cæsar Octavianus, novis Legatis Galliæ & Hispaniæ impositis, in Italiam venit, statimque jussit Agrippæ, ut contra Pompeium copias duceret, ipse verò contra Antonium movit, ac propè ejusdem vallum castra metatus est. Agrippa Sipuntum levî negotio recepit: Pompeius verò a Thuriis repulsus, Cosentiæ obsidium continuabat. Antonius diuturnioris obsidionis impatiens, machinas dejiciendis mœnibus parabat, nec Cæsari ulla spes erat munitiones Antonii superandi. Hæc mense Septembri contigisse nullus inficias ibit. Nam Cæsar antequam Brundisium in agrum veniret, *Canusii*, teste Appiano (146), *per aliquot dies corpore lan-*

(146) Appianus *de bell. civ.* lib. v, p. 704, apud Norisum, ut n. 121, col 220.

Languens decubuerat . Interea utriusque partis milites moleste ferre cœperunt Ducum ambitione , mutuisque suspicionibus Italiam civilibus armis devastari , colloquia de componendis mutuo fœdere Imperatoribus miscere , pacem publicè loqui , suam in bello operam negare . Tùm Lucius Cocceius , Cæsari ac Antonio ex æquo pergratus , ultrò citròque ad eosdem commeans , pacem tandem inter utrumque certis quibusdam conditionibus conciliavit . Antonius Ventidio in Asiam adversus Parthos ire iussu , unà cum Cæsare in Urbem profectus est .

Hæc ubi Romæ audita sunt , Senatus utrique triumviro ovationem decrevit , quod pacem fecerat , ut patet ex fastis Capitolinis , in quibus legitur :

IMP. CAESAR DIVI F.C.N. III VIR R.P.C.OVA...
QUOD PACEM CUM M. ANTONIO FECIT .

M. ANTONIUS M.F.M.N. III VIR R.P.C.OVA...
QUOD PACEM CUM IMP. CAESARE FECIT .

Revera quidem malo Chronologiæ fato , annum & dies , quibus ovantes Antonius & Cæsar Urbem ingressi sunt , temporis injuria abrafit ; annum tamen Romanum 714, seu XL
an-

ante æram vulgarem , rectè colligit Norisius (147) ex triumpho Lucii Censorini , qui in iisdem tabulis postea sic recitatur :

L. MARCIVS L. F. C. N. CENSORINVS COS.
EX MACEDONIA K. JAN.

Anno enim Romano 715 , seu XXXIX ante æram vulgarem , Marcius Censorinus die Kal. Januarii , quâ Consulatum cepit , triumphum pariter egit . Igitur ovatio Antonii anno superiori , currenti nempe , contigerat .

Rursus circa finem Septembris utrumque Imperatorem Romam ovanem intrasse , non obscurè demonstrant res de brevissimo illo bello a Romanis Scriptoribus narratæ . Bellum enim eruperat circa dimidium Julii ; Agrippa ludis Apollinaribus occupato , ac Cæsare Galliæ & Hispaniæ statum Romæ procul disponente : qui cum ex Gallia revertisset , ac contra Antonium legiones duceret , iisdem , quod contra suum dudum Imperatorem pugnare recusarent , castra deserentibus , alium exercitum accire coactus fuit . Dein per aliquot dies ægrotavit , antequam

E pro-

(147) Norisius , ut n. 121 , col. 210 ,

propè Antonium castra metaretur. Ad hæc apud Brundisium gesta vix bimestri spatio unà cum superioribus contingere potuerunt : unde vel exeunte Septembri , vel ineunte, Octobri , uterque Imperator ac triumvir Romanus ovantes rediére , ac non modò Urbem , verùm etiam Italiam universam ingenti lætitiâ affecerunt .

Dum hæc in Italia geruntur , Herodes instructâ apud Rhodum triremi *in Italiam Brundisium appulit* , ait Josephus (148) : *inde Romanam profectus , ante omnes Antonio denarravit ea quæ sibi in Judæa contigerant , & quod Hyrcanus apud Parthos captivus detineatur , & quod Antigonus Regem constituissent* , se autem per procellas ad ipsum navigasse , a quo afflictæ , atque tùm ab hoste obsessæ familiæ meliora fata speraret . Antonius , teste Josepho (149) , amici vicem dolens , simulque indignatus Antigonus , Parthorum copiis instructum , Judæam invasisse , re cum collega triumviro communicatâ , communi

con-

(148) Josephus , ut n. 67 , lib. xiv , cap. xxv , p. 423 .

(149) Id. ibid. cap. xxvi , p. 425 .

consilio decreverunt, Herodem Judæorum Regem per Senatum designare. Itaque convocatis patribus, Regnum Palestina: Herodi Senatûs-consulto delatum est. Non igitur ante mensem Septembrem anni 714 Romani, seu XL ante aram vulgarem, Herodes a Romanis Judææ Regnum obtinuit, ut evidenter patet ex narratis, quæ mihi suppeditavit Eminentissimus Norisius.

COROLLARIUM II.

*Errat Calvisius scribens Herodem Magnum
a Romanis Judææ Regem declaratum
fuisse adulto vere anni XL ante
aram vulgarem.*

ID probare hîc non intendo. Cùm enim ex superiori Corollario I, omninò constet Herodem Judææ Regnum a Romanis non obtinuisse ante mensem Septembrem ejusdem anni XL ante aram vulgarem, inde evidenter patet id non contigisse adulto vere illius anni, ut putavit Sethus Calvisius (150), eruditus aliàs Chronologus Germanus.

E 2 CO-

(150) Seth. Calvisius, apud Norisium, ut n. 121, col. 222.

*Errat Torniellus scribens Herodem Magnum
a Romanis Judææ Regem fuisse declaratum
anno XXXIX ante æram vulgarem.*

REV. Pater Torniellus, eruditus Congregationis Sancti Pauli Clericus Regularis, extra veram Chronologiam abiens, perperam existimavit Herodem Magnum a Senatu Romano regiam dignitatem fuisse consequutum anno XXXIX ante æram vulgarem, verno tempore, seu exeunte anno primo Olympiadis 185.

Cogimur quoque, inquit (151), ponere Consulatum Calvini & Pollionis in annum primum Olympiadis centesimæ octogesimæ quintæ. Quod autem sub anni hujus Olympici finem (currente XXXIX ante æram vulgarem) Herodes declaratus sit Rex Judæorum, inde fit clarum, quod annus Olympicus terminari solebat in mediâ æstate, hoc est, circa solstitium æstivum: Herodem verò tempore veris regiam obtinuisse dignitatem, satis evidenter colligi potest

(151) Torniellus, ut n. 46, ann. 4014, num. 5,
p. 542.

rest ex Josepho, qui decimo quarto *Antiquit.* capitulo 25, describens ea quæ Herodi Romam proficiscenti acciderunt, narrat ipsam hiberno tempore ab Alexandria solvisse; & gravi iactatum tempestate, amissis sarcinis, agrè Rhodum pervenire potuisse: indeque postmodum, fabricatâ instructâque magnâ triremi, Italiam versûs navigantem, applicuisse Brundisium, ac tandem venisse Romam. Unde manifestum sit eundem Herodem non potuisse tam longam, adeoque difficilem navigationem unius aut duorum mensium intervallo conficere; præsertim, cum postremam hiemis partem in insula Rhodo, tum ad vitandas tempestates, tum ad triremem exstruendam, atque instruendam, trans egisse dubium non sit, nec inde, nisi apropinquante vere, aut circa ipsius veris initia, solvere valuisse: ac demùm nonnisi inchoante circiter mense Aprili, vel non multò post, Romam pervenisse, & consequenter, ut diximus, non longè admodum ab exitu anni Olympici regiam dignitatem fuisse consequutum. Igitur si verno tempore anni primi Olympiadis centesimæ octogesimæ quintæ (152) Herodes

E 3

fi-

factus est Rex , procul dubio non potuit id accidisse nisi sub finem dicti anni Olympici , & consequenter necessariò infertur primum annum Regni Herodis ferè totum concurrisse cum anno secundo dictæ Olympiadis .

Verùm , ut patet ex iis quæ subjunxit , Torniellus hîc veritatem non quæsit , sed Josephum malè omninò interpretatus est , ut ostendere posset , admissâ ejus auctoritate , Herodem obiisse paulò post nativitatem Christi , quem , cum Baronio , natum perperam credidit anno tertio ante æram vulgarem , ut dicam inferiùs Propositionis IV. Corollario XVII .

Deceptus etiam fuit Torniellus pravâ Ru-
fini interpretatione , qui Josephi verba antiq. lib. XIV , cap. XXV , malè interpreta-
tus est : *quæ tamen efficere non potuit ne Ro-
mam properaret , licet hiberno tempore , &
parùm tranquillis , ut nunciabatur , rebus Ita-
liæ , pro procelloso licet tempore .* Vox enim
græca *Cheimónos* , quâ ibi utitur Josephus ,
tum *hiemem* , tum *maris procellam* promi-
scuè significat , ut adnotavit Norisius (153).
Nam

(153) Norisius, ut n. 121 , col. 216 .

Nam Appianus (154), narrans plurimos remiges classis Augusti per hiemem interiisse, ac statim eandem classem improvisâ tempestate hûc & illûc jactatam referens, hiemem ac procellam eâdem voce *Cheimónos* exprimit. Dio (155) pariter, scribens Cæsarem per hiemem piscatoriâ naviculâ ex Epiro solvisse, ac statim sæviente maris tempestate, penè submersum, nomine *Cheimónos* hiemem ac procellam designat. In Actis Apostolicis cap. XXVII describitur tempestas, quâ Divus Paulus, cùm in Italiam deduceretur, conflictatus est, & ipsâ voce græcâ *Cheimónos* exprimitur. Immò paulò post allata verba, Josephus subjungit Herodem venisse ad Antonium per medias tempestates, seu *procellas*, ut ibi scribunt ipsi Josephi interpretes, licet eâdem voce *Cheimónos* usus fuerit.

Ex varia hujusce vocis significatione, subnectit Norisius (156), non semel Josephi interpretes lapsi, viros eruditos in errores

E 4

tra-

(154) Appianus lib. v, p. 728, apud Norisium ibid.

(155) Dio lib. xlii, apud Norisium ibid.

(156) Norisius, ut n. 121, col. 216.

traxêre . Itaque Herodes anno XL ante æram vulgarem , seu 714 Romano , post Pentecosten , mense circiter Junio , Alexandriam venit , indeque *procelloso* , non autem *hiberno tempore* transmisit .

Id demonstrare necesse est . Superiori Corollario I , jam contra Keplerum ostendi Herodem Magnum Romam venire non potuisse ante Septembrem anni XL ante æram vulgarem , seu 714 Romani : hîc etiam contra Torniellum probare teneor eum in Italiam appulisse ante initium anni sequentis , quo Consules fuerunt Marcius Censorinus & Calvisius Sabinus , elapso cum Decembri præcedente Calvinii & Pollionis Consulatus anno .

Reverti quidem plura subdit Torniellus , ut ab hac difficultate sese expediat : *neque prædictis* , inquit (157) , *officit quod ait Cardinalis Baronius in apparatu ad suos Annales , nimirum Calvinii & Pollionis Consulatum referri debere pro medietate in annum quartum Olympiadis centesimæ octogesimæ quartæ , & pro*
alia

(157) Torniellus , ut n. 46 , ann. 4014 , num. 6 , p. 543 .

alia medietate in annum primum Olympiadis centesimæ octogesi-
 mæ quintæ : ex qua positione
 sequeretur , nullatenus Herodem potuisse con-
 sequi Regis titulum in fine anni primi ejus-
 dem Olympiadis centesimæ octogesi-
 mæ quintæ . Non , inquam , hoc obstat , quia Baronius sup-
 ponit , Consulatum semper iniri consuevisse Kal.
 Januarii , & anno integro perdurasse , quod
 tamen , neque ipse probat , neque probare po-
 test : cum potius constare videatur de opposito .
 Etenim certum est , sapè variis anni tempo-
 ribus Consules esse successores , sive ob priorum
 mortem , abdicationemve , sive aliis de causis .
 Et præterea , quia tametsi ordinarium tempus
 gerendi Consulatus esset annus integer ; &
 ab anno Urbis sexcentesimo firmatum fuisset ,
 ut dies solemnes ineundi Consulatus essent Ka-
 lendæ Januarii ; attamen constat id non sem-
 per postea fuisse observatum ; præsertim verò
 triumviratus tempore , in quod incidit ipse
 Calvinus & Pollionis Consulatus . Nam , ut
 Panvinus (158) testatur , Octavianus Cæsar
 durante triumviratu , Consulatum pro sua &
 col-

(158) Panvinus *Comment. in fast.* lib. I , cap. de
 Consulatu .

collegarum voluntatis arbitrio, profusissimè, & nullâ temporum vel hominum discriminis ratione habitâ, in plures paucioresve, ut illi libuisset, anni menses dedit. Quare neque supponi neque affirmari nullo modo potest, Calvinii & Pollionis Consulatum, partem anni quarti Olympiadis centesimæ octogesimæ quartæ, & partem anni sequentis obtinuisse; sed tantummodo quod ipsi tunc Consules erant, quando Herodes declaratus est Rex, videlicet sub finem anni primi Olympiadis centesimæ octogesimæ quintæ.

Verùm Eminentissimus Cardinalis Norisius (159) Tornielli errorem jam patefecerat. Ex Dione enim ac vetustis inscriptionibus ejus dicta omninò refelluntur. *Interea temporis, ait Dio (160) circa Decembrem anni Romani 714, etsi jam in exitu erat annus, abrogato Prætoribus ac Consulibus Magistratu, alios iis suffecerunt, nihil curantes quod ii paucos dies essent cum ea dignitate futuri. Fuit inter eos qui tum Consules facti sunt, Lucius Cornelius Balbus, Gadibus*

na-

(159) Norisius, ut n. 121, col. 223.

(160) Dio, ut n. 100, lib. XLVIII, p. 232.

natus . Lapis verò Colotianus tum ordinarios
 Consules Calvinum & Pollionem , tum suf-
 fectos ita designat apud Gruterum (161):

CN. DOMITIUS M. F. C. ASINIVS CN. F.
 SVF. L. CORNELIVS L. F. SVF. P. CANIDIUS P. F.

Quamvis triumviri tempus Consulatus pro
 arbitrio disponerent , numquam tamen fecê-
 re , ut prioris anni Consules ultra sequentes
 Kalendas Januarias Magistratum continua-
 rent . Hinc in antiquis fastis Capitolinis ipsis
 Kal. Januariis anni insequentis Romani 715
 Lucius Marcius Censorinus Consul dicitur
 triumphasse .

L. MARCIUS L. F. C. N. CENSORINVS COS. A...
 EX MACEDONIA K. JAN.

Consulatus igitur Calvini & Pollionis conti-
 net partem anni quarti Olympiadis 184 , &
 a solstitio æstivo usque ad suffectos Consules
 Balbum ac Canidium initium Olympiadis 185,
 uti rectè dicebat Baronius , quem Torniellus
 fatis infelicitè ibidem impugnat . Non ergò
 Herodes a Romanis Rex Judææ declaratus
 fuit

(161) Jan. Gruterus *corpus inscrip.* tom. I, part. II,
 p. CCXCVIII, n. I , edit. Amstelædami MDCCVII, in fol.

fuit exeunte anno primo Olympiadis centesimæ octogessimæ quintæ, seu anno XXXIX ante æram vulgarem.

Id confirmatur Appiani auctoritate, qui cum dixisset (162) *Idumæorum Samaritarumque Herodem Regem ab Antonio constitutum, statim addit: his dispositis, hibernavit Athenis cum Octavia, sicut ante Alexandria cum Cleopatra*. Non igitur Herodes Regis titulo donatus est exeunte anno primo Olympiadis 185, seu anno XXXIX ante æram vulgarem, sed ante hiemem ejusdem anni Olympici, currente adhuc anno XL ante æram vulgarem. Antonius enim numquam amplius Romam rediit.

COROLLARIUM IV.

Errat Norisius scribens Herodem Magnum, Judææ Regno potitum esse, captis Hierosolymis, anno XXXVIII ante æram vulgarem.

Eminentissimus Cardinalis Norisius (163), Dionis narratione deceptus, Hierosolymiam ab Herode Magno & Sosio captam

con-

(162) Appianus *de bell. civ.* lib. v, apud Norisium, ut n. 121, col. 221.

(163) Norisius, ut n. 121, col. 225, & seqq.

contendit anno XXXVIII ante æram vulgarem , Romæ Consulibus Ap. Claudio Pulchro & Caio Norbano Flacco ; annosque XXXIV Herodis Regni a detruso Antigono, ab eo Consulatu esse computandos , contra Josephi auctoritatem , qui annos illos numeravit ab insequenti Consulatu .

Id quidem parùm facit ad indicandum verum nativitatis Christi annum , sed ut omnis erroris suspicio a Josepho amoveatur , qui res Herodianas tam accuratè narravit , Norisii errorem patefacere necesse est . arduum sanè opus , quod nihilominus tentabo duce eruditissimo Pagio (164) , cujus ipsissimis etiam verbis plurimùm usurus sum .

Superiori Corollario I jam probavi contra Keplerum , Herodem Magnum a Romanis Judææ Regem non fuisse declaratum ante exeuntem Septembrem anni XL ante æram vulgarem . Item Corollario immediatè superiori contra Torniellum ostendi Herodem Judææ Regnum a Senatu Romano obtinuisse ante finem ejusdem anni . Hic igitur ejus usque ad obitum Antigoni historiam prosequi necesse

(164) Pagius , ut n. 140 , p. 17 & seqq.

cesse est , ut quid de eo anno sentiendum compertum sit .

Herodes , teste Josepho (165) , septimo die postquam Romam advenerat , insperata felicitate Rex inde discessit , ac in Judæam navigavit mense Octobri anni XL ante aram vulgarem . Eo enim mense incunte , aut ex-eunte Septembri , Judææ Regnum a Romanis obtinuerat , ut patet præsertim ex superiori Corollario I .

Toto autem , ait Josephus (166) , Herodis absentia tempore , Antigonus familiam ejus oppugnabat in Massada . Interdum Ventidius , Romanorum Dux , missus ut Parthos e Syria pelleret , post illorum abscissum , (anno scilicet insequenti XXXIX ante aram vulgarem) in Judæam venit eo prætextu , quasi Josepho (Herodis fratri) laturus auxilium ; sed reverà hoc consilio , ut pecuniam extorqueret ab Antigono . Positis igitur castris propè Hierosolymam , satis magnam pecunia vim exegit ab eo . Quo facto ipse quidem cum majore
co-

(165) Josephus , ut n. 67 , lib. xiv , cap. xxvi , p. 423 .

(166) Id. ibid. p. 424 .

copiarum parte recessit. Ne tamen fraus deprehenderetur, Silonem cum quadam militum parte ibi reliquit: quem & ipsam placandum habuit Antigonus ne quid interim molestus esset, dum Parthi, ut ipse sperabat, succurrerent.

Interim Herodes (167), ex Italia reversus Ptolemaidem, collectis non mediocribus copiis tum ex conductitio tum ex suæ gentis milite, properabat per Galilæam contra Antigonus, adjutus a Silone ac Ventidio, ad quos Gellius (168) ab Antonio missus fuerat cum mandatis, ut Herodem in suum Regnum deducerent, quamvis Ventidius tum fortè distinebatur componendis Civitatum tumultibus, quos irruptio Parthorum excitaverat. Silo verò in Judæa erat, sed pecuniâ corruptus ab Antiocho. Attamen Herodis ulterius procedentis copiæ agebantur in dies, & tota Galilæa, paucis exceptis, stabat ab ejus partibus. Captâ deinde Joppe properavit Massadam ad liberandos obsidione domesticos, eâque & Refsâ castello captis, petebat Jerosolymam. Tum Jerichunte se contulit, offen-

(167) Teste Josepho ibid. cap. xxvii, p. 424.

(168) Ita Josephus, sed *Dellius* legendum est.

offendensque (169) *Urbem relictam ab habitatoribus, eos quidem captos dimisit. Romani verò invadentes Urbem diripuerunt. Rex igitur relicto in ea prasidio reversus est, & Romanum exercitum hibernatum in recens deditas regiones dimisit, Idumæam, Galileam & Samariam. Eodem tempore, subdit Josephus (170), Antonius morabatur Athenis.*

Usserius (171) & eum sequutus Cardinalis Norisius (172) hæc facta scribunt anno XL ante æram vulgarem, hancque hiemem primam Norisius putat, postquam Herodes a Romanis Regnum obtinuit. Qui error inde eis natus quòd Pacorum, Regis Parthorum filium, occisum velint anno XXXIX ante eandem æram; indeque quæ anno sequenti in Judæa acta, hoc anno XXXIX narrant. Verùm Pacori necem anno tantum XXXVIII ante æram vulgarem contigisse inferius demonstrabo.

Utrum-

(169) Teste Josepho, ut n. 67, lib. xlv, cap. xxvii, p. 425.

(170) Id. ibid. p. 426.

(171) Jac. Usserius *annal. vet. & nov. test.* p. 342, edit. Lutetiz Paris. mdcclxxiii, in fol.

(172) Norisius, ut n. 121, col. 214 & seq.

Utrumque etiam decepit Antonii commoratio in urbe Atheniensi. Arbitrati enim sunt Antonium sub exitu anni XL ante æram vulgarem Athenas venisse, & postquam ibi hibernasset, inde anno sequenti XXXIX ad bellum profectum fuisse, quia Appianus (173), postquam loquutus est de pace a Casare & Antonio cum Sexto Pompeio factâ, de qua mox, de Antonio dicit: *hibernavit Athenis cum Octavia, sicut autè (anno XL) Alexandria cum Cleopatra*. At verum quidem est Antonium, post pacem illam compositam, non exeunte anno XL ante æram vulgarem, ut mox videbitur, sed incunte sequenti XXXIX, relictâ Italiâ Athenas venisse, ibique hibernasse. Sed eâ in Urbe non solum toto hoc anno XXXIX, sed etiam magna parte insequentis XXXVIII versatus est, ut ex dicendis liquebit, & Dio (174), de rebus sub Censorino & Sabino Consulibus anno XXXIX ante æram vulgarem peractis loquens, his verbis indicat: *bellum verò Labieni ac Parthorum hoc modo confectum. Antonius in Gre-*

F

tiam

(173) Appianus *de bell. civ.* lib. v. p. 716.

(174) Dio, ut n. 100, lib. XLVIII, p. 234.

ciam ex Italia reversus (ipso hujus anni exordio) *multum ibi temporis exegit , simul ut suæ cupiditati satisfaceret , simul ut quàm maximè debilis Provincia Pompeio traderetur , Urbes affligens . Ibi inter alia , quæ contrà patrium morem agebat , Bacchum se alterum nominavit . . . his rebus ipse occupatus P. Ventidium in Asiam præmisit .* Appianus (175) quidem dicit Ventidium in Asiam , ut reprimeret Parthos Labienumque anno elapso XL , post pacem Casarem inter & Antonium pactam , missum fuisse ; sed jam alibi (176) *versum* hoc anno XXXIX adversus Parthos missum , ut mox dicitur , asseverat . Diù itaque Antonius Athenis mansit , ibique dum ageret , quæ mox a Josepho narrata , contigere . Neque hoc anno XXXIX ante aram vulgarem in Parthos ipse movit , sed tantum in eos Ventidium præmisit ; nec etiam ante annum sequentem XXXVIII in Asiam profectus est .

Parte alterâ Antonius & Cæsar postquam anno XL ante aram vulgarem exeunte mense Septembri , aut ineunte Octobri , sese re-

con-

(175) Appianus *de bell. civ. lib. v.*

(176) Idem *de bell. Parth.*

conciliati fuissent, ut dixi superiori Corollario I, cùm Roma fame premeretur, Sexto Pompeio, Magni filio, numerosâ classe impediēte, ne commeatus Urbem adveherentur, populi Romani conviciis coacti, pacem cum eodem Pompeio fecerunt: qui in colloquium cum triumviris venerat Misenum, Campaniæ oppidum. De pace illa, teste Dionē (177), actum quidem fuit exeunte eodem anno XL, sed jam incunte anno insequenti XXXIX quod per socios actum fuerat, in præfato colloquio confirmatum est, & pacis conditiones scriptæ. Hinc apud Dionem (178) recitantur eæ conditiones sub posterioris huius anni Consulibus. Ineunte igitur anno XXXIX ante aram vulgarem, Censorino & Sabino Consuibus, in Italia adhuc degebat Antonius. Pace autem peractâ, teste Appiano (179), Pompeius in Siciliam navibus reversus est, Cæsar verò & Antonius ad Urbem terrestri itinere.

Marcus Antonius in Italia, *junctus amicitia Cæsari & Pompeio tenenti Siciliam*, præ-

F 2

mi-

(177) Dio, ut n. 100, lib. XLVIII. p. 231 & seq.

(178) Id. ibid. p. 233.

(179) Appianus *de bell. civ.* lib. v.

misit rursam in Asiam Ventidium, ut Parthos non sineret ulterius procedere, inquit Appianus (180), qui paulò post subdit: quo tempore Athenis hibernanti primi successus Ventidii nuntiati sunt, victos esse Parthos praelio, Casum Labienum & Phraatem, præstantissimum e Regis (Parthorum) Ducibus: quambrem epulum Græcis præbuit, & suscepit præfecturam Atheniensis Gymnasii. De eadem victoria hæc Plutarchus (181) habet: ibi cum Athenis hiemaret, asseruntur latissimi nuntii, Ventidium profligatis Parthorum copiis, Labienum & Pharnapatem bellicosissimum Orodís Regis Ducem occidisse. Rem gestam fusè narrat Dio laudatus, qui quidem annum, sed tempestatem non designat. Cum tamen tam Plutarchus quam Appianus asserant Antonium, de victis Parthis nuntium accepisse, dum Athenis hibernaret, manifestum est victoriam illam exeunte autumno anni XXXIX ante æram vulgarem, fuisse reportatam, & circa hiemis initium ejus nuntium ad Antonium Athenis hibernantem perlatum. Plutar-

(180) *Id. de bell. Parth.*

(181) *Plutarchus in Antonio.*

tarchi enim & Appiani verba de fine hiemis præcedentis intelligi non possunt, cùm hujus anni initio Ventidius in Asiam missus fuerit, neque fieri potuerit, ut ea hieme & Parthos vinceret, & victoriæ nuntius ad Antonium perferretur.

Usserius ac Norisius hanc cladem anno præcedenti illigant; fundaturque posterior (182) in iis quæ Liviani libri CXXVII epitome referuntur: Antonius, *pace factâ cum Cesare* (circa exeuntem Septembrem anni XL ante æram vulgarem) *sororem ejus Octaviam in matrimonium duxit. Q. Salvidienum consilia nefaria contra Cæsarem molitum, indicio suo protraxit, isque damnatus mortem sibi conscivit* (anno etiam XL teste (183) Dione). *P. Ventidius, Antonii Legatus, Parthos prælio victos Syriâ expulit, Labieno eorum duce occiso. Quùm vicinus hostis Italiæ Sex. Pompeius Siciliam teneret, & commercium annonæ impediret, cum eo postulatam pacem Cæsar & Antonius fecerunt, ita ut Siciliam provinciam haberet. Præterea motus Africa & bella gesta*

F 3 con-

(182) Norisius, ut n. 121, cap. XVI, §. v, col. 449.

(183) Dio, ut n. 100, lib. XLVII, p. 232.

continet. Quæ bella anno Romano 716, seu XXXVIII ante æram vulgarem ex Dione gestita sunt. Verùm, cùm Dio (184) victoriam illam, Parthicam cum anno Urbis 715 diserte coniungat, & Appianus laudatus affirmet eam relata a Ventidio, postquam in Asiam *rursum* præmissus est, quod factum, ut jam dixi, huius anni XXXIX ante æram vulgarem initio, quæ obscura videntur in Liviano epitome, ubi temporum ordo non semper servatur, ex clarissimis Dionis & Appiani verbis explicanda.

Anno XXXVIII ante æram vulgarem, Romano verò 716, Claudio Pulchro & Norbano Flacco Consulibus, Pacorus Orodis Parthorum Regis filius, ut acceptam anno superiori a Romanis cladem ulcisceretur, copiis ex hibernis eductis, contra Ventidium iter intendit. Is, ubi hæc accepit, non levi metu perculsus est, cùm nec Urbes essent adhuc in Romanorum amicitia confirmatæ, & *exercitus in hibernis etiamnum dispersi*, ut scribit Dio (185). Quare, ut properanti

(184) Id. *ibid.* p. 234 & seq.

(185) Id. *ibid.* lib. xli, p. 248.

ti Pacoro moram injiceret, ac tempus colligendis copiis nancisceretur, fraude, a Frontino (186) & Dione (187) laudato narrata, usus est, & parte exercitus, qui in Cappadocia ultrà Taurum hiemaverat, cæteris copiis adjuncta, motisque castris in Cyresticam Syriæ regionem perrexit, ac Parthos fluvium transire passus est, quò timoris opinionem illis injiceret. Signis postea collatis, iterumque metu simulato, jussit legionarios quasi hostilium sagittarum nimbis confixos procumbere, ac in hostem victoriæ opinione securum, ac spe prædæ laxatis ordinibus irruentem insurgere. Ita victi fugatique Parthi toto inter Orontem atque Euphratem spatium latâ strage ceciderunt, viginti milibus unâ cum Pacoro in acie desideratis. Dies rei gestæ ex his Dionis (188) verbis elicitur: *videbatur Crassî calamitatem Pacorus abundè compensasse, præsertim cum eadem anni die utraque res evenisset*; quod etiam eadem die accidisse testantur Rufus (189) & Eutro-

F 4 pins

(186) Frontinus *Strat.eg.* lib. I, cap. I.

(187) Dio, ut n. 100, lib. XLIX, p. 248.

(188) Id. *ibid.* p. 249.

(189) Rufus in *Breviario*.

pius (190), octavo nempe mensis Junii.

Quoad victoriæ reportatæ annum, sine quo secunda regni Herodiani epocha certò detegì non potest, Usserius (191), & cum sequutus Norisius, existimant illud prælium ipsius Dionis testimonio in annum præcedentem incidisse. Nam, ait Cardinalis Norisius (192), scribit Dio *statim ab Antonio Ventidium præfecturâ privatum, neque tunc, neque deinceps illum ulla in re ejusdem operâ usam fuisse*. Caius autem Sosius, inquit Dio, Syriæ & Ciliciæ ab Antonio præpositus, *Aradios expugnavit, ac Hierosolymam unâ cum Antigono Rege cepit; tempus verò designans, ait: id factum Claudio & Norbano Consulibus. Quare, cum ii Magistratum gesserint A. V. 716, eo anno Sosius erat Legatus Antonii in Syria; anno verò superiori 715, Ventidius eandem Syriam administrabat: quo etiam anno Parthos insigni clade profligavit*. Ita Cardinalis Norisius.

At illud argumentum rem minimè evincit. Nam, verum quidem est, post hoc prælium

(190) Eutropius *Hist. Rom. brev.* lib. vii, cap. v, p. 81, edit. Paris. MDCLXXXIII, in 4.

(191) Usserius, ut n. 171, p. 543 & Rq.

(192) Noris, ut n. 121, col. 227.

lium Ventidium ab Antonio præfecturâ privatam, Sossiumque Syriæ ac Ciliciæ ab eo præpositum, idque currenti anno XXXVIII ante æram vulgarem, seu 716 Romano. Sed hoc non impedit, quin Ventidius, qui anno elapso Syriam regebat, & egregiam victoriam de Parthis retulit, eandem provinciam majori hujus anni parte gubernarit, & postea ei Sossius subrogatus fuerit. Neque Dio existimare potuit victoriam Parthicam, in qua Pacorus occisus, anno præcedenti XXXIX relatam fuisse, cum alteram victoriam, in qua Labienus & Pharnapates interfecti, sub ejusdem præcedentis anni XXXIX Consulibus consignet; & aliundè certum sit, adversariis etiam fatentibus, eas victorias ad duos diversos annos pertinere. Dio itaque lib. XLVIII, sub Consulatu Martii Censorini & Sabini anno præcedenti gesto, priorem victoriam recitat; sed postea libro sequenti, cum narrasset necem Sexti Pompeii, quæ contigit anno ineunte XXXV ante æram vulgarem, seu 719 Romano, orditur bellum a Ventidio contra Parthos gestum hoc anno XXXVIII, occasione fugæ quam Pompeius ad Parthos meditabatur, & in qua depre-

hen-

hensus trucidatus est. Quamobrem quod ibidem narrat Dio, currentis anni XXXVIII supplementum quoddam est, non verò precedentis XXXIX, seu Romani 715, cum victoriam eo anno de Parthis relatum fusè recitarit. In eo autem peccat Dio quod sub præsentis anni XXXVIII Consulibus Hierosolyma capta asserit. Quod tamen ab eo factum credi posset, ut uno tenore Antigoni Regis casum narraret. Id enim historicis sat assuetum.

Reverà quidem hæc subjungit Dio (193): *anno insequenti (XXXVII ante aram vulgarem) nihil memoratu dignum a Romanis in Syria actum est. Nam Antonius in Italiam emido ac inde revertendo totum annum exegit. Sosius Antonii, non suam gloriam aucturus, metu invidiæ iræque ejus, ita id tempus consumpsit, ut non quomodo re aliquâ egregiè gestâ Antonium offenderet, sed quomodo otiosus ejus gratiam iniret, cogitaverit. Verùm eadem est ratio, quia scilicet anno XXXVIII, quæ XXXVII insequenti facta, saltem in Juxda, ipse narravit. Nec obstat quod addit,*
So-

(193) Dio, ut n. 100, lib. XLIX, p. 249.

Sosium nihil in Syria egisse metu invidiæ iræque Antonii. Verum enim esse concedo Sosium nihil proprio Marte egisse in Syria anno XXXVII; nam in Hierosolyma expugnanda Herodi tantum auxiliator fuit, & quidem jussu Antonii.

Antonius itaque hoc tantum anno XXXVIII ante æram vulgarem, ad bellum Parthicum profectus est, de qua profectioe intelligenda verba Plutarchi (194), qui, cum narravit quæ Antonius Athenis egit, ait: *inde ad bellum proficiscens sertum excerptit e sacra oliva & ex clepsydra vas aquæ plenum, secundum quoddam oraculum, secum tulit. Interea Pacorum Regis filium unum cum magnis Parthorum copiis in Syriam irrumpentem, Ventidius in Cyrrhestica delevit.* quod & Appianus (195) habet. Laudati Ullérius, Cardinalisque Norisius, qui hanc profectioem a Plutarcho memoratam cum anno præcedenti conjungunt, non animadverterunt quod eo anno Dio (196) prodit, Antonium nempe, qui

(194) Plutarchus in Antonio.

(195) Appianus de bell. Parth.

(196) Dio, ut n. 100, lib. XLVIII, p.

qui initio antecedentis anni Athenas venit, per multum ibi temporis egisse, eo anno Ventidium in Asiam præmisisse, & postea, præfenti nempe anno XXXVIII, illuc ipsum profectum esse.

Ventidius, cum Syriam pacasset, contra Antiochum duxit eo obtentu, quod is ei servos non dedidisset; re autem verâ, pecuniæ spe potiundæ. hoc agenti Antonius subito supervenit, & cum invideret etiam ob rem proprio ductu præclarè gestam, *tamen cum & officio suo detruxit, & neque tùm, neque deinceps ulli in re opera ejus usus est*, inquit Dio (197).

In Falestina, eodem hoc anno XXXVIII ante æram vulgarem, hæc gesta sunt. In Syria *Ventidius*, teste Josepho (198), *Silone* accersens contra Parthos, jussit primum *Herodi* navare operam, deinde ad proprium bellum excire provinciales auxilios. At *Herodes*, *Silone* ad eum missa, ipse contra latrones in speluncis degentes duxit militem; & spe-

(197) Id. ibid. lib. xix, p. 249.

(198) Josephus, ut n. 67, lib. xiv, cap. xxvii, p. 426.

speluncas omnes in præruptis montibus sitas expugnavit. Deinde in Samariam (199) profectus est cum sexcentis equitibus & tribus milibus peditum, ut armis cum Antigono rem decerneret... interea cæso in pugna Pacoro, & Parthis profligatis (die nempe VIII Junii) Ventidius Herodi in auxilium mittit Machæram cum duabus legionibus & mille equitibus, jubente hoc Antonio. Ille vocatus ab Antigonoq, & pecuniis corruptus est: hinc Herodes properavit (200) ad Antonium oppugnantem Samosatam, sitam ad Euphratem fluvium, ducens auxiliares tam pedites quam equites. Postquam autem pervenit Antiochiam, reperitis ibi multis collectis, qui cupientes adire Antonium, non audebant se committere itineri propter obsidentes vias barbaros & sævientes caedibus, bono animo esse jussis ducem se præbuit... postquam autem propè Samosatam ventum est, exercitum instructum & ornatum ei honoris causâ misit obviam Antonius... Antiocho autem paulò post id castrum dedente, & hoc pacto finito bello, Sosio provinciam

An-

(199) Id. ibid. p. 427.

(200) Id. ibid. p. 423.

Antonius cum exercitu tradidit : commendatoque ei Herodis negotio , in Ægyptum ipse profectus est . Obsidionem autem Samosatensem multum temporis durasse indicat Plutarchus , quando de Samosatensis scribit : ob desperationem in audaciam versi , diu Antonium oppugnationi intentum tenuere .

Expugnatis Samosatis , Sosius , cui Antonius Syriæ provinciam tradiderat , duas legiones , ait Josephus (201) , cum Rege premisit in Judæam , ipse cum reliquo exercitu sequebatur . Herodes autem , postquam (202) ad Libanum montem pervenit . . . Ptolemæidem petiit , & deinde cum Pappo , Antigoni duce signa contulit , atque hostes ad internecionem cecidit . *Videre erat* , inquit Josephus (203) , *eos agminatim diffugere* , & nisi regios viatores hiemis asperitas (204) prohib-

buis-

(201) Id. ibid.

(202) Teste Josepho ibid. p. 429 .

(203) Id. ibid. p. 430 .

(204) Hic Josephi interpretes scripsit : *Et nisi repente valida tempestas intervenisset , Regii viatores &c.* Sed malè , ut quodammodo ipsemet fateatur , dum Josephi , eandem historiam narrantis ibid. *de bell. Judaic.*

buiſſet , ſtatim Hieroſolymam petiiſſent , & finem bello impoſuiſſent .

Hic magna difficultas , an ſcilicet Joſephus eo loci loquatur de hieme anni XXXVIII ante aram vulgarem , an verò de hieme anni antecedentis . Ea enim hieme exacta , Hieroſolyma obſeſſa & in Herodis poteſtatem redacta . Cardinalis Noriſius (205) alique plures , qui majorem fidem Dioni , cladem Hieroſolymitanam hujus anni XXXVIII Conſulibus alliganti , quàm Joſepho eandem cum ſequentis anni Conſulibus conjungenti , adhibendam arbitrantur , contendunt , poſt Herodem Regem Romæ renuntiatum duas tantum hiemes eſſuſiſſe ; priorem , de qua cum Joſepho ſuperius loquutus ſum , & poſterio-rem de qua mox cum eodem Joſepho , ita et laudata mox verba de præcedentis anni

XXXIX

lib. I , cap. XIII , p. 643 , verba græca latinè vertit : *niſi cum biemis aſperitas prohibuiſſet* . Vox enim græca *Cheimon* , quæ , ut alibi jam adnotavi , *biemem* & *procellam* promiſcuè ſignificat , hic in utroque Joſephi loco *biemem* indicat , eamque jam inſtaſſe , rerum ab eo narratarum ſeries evidentè demonſtrat . Neque de hoc dubium eſſe poſſe .

(205) Noriſius , ut n. 121 , col. 229 .

XXXIX hieme intelligenda sint, & currenti anno XXXVIII ubi hiems remisit, Urbs expugnata sit. Verum in rebus Syriacis & Judaicis Josephus Dioni, si tamen benè intelligatur, præferri debet, utpote qui & loco & tempore Herodi proximior, & qui Herodis vitam ex voluminibus Nicolai Damasceni, Herodis ipsius amici fidissimi, descripsit. Ideò autem Josephus duas tantum hiemes illas memoravit, quia bellum non nisi post priorem, quam silet, inchoavit. Denique cum prima de Parthis victoria in annum XXXIX ante æram vulgarem, altera verò in qua Pacorus occisus, in præsentem XXXVIII inciderit, urbis Hierosolymitanæ occupatio non nisi sequenti anno XXXVII, ut rectè Josephus, contingere potuit.

Ex superiori Corollario I, Herodes, Hierosolymis a Parthis & Antigono occupatis anno XL ante æram vulgarem, Romam aufugit, ubi Marci Antonii operâ Judææ Rex a Senatu Romano declaratus est exeunte Septembri aut ineunte Octobri ejusdem anni. Ex dictis autem superius Dionis auctoritate, Antonii & Cæsaris cum Sexto Pompeio pacis tractatio cœpta est exeunte eodem an-

no

no XL, & finita, ac pacis conditiones conscriptæ ineunte sequenti XXXIX. Eâ pace compositâ, teste laudato Plutarcho, Antonius præmisit in Asiam Ventidium, ut progressum Parthorum sustineret, ipseque Antonius Italiâ excessit, & in Græciam venit. Tum subdit Plutarchus (206), Antonio hibernanti Athenis primæ Ventidii res prosperè gestæ nuntiantur, Parthis fufis, Labienum & summum Orodis Regis ducem Pharnapatem ab eo interfectos. Manifestum est igitur Labienum, & Parthorum ducibus unum, anno tantum XXXIX ante æram vulgarem a Ventidio devictum. Quod cum laudatus Dio etiam disertè testetur, mirum est Eminentissimum Cardinalem Norisium, Usseriumque, qui se hac in re Dionem sequi profitentur, pugnam illam cum anno præcedenti XL illigasse.

Verum quidem est in epitome libri CXXVII Liviani hæc verba legi: *P. Ventidius Antonii Legatus, Parthos pralio victos Syriâ expulit, Labieno eorum duce occiso. Quam vicinus Italiæ hostis Sex. Pompeius Italiam tene- ret, & commercium annonæ impediret, cum*

G

eo

eo postulatam pacem Cæsar & Antonius fecerunt, ita ut Siciliam provinciam haberet. Ex quo sequi videtur existimasse Livium, Ventidium ante pacem Cæsaris & Antonii cum Sexto Pompeio initam, Labienum debellasse, ideòque & anno XL ante æram vulgarem, quo exeunte de ea pace agi cæptum. Verùm in illo argumento libri CXXVII ordinem temporis in omnibus Livius non servavit, quemadmodum nec Velleius, qui postquam de illa pace mentionem fecit, variaque alia narravit, hoc tractu temporum, inquit (207), Octaviam sororem Cæsaris Marcus Antonius duxit uxorem; & tamen, ipso etiam Livio ibidem teste, Antonius, pace facta cum Cæsare, Octaviam sibi matrimonio copulavit, antequam scilicet pacem cum Sexto Pompeio contraheret.

Herodis adventus Ptolemaïdem, postquam a Senatu Romano Rex Judæorum declaratus est, Cardinali Norisio Ullèrioque errandi causa fuisse. Josephus enim, narratâ illâ Regni adeptione, *interim*, ait (208), He-
ro-

(207) Caius Velleius Patere. *Hist. Rom.* lib. II, p. 56, edit. Antuerpiæ MDCXXVII, in fol.

(208) Josephus, ut n. 67, l. b. xiv, cap. xxvii, p. 424.

rodes ex Italia reversus Ptolemaidem, collegiis non mediocribus copiis tum ex conductitio tum e suæ gentis milite, properabat per Galileam contra Antigonnem, adjunctus a Silone ac Ventidio, ad quos Dellius ab Antonio missus fuerat cum mandatis, ut Herodem in suum Regnum deducerent, quamvis Ventidius tum fortè distinebatur componendis Civitatum tumultibus, quos irruptio Parthorum excitaverat. Silo verò in Judæa erat, sed pecuniâ corruptus ab Antigono. Existimarunt namque Herodem sub finem anni XL ante æram vulgarem, Ptolemaidem venisse, & in Judæa hiemem transegisse: cùm tamen eâ hieme tam Ptolemais, quam aliæ Syriæ urbes a Parthis occuparentur, nec eas receperit Ventidius, nisi postquam Labienum vicit, Arado tantum exceptâ, quæ vix tandem postea ab aliis expugnata est, ut prodit Dio (209). Quare Herodes Ptolemaidem, quæ eodem anno XL Parthos intromiserat uti & Sidon, teste Josepho (210), eodem anno nullo modo venire potuit, neque ad eam accedere, nisi

G 2 post-

(209) Dio, ut n. 100, lib. XLIX, p. 249.

(210) Josephus, ut n. 67, lib. XIV, cap. XXIV, p. 419.

postquam, exceptâ Arado, Ventidius, fuso Labieno Phœniciam & Syriam sibi subjecit. Herodes itaque, postquam Rex declaratus est, hiemem transegit, vel Athenis apud Antonium, vel Rhodi, vel in aliqua alia Civitate, quod in Phœniciam & Judæam, a Parthis & Antigono occupatas appellere non posset. Transactâ verò illâ hieme, ubi accepit Labienum Parthorum ducem a Ventidio superatum, Ptolemaidem venit, ideòque anno XXXIX, eoque tempore, quo *Ventidius distingbatur componendis Civitatum tumultibus, quos irruptio Parthorum excitaverat*, ut discrete scribit Josephus.

Priori victoriâ Parthicâ suo anno assignatâ, liquet secundam, in qua Pacorus Parthorum Regis filius interfectus, pertinere ad annum XXXVIII ante æram vulgarem, quo & eam Dio (211) recitavit. Hæc enim Dionis verba : *porrò autem Antonii (212) & Barbarorum res &c.* usque ad ista *anno (213) insequenti*, ea continent quæ Dio anno XXXVIII gesta esse putavit. Cùm itaque
tam

(211) Dio, ut n. 100, lib. XLIX, p. 248 & seq.

(212) Id. ibid. p. 248.

(213) Id. ibid. p. 249.

tam Cardinalis Norisus, quam Usserius fateantur duas illas Ventidii victorias, de Labieno nempe & de Pacoro, ad diversos annos pertinere, nullum dubium esse potest quin posterior ad præsentem annum XXXVIII spectet, ideoque quin Hierosolyma anno tantum XXXVII capta fuerit, & ab eo anno secunda regni Herodiani epocha desumenda sit.

Hoc anno XXXVII ante æram vulgarem, seu 717 Romano, Vipsanio Agrippa & Caninio Gallo Consulibus, *ubi rigor hiemis cessit*, teste Josepho (214), Herodes *moto exercitus venit Hierosolymam, & castra prope Urbem metatus est*, anno tertio postquam Romæ declaratus Rex fuerat. Interim dum aggeres ac turres exstruuntur, Herodes in Samariam divertit, ducturus in uxorem Mariamnem, Aristobuli Regis neptem, celebratisque nuptiis in castra (215) reversus est. Opera-

G 3 rum

(214) Josephus, ut n. 67, *de bell. Jud.* lib. I, cap. xiiii, p. 643, & *antiq. Jud.* lib. xiv, cap. xxvii, p. 430; sed hoc posteriori loco interpres *tempestatem pro hieme* iterum malè scripsit. Vide notas superiores,

(215) Teste Josepho, ut n. 67, lib. xiv, cap. xxviii p. 430.

rum frequentia faciliè absoluti sunt aggeres : æstas enim erat & opus fervebat , nullâ inturbatum aeris intemperie . Obsessi intrepidè repugnabant , & conferentes pugnam cum Romanis nihilo erant inferiores audaciâ , peritiâ tantùm rei militaris cedebant : utentesque desperatione pro fortitudine ad extremum perdurabant , idque obsessi a tam numeroso exercitu , ipsi fame simul laborantes & inopiâ . Nam in sabbaticum annum inciderat oppugnatio , inquit Josephus (216) . Annus sabbaticus cœpit die septima Tisri , qui Septembris parti respondet , anni præcedentis , ut in dubium revocari non potest . Quare annus ille sabbaticus in exitum vergebat . Tandem Herode Sosioque fortiter obfidionem urgentibus , Urbs capta fuit .

Ea clades Hierosolymorum, ait Josephus (217), *incidit in Consulatum M. Agrippæ & Caninii* (218) *Galli , CLXXXV Olympiade , mense tertio , feriis quibus solenne fit jejunium , tamquam recurrente in idem temporis momentum*

(216) Josephus ibid. p. 431 .

(217) Id. ibid. p. 432 .

(218) Apud Josephum legitur *Canidii* pro *Cauinii* mutato uno elemento librariorum incuria .

tum illatâ Judæis a Pompeio calamitate. Nam & ab illo eâdem die Urbs capta fuerat ante annos viginti septem. Olympias CLXXXV anno XL ante æram vulgarem est inchoata, quare quartus illius annus currenti XXXVII cœptus. Capta fuerat Hierosolyma a Pompeio anno LXIII ante æram vulgarem, ideòque illi viginti septem anni inchoati tantum intelligendi. Quâ anni formâ utatur Josephus, & quæ fuerint solemnes illæ jejuniorum feriæ, non omninò compertum. Anno tamen sacro, ut dicam inferiùs Corollario VIII, uti videtur. Duravit per quinque menses obsidio, teste eodem Josepho (219). Ab hoc itaque anno XXXVII ante æram vulgarem, non verò a præcedenti, desumenda est secunda regni Herodiani epocha, secundum quam dicitur a Josepho annos regnasse XXXIV ex quo Judææ regno verè positus est Herodes.

Cardinalis Norisius, ut fidem Josephi elevet, varios errores in ejus narratione ostendere conatur: sed ii ex dicendis Corollario VI, quod vide, omninò evanescunt.

G 4 CO-

(219) Josephus, ut n. 67, de bell. Jud. lib. I, cap. XIII, p. 644.

*Errat R. P. Faure annos nummorum Vari ,
moriente Herode Magno Syria Legati ,
numerans ab epocha Augustorum ,
ineunte anno XXVII ante
æram vulgarem .*

ANtiochenſes, Antiochiæ Syriæ metro-
polis incolæ, ſa quibus ſuperiùs Pro-
poſitionis I Sectione III laudati nummi (a)
in honorem Quintilii Vari, in Syria Cæſaris
Legati, fuère cuſi, variis epochis in annis
computandis uſi ſunt, I. nempe Syro-Mace-
donicâ, ſeu Seleucidarum; II. Pompeianâ,
in honorem Pompeii Magni, qui, Syriâ in
provinciam Romanam redactâ, Antiochenſi-
bus permiſit, ut propriis uterentur legibus;
III. Cæſarianâ, ſeu Julianâ, ineunte ab O-
ctobri anni XLIX ante æram vulgarem, quo
Julius Cæſar dictator primùm dictus eſt; &
IV. Actiacâ (220), ineunte a II Septenu-
bris

(a) Vide Tab. I.

(110) Joan. Vaillantius *numiſ. Imp. a pop. græcè loq.
percuſi.* p. 252, edit. Amſtelædami MDCC, in fol. eam
vocat *Auguſtanam*, ſed minus benè. Æra enim Au-

gu

bris (221) anni XXXI ante æram vulgarem, quo ad Actium Cæsar Antonium vicit, & rerum summâ solus potitus est.

De hac ultima tantum hic agitur, quia annos Antiochenſium nummis, Quintilii Vari nomine inſcriptis, obſignatos ab ea numeravi, ducibus celeberrimis numiſmatologis Eminentiffimo Cardinali Noriſio & doctore Joanne Vaillantio, qui iis pariter uſi ſunt, ut probarent Herodis Magni mortem quatuor annis præceſſiſſe æram vulgarem.

Hocce tamen deceptos prædicat R. P. Faure, ut veram tueri poſſit Muſantii Chronologiam: aſt videamus quibus rationum momentis, ut ipſiuſmet verbis utar.

At quaſo, inquit (222), *quibus rationum momentis Vaillantius illud evincit, eos annos 25, 26, 27 (223) eſſe Actiacos, & poſt victoriam Actiacam numerandos? nullis prorsus (224).*

Do-

guſtana dicitur ea quæ inijt anno xix ante æram vulgarem, quo Caius Cæſar Octavianus Imperator *Auguſtus* dictus eſt.

(221) Qui emendato Calendario III fuiſſet, ut adnotavit doctus Petavius, ut n. 1, lib. xiii, p. 618.

(222) Faureus, ut n. 54, §. viii, p. 439.

(223) Laudatis nummis obſignatos.

(224) Faureus, ut n. 54, §. viii, p. 440.

Doctissimus Cardinalis Norisus, qui prior in nummis Antiochenorum sibi visus est deprehendisse æram hanc Augustæam, seu Aëtiam, ingenuè fatetur de illa altum fuisse apud Scriptores silentium: hinc Diss. 3. de epochis Syro-macedonum cap. VIII. tom. 2. oper. in nummis, inquit, Antiochenorum alia epocha utrâque (Pompeianâ & Casarianâ præter æram Seleucidarum) superiùs descriptâ recentior occurrit, cujus nec vola nec vestigium apud Scriptores uspiam reperitur: nihil est quod tam ad rem meam faciat, quam ingenua ista confessio. Cum ii numeri Antiochenorum numismatum 25, 26, 27, non usitatam ac celebrem jam antea epocham designent, sed novam quamdam non antea perspectam; quid est quod aliis divinando liceat ab anno Urbis conditæ 723 (225) numerare, nempe post Aëtiam victoriam, mihi verò non liceat aliter interpretari? initio ducto quadriennio seriùs ab anno Varroniano Urbis 727 (226), quo anno consentientibus Chronologis ex Censorino & Dione apud Petavium lib. 10 de doctr. temp. cap. 72. nova æra, sive anni Augustorum

(225) Seu XXXV ante æram vulgarem.

(226) Seu XXVII ante æram vulgarem.

rum Romani incipiunt. Memorabilis, *inquit Petavius*, hic annus est... hactenus enim summum dōminatum vi, ac citrà consensum Civium usurparat... *cum*... deponere hoc anno voluisset, id effecit ut imperium sibi a Senatu, Populoque confirmaretur. Quod ut popolare esse demonstraret, ita temperavit, ut provincias non omnes sibi sumeret, sed partem illarum populo permetteret, partem per Legatos suos administraret... quo circa novum ab hoc anno initium Imperiū duxit Augustus. Nam & Imperium ipsi a S. P. Q. R. decretum, & Augusti nomen impositum, & gerendi in posterum Imperiū forma quædam est, ac ratio constituta.

Jam verò quemadmodum (227) si numeres ab anno Urbis conditæ 723, omnia egregiè quadrant in calculos Norisii ac Vaillantii contra æram vulgarem (228), ita si numeres ab anno Urbis 727, omnia perbellè cadunt in calculos meos, & æram vulgarem confirmant. Nam si anno 727, addas 25, 26, 27, triennium

(227) Faurens, ut n. 54, §. VIII, p. 440.

(228) Id est, contra vulgarem Christi natiuitatis annum.

nium præfecturæ Vari expletum est annis Orbis 752, 753, 754, qui postremus Vari annus, idemque mortis Herodis est etiam aræ vulgaris primus.

Nihil autem ad rem facit, subjungit R.P. Faure (229), quod in eadem Dissertatione epoch. Syro-macedonum doctissimus Cardinalis expendat (230) nummos aliquos sub Sylano Syriæ præside cufos, in quibus numeri explicari non possunt, nisi designent epocham Antiochenam Actiacam. Esto id ita sit, quod tamen non omninò planum est, nec omnis difficultatis expers, satis mihi est, si nummi sub Varo cusi, quorum nexus est aliquis cum aræ vulgari, interpretationem patiantur omninò aliam ab ea, quam Norisius ac Vaillantius coniecere. Hæc clarissimus Faure, sed malè omninò.

Nec enim jure aliquo dicere potest Norisii & Vaillantii argumenta nulla esse: majora enim Chronologis & Historicis asserre non licet.

Antiocheneses aram Actiacam amplexos fuisse Augusti ætate, immò & Tiberii Imper-

(229) Faureus, ut n. 54, §. VII, p. 440.

(230) Id. ibid. p. 441.

perio ineunte, quod tamen hîc probare minime intendo (a), nos docent ipsissimi eorum num-

(a) Eminentiſſimus Noriſius, Morellius & alii, veteres Antiochenſium nummos *Autonomos* (vide Tab. I) ediderunt cum ΕΠΙ ΣΙΛΑΝΟΥ, *ſub Silano*, & annis BM, ΓΜ, ΔΜ; necnon imperiales cum capite Tiberii & ejuſdem *Silani* nomine (vide Tab. 7), in quibus obſervantur anni ΓΜ, ΔΜ, ΕΜ, ΖΜ, ideſt, 42, 43, 44, 45, 47, qui certè, ut numiſmarologi omnibus perſuaſum eſt, indicant pariter æræ Actiacæ annos. Similes nummos videre mihi licuit in variis per Europam nummophylaciis: iis tamen adverſus cl. Faurei ſententiam non utar, quia ſi ſoli ſpectentur, anni, iis obſignati, ad ſuam ſcſtitiam apud Antiochenſes æram ab eo forſan traduci poſſent, præſertim cùm Tiberius in nonnullis Auguſtus appellatus fuerit etiam ante ipſius Octaviani Auguſti mortem, ob ſcilicet æqualem omninò poteſtatem, quam a Senatu poſtulantæ patre ejus, teſte Vell. Paterculo *hiſt.* lib. II, æt. cxxi, in Syria omnibuſque provinciis obtinuerat anno Romano 765, ſeu xlii æræ Actiacæ, quo cuſus eſt ſuperior nummus cum anno BM.

Revera quidem Noriſius *de epoch. Syro-maced.* Diſſert. III, qui duos tantùm noverat ejuſmodi Tiberii nummos, in quorum altero Α ΕΠΙ ΣΙΛΑΝΟΥ ΑΝΤΙΟΧΕΩΝ ΕΜ legitur, in altero verò Γ ΕΠΙ ΣΙΛΑΝΟΥ ΣΕΑΕΥΚΕΩΝ ΖΜ, exiſtimavit eorum opẽ omninò demonſtrari Antiochenſes anno primo & tertio Tiberii

nummi, ipso tempore de quo loquimur, percussi. Plu-

zii imperii æra Asiatica fuisse usos: ait enim tom. II, col. 264, ubi duo numismata illa exhibet: *Et sanè Asiatici ac Syri, ut alios populos omittam, ab A.V. 723, quo Cæsar Augustus apud Actium victo Antonio, eas provincias sibi subdidit, annos Imperii ejusdem numerant. Hoc de Antiochenis ac proximis Seleucensibus ex eorumdem nummis demonstro.*

Sunt ambo, inquit, nummi Tiberii: prior servatur in museo Mediceo ex locupletissima collectione Cardinalis Leopoldi; idemque visitur Mediolani in cimeliis Septalianis. Inscriptio antica partis latine redditur: Cæsar Augustus Augusti filius. In alia parte legitur Α ΕΠΙ ΣΙΑΑΝΟΥ ΑΝΤΙΟΧΕΩΝ ΕΜ. anno primo sub Silano. Antiochenium. anno xlv. Alter nummus ejusdem Tiberii cum eadem epigraphe anteriori cernitur in cimeliis illustrissimi D. Theodorici Bignonii libellorum supplicum magistri, & magni Regum maximi Concilii Præsidis. Postica inscriptio est: Γ ΕΠΙ ΣΙΑΑΝΟΥ, ΣΕΛΕΥΚΕΩΝ. ΖΜ. anno tertio. sub Silano. Seleucensium. anno xlvii. Tacitus lib. 2. ann. recensens gesta A.V. 770, C. Calio Rufo & L. Pomponio Flacco Coss. scribit: Sed Tiberius demoverat Syria Creticum Silanum per adfinitatem connexum Germanico, quia Silani filia Neroni vetustissimo liberorum ejus pæla erat.

In utroque nummo, prosequitur Norisius, signantur anni imperantis Tiberii, & anni insuper epochæ ab
inc.

Plura cognoscimus Antiochenſium vetera numiſmata, in honorem Imperatoris Auguſti

imperio Auguſti in Syria. Nam ab autumno A.V. 723 numerando annos XLV, in nummo Antiochenſium Mediceo obſignatos, erimus ad A.V. 768, quo uſque ad diem 19 Auguſti primus annus imperii Tiberii decurrebat, qui in eodem nummo componitur cum anno imperii Auguſti in Syria XLV. ruruſus numerando ab eodem A.V. 723 annos imperii Auguſti XLVII, in altero nummo Seleucenſium ſcalptos, devenimus ad A.V. 770, quo uſque ad memoratam diem 19. Auguſti annus imperii Tiberii tertius labeatur, ut in eodem numiſmate notatur.

Verum erravit vir præſtantiffimus, exiſtimans elementa A & T in his nummis annos Tiberii imperii exhibere; & licet ibidem addiderit: *equidem niſi contentioſus ac vitilitigandi cupidus negare poſſit illis literis A in nummo Antiochenſium, ac T in aliq Seleucenſium annum primum ac tertium principatus Tiberii ſignificari*; id tamen omnino nego, quæquam vitilitigandi minime cupidus, negaſſetque ipſemet Norſius, ſi ei nota fuiſſent Antiochenſium numiſmata, in honorem Tiberii cuſa, quæ Tabula 7 exhibeo ex Morellio, & in quibus cernitur A cum TM, ΔM, EM, ZM, id eſt, 43, 44, 45, 47. Si enim A ibi indicaret annum primum Tiberii, componendus eſſet cum annis 43, 44, 45, & 47 æræ Actiæ, quod eſt omnino impoſſibile. Idem elementum A in nummis Auton-

mis,

si cusa, quibus perspectis diceret eos aliquomodo prævidisse futurum R. P. Faure errorem, cum præter consuetudinem se æræ Aëtiacæ uti in iis testificati fuerint, inuimò & probaverint.

Omissis quæ in variis per Europam nummo-phylaciis contemplatus sum, unum tantum describam ex argento, æri demandatum a diligentissimo Morellio (231). In antica parte cernitur caput Augusti laureatum, lavam versûs, cum epigraphe ΚΑΙΣΑΡΟΣ ΣΕΒΑΣΤΟΥ, id est, *Cæsaris Augusti*. In postica verò depictus est muliebris Antiochenus genius, Orontis natantis figuræ pedem imponens, cum epigraphe ΕΤΟΥΣ ≈ Κ ΝΙΚΗΣ ΤΗΑ ΙΒ, id est, *anno XXVI victoriæ cons. XII (b)*.

Com-

mis, apud celeberrimum numismatologum Pellerinium, observatur cum annis ΕΙΡ, ΖΟΡ & ΖC, quibuscum certè copulari non potest. Hæc igitur elementa Α & Γ in laudaris nummis annos minimè significant, sed quid aliud nobis incompertum.

(231) Andr. Morellius *Specim. univ. rei numm. ant.* Tab. IV, num. I, edit. Lipsiæ MDCXCV, in 8.

(b) Vide Tab. v. ubi nummi alii cum annis ejusdem æræ Aëtiacæ ΖΚ, ΘΚ, Α, ≈ Α, id est, 27, 29, 30, 36.

Complures nummi similes Augustei reperiantur, inquit idem Morellius (232), *sed qui in annis & consulatibus variant*. Nunc sufficiat unicus jam descriptus.

In eo obsignarunt Antiochenſes annum *XXVI victoriæ*. Cujus porro victoriæ, niſi celeberrimæ Actiæ, quâ, victo Antonio, Cæſar Octavianus rerum ſummâ ſolus potitus eſt? Verum ut omne tollerent dubium, cum anno *XXVI victoriæ* notarunt Auguſti *Conſulatum XII*, ergo nummus cuſus eſt anno *victoriæ XXVI*, quo *Conſul XII erat Auguſtus*. Annus igitur Auguſti Conſulatûs XII idem eſt ac annus XXVI æræ, quâ Auguſti ætate utebantur Antiochenſes. Auguſtum porro Conſulem fuiſſe *duodecimùm* anno V ante æram vulgarem, 4709 periodi Julianæ, ſeu 749 æræ Romanæ, fatentur omnes inſignes Chronologi, licet ad Antiochenſium nummos minimè attendiſſent. Nunc ſi anno 4683, periodi Julianæ, ſeu 723 æræ Romanæ, quo ab Auguſto Actii victus eſt Antonius, addideris annos XXVI, habebis 4709 periodi Julianæ, ſeu 749 æræ Romanæ, qui eſt quin-

H

tus

(232) Id. ibid. p. 50.

tus ante æram vulgarem : evidens est igitur annos , Antiochenſium nummis obſignatos Auguſti ætate a victoria Aſtiaca eſſe numerandos , non autem ab æra Auguſtana , quæ iniiit quadriennio ſeriùs , anno ſcilicet Romano 727, ſeu XXVII ante æram vulgarem .

Si argumentum illud cl. Faureo nullum ſit , conticeſco . Si enim ejuſmodi rationes nullæ ſint , ubi majores in re chronologica inveniet ? Iſ aliisq; edocti eruditus Vaillantius Eminentiffimusque Cardinalis Noriſius non *diſvinantes* , uti ſcribit idem cl. Faureus , ſed certò ſcientes annos , ſuperioribus nummis obſignatos , a victoria Aſtiaca numeravêre .

Reverà quidem nullum hujus Antiochenſium æræ veſtigium apud Scriptores uſpiam reperitur . Quid inde ? quis hodie ignorat quamplurima in veterum ſcriptis numiſmatum antiquorum ope fuiſſe ſuppleta aut correctâ ?



COROLLARIUM VI.

*Perperam, in narrandis rebus Herodianis,
Josephi auctoritatem carpere conantur
Ricciolius & alii.*

Quamplurimi Theologi Chronologique,
re non examinata, Dionysii exigui
aliorumve falsam de Christi nativitat^{is} anno
sententiam amplexi, Josephi auctoritatem,
quâ in eo anno assignando uti præsertim de-
buisse, cum vetera monumenta & numis-
mata nondum cognovissent, carpere ac ele-
vare conati sunt, utpote sibi omnino con-
trariam.

Eorum autem omnium, qui in Josephum
debauchantur, Princeps censendus est R.P. Ric-
ciolius, qui omnium argumenta collegit, ut
Josephum sibi contradicentem, ac proinde
nullâ fide esse dignum ostenderet. Hæc igitur
argumenta perpendamus.

I. Inquit Ricciolius (235), *narrat Jose-
phus lib. XIV. antiquit. c. 15, C. Julium Cæ-*

H 2

sa-

(235) Jo. Bapt. Ricciolius *Chronol. reform.* tom. I,
lib. VI, cap. XIV, p. 286, edit. Bænoniæ MDCLXX,
in fol.

sarem confecto bello Alexandrino, cum esset in Syria, Antipatro idumæo optionem dedisse cuiuscumque Dynastie, eumque creasse procuratorem Judææ, ipsam verò Antipatrum, capite 17 refert, duos natu majores filios regimini applicuisse dicens: Phaselum e liberis suis natu maximum Hierosolymis, & circumvicinæ regioni ducem constituit, Herodi secundo genito Galilæam regendam commisit, etiam tum maximè adolescenti, utpote annos quindecim tantummodò nato. Quod tamen nihil illi obfuit, sed quia erat generoso ingenio præditus &c. De anno Romano, quo hæc gesta sunt, nemo dubitat, cum e fastis consularibus gestisque Caesaris constet fuisse sub Consulibus Caleno & Vatinio inter 2 & 3 Consulatum Caesaris, atque adedò ante epocham Christi annum 47, seu 2 ante Julianum primum. Afferit præterea Josephus lib. 17 antiq. cap. 8, & lib. 1 de bello Judaico cap. ult. Herodem hunc mortuum esse, cum accederet ad annum ætatis septuagesimum. Ergo si anno 47 ante epocham Christi vulgarem habebat annos 15, & in morte annos 70 attingebat, sequitur eum natum esse anno 62 ante epocham Christi, & mortuum esse anno epo-

epochæ Christi 7, id est, Juliano 52. (Quod certè ipsimet Josepho adversatur).

Id argumentum est omnium sanè validius, quæ ad elevandam Josephi auctoritatem proponere possint ejus adversarii. Nihilominus tamen, ut jam adnotarunt viri quidam præstantissimi, nullus est hic Josephi error, sed alicujus tantùm ex primis ejus Librariis, qui græcos codices transcribens, hand dubiè scripsit IE, id est, *quindecim*, pro KE, *viginti*, *quinque*, negligenter omisis cruribus, seu brachiis elementi K, quod sanè facillimum esse nemo inficias ibit. Id porrò ita factum omninò suadet concordia annorum a Josepho adnotatorum. Si enim Herodes anno XLVII ante æram vulgarem egerit XXV ætatis annum, natus erat anno LXXII ante æram vulgarem, seu 4642 periodi Julianæ. Nunc, si 4642, aut potius 4641, cùm 4642 fuerit primus ætatis Herodis, addideris 70, habebis 4711 periodi Julianæ, seu 3 ante æram vulgarem. Porrò cùm ex altero Josephi computo, de quo superiùs Propositione I, Herodes obierit anno IV ante eandem æram, verum scripsit Josephus *quod Herodes jam ad septuagesimum ætatis annum accederet*.

H 3

Ne

Ne igitur triumphet Ricciolius, subne-
tens (236): *quod si hinc aliquid repugnans*
Josephi assertis, alibi deducitur, hoc ipsam
est quod contendimus, ut tandem testi incon-
stanti, & sibi repugnanti fidem adhibendam
non esse concludamus. Quid enim de Ricciolii
libris fieret, si eos eodem modo trutinaremur?

Si præterea reputemus Josephi Chronolo-
giam Herodianam omninò convenire cum
antiquis Scriptoribus græcis & latinis, cum
tabulis astronomicis, cum veteribus nummis
a variis populis & Principibus cussis, & cum
inscriptionibus marmoreis, ut superiùs jam
ostendi, nemo sanè attendet ad supradictum
Librariorum errorem, qui etiamsi esset ipsius
auctoris, ne minimè quidem elevaret ejus
auctoritatem. Error enim in supputandis
Principis ætatis annis, parùm sanè officit
narratæ Historiæ veritati.

II. Prosequitur Ricciolius (237), *refert*
Josephus lib. XV antiq. cap. 10, anno illo,
quo Augustus, extincto Antonio, & Cleopa-
tra, versabatur Rhodi, venisse ad ipsam Hero-
dem

(236) Id. ibid.

(237) Id. ibid.

dem, ac deposito diademate confessum esse, se partes Marci Antonii tutatum esse, & impetrasse Regni confirmationem ab Augusto & per eum a Senatu. Cum ergò Herodes deinceps omnia quæ haberet accepta referret Augusto, valdè probabile sit Baronio, eum non debuisse numerare annos Regni sui a pristino Senatûs Consulto per Antonium impetrato; tum ne Augustum offenderet; tum quia Senatus omnia Antonii acta resciderat tamquam a perduelle & hoste Reipublicæ facta, vel obtenta. Ergò anni illi XXXVII, quos regnasse Herodem sciebat, debuit computare ab hoc secundo Senatûs consulto: extinctum porrò Antonium & Cleopatram anno 30 ante epocham Christi ostendimus lib. 4, c. 7. Ergò inde numerando annos 37, caderet finis eorum, & Herodis in annum 7 epochæ Christi, & Julianum 52, ut supra.

Verùm nemo non videt hîc nugari Ricciolium. Josephus enim historiam sui seculi scribere non debuit secundum systema, quod amplexurus erat R. P. Ricciolius post sexdecim secula, sed secundum quæ vidit; aut quæ scripta invenit a testibus oculatis. De errore laudati Baronii dicam inferiùs Corol-

lario XIII. Sufficiat hîc contra Ricciolium istud argumentum : omîssis aliis veteribus monumentis , quibuscum omninò convenit Josephus , ut patet ex superiori Propositione I , certum est ex supra descriptis antiquis Herodis Antipæ nummis , eum Tetrarcham fuisse per XLIV annos post mortem Patris Herodis Magni : atqui certum est etiam eum in exilium detrusum fuisse ac Tetrarchiâ exspoliatum ab Imperatore Caio Caligulâ , qui obiit anno XLI æræ vulgaris ; ergò Herodes Magnus jam saltem a tribus annis mortuus erat ante initium ejusdem æræ : proindeque certum est eum non obiisse anno VII ejusdem æræ , ut vellet Ricciolius , sed anno IV ante eandem æram , ut probavi Propositione superiori , etiam ex Josepho .

III. Josephus scribit , inquit Cardinalis Norisius (238) , Hierosolymam *expugnatam in Consulatu Marci Agrippæ & Canidii Galli . Canidia gens Romæ a Caninia erat diversa , ac rectè Dioni in Indice lib. 48 , collega Agrippæ dicitur L. Caninius L. F. Gallus . Etenim Gallus erat cognomen gentis Caninia .*

Re-

(238) Norisius , ut n. 121 , col. 231 .

Reverà quidem apud Josephum (239) legitur *Canidii* pro *Caninii*; at quis non videt elementum unum ibi mutatum esse Librariorum incuriâ? Si ob ejusmodi errores fides Scriptoribus esset deneganda, nemini sanè credendum.

IV. *Josephus peccat*, subjungit Norisius (240) in annis supputandis a captis Hierosolymis a Pompeio usque ad eandem urbem iterum a Sosio expugnatam, scribens eosdem fuisse viginti septem completos. Pompeius Hierosolymanam in potestatem P. R. redegit C. Antonio ac Tullio Ciccone Coss. ex eodem Josepho l. XIV, cap. 8, & Dione lib. 37, nempe A. V. 691 (LXIII ante æram vulgarem). Si verò dicatur eadem rursus capta M. Agrippa & Caninio Gallo Coss. A. V. 717, anni tantum sex supra viginti inter utramque expugnationem numerantur.

Verùm, Josephi peccatum facile condonandum. Non enim præcisè dicit annos completos, sed, ut sæpè alii Historici, annos in-

(239) Josephus, ut n. 67, lib. XIV, cap. XXVIII, p. 432.

(240) Norisius, ut n. 121, col. 231.

incompletos annos simpliciter appellat, & in summam confert. Porro Josephus, ut dicturus sum Corollario VIII, annos Regum suorum, & haud dubiè rerum gestarum, numerabat ab ineunte sacro Judæorum anno, mense circiter Martio nostro. Si igitur a Martio anni Romani 691 numeres XXVII annos, vigesimi septimi initium habebis Martio anni 717, cujus mense tertio, aut circiter Maio Junio nostro a Sosio & Herode iterum expugnata est Hierosolyma, ut ostendi superius Corollario IV. Non ergò tantum Josephi peccatum!

V. In anno Hierosolymorum expugnationis *Josephum errasse*, ait Norisius (241), *mibi pariter compertum est. Nam ex ipsius scriptis Herodi ab accepto Regno a Romanis A. V. 714 ad captam Hierosolymam, una tantum & altera hiems exacta colligitur; quod miror neminem hucusque observasse. Igitur anno Urbis 716 Herodes Hierosolymam armis occupavit, non vero anno 717, ut scribit Josephus.*

Verum jam ostendi superius Corollario IV, Josephum primæ hiemis non memin-

(241) Id. ibid.

miniſſe ; quod mirum videri non debet , cùm etiam aliquot Syriæ præſides prætermiſerit , & Herodes eâ hieme nihil notatu dignum egerit .

Monſtratum eſt , ſubdit Noriſius (242) , Herodem A. V. 715 Samofatis in Palaſtinam reverſum , quinque parva oppida nullo negotio occupaffe , ac ſignis cum Pappo Antigoni duce collatis , inſignem victoriam reportaffe . *Quæ autem A. V. 716 geſſit ?* Joſephus poſt illam pugnam ſcribit prohibitum Herodem hie- mis aſperitate , ne Hieroſolymam obſideret , quam demùm coronâ militari vallavit , expugnavitque M. Agrippa & L. Caninio Cæſs. ſi Joſepho fides præſtatur : ac proinde toto A. V. 716 Herodes poſitis armis , anſatus domi ſedit , ac Soſius cum XI legionibus otioſus in Syria fuit ; cùm tamen Dio ſcribat altero A. 717 Soſium otio indulſiſſe .

Verùm ea etiam evaneſcunt ex dictis ſuperiùs Corollario IV , ubi oſtendi erraſſe ipſum Noriſium , non verò Joſephum , in aſſignandis annis , quibus Parthi a Romanis ſuperati ſunt , & a quibus pendet aſſignatio

(242) Id. ibid.

tio anni quo expugnata fuit Hierosolyma.

Ex eodem Corollario patet etiam quàm perperam dixerit Norisius (243), aliàs eruditissimus, Josephum scripissè *Herodem anno tertio, postquam Romæ declaratus fuerat Rex, castra propè Hierosolymam metatum, cùm altero anno scribere debuisset*. Ex dictis enim eò loci intelligitur tertium Herodis annum jam in finem vergissè, immò completum fuisse more Judæorum, constatque Josephum de Chronologia Herodiana apprimè edocum fuisse.

Ejusdem farinae est quod subdit Norisius (244): *Josephus annum captæ urbis (Hierosolymitanæ) illum putavit, quo annus Sabbaticus exibat, cum reapse fuerit A. V. 716, quo paulò post Urbem expugnatam, Sabbaticus inchoatus est*. Eos enim errores apud Josephum credidit Norisius, quia ipsemet erravit assignans annum posterioris Hierosolymorum expugnationis. Urbs enim capta est anno XXXVII ante æram vulgarem, seu Romano 717, ut ostendi laudato Corollario IV; non

(243) Id. Ibid. col. 232.

(244) Id. ibid.

non verò anno præcedente, ut minus bene contendit Norisius.

VI. Si anni 37 Regni Herodis, inquit Ricciolius (245), *computandi fuerunt non a declaratione prima per Senatum facta, interim enim nondum reipsa regnabat, sed regnabat adhuc Antigonus; sed ab extincto Antigono; cum id evenerit anno, ut diximus, Juliano 9, additis 37, confurgit annus Julianus 46, (ære vulgaris primus), quo Christus est circumcissus, & Herodes obiit; inde autem computandos esse debebat Josephus discere a seipso lib. 14, cap. 28, dicente: Antigono sublato, Assamonæorum principatus desit post annos 126, idque ad Herodem transiit, immò ab ipso Herode, qui non aliunde numerabat quando, ut refert Josephus lib. 17 antiq. cap. 8, commemorabat Herodes templum impendiis suis ingentibus inlauratum, nec Assamonæos potuisse annis 126, quibus regnaverant, tale aliquid in honorem Dei perficere. Ergò si regnarunt Assamonæi usque ad Antigoni mortem, inde tantum anni Regni Herodis, & quidem 37 videntur computandi.*

No-

(245) Ricciolius, ut n. 235, p. 287.

Nobis autem sufficit ostendisse manifestam repugnantiam Josephi cum seipso.

Proh Deus ! hæc est manifesta repugnantia Josephi cum seipso ! omittas , quæso , superiorem Librariorum errorem IE pro KE, de qua Sectione I, & quæras repugnantia . Ubi sunt ? quid ? quia Josephus numerat XXXVII annos a Consulatu Calvini & Pol- lionis , anno XL ante æram vulgarem , quo Judææ Rex a Romanis declaratus est , ad ejus mortem ; & Antigoni Regnum protrahit ad annum XXXVII ante eandem æram, continuo ut sibi contradicens prædicandus est ? non potuit Herodes declarari Judææ Rex a Senatu Romano anno XL ante æram vulgarem , & tamen rerum summâ non potiri nisi post triennium , quia Judæam adhuc occupabat Antigonus , & in ea regnabat ? numquid tempora non distinguit Josephus ? Herodes inquit , *vita defunctus est post detrusum Regno Antigonum anno trigesimo quarto , ex quo autem a Romanis Rex declaratus est anno trigesimo septimo .* Ergò ex Josepho regnavit Antigonus triennio postquam Herodes a Senatu Romano Judææ Rex declaratus est , nec ille rerum summâ potitus est nisi paulò
an-

ante mortem illius. Verùm Herodes a detruso Antigono regnavit tantùm XXXIV annos, ut nos docet Josephus, non verò XXXVII, ut vellet Ricciolius.

Unde enim didicerunt Baronius, & ipsi sequutus Ricciolius, Herodem regnasse annos XXXVII nisi a Josepho? Sed si a Josepho illud habuerint, cur a Consulatu Calvini & Pollionis, anno XL ante æram vulgarem, annos illos XXXVII, uti Josephus fecit, numerare recusant? quia, inquiunt (246) *cùm in confesso esset apud omnes, Herodis Regni annos triginta septem esse adnumeratos, factum est ut Josephus malè ad primam institutionem Romæ sub prædictis Consulibus factam, verterit oculos, & ab eo tempore numerare cæperit annos Regni ipsius Herodis.* At quâ ratione Josephum deceptum volunt in assignando initio illorum XXXVII annorum? quia propriæ sententiæ, aut potius errori circa Christi nativitatis annum, ejus auctoritatem accommodare nequeunt. Optima eis sit hæc ratio, aliis certè probata non erit.

(246) Baronius, ut n. 44, p. 52. Idem innuit Ricciolius, ut n. 235, p. 288.

erit. Hinc Josephus, ex Ricciolio (247); annos illos XXXVII numerare debuisse detruso Antigono, ut Herodis mortem scribere potuisset anno primo aræ vulgaris, paulò post Christi nativitatem, quam exeunte anno præcedenti factam perperam contendit Ricciolius cum Labbeo, ut dicam inferiùs Propositionis IV Corollario XV. E contra verò Josephus, ex Baronio, XXXVII illos annos numerare debuit ab eo ipso anno (248) quo Augustus navali bello Antonium & Cleopatram debellavit, eodem Augusto tertium & Messalà Consulibus, Olympiade centesimâ octogesimâ septimâ, anno secundo, seu XXXI ante aram vulgarem; quo Herodem ab Augusto & Senatûs Consulto Judææ Regem confirmatum falsò asserit Baronius, ut dicturus sum infra Corollario XIII.

Multis igitur modis, & a variis temporibus, annos illos XXXVII Regni Herodis numerare debuisse Josephus, ut, contemptâ veritate, futurorum Chronologorum arbitrio satisfacere posset. At respondeant mihi, ama-

(247) Ricciolius ibid. p. 287.

(248) Baronius, ut n. 44, p. 53.

amabo : quis meliùs scire potuit quàm Josephus, an anni Regni Herodis XXXVII a Consulatu Calvinì & Pollionis deducti fuerint ? erat enim, ut inquit Torniellus (249), natione Judæus, historiæ Judaicæ peritissimus, & ipsius Herodis tempori valdè proximus, atque in gestis ejus studiosius perquirendis, ac describendis omnium diligentissimus. At si ab Actiaca pugna, ut affirmat Baronius, aut a detruso Antigono, ut vult Ricciolius, primus annus Regni Herodis, & reliqui deinceps sigillatim in publicis monumentis adnotari cœpissent ; mirum valdè esset quòd rem tam novam, & tunc temporis adèò pervulgatam ignorare potuissent tres rerum Judaicarum peritissimi, nimirum Josephus, & ante ipsum Philo, qui fuit Herodis temporibus proximior ; & ante Philonem Nicolaus Damascenus, Scriptor egregius, sæpiùs a Josepho citatus ; qui fuit Herodis contemporaneus & familiarissimus, eisdemque superstes, quique non minùs Judæorum quàm Romanorum res callebat. Vel si eos id non latuit ; quì fieri potest, ut rem

I adèò

(249) Torniellus, ut n. 46, ann. 405 I, p. 609.

adeò notabilem omninò præterierint ? nec
uspiam quis eorum Herodis Regni annos ab
Actiaca pugna putaverit ? aut quod nullus
alius ex antiquis Scriptoribus , hâc de re
quidquam meminerit ? Sed esto , occulta qua-
dam de causa id evenerit : saltem non omni-
nò oppositum scripsisset , replicassetque Jo-
sephus , qui duo tantum initia Regni Hero-
dis memorat ; alterum ab adepto Regni ti-
tulo ; alterum , a consequuta Regni posses-
sione : singulaque propriis Consulibus Olym-
piadarumque notis signat : atque a primo ad
obitum Regis numerat annos triginta septem ;
ab altero autem triginta quatuor .

Iis addas veteribus monumentis græcis &
latinis omninò convenire Josephi narratio-
nem , iis verò penitus dissentire Baronii &
Ricciolii opiniones , ut dicam inferiùs præ-
sertim Corollario XIII , & videas nùm illis
potiusquàm Josepho credendum sit .



COROLLARIUM VII.

*Errat Norisius scribens Herodem Magnum
obiisse autumno anni IV ante aram
vulgarem.*

Eminentissimus Cardinalis Norisius, Usserium (250) ferè sequutus, non attendens Josephum Herodis Regni annos numerasse ab initio sacri Judæorum anni, existimavit eum obiisse anno quidem 750 Romano, seu IV ante aram vulgarem, sed autumnì tempore, non verò mense Martio, ut probavi superius. *Constat*, inquit (251), Herodem *A. V. Romæ* 714 *Cn. Domitio Calvino II & C. Asinio Pollione Consulibus, Antonii ac Caesaris Octaviani operâ, a Senatu Regnum obtinuisse, & quidem inito autumno. Hinc annus Regni ejusdem XXXVII iniiit per autumnum A. V. 750 C. Calvisio Sabino II, L. Passieno Ruffo Coss. quo etiam decessit. Et alibi (252): auctor est Josephus filios Herodis de paterni*

I 2

Re-

(250) Usserius, ut n. 171, ad ann. mundi 4001, p. 602, ubi ait Herodem obiisse *circa Novembris nostri diem 25, septima videlicet Cislevi mensis.*

(251) Norisius, ut n. 121, tom. II, de *nummo Herod. Antipæ*, col. 648.

(252) Id. ut n. 121, col. 257.

Regni successione litigantes, Romam ad Augustum integram causam detulisse, Augustum vero in amicorum concilio rem discussisse, Nicolao Damasceno Archelai causam defendente. Hac de Augusto scribit Josephus lib. 17, c. 12, interprete Gelenio: Amicos in consilium advocat, & in his Caium Agrippæ & Juliæ filiæ suæ filium, jam a se adoptatum, primum ei locum in concistorio tribuens. Hoc judicium habitum est A. V. 251, ita ut nec in annum superiorem, nec in quempiam proximè insequentium protrahi possit. Primum illud infertur ex annis Herodis: siquidem A. V. 750 mense Octobris complevit annum Regni a Romanis dati XXXVI: quare etiamsi vixisset alterum mensem ac decessisset die circiter 25. Novembris, inito anno trigesimo septimo, quæ est Vsserii sententia, causa successionis Regni anno V. 751 agitata fuisset. Nam Archelaus, celebrato apud Hierosolymam Paschate, Romam navigavit ad Augustum.

Verùm hic tres errores scripsit Norisius, I. nempe Herodem Magnum obiisse autumnò anni 750 Romani, seu IV ante aram vulgarem; II. Archelaum Hierosolymis Paschate celebrato anno sequenti Romam navigasse;

gasse; & III. Augusti judicium de Herodis successione eodem anno habitum fuisse, nec ad superiorem protrahi posse. Ex dictis enim superius Propositionis I Sectione III, omnino patet Herodem obiisse mense Martio anni IV ante æram vulgarem, & ante Pentecosten ejusdem anni Archelaum Romanam navigasse, ac consequenter Augustum de Herodis successione judicium eodem anno ferre potuisse.

Nec obstat, quod ait Norisius, Herodem mense tantum Octobri anni IV ante æram vulgarem, complevisse annum Regni a Romanis dati XXXVI, tuncque iniisse annum XXXVII. Josephus enim, ut patet ex inferiori Corollario VIII, annos XXXVII Regni Herodis non numeravit ab eo die, quo a Senatu Romano Judææ Regnum obtinuit, sed a mense Nisan, patrio more; proindeque ad rem nihil facit ratio Norisiana.

Alia contra Norisii opinionem argumenta attulit eruditus Vaillantius: verum illa omitto, quia nihil ex illis (253) concluditur.

I 3

Cum

(253) Vaillantius, ut n. I, p. 201 & seqq., fuisse probare contendit Herodem non obiisse autumn-

Cum Norisio porro, cujus sententiam amplexi sunt, errarunt Reverendi Patres Stampapa

li tempore, sed Martio mense anni 1v ante æram vulgarem; quia ut superius jam ostendi Propositionis I Sectione 1v, Archelaus, Herodis successor & filius, trans Alpes fuit relegatus anno Romano 759, Marco Æmilio Lepido & L. Atruntio Consulibus, teste Dione, jam inito decimo Ethnarchiæ anno, teste Josepho. *Igitur*, inquit Vaillantius ibid. p. 201, *Archelaus Romam suum iter differre non potuit in annum Romanum 751, seu III ante æram vulgarem; unde omnino patet Herodis mortem contigisse anno 750 Romano, mense Martio, cum ejus filius regnaverit novem tantum annos, non autem decem completos.*

Verum, quod animo intendit, minimè probat. Non enim a firmato Patris testamento ab Augusto, sed ab Herodis Magni obitu annos Archelai computare debuisset Vaillantius, ut, pagina sequente, reverà computat Herodis Antipæ annos, dicens: *in dubium minimè vocari potest quin Herodes Tetrarcha sui Principatus annos numeraverit a die obitus Patris, Herodis Magni. Porro si Herodes Magnus obiisset ineunte autumno anni 1v ante æram vulgarem, Archelaus decimum Principatus annum iniisset autumno anni vi æræ vulgaris, Lepido & Atruntio Consulibus, potuissetque exilio affici ante finem ejusdem autumni.* Non igitur Vaillantii argumento probatur He-

He-

pa (254) & Antonius Pagius (255).

Eorum errori ansam jam dederat Jacobus Usserius, qui, ut probet Herodem Magnum obiisse mense nostro Novembri, ait eum mortuum die septimo mensis Casleu, seu Cislevi, qui idcirco, inquit (256), a *Judeis ut dies latus & festivus celebratur, quod in eo Herodes, qui sapientes odio prosequutus est, mortem obierit, ut ex volumine jejunii, in*

I 4

Chro-

Herodis Magni obitum ad autumnum anni 14 ante æram vulgarem differri non posse.

Quid plura? Ex immediatè sequenti Corollario vult, constat Josephum Judæorum principem annos computasse a mense Martio præcedente. Non ergò ex annis Principatus Archelai concludi potest mensis obitus Herodis, sed annus tantum.

Hinc patet etiam futilia esse argumenta, quæ, ad idem probandum, deducit Vaillantius ex anno census, a Quirinio facti, & ex nummis Herodis Antipæ. His enim rectè demonstratur Herodem Magnum mortuum esse anno 750 Romano, seu 14 ante æram vulgarem, sed quo mense minimè probari potest.

(254) Jos. Mar. Stampa in Carol. Sigonium *Oper. omn.* tom. I, *comment. in fast.* col. 582, edit. Mediolani MDCXXXII, in fol.

(255) Pagius, ut n. 140, p. 35.

(256) Usserius, ut n. 171, ann. mundi 4001, p. 602.

*Chronologia sua notavit Edovardus Liveleius ,
vir doctissimus .*

Hæc quidem Judæorum festivitas contra Josephi narrationem parit difficultatem , quam omnium maximam credidi , quamque directè solvere in vanum tentavi . Minimè tamen dubito quin rebus Judaicis eruditiores nodum facile expedire possint . Non enim mihi videtur Josephum , Herodianarum rerum peritissimum , ac veteribus monumentis , Scriptoribusque antiquis consentaneum , errare potuisse in re , quam fusiori calamo scripsit , & cujus tot circumstantias adnotavit .

Josepho igitur , Scriptori ferè coætaneo , ac testis oculati Nicolai Damasceni commentarios præ manibus habenti , fides potiùs sanè habenda quam Judæorum Kalendario , pluribus seculis post Herodis obitum exarato ; in quo notatur festum ob memoriam Herodis sublati , longo post ejus mortem tempore institutum , ac die VII Casleu ob rationes nobis ignotas stabilitum . Judæi enim festum illud non celebrassent sanè viventibus Herodis filiis , & nemo ignorat nos Christianos Catholico-Romanos celebrare
fe-

fésta obitûs plurimorum Sanctorum quibusdam diebus, quibus certè non sunt mortui.

Id quidem lectori erudito non omninò forsan satisfaciet. Si tamen ad omnia attendat, Josephi narrationis veritate convictus erit. Nihilominus si dubitatio aliqua in mente remaneret, de ea prorsus non laborarem. Ad annum enim Christi nativitatis investigandum mihi sufficit quod Herodes Magnus e vivis sublatus fuerit anno IV ante aram vulgarem, ut reipsâ demonstravi. quo autem die, quo mense minimè interest.

COROLLARIUM VIII.

Anni Herodis Regni, a Josepho annumerati, ab incunte anno sacro, seu mense nostro Martio, computandi sunt.

Magnos rumores excitarunt in Chronologorum Republica, anni, quos Herodis Magni Regno adscripsit Josephus, XXXVII nempe *ex quo a Romanis Rex appellatus fuerat*, & XXXIV *a detruso Antigono*. Alii illos completos esse voluerunt, alii verò tantùm inchoatos; isti a vere anni XL ante aram vulgarem eos computarunt; illi ve-

verò ab autumno . Hic eorum initium ducit a victoria Actiaca , ille XXXVII numerat a detruso Antigono , & aliter alii , qui , aliquam amplexi de Christi nativitatís anno sententiam , ei Josephi auctoritatem accommodare conati sunt , cùm potius opinionem suam Josephi dictis accommodare debuissent , utpote Scriptori omnium emunctissimæ naris .

De variis illis opinionibus , aut potius erroribus , jam dixi superiùs , aut inferiùs dicturus sum . Hic de initio tantùm illorum annorum verba faciam , demonstrando Josephum a Martio nostro Regni Herodis annorum initium duxisse patrio more , non autem a die quo Regnum obtinuit , quod minùs benè scripserunt celeberrimi recentiores Chronologi .

Certum est enim omninò ex Corollariis I & III Herodem a Romanis Judææ Regem fuisse declaratum exeunte Septembri aut ineunte Octobri anni XL ante æram vulgarem , seu 4674 periodi Julianæ . Certum est etiam ex Propositionis I Sectione III eundem Principem obliisse mense Martio anni IV ante æram vulgarem , seu 4710 periodi Julianæ . Porro si ab exeunte Septembri anni

ni 4674 periodi Julianæ numerares XXXVII annos, trigesimi septimi initium non haberes nisi ineunte Octobri anni 4710, Herode jam mortuo a pluribus mensibus. Non igitur ab impetrato Regno annos illos computavit Josephus, sed ab ineunte anno Judæorum sacro, cujus primus mensis, Nisan dictus, Martio nostro partim respondet.

Idem dicendum de annis XXXIV, quibus regnavit Herodes a detruso Antigono. Victus est enim Antigonus, teste Josepho (257), & Hierosolyma capta, Consulibus Marco Agrippâ & Canidio Gallo, mense tertio, id est, anno Romano 717, seu XXXVII ante æram vulgarem, mense Judaico Sivan, seu Maio nostro. Porro si a Maio anni Romani 717 numerares XXXIV annos, anni trigesimi quarti initium non haberes nisi Maio anni Romani 750, seu IV ante æram vulgarem, Herode jam mortuo a tribus ferè mensibus. Nec igitur illos XXXIV annos numeravit Josephus a detruso Antigono, sed ab ineunte sacro Judæorum anno, ut mos erat Judæorum.

li

(257) Josephus, ut n. 67, lib. XI. cap. XXVIII,
p. 432.

Ii enim , ut ipsimet testantur in Mischna (258), annos Regum suorum putarunt a mense Nisan , seu Martio nostro , cujus Lunâ sacer incipiebat annus ; ita ut , si quis Regnum obtineret mense Adar , seu Februario nostro , qui erat ultimus anni sacri , a Nisan immediatè sequenti alter ejusdem Regni annus supputaretur . Non mirum igitur si Josephus , utpote Judæus , ab eodem mense putaverit Herodis annos .

Quod autem res ita sit omninò demonstratur isto argumento . Ex dictis & dicendis , Josephi præsertim & nummorum veterum auctoritate , constat I. Herodem Magnum a Romanis Judææ Regnum obtinuisse anno XL ante æram vulgarem , seu 4674 periodi Julianæ , exeunte circiter Septembri , & regnasse XXXVII annis ; II. Herodem Antipam , ejus filium , exulasse ante Septembrem anni XL æræ vulgaris , 4753 periodi Julianæ , & a morte Patris , Tetrarchiâ suâ fuisse potitum per XLIV annos . Regnarunt igitur an-

(258) Mischna , Tract. *Rosch Haschana* , cap. I , Sect. I , apud Hier. a Bennetis *Chronol. & critic.* t. I , part. I , prolegom. II , cap. II , art. I , p. 336 , ed. t. Romæ MDCCCLXVI , in 4.

annis LXXXI. Porro si ab exeunte Septembri anni 4674, numeres LXXXI annos, anni octogefimi primi initium non habebis nisi ineunte Octobri anni periodi Julianæ 4754, finem verò exeunte Septembri 4755, Antipà jam exule a duobus annis & amplius. Anni igitur Herodis Magni computati non fuere a die, quo a Romanis Regnum obtinuit, nec anni Herodis Antipæ a morte Patris.

Neque obstat quòd anni utriusque Herodis dicantur inchoati tantum. Supponamus enim Herodem Magnum regnasse tantum per XXXVI annos & XV dies, & Herodem Antipam per XLIII annos & dies quindecim, ut utriusque anni ultimi a quindecim diebus tantum dicantur incepti, & ita eos regnasse tantum per LXXIX annos & mensem unum completos. In hac hypotesi finis Tetrarchiæ Herodis Antipæ erit anno 4753 periodi Julianæ, seu XL æræ vulgaris, exeunte mense Octobri, aut ineunte Novembri, quo certè jam exulabat Antipas. Annos igitur utriusque Herodis Principatûs ab ineunte sacro Judæorum anno computatos necesse est.

Scaliger quidem contendit eos annos fuisse computatos a mense Ijar, seu Aprili nostro;

ve-

verum hæc ejus opinio refellitur Corollario immediatè inferiori.

COROLLARIUM IX.

Errat Scaliger scribens annos Herodianos, a Josepho annumeratos, a mense Tjar, seu Aprili nostro, fuisse computatos.

FAtetur Scaliger (259) Judæos a mense Tifri, seu Septembri nostro, numquam annum historicum orsus esse, licet ab eo mense inchoatis annis contractus suos signarent. Hinc ait eos *numquam annos Regum aliunde, quàm ab initio anni sui popularis, ordiri, hoc est, a Nisan*, quod & ipse dixi Corollario immediatè superiori. Subjungit tamen id factum esse tantum *usque ad tempora Simonis Hyrcani, sub quo ab Tjar annos suos putare cœperunt Judæi*, quod ex tribus quatuorve locis Flavii Josephi operum colligere tentavit. Nam, inquit (260), *Josephus ait Hierosolyma a Pompeio capta tertio mense, tempore jejunii. Thamuz sanè est tertius*
ab

(259) Jos. Scaliger *de emendat. temp.* lib. v, de excessu Herod. p. 463, edit. Genevæ MDCXXIX, in fol.

(260) Id. ibid. de initio Simonis, p. 436.

ab Ijar. Alibi idem Scriptor Adar vocat undecimum mensem, & Tebeth nonum, nimirum ab Ijar.

Verum ex hac Josephi auctoritate minime evincitur nova illa epocha anni Judaici ab Ijar inchoata: levissimum enim est argumentum quo hæc nititur. Ex eo quod enim apud Josephum Hierosolyma a Pompeio capta dicatur mense tertio, jejunii tempore, non continuo sequitur illum mensem tertium esse Thamuz, anni sacri quartum, cujus XVII dies jejunio sacra erat, ob impensum vitulo aureo cultum, atque inflictam ob id a Deo ultionem. Mense enim Sivan, tertio ejusdem anni sacri, die XXIII, jejunium erat, teste Calmeto (261), in memoriam edicti a Jeroboamo filio Nabat lati, quo scilicet cautum est, ne subjecti sibi populi primitias Hierosolymam deferrent. Cum igitur Josephus dicat *mense tertio*, non verò *mense Thamuz*, minime asserere possumus eum de mense Thamuz loquutum fuisse; immodò dubium (262) esse posset an ibi Josephus

in-

(261) August. Calmetus *Diction. histor.* tom. II, p. 445, edit. Lucæ MDCCXXV, in fol.

(262) Leve admodum tamen illud existimo.

indicaverit mensem tertium anni sacri. Alio enim in loco (263) *secundum* appellat mensem Marchesvan, seu Marfonane, Macedonibus Dius dictus, qui erat anni sacri octavus; quia ibi loquitur de anno civili, initium habente a mense Tisri. Hinc Jacobus Usserius, celeberrimus Chronologus, laudatà Josephi auctoritate innixus, putat (264) Hierosolymam a Pompeio captam mense Kisleu, anni civilis tertio. *Captum est templum*, inquit, *solemni mensis tertii jejunio; quo Urbs postea a Sosio est occupata. Qui mensis tertius anni civilis est accipiendus apud Hebræos & alios orientales (ut in lib. 1 antiquit. cap. 4, Josephus, & in principium Ezechielis Hieronymus indicat) ab autumno deducti: ille videlicet Syrorum mensis tertius, ab eis Canan prior, ab Hebræis Cisleu dictus; cujus die 28 (265)*
jeju-

(263) Josephus, ut n. 67, lib. 1, cap. 14, p. 9.

(264) Usserius, ut n. 171, p. 452.

(265) Ita Usserius; verum R. Abbas Augustinus Calmetus, ut n. 251, p. 442, variorum Calendariorum auctoritate testatur hoc jejunium, ob dilaceratum combustumque Jeremix volumen a Rege Joakimo, celebrari die 21 ejusdem mensis. Uter veritatem scripserit, hic non est inquirendi locus.

*jejunium , in memoriam sacri voluminis ab im-
pio Jehoiachino combusti (266) in hunc usque
diem Judæi celebrant . Dies verò ille 28 men-
sis Cisleu hoc anno Decembris Juliani diei 20
respondit .*

Nec magis deducitur nova illa anni Judaici
epocha ex aliis Josephi locis , ubi mensis
Adar undecimus (267) , & mensis Tebeth
nonus (268) appellatur . Mendosa enim esse
illa loca ostendit ipsemet Josephus . Hic
enim iis in locis , uti & alibi , Judaicos men-
ses componit cum Macedonicis , quorum se-
ries ita se habebat (269) :

| <i>Macedonici .</i> | <i>Judaici .</i> |
|---------------------|------------------|
| Xanthicus . | 1. Nisan . |
| Artemisius . | 2. Ijar . |
| Dæsius . | 3. Sivan . |
| Panemius . | 4. Tammuz . |
| Lous . | 5. Ab . |
| Gorpæus . | 6. Elul . |

K

Hy-

-
- (266) Jerem. cap. xxxv.
 (267) Josephus , ut n. 67, lib. xi , cap. iv , p. 315.
 (268) Id. ibid. cap. v , p. 317.
 (269) Teste Ever. Audrichio *Instit. ant.* part. I,
 cap. II , p. 25 , edit. Florentiæ MDCCVI , in 4.

| | |
|-----------------|-----------------|
| Hyperberetæus . | 7. Tifri . |
| Dius . | 8. Marchesvan . |
| Appellæus . | 9. Kisleu . |
| Audynæus . | 10. Tebeth . |
| Peritius . | 11. Sebeth . |
| Dystrus . | 12. Adar . |

Josephus porro componit (270) mensē primum Nisan cum Xanthico Macedonico; secundum Ijar (271) cum Artemisio; septimum Tifri, seu Thuri (272) cum Hyperberetæo; octavum Marchesvan, seu Marsonane (273) cum Dio; nonum Kisleu, seu Chasleu (274) cum Appellæo; & duodecimum; annique ultimum Adar (275) cum Dystro. Hinc si alibi mensē Tebeth *nonum* (276) & Adar *undecimum* (277) appellat-

(270) Josephus, ut n. 67, lib. XI, cap. 1v, p. 315.

(271) Id. ibid. lib. viii, cap. II, p. 225.

(272) Id. ibid. p. 228.

(273) Id. ibid. lib. I, cap. 1v, p. 9, ubi mensē illum appellat *secundum*, quia ibi loquitur de anno civili, qui initium habebat a Tifri.

(274) Id. ibid. lib. xii, cap. vii, p. 349.

(275) Id. ibid. lib. 1v, cap. viii, p. 114.

(276) Id. ibid. lib. xi, cap. v, p. 317.

(277) Id. ibid. cap. 1v, p. 315.

laverit, haud dubiè ibi Librariorum incurià erratum est, ut patet ex eo quod iis in locis Tebeth cum Appellæo, & Adar cum Dystro Macedonico comparaverit. Si enim Tebeth reverà fuisset, Josephi ætate, nonus mensis anni Judaici, ab Ijar inchoati, illum comparasset cum Audynæo Macedonico, non autem cum Appellæo. Sicut enim Tebeth fuisset apud Judæos mensis nonus ab Ijar, ita Audynæus apud Macedones fuisset nonus ab Artemisio.

Item si Adar, vivente Josepho, fuisset apud Judæos mensis undecimus, cum Peritio Macedonico, non verò cum Dystro, compositus fuisset. Si enim Judæorum mensis nonus unà cum Macedonum Appellæo affluxit, Judæorum undecimus unà cum Macedonum Peritio effluere debuit. Nullum igitur dubium quin error in ea Josephi loca irrepsit; quod affirmat ejus vetus interpretes Rufinus (278), qui priori loco (279) non Tebeth sed *Kisleu* posuit. Item postero-

K 2 ri

(278) Teste Petavio, ut n. I, part. I, lib. I, cap. xxix, p. 74.

(279) Cap. v.

ri (280), quidam ejusdem Rufini codices habent *duodecimum*, non verò undecimum mensem. Non igitur scripserat Josephus (281): *vigesimā die noni mensis, quem Hebræi Tebethum, Mædones Appellæum nominant*. Nec (282) *vigesimā tertiā die mensis undecimi, qui nostris dicitur Adar, Macedonibus Dystrus*: sed *vigesimā die noni mensis, quem Hebræi Kislen, Mædones Appellæum nominant*; & *vigesimā tertiā die mensis duodecimi, qui nostris dicitur Adar, Macedonibus Dystrus*. Est enim tam Adar apud Judæos a Nisan, quàm apud Mædones Dystrus a Xanthico duodecimus. Unde novæ illi ab Ijar epochæ nullus omninò relinquitur locus.

Addas tamen, si velis, argumentum istud negativum, ab erudito Bocharto (283) supeditatum, dicente ejusmodi epochæ ne vobis quidem, nec levissimum occurrere vestigium in Judæorum libris, id est, neque in
li-

(280) Cap. 14.

(281) Josephus, ut n. 67, lib. XI, cap. V, p. 317.

(282) Id. ibid. cap. 14, p. 315.

(283) Bochartus, *opera* tom. II, *epist. ad Sarra-
vium*, p. 1056, edit. Traject. ad Rhen. 1712, teste
Hier. a Benæctis, ut n. 258, p. 336.

libris Machabæorum , neque in Talmude ,
neque in tractatu *Rosch-hafchana* , de anni
principio , neque in templi secundi Chroni-
co , neque in *Seder Olam* , neque apud Jo-
sephum ben Gorion , neque in *Sepher Ju-
chasim* , neque apud Gantzium in *Tzemach
David* , neque in Judæorum computatione
Chochmat Hammazalath , quibus in locis , si
alicubi sanè , ejus rei mentionem occurrere
oportebat . Imaginarius est igitur novus ille
annus , ab Ijar incæptus .

COROLLARIUM X.

*Errat Norisius scribens Herodem Magnum
obiisse anno III ante æram vulgarem .*

E Minentissimus Cardinalis Norisius (284)
plurimis argumentis probare conatus
fuerat Herodem Magnum obiisse anno 751
Romano , seu III ante æram vulgarem ; un-
de deinde scripsit (285) : *varie sunt Scripto-
rum opiuiiones de anno obitus Herodis . Ipse
quidem in Cenotaphiis Pisanis Dissert. 2 , cap.6,*

K 3 *siri-*

(284) Norisius , ut n. 121 , col. 232 & seqq.

(285) Norisius ibid. tom. II , Dissert. 17 , cap. v ,
§. 17 , col. 471 .

scripsi Herodem sevam animam inter acerbissimos cruciatus projecisse A. V. 751 a parilibus. Hanc tamen sententiam postea mutavit eruditissimus Cardinalis, ut jam adnotavi superius Corollario VII: unde minimè hic esset locus refellendi ejus argumenta, nisi iis uterentur alii ad probandam opinionem, de qua ipsemet discessit.

I. Igitur ait (286): Herodes Magnus, teste Josepho, obiit circà festum Paschatis anno XXXVII ex quo Rex a Romanis declaratus fuerat, & XXXIV ab interfecto Antigono. Herodes porrò, ex eodem Josepho, Regnum obtinuit anno Romano 714 (mense Octobri); Antigonus verò occisus fuit anno 717. Igitur anno Romano 751, seu III ante æram vulgarem, annum agebat propè Pascha Regni a Romanis accepti XXXVII, a morte autem Antigoni XXXIV.

Verùm, si anni illi Judæorum more computentur, uti reverà computandi sunt ex Corollario VIII, ab ineunte anno sacro, seu Martio nostro, annus XXXVII a Regno accepto, & annus XXXIV ab Antigono destru-

(286) Id. ut n. 121, col. 232.

truso, inierunt mense Martio anni 750 Romani, seu IV ante aram vulgarem; proindeque paulò post mori potuit Herodes, & reverà mortuus est, ut omninò evincunt nummi Herodis Antipæ, descripti superiùs Propositionis I Sectione V.

II. Philippus Tetrarcha, inquit Norisius (287), Herodis Magni filius, e vita migravit, teste Josepho, anno Imperii Tiberii XX, sui verò Principatûs XXXVII. Anno porrò Romano 787, die XIX Augusti, Tiberius annum Imperii XX explebat; Philippus verò ante duos ferè menses annum Regni XXXVII inchoaverat: ergò Patri mortuo successit anno Romano 751, seu III ante aram vulgarem.

Verùm, Philippi Tetrarchiæ annus XXXVII vel iniit, more Judæorum, mense Martio anni Romani 786, vel eodem mense anni sequentis 787, quia mori potuit ineunte uti exeunte anno XX Imperii Tiberii; ergò primus Philippi Tetrarchiæ annus inire potuit anno Romano 750 uti 751; proindeque Herodes Magnus mori potuit anno Romano 750,

K 4

& re-

(287) Id. ibid. col. 233.

& reverà mortuus est, ut evincunt nummi Herodis Antipæ, de quibus suprâ.

III. Philippus idem, ait Norisius (288), Bethsaidæ vicum splendidis ædificiis in speciem Urbis exornavit, teste Josepho, eamque Juliæ Cæsaris filiæ cognominem esse voluit. At Julia ab Augusto patre anno Romano 752 in exilium deportata, nequaquam eos honores a Judæo Tetrarcha tulisset: Philippus ergò anno 751 Romano, seu III ante æram vulgarem, mortuo Herode patre, parti Regni paterni imperabat.

Verùm Philippus parti Regni paterni imperare etiam potuit anno 750 Romano, seu IV ante æram vulgarem. Argumentum enim Norisianum probat tantum eum rerum summâ jam potitum esse ante annum 752 Romanum, non verò eum imperare cœpisse, anno 751, seu III ante æram vulgarem.

IV. Archelaus, ait Norisius (289), Herodis Magni filius, anno *Principatus sui nono*, teste Josepho (290), in exilium pulsus est
Vien-

(288) Id. ibid.

(289) Id. ibid. col. 233 & seq.

(290) Josephus, *de bell. Jud.* cap. 6.

Viennam , Galliæ urbem . Eodem loco etiam Archelai somnium narrat Josephus , nempe visas illi fuisse per quietem *novem spicas plenas & maximas a bobus comedi* ; atque Simonem Essenum hanc somnio interpretationem dedisse : regnaturum quidem illum esse tot annos , quot significasset numerus Aristarum . Et statim : *hisque auditis , Archelaus quinque diebus post ad causam dicendam est evocatus* ; & in exilium missus anno 759 Romano , teste Dione . Anno Romano 751 a palilibus , ante Pascha mortuo Herode Archelaus succedit , novies spicæ maturarunt ab eodem anno ad annum 759 . Igitur Archelaus reapse Patri demortuo successit anno Romano 751 , seu III ante æram vulgarem , ac nono anno Ethnarchiæ suæ currente , Principatu exeunte autumno privatus , Viennam in exilium deportatus fuit .

Verùm Archelaus non anno Ethnarchiæ nono Viennam exulavit , sed ineunte decimo . Josephus enim , ut adnotavi superiùs Propositionis I Sectione IV , alibi (291) scribit Archelaum in exilium missum *anno Prin-*
ci-

(291) I.L. ut n. 67 , cap. xv , p. 516 .

ci patris decimo; proditque in vita sua (292) patrem sui ipsius Matthiam natum fuisse *anno decimo Principatus Archelai*, cujus rei testes appellat publicas tabulas. Unde sat evincitur Archelaum regnasse novem annis completis, inito jam decimo; uti deinde factus est ipse Norisius, scribens (293): *cum ergo, teste Dione, Archelaus A. V. 759, qui fuit æra vulgaris Christi VI, nempe inito jam, ut ait Josephus, decimo anno Ethnarchiæ, in exilium missus fuerit, primus ejusdem Principatus annus capit A. V. 750, Juliano XLII, ac IV ante æram Christi vulgarem*. Anni igitur Archelai Principatus Herodem Magnum obiisse non evincunt anno III ante æram vulgarem, sed anno IV.

COROLLARIUM XI.

Errat Vossius scribens Herodem Magnum obiisse anno II ante æram vulgarem.

GErardus Joannes Vossius, eruditissimus XVII seculi Scriptor, existimavit (294) Herodem Magnum mortuum esse anno XLIV
Ju-

(292) Id. ibid. *de vita*, p. 585.

(293) Norisius, ut n. 121, tom. II, *de numm. Herod. ant.* col. 650.

(294) Vossius, ut n. 52, tom. XV, p. 7.

Juliano , qui est II ante æram vulgarem , suamque probavit sententiam iisdem ferè argumentis ac Norisius , de quibus in Corollario immediatè superiori . Unde sibi non omninò constans ita concludit (295) : si Herodes Magnus compleverit annum Imperii XXXVII , decesserit anno Juliano XLIV : sin minus , mortuus sit anno Juliano XLIII , seu III ante æram vulgarem .

Verùm Herodes nec anno III ante æram vulgarem mortuus est , ut patet ex superiori Corollario , nec anno sequenti , II ante æram vulgarem , ut abundè colligitur ex dictis superiùs Propositione I , ubi demonstratur Rex ille jam mortuus biennio ante .

COROLLARIUM XII.

Errat Scaliger scribens Herodem Magnum obiisse anno I ante æram vulgarem .

Josephus Scaliger , de critica arte peritissimus , refert (296) Judæos , Regum suorum annos a mense Nisan , seu Martio nostro , ordiri solitos , postea sub Simone Pon-

(195) Id. ibid. p. 9 .

(296) Scaliger , ut n. 259 , p. 462 .

Pontifice ab Ijar, seu Aprili nostro, computare cœpisse. *Quare*, inquit, *cùm Herodes a Senatu Rex declaratus fuisset cyclo Luna XIX*, (seu anno XL ante æram vulgarem), *tamen Josephus non orditur annos ejus ante Nisan, aut Ijar cycli primi* (seu anni XXXIX ante æram vulgarem). *Cùm autem, ipso Josepho teste, annos solidos XXXVII regnaverit ex quo declaratus Rex; XXXIV verò, eosque solidos, a captis a Sosio Hierosolymis, decesserit verò ante Pascha, noudum Ijar instante, quem diximus fuisse principem mensium, tempore Josephi; manifesto colligitur, proximo Ijar annum Herodis XXXVIII initurum fuisse, qui reverà erat tricesimus nonus a diebus æstivis. Itaque hoc modo Herodes decesserit anno cycli XIX exacto, primo incunte* (seu anno primo ante æram vulgarem). *Quod & confirmatur nono anno Archelai exacto, qui erat, ut ipse Josephus scribit, Actiæ victoriæ tricesimus septimus, anno Juliano LIII* (seu VIII æræ vulgaris). *Archelaus regnavit annos solidos novem. Ergò annus Julianus XLIV exactus, aut XLV iniens est primus Archelai, atque adeò ultimus Herodis, cyclo primo incunte.*

Omni-

Omnino igitur, subjungit Scaliger (297), Herodes decessit anno Juliano XLV (seu primo ante æram vulgarem), ante Nisan, cyclo Lunæ primo ineunte, Solis nono. Hæc solidis argumentis demonstrata characterem habent a Josepho notatum, nempe defectionem lunarem, quæ tempore morbi Herodis contigit anno Nabonassari 747, Tybi XVIII, sequente XIX, feriâ quintâ, sequente sextâ, scribebat XIII, sequente XV, anno periodi Julianæ 4713, Januarii IIX in cyclo emendato, Januarii VI in cyclo vitioso. Duos igitur cyclos solidos regnavit Herodes, initio capto ab anno Juliano desinente VI, quo renunciatus Rex a Senatu. Detractis enim VI annis absolutis de 44 solidis, remanent anni solidi 38.

Verum errat Scaliger & in re & in suis calculis. Si enim primus Herodiani Regni annus inierit anno periodi Julianæ 4675, mense Ijar, seu Aprili nostro, & Herodes regnaverit XXXVII annos ferè solidos, mortuus est anno 4712, ante Ijar, non verò 4713, cujus Ijar iniisset annum Regni XXXIX, non autem XXXVIII, ut ait Scaliger. Hinc He-

ro-

rodes vel obiit anno 4712 periodi Julianæ , seu II ante æram vulgarem , quod de medio ferè tolleret Scaligeri opinionem de anno nativitatis Christi ; vel reverà XXXIX annos propè solidos regnavit , quod omnino adversatur Josephi auctoritati , quam Scaliger admittit , omnibusque veteribus monumentis .

In re etiam errat Scaliger , quia commentitia est nova illa anni Judaici epocha , ab Ijar inchoata , ut patet ex Corollario superiori IX ; & quia Herodes Magnus jam ante annum 4713 , seu I ante æram vulgarem obierat , ut probavi superius Propositione I. Cùm enim testibus veteribus nummis , Herodes Antipas post Patrem , Herodem Magnum , regnaverit XLIV annos , & in exilium ejectus fuerit ante autumnum anni 4753 periodi Julianæ , seu XL æræ vulgaris , cum Principatum iniisse anno 4710 periodi Julianæ , seu IV ante æram vulgarem , ac proinde Patrem eodem anno obiisse necesse est .

Nec obstat Scaligeri argumentum ex novem Archelai annis solidis . Id enim contra ipsum pugnat , cùm relegatus non fuerit anno Juliano LIII , sed anno LI , seu VI æræ vul-

vulgaris, ut jam ostendi Propositionis I Sectione IV, Josephi & Dionis auctoritate.

COROLLARIUM XIII.

Errat Baronius scribens Herodem Magnum obiisse anno VI æræ vulgaris.

Eminentissimus Cardinalis Baronius, annalium Ecclesiasticorum parens, anno III ante æram vulgarem Christum fuisse natum falsò persuasus, admittit quidem Regni Herodis annos XXXVII a Josepho numeratos, sed contendit eosdem inchoandos ab anno XXXI ante æram vulgarem, quo Cæsar Octavianus navali pugna Antonium & Cleopatram debellavit (298), ipso Octaviano tertium & Valerio Messalâ Consulibus; non verò ab anno XL ante eandem æram, uti benè narrat Josephus (299), qui a captis Hierosolymis XXXIV annos eidem Herodi concedit.

Si enim, inquit Baronius (300), a Calvini & Pollionis Consulatu, quo ex Senatus
Con-

(298) Baronius, ut n. 44, p. 63.

(299) Ut dictum est superiùs Propositione I.

(300) Baronius, ut n. 44, p. 51.

Consulto collatum Herodi Regnum ait Josephus, *prædictos annos triginta septem Herodis Regni numeres per Consules & Olympiadas subsequentes, procul dubio Herodem ante Redemptoris nostri natalem ex humanis desisse certissimum est. Igitur in primis (301) illud monendum putamus, eandem auctorem in his, quæ sunt temporis, sæpè hallucinatum esse; quod tum in Herodis annis, tum in cæteris accidisse suis locis inferius facile demonstrabimus.*

Josephi erroris, subjungit Baronius (302), inde fluxit occasio, quod cum in confesso esset apud omnes, Herodis Regni annos triginta septem esse adnumeratos; rursùmque certum esset ipsum ex Senatûs Consulto Regnum accepisse, factum est ut ipse ad primam institutionem Romæ sub prædictis Consulibus factam, verterit oculos, & ab eo tempore numerare cæperit annos Regni ipsius Herodis. Ceterum tunc occupato (303) eodem Regno ab Antigono, nondum usque ad mortem ejus potitus est; quando jussu opeque Antonii per Sosium Syriæ præsidem

(301) Id. ibid. p. 52.

(302) Id. ibid.

(303) Id. ibid. p. 53.

fidem est restitutus. Porro quoniam in bello civili contra Octavianum Augustum eidem Marco Antonio fœvit, illud demeruisse visus est. Quamobrem cum idem Augustus, Antonio & Cleopatram devictis, summâ rerum potitus esset; mox Herodes suæ culpæ conscius, supplex ad veniam impetrandam, Rhodum ad eundem illic agentem se contulit, depositoque diademate, ac precibus fisis, ab eodem Regnum promeruit, quod & decreto Senatus Consulti fuit eidem stabilitum.

Facta sunt hæc, prosequitur Baronius (304), eo ipso anno, quo idem Augustus navali bello Antonium & Cleopatram debellavit, eodem Augusto tertium & Messalam Consulibus, Olympiade ceutesimâ octogesimâ septimâ, anno secundo. Ab eo igitur tempore in publicis monumentis adscriptum primum annum Herodis Regni, ac deinceps ceteros sequentes esse adnumeratos, eâ potissimum ratione constare videtur, quod cum Augustus ex S. C. rescidisset, irritaque reddidisset, quæ ab Antonio in Imperium perduelle gesta essent, non licuit Herodi illos Regni sui numerare annos, quibus

L re-

(304) Id. Ibid.

regnavit postquam illud ab Antonio sibi restitutum accepit; sed ab eo tempore quo ab Augusto sibi redditum fuit, & ex S. C. firmatum.

Ex iis Baronius deducit, negari non posse quin Herodes ad octavum Christi annum, qui est sextus æræ vulgaris, pervenerit. *Anno igitur Domini octavo, inquit (305), M. Emilio Lepido & L. Arruntio nepote Consulibus Herodes moritur, Regni sui trigésimo septimo inchoato, propè tempus Paschale.*

Verùm hæc Baronii sententia ab omnibus meritò rejicitur. Herodis enim Regni nec initium nec exitum rectè assignavit, ut sequenti ferè modo jam probavit Eminentissimus Cardinalis Norisius (306).

Victoria Aëtiaca contigit die secundâ Septembris anni XXXI ante æram vulgarem, seu anni Romani 723, Augusto III & Messalâ Consulibus, teste Dione (307). Cùm verò Herodes circa Pascha labente anno XXXVII ab Aëtiaca victoria, Baronio mortuus credatur, decessit anno æræ vulgaris VII, seu Romano 760, Quinto Cæcilio Metello Cre-

(305) II. *ibid.* ad ann. Ch. 8, p. 78.

(306) Norisius, ut n. 121, col. 252 & seq.

(307) Dio, ut n. 100, lib. 11, p. 272.

Cretico & A. Licinio Nervà Silano Consulibus. At obitus Herodis a Baronio, in laudato Annalium loco, statuitur anno Christi juxtà ipsum VIII, Marco Æmilio Lepido & Lucio Arruntio Consulibus, æræ Romanæ 759. Eo tamen anno circa Pascha Herodes ab Actiaca victoria egisset tantum Regni annum XXXV ac mensem sextum. Annos igitur triginta septem perperam subduxit Baronius.

Sed nec initium rectè deduxit. Siquidem cum Augustus, anno tantum altero ab Actiaca victoria, bellum contra Antonium profligaturus, in Asiam transmisisset, Herodes eundem apud Rhodum convenit, depositoque diademate veniam supplex postulavit, quod Antonio contra ipsum suppetias misisset. Quare si XXXVII anni Regni Herodis inchoentur *ab eo tempore, quo ab Augusto illi redditum fuit & ex S. C. confirmatum*, quod apud Rhodum contigit, obitus Herodis aligandus est anno Romano 760, non verò 759, uti Baronius opinatur. Dio enim de Augusto scribit (308): *in Italiam properavit me-*

L 2

diâ

diâ hieme, se quartum, & M. Crasso Consulibus: Deinde subdit: in Græciam advektus est trigesimo quam in Italiam venerat die, ac propter hiemem navibus per isthmum peloponnesiacum translatis tantâ celeritate in Asiam advenit, ut de ejus discessu simul reddituque Antonius ac Cleopatra cognoverint. Quare ut minimùm exeunte Februario anni Romani 724 a parilibus Augustus iterùm in Asiam venit. Nec enim dici potest Herodes Cæsarem, adiiisse, cùm anno Romano 723, ab Actio Samum insulam in hiberna se recepisset, teste Suetonio (309). Nam Herodes apud Rhodum Cæsarem convenit, ac in colloquium admissus, suam cum Antonio amicitiam non modo fassus est, verùm laudi quoque sibi vertendum dixit, quòd ne post Actiacam, quidem cladem illum deseruerit, neque fortunâ jam apertè mutatâ, ad novas spes se transfulerit, ut superiùs ex Josepho jam narravi.

Eodem teste, cum Augustus Rhodo discessit, Herodes deduxit eum in Ægyptum. Her-

(309) C. Suetonius Tranquill. *oper. omn.* lib. II, de XII Cæsar. cap. xvii, p. 116, edit. Paris. mdcclxxiv, in 4.

rodes igitur haud statim post cladem Aëti-
cam Antonium deseruit, sed altero postea
anno re ejusdem penitus desperatâ. Unde pa-
tet eruditum Baronium nec initium, neque
exitum annorum Regni Herodis rectè assi-
gnasse.

Allatam ejus opinionis rationem luculen-
to exemplo etiam confutavit Eminentissimus
Norisius. Archelaus ab Antonio Cappado-
ciæ Regnum acceperat anno Romano 718,
teste Dione (310), operâ Glaphyræ matris,
cujus amore Antonius exarserat; exstatque
eâ de re impudicum ipsius Augusti hexastichon
apud Martialem (311). Archelaus in
Antonii castris cum regiis copiis contra Cæ-
sarem stetit, teste Plutarcho (312). Huic ta-
men Cæsar post victoriam veniam dedit, ei-
que regiam dignitatem ac nomen reliquit.
Tiberius, demortuo Augusto, eundem Ro-
mam evocavit, Tacito hæc scribente: *Rex
Archelaus quinquagesimum annum Cappadociæ
potiebatur, inuisus Tiberio, quod eum Rhodi*

L 3

agen-

(310) Dio, ut n. 100, lib. xlix, p. 252.

(311) M. Valer. Martialis *Epigramm.* lib. xi,
Obsc. epigr. xxi, p. 37, edit. Paris. MDCLXXX, in 4.

(312) Plutarchus in *Antonia*.

agentem nullo officio coluisset. Forrò Romam accitus fuit, ex eodem ac Dione, (313) Cæcilio Rufo ac Pomponio Flacco Consulibus, anno Romano 770. Ita anni Regni Archelai neutiquam numerati sunt ab eo tempore, quo in Regno confirmatus est ab Augusto post victoriam Aftiacam; nam septem supra quadraginta tantum intercessere ad eum usque annum, quo Romam venire iussus fuit. Regnavit quidem Archelaus ex Dione LII annos; verum Tacitus, ut non rarò alibi, rotundo numero usus est, quod ad rem nostram nihil facit.

COROLLARIUM XIV.

*Errat Pagius scribens Archelaum, Herodis
Magni filium, Viennam exulasse
anno VII æræ vulgaris.*

REV. Pater Antonius Pagius e Minorum Conventualium familiâ, Annalium Ecclesiasticorum restaurator, existimavit Archelaum Viennam Galliarum in exilium ab Augusto missum fuisse anno VII æræ vulgaris.

(313) Dio, ut n. 600, lib. XVII, p. 375.

garis; & ratio ei fuit, quia, inquit (314), anno *Juliano quadragesimo tertio Patri successit*, decimumque Regni annum attigit, quo anno *Josepho Sacerdoti natus est filius Matthias . . . ut ex publicis tabulis in libri de vita sua initio retulit Matthiæ hujus filius Flavius Josephus historicus . . . qui quidem anni decem utrinque incompleti fuere*. Dio quidem lib. 55, anno *Urbis DCCLIX*, Christi scilicet VI, scribit Herodem Archelaum trans alpes fuisse relegatum. Sed non mirum, cum exilium ejus anno uno antevertisse; cum posterius Herodis Patris Regnum anno uno tardius consignarit; sicque mortem ejus anno etiam uno differre coactus fuerit.

Verum negligentiae & computi errore deceptus est eruditus Pagius. Immemor enim eorum quæ antea scripserat (315), Herodem Magnum nempe obiisse anno *Urbis conditæ 750*, ante Christum (seu æram vulgarem) 4, *Juliano 42*, *Augusti 41*, *Herodis 37* & 34, ac proinde Archelaum eodem anno principatum iniisse, hic perperam scribit

L 4 eum-

(314) Pagius, ut n. 140, ann. Chr. 14, p. 13.

(315) Id. ut n. 140, ann. 4 ante Chr. p. 35.

eumdem Archelaum anno *Juliano quadragesimo tertio* Patri successisse. Si enim anno Romano 750 addas annos decem *utrinque incompletos*, ut ipse ait, decimi initium habebis anno 759, æræ vulgaris VI, ut ostendi superius Propositionis I Sectione IV. Immeritò igitur hic vapulat Dio, cum idem quoad tempus scripserit ac Josephus.

Nec obstat, quod subdit Pagius (316), Josephum nempe scribere, Archelao Romæ damnato, atque Viennam Galliæ in exilium deportato, missum fuisse a Cæsare Quirinium, virum Consularem, qui censum ageret in Syria, eumque peractum *anno trigesimo septimo* (317) *post victum a Cæsare in Altiaca pugna Antonium*. Hic enim annus XXXVII, fatente ipsomet Pagio (318), cœptus est anno VI æræ vulgaris, & Archelaus jam damnatus fuerat ante censum, & antequam Quirinius in Judæam veniret.

CO-

(316) Id. ut n. 140, ann. Chr. 14, p. 13.

(317) Josephus, ut n. 67, lib. XVIII, cap. III, p. § 19.

(318) Pagius, ut n. 140, ann. Chr. 14, p. 13.

COROLLARIUM XV.

Errat Ricciolius scribens Archelaum, Herodis Magni filium, Viennam exulasse anno XII æræ vulgaris.

REV. Pater Ricciolius existimavit (319) Archelaum, Herodis Magni filium, Viennam exulasse anno Juliano LVII, qui est XII æræ vulgaris. Verùm ejus opinio omninò jam confutata fuit Norisii argumentis (320), quibus, præter alia, & ego utar.

Reverà quidem, ait Ricciolius (321), ex Josephi & Dionis narratione concluditur Archelaum in exiliùm Viennam fuisse deportatum anno VI æræ vulgaris, ac consequenter Herodem Magnum obiisse anno IV ante eandem æram. At ex eodem Josepho (322), post mortem Archelai cum Quirino in Judæam venit Coponius, ut summum in Judæa exerceret Imperium. Hic deinde Romanam revertens, successorem habuit Marcum Ambivium; huicque successit Anius Rufus,

(319) Ricciolius, ut n. 235, p. 287.

(320) Norisius, ut n. 121, col. 235.

(321) Ricciolius, ut n. 235, p. 287.

(322) Josephus *antig.* lib. XVIII, cap. 3.

fus, *cujus tempore Augustus vitā functus est*. Certum est autem, profequitur Ricciolius (323), Augustum obiisse 19 Augusti mensis anni XIVære vulgaris, qui est Julianus LIX. Ergo annua præfectura Ambivii fuit anno LVIII Juliano, & Coponii anno LVII. Quare census Quirini, quem Josephus dicit actum paulò post exilium Archelai, eodem anno fuit, & relegatio Archelai, vel eodem, vel ad summum anno LVI Juliano: ideò ablatis annis decem Ethnarchiæ Archelai, quorum meminit idem Josephus, reitat annus XLVI Julianus, seu primus ære vulgaris, pro initio Archelai & morte Herodis. Erravit igitur Dio, aut qui ejus lacunam supplevit, relegationem Archelai annis quinque aut sex anticipans. Ita Ricciolius

Verùm Dio (324) ad annum Romanum 759, scribit provincias populi singulis bienniis rectores accepisse, *cùm alioquin Cæsaris provincias iidem multos per annos soliti essent regere*. Unde igitur annua Judææ procuratorum administratio fingitur Ricciolio?

51-

(323) Ricciolius, ut n. 235, p. 287.

(324) Dio, ut n. 100, lib. IV, p. 347.

Sanè sub Tiberio Gratus XI annos, Pilatus verò decem Judæam gubernarunt. Eidem, etiam somniatur (325) eò loci apud Dionem lacuna; nihil enim ibidem deest; & ubi ab anno 757 Romano latior lacuna emerfit, nullus hucusque eandem implevit; quamvis quædam in excerptis Valesianis, & ex scriptis a Zonara suppleantur. Monstro propius est quod subjicit Ricciolius n. 8, ubi arguit Dionem falsitatis, quod res diversis annis gestas recitet ad consulatum Antistii Veteris ac Lælii Balbi. Nam ibidem decem annorum historia intercidit; quam lacunam dudum viri eruditi Baronius (326) & alii observarunt. Quod evidenter patet ex laudatis excerptis, ac ex legat. 39 a Fulvio Ursino edita. Ibi enim quædam ex Dionis libris referuntur, quæ tamen in ejusdem modò historiâ desiderantur, in qua Consulibus Antistio ac Balbo succedunt Cornelius Cinna & Valerius Messala, Consules anno Romano 758, cum priores anno 748 Consulatu functi fuerint.

Dein-

(325) Ita, non ego, sed Eminentissimus Noriius, ut n. 121, col. 235.

(326) Baronius, ut n. 44, p. 45.

Deinde addit Ricciolius (327) Tiberium Archelao, de successione Regni cum fratribus Romæ litiganti, patrocinatum fuisse coram Augusto; quod probat hisce Suetonii (328) de Tiberio verbis: *civilium officiorum rudimentis Archelaum, Trallianos & Thessalos, varia quosque de causa, Augusto cognoscente defendit*. At certum est, inquit, Tiberium, teste Velleio, ex secessu Rhodiensi Romam venisse anno Juliano XLII, seu II æræ vulgaris, quo anno Archelaus Tiberio patrocinante, Ethnarchiam ab Augusto obtinuit, non verò superioribus annis.

Verum, nominis similitudo Ricciolium in errorem traxit. Nam Archelaus, cujus causam Tiberius Romæ defendit (329), non fuit Archelaus Herodis Regis Judæorum filius, sed Archelaus Rex Cappadociæ, uti disertè tradit Dio (330) ad annum Romanum 770, scribens Tiberium Romam ex Cappadocia evocasse Archelaum Regem, *cui erat*

(327) Ricciolius, ut n. 235, p. 288.

(328) Suetonius in *Tiberio* cap. 8.

(329) Teste Suetonio, ut n. 309, lib. III, c. VIII, p. 251.

(330) Dio, ut n. 100, lib. LVII, p. 375.

erat infensus, quia cum olim sibi is supplicasset, suoque patrocinio usus, cum ab incolis apud Augustum accusaretur, Rhodi se neglexisset, &c. Non unicus est hic R. P. Ricciolii error de Archelao Rege Cappadocum. Sufficit tamen iste ad ostendendum quàm immeritò vapulent Josephus & Dio.

COROLLARIUM XVI.

Errat Baronius scribens Archelaum, Herodis Magni filium, Viennam exulasse anno XIV æræ vulgaris.

JAM Dionis & Josephi auctoritate ostendi superiùs Propositionis I Sectione IV, Archelaum, Herodis Magni filium & successorem, in exilium ab Augusto fuisse missum anno 759 Romano, seu VI æræ vulgaris: sed Eminentissimus Cardinalis Baronius, utpote qui jam erraverat in assignando Herodis Magni obitùs anno VI æræ vulgaris, ut patet ex superiori Corollario XIII, Archelai exilium distulit in annum XIV ejusdem æræ, qui est Christi XVI juxta ipsum, quo Romæ Consules fuere Sextus Pompeius & Sextus Appuleius. Hinc subjungit aliàs erudi-

ditissimus Cardinalis (331) Dionem ea, quæ de eodem Archelao narrat, ex Iosephi libris exscripsisse, ac utrumque manifestè errare.

Verùm nec Dio ea ex Iosepho decerpfit, nec uterque erravit. Non quidem primum. Iosephus enim, ut jam adnotavit immortalis Norisius (332), Archelaum, non Herodem illum Principem appellat; ac a subditis, non autem a fratribus, quod tradit Dio, reum eundem apud Augustum peractum narrat. Non igitur ex Iosepho hausit. Et quidem cùm Dio Regna a Romanis Imperatoribus sive data, sive adempta, annis diligenter assignatis, passim memoret, eadem ex Romanorum Scriptorum Annalibus desumpsit, ac proinde ex eisdem annum relegati Herodis Archelai rectè designavit.

Hæc autem relegatio in XIV æræ vulgaris annum, imperii Augusti postremum, manifesto errore a Baronio protrahitur, cùm ipse falsò putat errasse Dionem & Iosephum. Id plurimis sanè argumentis, & quidem magni momenti, demonstrare possem.

At

(331) Baronius, ut n. 44, ann. Chr. 16, p. 39.

(332) Norisius, ut n. 121, tom. II, de numm.

Herod. Ant. col. 649.

Ast iis omnibus onissis, ne tedium lectori afferatur, utar tantum veteribus Herodis Antipæ nummis, superius Propositionis I Sectione V descriptis.

Baronio fatente, Archelaus Ethnarchiæ potitus est eodem tempore ac Herodes Antipas Tetrarchiæ, nempe post mortem Patris Herodis Magni. Porro ex laudatis veteribus nummis Antipas Tetrarcha fuit per XLIV annos saltem incæptos, & ex Propositione I ac Corollario XIX, exulavit ante autumnum anni XL æræ vulgaris, seu 793 Romani. Imò, si fides esset ipsi Baronio (333), Antipas ex Tetrarchia dimotus est anno XXXVIII ejusdem æræ, Christi XL juxta ipsum, Caligulæ verò Imperii secundo, 791 æræ Romanæ.

Si autem ex anno Romano 793 subtrahas XLIV annos incompletos, habebis annum Romanum 750, quo Tetrarchiam iniit Antipas, vel tantum 748 juxta Baronii narrationem, quam tamen omitto, ne inutilibus terantur tempus & charta. Hoc igitur anno 750 Romano Ethnarchiam quoque iniit Archelaus.

(333) Baronius, ut n. 44, ann. Chr. 40, p. 274.

laus . Hic porrò ex ipso Baronio (334), nono sui Principatûs anno ex Ethnarchia dimotus est . ergò exulavit anno 759 Romano, seu VI æræ vulgaris, ut dixi Propositionis I Sectione IV, non verò anno XIV ejusdem æræ, ut vellet Baronius .

Eodem Baroniano errore captus est Eusebius (335), dicens Archelaum exulasse in Galliam ultimo Augusti Imperii anno . Ejus auctoritate nititur Baronius (336), sed Eusebius ex Josepho, ejus magistro, fuisset castigandus .

COROLLARIUM XVII.

Errat R. P. Faure annos nummorum Antipæ, Herodis Magni filii, numerans a priori Patris testamento .

IN assignando anno Herodis Magni obitûs, usus sum superiùs, Propositionis I Sectione V, nummis antiquis Herodis Antipæ, cûs XLIII & XLIV ejus Tetrarchiæ
an-

(334) Id. ibid. ann. Chr. 16, p. 88 .

(335) Eusebius, ut n. 22, *Chron. ann. Mundi* 5213, p. 469 .

(336) Baronius, ut n. 412, ann. Chr. 16, p. 82 .

annis, quos celeberrimi numismatologi Vailantius & Norisius, a patris morte numerarunt, quosque ipse computavi ab ineunte mense Nisan, seu Martio nostro precedenti, ob rationes allatas Corollario superiori VIII. Id tamen evertere conatur R. P. Faure, ut nempe Musantii opinionem, aut potius æram vulgarem nativitatis Christi tueri possit.

Non frustrâ, inquit (337), hunc ego laborem suscipiam, quo contendam ex nummo Antipæ, aliisque, etiam si legitimi (338)
M sint,

(337) Faureus, ut n. 54, §. VIII, p. 436.

(338) *Si legitimi sint*, ait Faureus, quia eruditissimus Norisius Antipæ nummum in museo Rigordiano, Massiliæ in Francia, asservatum, cujus gratia Dissertationem scripsit, præ manibus non habuerat; unde ad Paglum subjungit, ut n. 128, tom. II, de num. Herod. Ant. col. 664: *ne quid tamen te celem, initio dubitabam de nummo quem non videram, quidpiam publicè in litteras mittere, ne si ille fortè esset adulterinus bellam fabulam luderem, ac omnia de eodem mihi commentata pura puta commenta forent.*

Non immeritò forsitan hujus nummi antiquitatem in dubium vocabat Norisius. Teste enim Illustrissimo Comite de La Bassie in notis ad Robertum la science des

fint, aram vulgarem falsam non demonstrari.

Quid

des Med. tom. II, p. 444, edit. à Paris MDCCXXXIX, in 12, Idem ille nummus diligentissimè a peritissimis numismatologis Rothelino, Bozio & Clevesio examinatus, adulterinus judicatus est, sed ex vero ac legitimo expressus.

Hinc inconcussum perseverabat Norisii argumentum, cum nummus Rigordianus adulterinus veros ac genuinos supponeret alios contimiles, qui reverà hodiè ab eruditis cognoscuntur, & inter quos Clementinus Romæ, Pellerinianus, Parisiis, &c. adnumerandi, utpote qui nullam omninò sui antiquitatis suspicionem movere possunt.

Immo Rigordianum nummum genuinum ac legitimum fuisse lubentissimè crederem. Cum enim Nicolaus Toynardus, Harduinus, Rigordus ipse, & præsertim Vaillantius, aliique plurimi viri, nummarie rei peritissimi, nummum ipsum præ manibus habuerint, ac illum, licet Norisius aliique de ejus sinceritate dubitationem moverent, genuinum judicaverint, non possum quin talem illum existimem. Quod si deinde cl. Rothelinus & alii illum recentem & cunctum tantum ex veteri alio nummo crediderint ob ejus æuginem quæ scalpro cedebat, id factum puto vel quia ærugo illa arte inducta deinde fuerat, vel quia nummus jam fuerat mutatus. Hunc enim Rigordus dono dederat Illustrissimo Bezonio, post cujus mortem illum recuperavit idem Rigordus, vendiditque

Quid enim (339) cogit ut dicam nummum designare annum XLIII Tetrarchiæ per Herodem Antipam adeptæ? Quid ni designet annum XLIII ab eo tempore, quo Herodes Magnus Antipam testamento instituerat heredem Regni totius, quod aliquot annis ante mortem Herodis Magni accidit: puta anno Urbis 750, ante æram vulgarem IV, quo Augustus reconciliatus Herodi Magno, potestatem ei fecit judicandi de filiis. Et illud quidem testamentum memorat Josephus lib. 17 antiq. cap. 4, ubi de Herode Magno, seu infanticida: mutatâ voluntate mutavit testamentum: Antipam (340) enim, quem prioribus tabulis successorem destinaverat, Galilææ simul ac Perææ Tetrarcham constituit. cui narrationi ultro assentitur Norisius.

M 2

Id

que eruditissimo *le Bret*, a quo translatus est ad cl. Rothelinum & deinde ad Illustriss. Mazauguesium. Cùm igitur plures sortitus fuerit Dominos, haud dubiè fuit etiam in manibus vilissimorum servorum, quorum aliquis, fraudum artifex, pro veteri Rigordiano recentem supponere potuerit, aut eundem veterem Rigordianum, ut nempe pulchrior elegantiorque evaderet, nova æruginè obducere, quæ de nummi sinceritate aliquam deinde movit dubitationem.

(339) Faureus, ut n. 54, §. VIII, p. 437.

(340) Apud eund. ibid. p. 438.

Id declarari potest, subjungit Faureus (341), exemplo non incongruo. Compertum est nummum Juba Junioris, in cujus postica parte clava est cum suis litteris ETME permixtis cum laurea corona; quarum litterarum facilis ex græco interpretatio est ETous ME, anno quadragesimo quinto. Caterum cum ejus Regnum ad XLV annum non pervenerit, Harduinus, Jobert Science des medailles tom. II, p. 200, & alii, ad novas interpretationes excogitandas adacti sunt. Fuit autem (vide Jobert p. 201, remarque) qui ut nodum solveret, animadvertit ex Dione lib. 71, p. 434, Jubam juniorem regem ab Augusto declaratum sub finem anni Urbis condita 724, aut initium 725, quamvis ei nonnisi Cantabrico bello absoluto anno Urbis 729 (342), Getuliae partem, ac regna Bogud & Bocchus loco Numidia concesserit. Quod si ab anno Urbis 725, quo Rex non re, sed verbo institutus est, numeratio incipiat, utique potuit anno Urbis 770 nummum cudere, quo Principatus XLV annus

no-

(341) Id. ibid.

(342) Apud Faureum ibi scriptum est 329, Ty-
pographi, ut credo, incuria.

notaretur. Eo autem Urbis anno vixisse adhuc Jubam satis ostendit eruditissimi P. Souciet Dissert. sur les Medaill. de Pythodoris p. 3 & seq. Eidem scèrè ratiocinationi locus est in re nostra: eoque magis, quod priorès illæ tabulæ tanti fiebant, tum ab Antipâ, tum ab uxore Herodiade, ut reipsâ conjugis impulsu & emulatione Agrippæ, qui tabulis posterioribus sibi prælatus fuerat, Romam venerit ad Regnum impetrandum priori testamento sibi debitum: hoc autem accidit eo ipso anno Urbis 792 juxta Norisii supputationem; nempe sub id tempus, quo nummum cûsum fuisse ponit.

Ex his conficitur, prosequitur Faureus (343), non potuisse quidem Antipam nummum cudere cum anni XLIII inscriptione, si quidem numeratio incæpisset ab anno mortis Herodis Magni, quo ipse Tetrarchiam iniit, isque annus ponatur I anno æræ vulgaris; a qua solummodo numerare potuisset annum XL. Siu autem numeravit ab anno prioris testamenti, quo hæres Regni institutus fuit, nihil est, cur annum XLIII, aut etiam XLIV inscribere non potuerit:

M 3

rit :

rit : quandoquidem D. Vaillant dissertatione de Christi natalis epochâ , ex nummis (344) eruenda *Memoires de literature* tomo III, p.202, alium memorat Herodis Antipæ nummum , priori hoc uno dissimilem , quod inscribitur anno 44 (a) ; ex quo novum nobis argumentum confurgit . Etenim ex ipsiusmet Norisii supputatione vix 43 annum Tetrarchiæ inchoavit Antipas , cùm relegatus a Caio fuit , & Tetrarchia Agrippæ cessit ; tantùm abest ut nummum Vaillant cudere potuerit cum inscriptione anni 44 . Hæ itaque numerationes , atque ista præcipuè annorum 44 , aliud quidpiam designant , non annum Principatûs , uti vult Norisius .

Hic Eminentissimo Norisio in omnibus patrocinari non intendo , sed tantùm adnotare quod hallucinatur R. P. Faure , dum annos Herodis Antipæ nummis obsignatos a priori Patris testamento esse numerandos , nec iis vul-

(344) Prosequitur Faureus ibid. p. 439 .

(a) Hunc nummum , quem tab. III , n. xv delineatum exhibeo , eundem esse ac secundum ejusdem tabulæ crediderunt nuperrimè quidam Scriptores , unde perperam omninò existimarunt in eo forsan esse legendum L. AA , seu anno trigesimo quarto ,

vulgarem aram falsam demonstrari, contendit.

I. Enim inaudita proponit, ne quid aliud dicam. Scimus quidem Principes quosdam, in societatem Imperii assumptos, ab eo tempore imperii sui annos deinde numerasse, quia unà cum Patre aut antecessore, ante ejus mortem, re summâ potiti sunt. At quis unquam vidit, quis unquam legit filium a Patre Regem successorem testamento declaratum, Regni sui annos a testamento numerasse? Videat, quæso, R. Faureus ejusmodi filium non renuntiari Regem pro tunc, sed tantum futurum post antecessoris mortem. Quomodo igitur inter Principatûs annos numerare posset eos, quibus non imperavit, & quibus imperare non potuit, neq. imperandi jus habuit? Si res ita esset, Regum filii unici, aut successores necessarii, ut, exempli gratiâ, hodiè Delphini in Francia, Regni annos numerare possent a natali die, quia ab eo fuerunt patrum successores. Quis unquam tamen ita egit?

Verum multò gravius est argumentum, dum de Herode Antipa agitur. Hic quidem priori Herodis Magni testamento Regni suc-

cessor destinatus fuerat . Sed testamentum illud Cæsaris auctoritate firmandum erat , & tamen Cæsaris confirmationem non obtinuit , nec Antipas patri in Regnum successit , sed Tetrarchiam (345) tantum habuit . Ergo Herodes Antipas , nec vivente Patre , nec post ejus obitum , regno potitus est , sed Tetrarchiâ tantum . Annos igitur imaginarii regni a testamento patris , Tetrarchiæ suæ annis addere minimè potuit . Unde rectè concluditur annos XLIII & XLIV , Antipæ nummis obsignatos , ejus Tetrarchiæ annos indicare .

II. In

(345) Hinc Herodes Antipas Tetrarcha appellatur Evangelistæ Luez , ut n. 61 , cap. III , p. 702 , ubi legitur : *Tetrarcha autem Galilææ Herodes* , & cap. ix , p. 708 , *audivit autem Herodes Tetrarcha* ; quod idem recitat Matthæus , ut n. 58 , cap. xiv , p. 674 : *in illo tempore audivit Herodes Tetrarcha* ; unde si paulò post eidem Matthæo , & Marco Evangel. cap. vi , p. 690 , apud *Bibl. sacr.* edit. Lugduni MDCXIII , in 8. , Rex nuncupetur , *Et audivit Rex Herodes* , id scripserunt , quia Tetrarchæ regia citrà Regis titulum , seu eadem ac Reges pollebant potestate ; eadem ratione recentiores Historici , Reges Franciæ , Magnæ Britanniæ & Prussiæ , Imperatores identidem appellant .

. II. In plurimis peccat deducta ex nummis Jubæ Junioris comparatio , immò res falsa omninò videtur . Teste enim famoso Baylio (346), colligi potest ex IV libro *Annalium Taciti*, Jubam obiisse anno circiter X Imperii Tiberii Augusti , quia ibi cap. V, *Historicus* ille de Juba loquitur uti adhuc regnante anno æræ Romanæ 776 . Insequenti verò anno eum mortuum supponit , cum de Regno ejus filii verba faciat . Porro si ab anno Romano 729 , quo , ut vult Faureus , Juba Junior Getuliæ partem ac Bogudis & Bocchi Regna obtinuit , numerentur anni 45 , habebimus tantum 774 . Falsò igitur scripsit Faureus Jubæ Junioris Regnum ad XLV annum non pervenisse .

Sed falsum est etiam Jubæ Regnum iniisse tantum ab anno Romano 729 . Verè enim Regis titulo potitus est ab eo die , quo Rex ab Augusto declaratus fuit , licet nondum obtinuisset quidquid ab Imperatore expectabat . Non agitur hic de testamento , quo quis Rex futurus tantum declaratur , sed de vera
re-

(346) Bayle *Diction. hist. & crit.* tom. II, voce *Glaphyra* , p. 1335 , edit. à Rotterdam MDCCII , in fol :

renunciacione quâ quis Rex actu constituitur . Sic Herodes Magnus , eo ipso quo Judææ Rex a Romanis salutatus fuit , quamquam Regno nondum potiretur , Regis tamen titulum & honores habuit . Nulla igitur proponenda comparatio inter Herodis Magni testamentum & Augusti declarationem in gratiam Jubæ Junioris .

III. Etiam si annos , Herodis Antipæ nummis obsignatos , a priori Patris testamento numerare liceret , nihil omnino tamen inde concluderet R. P. Faure , nisi præter mentem . Prius enim illud Herodis Magni testamentum , de quo agitur , conditum est aliquot tantum mensibus , aut ad summum si vis , anno ante Herodis Magni mortem , ut jam adnotavi superius Propositione I. Antipatro enim , ejus filio , patricidii crimine convicto , *Herodes* , teste Josepho (347) , *Legatos & litteras accusatrices misit ad Cæsarem . Dum autem Legati (348) , instructi mandatis ac litteris , Romam properant , Rex morbo correptus testamentum condidit , exemit*

(347) Josephus , ut n. 67 , cap. VII , p. 501 .

(348) Id. ibid. cap. VIII , p. 501 .

mit (349) nomen *Antipatri*, Regemque scripsit *Antipam*, prateritis *Archelao* & *Philippo* natu maioribus, quia hos *Antipater* insimulaverat.

Desperatâ deinde salute, fusiùs subiungit *Iosephus* (350), quòd jam ad septuagesimum ætatis annum accederet, mirum in modum efferatus est, iræ impatiens & amarulentus in rebus omnibus. *At postea supervenientibus* (351) a *Roma* litteris a *Legatis* missis ad *Cæsarem*, iisque auditis paululùm recreatus est voluptate nuncii permissa sibi potestatis liberè statuendi de filio. Mox repetitus gravi dolore, cultello seipsum ferire voluit, unde luctus cum tumultu occupavit Palatium, & *Antipater* e carcere exire tentavit. Quò audito iussit Rex unum e Satellitio sine mora eum occidere. Deinde mutata voluntate (352) mutavit etiam testamentum. *Antipam* enim, quem prioribus tabulis Regni successorem destinaverat, *Galilææ* simul ac *Pe-*
rææ

(349) Teste eod. ibid. de bello Jud. lib. I, cap. XX, p. 670.

(350) *Iosephus*, ut n. 67, cap. VIII, p. 501.

(351) Id. ibid. cap. IX, p. 504.

(352) Teste eod. ibid. cap. X, p. 504.

ææ Tetrarcham constituit. His autem (353) ordinatis, quintâ die postquam Antipatrum filium occidit, vitâ defunctus est. Non igitur prius Herodis testamentum, de quo agitur, conditum est aliquot annis ante ejus mortem, ut vellet Faureus, sed aliquot tantum mensibus, aut uno ad summum anno, cum obierit paucis diebus post acceptas litteras a Legatis, quibus Romam properantibus testamentum illud scripserat.

Porro si ab anno primo ææ vulgaris, quo obiisse Herodem Magnum supponit R.P. Faure, aut potius ab anno præcedente, quo conditum fuisset laudatum testamentum, numeres annos XLIII & XLIV, veteribus Herodis Antipæ nummis obsignatos, habebis annos XLIII & XLIV ejusdem ææ, seu 796 & 797 ææ Romanæ, qui sunt 4756 & 4757 periodi Julianæ. Verum certum est Caium Caligulam, in cujus honorem cusi fuere illi nummi, & a quo Antipas in exilium detrusus est, occisum fuisse ineunte anno XLI ææ vulgaris, seu 794 ææ Romanæ. Ergo nummorum anni XLIII & XLIV, etiam a
prio-

priori Herodis Magni testamento numerati , & Faurei sententiam & æram vulgarem annihilant .

Si iis addere velis , contra Faurei sententiam militare & pretiosissimum lapidem Anticyranum , & nummos veteres Antiochenos , & Flavii Josephi auctoritatem , & annos Regni Archelai , & nummos Philippi , eaque omnia , quod majus est , in unum convenire , tunc videre poteris quid de clarissimi Faurei ratiocinio sentiendum .

COROLLARIUM XVIII.

Errat Baronius scribens Antipam , Herodis Magni filium , anno XXXVIII æræ vulgaris fuisse relegatum .

Eminentissimus Cardinalis Baronius (354), ad varios temporum characteres ab Scriptoribus antiquis adnotatos , non sufficienter attendens , tradidit Herodem Antipam , Herodis Magni filium , cujus veteres nummos descripsi superius Propositionis I Sectione V , perpetuo fuisse damnatum exilio apud

(354) Baronius , ut n. 44 , ann. Chr. 40 . p. 274 .

apud Lugdunum , anno II Imperii Caii Caligulae , XXXVIII aerae vulgaris , Christi juxta ipsum XL , Romae Consulibus Aquilio Juliano & Nonio Asprenate .

Verum , ut ostendi Propositione I , & ut fufius dicam Corollario inferiori , Herodes Antipas Tetrarchia sua potitus est usque ad annum XL aerae vulgaris , Caii Imperii Quarto . Ut autem caetera argumenta longiora minorisque momenti omittam , sic paucis verbis Baronii errorem demonstro .

Ex laudatis nummis Herodis Antipae , ipse Tetrarchia sua potitus est per annos XLIV saltem inchoatos a morte Patris Herodis Magni . Porro Herodes Magnus ex Baronii opinione (355) , quam quidem falsam ostendi superiori Corollario XIII , mortuus est anno VI aerae vulgaris , Christi juxta ipsum VIII . Si igitur anno VI addas XLIV annos incompletos , habebis annum XLIX aerae vulgaris . Hoc ergo anno in exilium missus dicendus esset Antipas , quod certe admittere nolisset ipse Baronius , cum tunc jam e vivis sublatus esset Caius a pluribus annis . Vide Corollarium inferius .

CO-

(355) Id. *ibid.* ann. Chr. 8, p. 81.

COROLLARIUM XIX.

*Errat Ufferius scribens Antipam , Herodis
Magni filium , anno XXXIX æræ vulgaris
fuisse relegatum .*

Jacobus Ufferius , proximè elapsi seculi
XVII Chronologus admodum celebris ,
existimavit (356) Herodem Antipam , He-
rodis Magni filium , a Tetrarchia sua fuisse
dimotum , ac in exilium missum anno XXXIX
æræ vulgaris . Hanc suam sententiam mini-
mè quidem probavit , sed Eminentissimus
Cardinalis Norisius (357) , cum sequutus ,
plurimis argumentis ostendere tentavit An-
tipam exilio fuisse affectum exeunte Augu-
sto ejusdem anni , Romæ Consulibus Caio
Cæsare iterùm & Lucio Apronio Cæsiano .

Verùm , errare utrumque patet præsertim
ex veteribus Herodis Antipæ nummis , supe-
riùs descriptis (358) , quibus obsignati sunt
anni ejus Principatûs XLIII & XLIV . Ex
di-

(356) Ufferius , ut n. 171 , ann. Chr. 39 , p. 652 .

(357) Norisius , ut n. 121 , tom. II , de numm.
Herod. Ant. col. 654 .

(358) Næpæ Propositione I , Sectione V .

dictis enim Propositionis I Sectione V. primus Tetrarchiæ Antipæ annus inire non potuit ante Martium anni IV ante æram vulgarem, seu 750 Romani, quo obiit Pater ejus Herodes Magnus. Porrò si a Martio 750 numeres XLIV annos, quadragessimi quarti initium habebis mense Martio anni Romani 793, seu XL æræ vulgaris. Antipas igitur a Tetrarchia sua non fuit dimotus ex-eunte Augusto anni XXXIX ejusdem æræ, quo agebat tantum XLIII Principatûs annum.

Nec nummorum auctoritati contraria est veterum Historicorum narratio. Jam, Propositione I, Josephi auctoritate scripsi Herodem Antipam venisse in Italiam anno XXXIX æræ vulgaris, Puteolosque appulsum a Caio Imperatore ad salutationis officia persolvenda fuisse admissum. Id admittit ipse Norisius, immò pluribus probat Caium eo anno semel & iterùm in Campaniam se contulisse.

Nam, inquit (359), Dio (360) gesta ejusdem anni XXXIX enarrans, de Caio ait :

176

(359) Norisius, ut n. 121, tom. II, *de nummis*.
Herod. Ant. col. 653.

(360) Dio, ut n. 100, lib. LIX, p. 397.

in Campaniam abiit : reversus inde ad Drusillæ natalitia. Rursus incumbente æstate eò profectus, Baulos ac Puteolos strato super mare trium millium ac sexcentorum ferè passuum ponte, conjunxit, uti fusiùs narrant idem Dio (361) ac Suetonius (362). Caius spectaculis in Campania editis, ante exitum Augusti Romam rediit, ubi Consules, quod ferias die suo natali non indixissent, Magistratu dejecit, ut ait Dio (363) innuitque Suetonius (364). Dies natalis Caii erat pridie Kalendas Septembris, uti prodit vetus inscriptio Kalendarii (365). Inde meritò concludit eruditissimus Cardinalis Herodem Antipam in Itatiam venisse ante exitum Augusti mensis anni XXXIX; sed minùs benè contendit eum eò ipso tempore fuisse ex Tetrarchia dimotum & in exilium detrusum.

Deceptus est narratione Josephi, qui uno

N

te-

(361) Id. ibid, p. 399.

(362) Suetonius, ut n. 309, lib. IV, cap. XIX, p. 335.

(363) Dio, ut n. 100, lib. LIX, p. 400.

(364) Suetonius, ut n. 309, lib. IV, cap. XXVI, p. 344.

(365) Apud Gruterum, ut n. 161, t. II, p. CXXIV.

tenore narrat Antipæ in Italiam adventum ac ejus exilium, scribens (366): Caius apud Baias Agrippæ perlegit litteras, accusantes Herodem, quod prius cum Sejano conspirasset in Tiberium, & nunc iterum Artabano Partho faveret contra Caii novum imperium. Argumento erat ipsius Tetrarchæ apparatus, qui in armamentariis suis haberet tantum armorum, quantum instruendis virorum septuaginta millibus sufficeret. Quâ re Cæsar commotus, percontatus est Herodem, vera ne essent quæ nunciarentur de armorum numero. Quo annuente, neque enim vera negare poterat, satis approbatam putans defectionem, adeptam illi Tetrarchiam ad Agrippæ regnum adjecit, pecuniam quoque ejus donans Agrippæ indici. Herodem verò perpetuo damnavit exilio apud Lugdunum urbem Gallia.

Verum, licet Josephus nos ibi docere videatur Herodem Antipam continuò post lætas a Caio litteras in exilium fuisse detrusum, minimè tamen credendum rem ita fuisse, cum contrarium testentur nummi antiqui,

(366) Josephus, ut n. 67, lib. xviii, cap. ix, p. 535.

qui, & innuat ipfemet Iosephus. Hic enim eodem loco ait Agrippam, statim post discessum Herodis, Romam misisse Fortunatum suum libertum ad Imperatorem cum muneribus & litteris scriptis contra Herodem; simulque mandasse *ut per occasionem amplius cum Principe super hoc negocio differeret*. Caius igitur antequam Herodem damnaret nomine conspirationis, quam, utpote falsam, planè negabat, Agrippam expectare debuit ut certiozem de crimine quæstionem haberet.

Herodem autem non fuisse damnatum nisi post reducem Agrippam patet ex ipsomet Iosepho, qui eadem alibi (367) narrans, ait: *his adductus Herodes venit ad Caium, a quo ob avaritiam vehementer increpitus, ad Hispaniam fugit: sequutus eum quippè fuerat accusator Agrippa, cui etiam Tetrarchiam illius Caius Cæsar adjecit. Atque ita Herodes quidem in Hispania, peregrinante secum etiam uxore, decessit*. Inde enim sat evidenter patet Herodem fuisse damnatum ob criminationes aut calumnias Agrippæ, qui cum Ro-

N 2

man

(367) Id. ibid. de bel. Jud. lib. II, c. viii, p. 687.

nam sequutus fuerat . non igitur ante re-
ducem Agrippam exulavit Antipas .

Ex iisdem Iosephi verbis patet etiam non
esse semper accipienda , tamquam eodem
tempore gesta , quæ uno tenore narrant Scri-
ptores , præsertim cùm contrarium evincitur
ex aliis monumentis . Alioquin ex hac po-
steriori Iosephi narratione credendum esset
eodem tempore , aut saltem eodem mense ,
Herodem Antipam venisse Romam , Agrip-
pam eum statim fuisse sequutum , & Anti-
pam fugisse in Hispaniam . Quod sanè falsum
ostenditur ex ipsomet Iosepho . Quis ex his
recentioris cuiusdam verbis : *Herodes Magnus*
Judææ Rex a Senatu Romano declaratus , in
Judæam rediit , ubi vieto Antigono decessit et a-
te provectus : quis , inquam , inde concludere
vellet per paucissimos tantùm annos regnasse
Herodem , nisi in Historia omninò peregrinus
esset ?

Aliam nobis suppeditat Iosephus rationem
Antipæ exilii anno XL æræ vulgaris . Hic
enim scribit (368) Agrippam regem obiisse
postquam regnasset per septennium . Quatuor
enim

(363) Id. , ut n. 67 , lib. XIX , cap. VII , p. 566 .

enim annos sub Caio Casare obtinuit Regnum. Primum in Philippi Tetrarchia per triennium, cui quarto demum anno accessit & Herodis Tetrarchia, tribus deinde annis sub Claudio Casare. Porro cum Agrippa Philippi ditionem obtinuerit ab Imperatore Caio vernâ tempestate anni XXXVII æræ vulgaris, seu 790 Romano, quartus annus eidem inchoabatur sub initium veris, aut Judæorum more mense Martio anni 793 Romani, seu XL æræ vulgaris, Caio in Galliis Britannicam expeditionem meditante. Non igitur a Caio Romam reverso Antipæ Tetrarchiam accepit nisi Septembri ejusdem anni, postquam nempè Herodis Antipæ defectionem Imperatori persuasit, ejusque exilium impetravit.

Reverà quidem scribit Uſerius (369) Galilæam altero post damnatum Herodem anno, Agrippæ Regno adjectam fuisse, Eminentissimusque Norisius, eum fideliter sequutus, subdit (370): *equidem pulso in exilium. Herode, Caius fortasse Capitoni, qui in Ju-*

N 3 *dea*

(369) Uſerius, ut n. 171, ann. Chr. 39, p. 652, & ann. 46, p. 654.

(370) Norisius, ut n. 121, tom. II, *de numm. Herod. Ant.* col. 662.

deæ exigendis tributis præerat, injunxit, ut in proximam Galilaam profectus, Herodis suppellectilem, pecuniam, arma, & reliqua ejusdem bona in fiscum redigeret, omniumque, ut moris erat, indicem ad se transmitteret. Dein cum idem Caius in Galliis esset, Galilaam simulque Herodis pecuniam Agrippæ donavit: Quamvis idem Josephus lib. 19, cap. 9, una simul referat damnationem Herodis, ac ejusdem Tetrarchiam Agrippæ attributam.

Verùm, quid audio? hæc Josephi verba: *Herodem damnavit exilio, ejusque Tetrarchiam Agrippæ Regno adjecit*, alia ab aliis non sunt dividenda si de differendo Antipæ exilio agatur, licet id omninò suadeant nummi antiqui, Historiæ contextus, & Josephus ipse in aliis locis; & cum agitur de differendo Agrippæ Regni incremento eadem dividenda erunt, ob unicum argumentum ex adverbio *fortasse* deductum? adnotationem omnem omitto.

Porrò, ut ad Antipam redeamus, Agrippa cum Caio Imperatore discedere non potuit nisi æstate anni sequentis XL æræ vulgaris. Caius enim anno XXXIX, paulò post mensem Augustum, quo exeunte, ut superius

rius dixi , ex Campania Romam redierat , Agrippâ in Regno suo adhuc degente , Româ in Umbriam ad Clitumni fontes nemusque visendum , Mevaniam usque profectus , *expeditionis Germanicæ impetum cepit* , teste Suetonio (371) , *neque distulit ; sed legionibus & auxiliis undique excitis . . . iter ingressus est* , nec Romam rediit nisi exeunte Augusto anni insequentis .

Hanc expeditionem , ait Norisius (372) , sub initium autumnî a Caio susceptam , patet tum ex eodem Suetonio (373) , qui eodem loco narrat illum adeò delicatè iter fecisse , *ut a propin quarum Urbium plebe verri sibi vias , & conspergi propter pulverem exigeret* , nondum imbris , ut adulto autumnô fit , pulverem in lutum demutantibus ; tum etiam ex fictis belli præliorumque imaginibus , quas ille ad Rhenum exhibuit , priusquam legiones ad hiberna dimitteret , quas-

N 4

que

(371) Suetonius , ut n. 309 , lib. IV , cap. XLIII , p. 359 .

(372) Norisius , ut n. 121 , tom. II , de numm. Herod. ant. col. 654 .

(373) Suetonius , ut n. 309 , lib. IV , cap. XLIII , p. 360 .

que narrant Dio (374) & Suetonius (375):

Eodem anno XXXIX æræ vulgaris, Caius, jam *inflatus potentia magnitudine*, ut ait Josephus (376), oblitusque se esse hominem, ac divinos etiam honores usurpare ausus, statuam suam in templo Hierosolymitano collocare concepit. Hinc *Legatum* (377) in Syriam mittit Petronium, *successurum Vitellio*, iubetque ut cum valido exercitu invadat *Judeam*: & si sponte id admittant, statuam ejus in templo Dei collocet. Quod si detrectent, bello devictos imperata facere adigat. Is assumptâ administratione rerum Syria, dedit operam ut exsequerentur mandata Caesaris, contractisque quantum poterat auxiliis, cum duabus Romanis legionibus hibernavit apud Ptolemaidem, primo vere bellum illaturus; quod & Caio significavit per litteras: qui (adhuc Romæ degens ante Septembrem) colaudatâ ejus industriâ, hortatus est cum ad a-

gen-

(374) Dio, ut n. 100, lib. lxx, p. 401.

(375) Suetonius, ut n. 309, lib. iv, cap. xlii & seqq, p. 360 & seqq.

(376)) Josephus, ut n. 67, lib. xviii, cap. ix, p. 535.

(377) Teste eodem ibid. cap. xi, p. 536.

gendum gnaviter, & fraudandam bello gentis contumaciam. Interim (id est, dùm contraherat milites) Judæorum multa millia venerunt Ptolemaidem ad Petronium, deprecaturi ne quid facere cogerentur contra leges patrias . . . Petronius animadvertens eorum obstinatam pervicaciam, neque se posse sine certamine & cade statum dedicare Caesaris, dedicatione dilatâ, datis ad Caium Cæsarem litteris, ejus dilationis causas in statum opifices retulit, significans insuper verendum esse, ne Judæi in desperationem acti, agros incenderent: erant enim tum matura segetes, inquit Philo (378), & timendum erat ne, deploratâ religione, homines quoque vitam contemnerent, & vastatis agris, suasinet fruges latè per campos collesque incenderent. Has litteras recepisse, aut saltem legisse non videtur Caius nisi Romam redux exeunte mense Augusto anni insequentis XL, cùm tunc temporis tantùm Petronio rescripserit, ut paulò infrâ dicturus sum.

Missis litteris, Petronius cum amicis & famulatio properavit Tiberiadem, inquit Josephus

(378) Philo, ut n. 112, de legat. ad Caium, p 1028.

phus (379), ut, ex propinquo melius res Judæorum dispiceret. Judæi verò magnum timentes e Romano bello periculum, sed majus ex violatis legibus, iterum multorum millium numero occurrunt Petronio Tiberiadem, supplicantes, ne se ad eam necessitatem cogeret, neve sacratam Urbem pollueret vetitis imaginibus. Tùm Petronius (380): pugnabitur igitur cum Cæsare, nec illius opes, nec vestram imbecillitatem adhibentes in consilium. Non pugnabimus, inquit, sed moriemur citius quàm discedamus a legibus: simulque procumbentes ac nudantes jugulos, paratos se aiebant ad excipiendos gladios. Atque hoc pacto perduratum est per quadraginta dies continuos, neglectis interim agriculturae operibus, cum maximè sementis essent tempora... in hoc rerum statu Aristobolus, Agrippæ Regis frater, & Elcias Magnus cognomine, eum optimatibus ceteris ejus familiæ, Judæorumque primatibus accedunt Petronium rogantes ut consideraret obstinationem

po-

(379) Ios:phus, ut n. 67, lib. xviii, cap. xi, p. 536.

(380) TeRe eod. ibid. p. 537.

populi ; neve illis desperandi ansam praberet : quin potius Caio scribat quantâ pervicaciâ re- clametur dedicationi statuae ; utque relicto agri- culturæ studio , de bello quidem nullâ virium fiduciâ non cogitent , sed parati sint mori po- tius quàm religionis labem in se admittere . Ad hæc semente omissâ instare latrocinia , dum non est unde possint persolvi vectigalia .

Iis commotus Petronius , indistincto Judæis conventu (381) ad Tiberiadem , postquam adesse vidit multa millia , progressus in con- cionem ait . . . abite quò suum quemque vocat negòcium , & terram labore vestro colite . Le- gationem autem ipse in Urbem missurus sum , & quidquid in rem vestram potero , tam per me agam quam per amicos meos & necessa- rios . Hinc scripsit ad Caium , dehortans , inquit Josephus (382) , ne tam multa millia in extremam desperationem atque perniciem adduceret , neque enim nisi bello compulsos discessuros a religione patria : neve seipsæ mul- taret luculentis ex ea gente proventibus , a- terumque apud eam sibi pararet improperium .
Eru-

(381) Teste eod. ibid.

(382) Id. ibid. p. 538 .

Eruditissimus Cardinalis Norisius putavit hæc omnia gesta anno XL æræ vulgaris, seu 793 Romano, sed paulò inferiùs eum deceptum ostendam.

Caius Imperator, qui, ut jam adnotavi, in Germaniam profectus fuerat ineunte autumno anni præcedentis XXXIX æræ vulgaris, inde venit in Galliam, & Kalendis Januariis anni XL *Consulatum tertium Lugduni iniiit solus*, ut ait Suetonius (383). Ejusdem quasi bellum perpetraturi, expeditionem hoc anno ad usque litus oceani ex adverso Britannix, describunt Dio (384) ac idem Suetonius (385). Undè postea Romam ad triumphum reversus est, sed, ut ait etiam Suetonius (386), *omisso, vel dilato triumpho, ovans Urbem natali suo ingressus est, intraque quartum (legendum quintum) mensem periit*. Itaque Caius Cæsar die XXXI Augusti natali suo ex Gallia Romam pervenit, cùm per
an-

(383) Suetonius, ut n. 309, lib. IV, cap. XVII, p. 333.

(384) Dio, ut n. 100, lib. LIX, p. 403.

(385) Suetonius, ut n. 309, lib. IV, cap. XLVI, p. 362.

(386) Id. ibid. cap. XLIX, p. 364.

annum ferè ab Urbe & Italià abfuiſſet.

Tùm Agrippa , qui Romam redierat , cum Imperatore de Herode Antipa diſſeruit , ac ejus defectionem Caio perſuaſit . Hinc Imperator ademptam Herodi Tetrarchiam , ad Agrippæ Regnum adjecit , pecuniam quoque ejus donans Agrippæ indici . Herodem verò perpetuo damnavit exilio apud Lugdunum Urbem Galliæ .

Reverà quidem Joſephus hæc uno tenore narravit & Herodis in Italiam adventum , ita ut credi poſſet eum ſtatim fuiſſe exilio damnatum : verùm , ut ſuperius jam adnotavi , anni ejus Principatûs nummis antiquis obſignati contrarium oſtendunt , & Joſephus ibidem ac alibi ſufficienter innuit Antipam non fuiſſe ex Tetrarchia ſua dimotum , niſi poſt Romam reducem Agrippam , qui , ex dictis , Imperatorem alloqui non potuit ante Septembrem anni XL .

Rex Agrippa , teſte Joſepho (387) , in dies Caio reddebatur familiarior : quando etiam convivium tale illi exhibuit , de induſtria pro-
CU-

(387) Joſephus , ut n. 67 , lib. xviii , cap. xi , p. 538 .

curato apparatu sumptuosissimo, adhibitoque omni exquisitissimarum ac lauticiarum ac voluptatum genere, ut omnes a tergo relinqueret in hoc certamine, atque ipsum etiam Casarem. Tantum illi studium fuit demerendi Principis per omne obsequium. Is demiratus ejus tam animum quam magnificentiam, qui etiam supra vires ac facultates placere sibi contenderet, volensque cum eo certare mutuis officiis, pollicitus est ei quidquid esset petiturus. Ad hæc Agrippa: rogo igitur ut mandatum revoces, quod Petronio dedisti, de statua in Judæorum templo ponenda. Imperator fecit eum voti compotem (388). Scripsit igitur Petronio, collaudans ejus industriam in comparando exercitu, & in exequendis mandatis quæ acceperat. Quod autem ad statuam attineat, si quidem dedicata sit & posita, sinendam esse; sin minùs, non esse cur in eo negotio plus laboris capiat; sed debere eum soluto exercitu reverti ad intermissa negotia. Remissum enim esse hoc Judæis in Agrippæ gratiam, cui tantum honoris a se haberi, ut non possit voluntati ejus contradicere. In hunc modum Caius scri-

(388) Teste eod. ibid. p. 439.

scripsit Petronio priusquam ad defectionem spectare Judæos cognosceret. Nondum enim legerat nisi litteras a Petronio Ptolemaide ad eum scriptas segetis seu messis tempore.

Petronius autem, qui absente Imperatore legationem distulerat, audiens eum Romam revertentem, aut jam reducem, Legatos misit ad illum, datis litteris, de quibus supra, Tiberiade conceptis tempore sementis. Legati in Italiam appulerunt mense circiter Octobri, & Imperatorem invenerunt in Campania rusticantem, qui, accipiens & Judæorum rebellionem & Petronii admonitiones, ac indignè ferens, inquit Josephus (389), *gentis audaciam & contemptum Imperii... denuò scribit Petronio in hanc sententiam: quoniam plus apud te valuerunt Judæorum munera quam mea mandata, quibus neglectis omnia illis gratificatus es, semet judicem facio, quid de teipso statuere debeas, semel indignationem meam meritus. Volo enim te exemplum fieri & presentibus & posteris, nullomodo irrita habenda mandata imperatoria.*

Non multo post, ait Philo (390), qui in
Cam-

(389) Id. ibid.

(390) Philo, ut n. 111, de legat. ad Caium p. 1029.

Campaniam Imperatorem sequutus fuerat, advenit Agrippa Rex more suo Caium salutaturus, planè ignarus epistolæ Petronii, quidve Caius rescripisset. Imperator irâ æstuans, conquestus est cum Agrippa de rebellione ejusdem contribulium Judæorum. Quibus auditis, Agrippa subito horrore ac tremore correptus, inquit Philo (391), collapsus fuisset, nisi eum proximi sustentassent, a quibus etiam domum sensibus deperditis, delatus, vix alterâ die spiritum recepit, ac prolixam ad Imperatorem epistolam misit, ut eundem a dedicandæ apud Hierosolymam statutz proposito revocaret. Hæc inter plurima Caio scripsit: *donasti mihi Regnum* (392), *quâ sorte nulla inter mortales felicior*. Id cum prius unam regionem non excederet, adjunxisti mihi mox majorem alteram, *Trachonitim & Oulileam*.

Hinc evidens sit Agrippam jam mense circiter Octobri anni XL potitum fuisse Galilæâ, quam duobus circiter mensibus antea obtinuerat, pulso in exilium Herode Antipâ,

ut

(391) Id. ibid. p. 1030.

(392) Teste cod. ibid. p. 1037.

ut eruitur ex veteribus nummis & historiæ contextu ; non verò anno præcedenti , ut vellet Norisius , cuius argumenta vana esse nunc demonstrandum .

Petronius , inquit eruditus Cardinalis (393), cùm hibernasset Ptolemaide anno Urbis 793 , seu XL æræ vulgaris , primoribus Judæorum ad se vocatis , Imperatoris mandatum de dedicanda ejus statua in templo Hierosolymitano eisdem significavit . Quod ubi cæteris Judæis innotuit , relictis urbibus atque agris , plenis agminibus Ptolemaidem confluxerunt *tempore messis* ex Philone ; aut , si fides esset Josepho eadem narranti , *tempore sementis* : sed non videtur Josephus observasse ab autumno ejus anni cœpisse annum Sabbaticum , quo Judæi agros ferere vetabantur : unde concludit Norisius in his fidem habendam Philoni , non Josepho .

Verùm nihil inde eruitur contra assignatum tempus Herodis Antipæ exilii : minùs tamen benè putavit eruditissimus Cardinalis duos illos Scriptores non sibi mutuo consen-

O

ti-

(393) Norisius , ut n. 121 , tom. II , de numm. Herod. Ant. col. 657 .

tire, quia hæc gesta perperam credidit anno XL, & duas litteras, quarum meminerunt, malè confudit. Primò enim falsum est Petronium convocasse Judæos tempore messis, postquam hibernasset Ptolemaide. Teste quippe Josepho (394), Ptolemaide scripserat ad Caium se primo vere bellum illaturum Judæis. Cur igitur vere labente ansatus remansisset, & æstate tantum sequenti Judæos convocasset, ut eis mandata Cæsaris significaret? Secundò, Petronius, postquam venit Ptolemaidem, ter scripsit ad Caium. In primis litteris significabat se primo vere bellum Judæis illaturum, teste Josepho (395); in secundis, se statux dedicationem differre ob ejus opifices, verendumque esse ne Judæi, in desperationem acti, maturas suas segetes incenderent, teste Philone (396); & tandem in ultimis, teste Josepho (397), dehortatus est Imperatorem ut mutaret senten-

(394) Josephus, ut n. 67, lib. xviii, cap. xi, p. 536.

(395) Id. ibid.

(396) Philo, ut n. 112, *de legat. ad Caium*, p. 1028.

(397) Josephus, ut n. 67, lib. xviii, cap. xi, p. 538.

tentiam, ne tam multa millia hominum in extremam desperationem atque perniciem adduceret, addens Judæos, nisi bello compulso, discessuros a religione patria.

Duas illas posteriores confundit Norisius, existimatque Josephum & Philonem de iisdem litteris loqui locis laudatis; verum contrarium patet ex Caii responsionibus. Primæ enim epistolæ rescripsit *agendum gnauiter & frangendam bello gentis contumaciam*, teste Josepho (398); secundæ, laudem mereri Petronium ob mandata benè perfectæ, sed de statua dedicanda non amplius esse cogitandum, ut innuit Josephus (399); tertiæ tandem, puniendum Petronium, utpote indignationem suam meritum, teste eodem Josepho (400).

Reverà quidem Josephus secundo loco (401), non videtur loqui de rescripto, sed tantum de Caii epistolâ, & Philoni, ut videtur, ignotæ fuerunt tertiæ Petronii ad Caium litteræ:

(398) Id. ibid. p. 536.

(399) Id. ibid. p. 539.

(400) Id. ibid.

(401) Id. ibid.

unde duo Cui rescripta eisdem supponit, & oratoriè, non verò historicè scribens, tempora & loca, immò & circumstantias confundit. Josephus verò rem historico modo narrans, omnia dixinxit, & circumstantias suo loco narravit. Legatur ipse Josephus & quæ ipso duce superiùs scripsi, & fatebitur unusquisque Judæos quidem Petronium exoratu-ros convenisse Ptolemaidem tempore messis, sed deinde eidem Petronio occurrisse Tiberiadem; ibique commoratos esse per quadraginta dies & ampliùs, nec nisi sementis tempore fuisse dimissos; proindeque id contigisse anno XXXIX, non verò XL, quo, ut pote Sabbatico ineunte, Judæi agros ferere vetabantur.

Norisius deinde Galilæam ante initium autumnus anni XL ad Agrippæ Regnum spectasse probare conatur. Id ita fuisse libenter concedo, non quidem ob falsa ejus argumenta, quæ refellendi non est hic locus, sed ob rationes superiùs allatas. Nihilominus errat eruditissimus Cardinalis inde concludens (402)

An-

(402) Norisius, ut n. 121, tom. II, *de numm. Hierod. Ant.* col. 658 & 661.

Antipam anno præcedenti XXXIX a Caio, priusquàm contra Germanos proficisceretur, apud Baias Galilææ Tetrarchiâ exutum, in exilium Lugdunum abiisse. Contrarium enim evincunt nummi antiqui & historie contextus, ut suprâ jam adnotavi.

Cum Usserio porrò & Norisio erravit etiam Rigordus (403), aliàs eruditus Massiliensis numismatologus.

PROPOSITIO II.

*Christus fugit in Ægyptum incunte anno V
ante æram vulgarem.*

Christum jam natum esse incunte anno IV ante æram vulgarem, seu 4710 periodi Julianæ, patet ex superiori Propositione I, ubi demonstratur Herodem Magnum, cujus diebus natus est ex Axiomate I, obiisse mense Martio ejusdem anni. In sequenti autem Propositione III videbimus Magos, Christum adoraturos, Hierosolymam

O 3

(403) Rigordus *Dissert. hist. sur une med. de Herod. Ant.* p. 27, edit. à Marseille 1639, in 4.

nam venisse exeunte anno sexto ante æram vulgarem mense Decembri, Christumque, adorasse ineunte anno V ante eandem æram, die sextâ Januarii.

Porro ex Axiomate II, cùm Magi Christi domo recessissent, Angelus Domini apparuit in somno Josepho, & præcepit ei ut surgeret, acciperetque puerum Jesum ac Mariam matrem ejus, & fugeret in Ægyptum, ibique remaneret usque ad aliam futuram suam admonitionem, quia Herodes quæsiturus erat puerum ad perdendum eum. Hinc Josephus consurgens accepit puerum & matrem ejus nocte & secessit in Ægyptum, ibique remansit usque ad obitum Herodis. Tunc Herodes videns quoniam illusus esset a Magis, iratus est valdè, & mittens occidit omnes pueros, qui erant Bethlehemi, & in omnibus finibus ejus, *a bimatu & infra, secundum tempus quod inquisierat a Magis.*

Ex hac narratione sat patet Christi fugam in Ægyptum factam fuisse statim post Magorum discessum, cùm Herodes, videns se illusum a Magis, miserit ad occidendos pueros omnes Bethlehemi & finium ejus.

Igitur cùm Christus a Magis adoratus fuerit

rit die VI Januarii anni V ante æram vulgarem ex inferiori Propositione III, eum fuisse in Ægyptum ante ejusdem mensis finem necesse est, ibique remansisse ad minùs per circiter quatuordecim quindecimve menses, id est, usque post obitum Herodis Magni. Eo enim defuncto, teste Evangelio, *ecce Angelus Domini (404) apparuit in somnis Joseph in Ægypto, dicens: surge & accipe puerum & matrem ejus, & vade in terram Israel: defuncti sunt enim qui querebant animam pueri. qui consurgens accepit puerum & matrem ejus, & venit in terram Israel.*

Reverà quidem silent Scriptores sacri de tempore, quo Christus moratus est in Ægypto; sed eum per plures menses ibi remansisse sufficienter innuunt, cùm Angelus Josepho jussit ut longum susciperet iter in alterum Regnum, ibique remaneret usque ad alteram sui admonitionem. Id enim sat longum tempus indicat, nec de mense aut aliquot diebus intelligere licet. Sacræ igitur Scripturæ minimè repugnat superius assignatum tempus quatuordecim quindecimve mensium

(404) Matthæus, ut n. 58.

sium ad minùs (405), immò illud fat aperte innuit.

Hæc porrò Propositio miro modo corroboratur auctoritate Sancti Epiphani, quarto Ecclesiæ seculo scribentis (406): *siquidem anno Herodis XXXIII* (407), (seu VIII an-

(405) Pluribus enim mensibus remanere potuit. Unde Nicephorus lib. I, cap. xiv, huic exilio tribuit annos tres, Lucius quinque, & Adricomius sex; quod tamen omnino incompertum.

(406) Epiphanius, ut n. 19, l. I, c. I, *ber.* xx, n. II, p. 48.

(407) Hic apud Epiphanium additur *Augusti XLII*, sed in hoc erravit, veram nempe Augusti & Herodis epocharum concordiam ignorans.

Quod autem ejus error sit in numero annorum Augusti, non autem in numero annorum Herodis Regni, patet ex eo quod hæc scribens, quæ ad Christi Judæi nativitatem pertinent, præ oculis habebat scripta & monumenta Judaica, non verò Romana. Sic enim annum Herodis Magni benè indicavit; sed, minus attendens, annum Augusti ei correspondentem malè scripsit. Quemadmodum si hodiè, exempli gratia, quis italus res francicas scribat, ob scripta & francorum monumenta, quæ sibi comparaverit, annum ortus Ludovici Magni haud dubiè rectè indicabit in æra nostra Christiano-vulgari; sed si eundem annum in Arabum hegira designare voluerit, faciliè errare poterit, nisi peculiari utatur attentione & diligentia. Vide infra *Proposit. IV Coroll. XVII*.

ante æram vulgarem) *Bethleemi in Judæa* Salvator nascitur , atque (408) in specu circumcisus , Hierosolymis oblatuſ est ; ibique a Symeone inter brachia susceptus (409) , & ab Anna , Phanuelis filia , Prophetiſſa prædicatus , Nazaretum deportatus est . Tum anno ſequenti (410) Hierosolymis ſe coram Deo præſentavit , : atque inde Bethleemum propter generis propinquitatem (411) a matre delatus est . Sed rurfus Nazaretum rediens anno altero vertente (VI nempe ante æram vulgarem) Hierosolymam Bethleemumque , geſtante matre , perducſus est . Bethleemi porro cum ad ædes quaſdam cum matre & Joſepho divertiſſet , qui jam grandis natus cum Maria debebat , ſecundo ab nativitate anno a Magis

ado-

(408) Epiphanius , ut n. 19 , lib. I , tom. I , hæref. XX , n. I , p. 47 .

(409) Id. ibid. p. 48 .

(410) Id eſt , ineunte anno XXXIV Herodis , primo Paſchate poſt Chriſtum natum . Teſte enim Divo Luca , ut n. 61 , p. 702 , *ibant parentes ejus per omnes annos in Jeruſalem , in die ſolemnis Paſche* .

(411) Alibi Epiphanius , nempe ut n. 19 , hæref. LI , p. 431 , ait *ob eorum , quæ geſta illic erant , memoriã* . Quæ utraque ratio genuina videtur .

adorandi causâ conventus , ac donis ornatus est .
 Eâdem verò nocte , cùm Iosephus per somnium
 ab Angelo esset admonitus , in Ægyptum trans-
 fertur, Herodis (412) anno XXXV . Unde (413)
 rursus post biennium mortuo jam Herode , ac
 succedente Archelao revertitur . Quare necesse
 est (414) XXXVII Herodis anno quartum ata-
 tis suæ puerulum egisse , cùm Herodes , in-
 quam , septem ac triginta confectis annis vi-
 vendi finem habuit . Post hunc Archelaus no-
 vem annis imperavit ; quo Regnum ineunte Jo-
 sephus ex Ægypto cum Maria & puero digres-
 sus , ubi Archelaum imperare didicit , in Ga-
 lileam secessit ; ac tum Nazareti confedit .

Si igitur Christus fugerit in Ægyptum sta-
 tim post Magorum adorationem , anno XXXV
 Herodis , cum anno V ante æram vulgarem,
 mense Januario , fugisse necesse est . Cùm
 enim Herodes obierit anno IV ante eandem
 æram , mense Martio , ineunte XXXVII Re-
 gni sui anno , ex superiori Propositione I ,
 men-

(412) Epiphanius , ut n. 19 , lib. I , tom. I , *la-
 ref.* XX , n. II , p. 48 .

(413) Id. ibid. n. I , p. 48 .

(414) Id. ibid. n. II , p. 48 .

PROPOSITIO III. 235

mensis Januarius illius anni XXXV fuit Januarius anni V ante aram vulgarem. Ergò Christus hoc anno Ægyptum petiit.

PROPOSITIO III.

Magi, Christum adoraturi, venerunt Hierosolymam, exeunte anno VI ante aram vulgarem.

Purimi Theologi, antiquiorum opinionibus imbuti, ac re non sat examinata, Evangelii verba variè interpretati sunt, unde varia tempora Magorum adorationi affixerunt.

R. P. Natalis Alexander, Dominicanus, vult (415) Christum a Magis fuisse adoratum die XIII, vel saltem ante quadragesimum a nativitate. Divus Augustinus, Doctor Ecclesiæ eximius, censet (416) etiam eum ab iisdem adoratum ante Beatæ Virginis purificationem; sed aliud in Evangelio me legere credo.

Magi enim, teste Evangelio, Hierosolymam

(415) Alexander, ut n. 12, cap. I, art. IV, p. 4.

(416) Aur. Augustinus *Oper*, tom. II, part. II, de *conf. Evangel.* lib. II, cap. XI. col. 42, edit. Paris. MDCXC, in fol.

mam venientes postulabant : *ubi est* (417) *qui natus est Rex Judæorum ? vidimus enim stellam ejus in Oriente & venimus adorare eum*. Stella igitur, quæ apparuit in Oriente, & , quâ duce, Hierosolymam venerunt Magi, non fuit signum nascituri, sed jam nati novi Regis. Nascente ergò Christo apparuerat. Hinc Herodes, ex Evangelio, *clam* (418) *vocatis Magis diligenter didicit ab eis tempus stellæ, quæ apparuit eis*, ut scilicet novi Regis nativitatis tempus disceret, sicque eum faciliùs invenire posset. Porro postquam Magi per aliam viam reversi sunt in Regionem suam, Herodes, teste eodem Evangelio, *videns* (419) *quoniam illusum esset a Magis, iratus est valde, & mittens occidit omnes pueros, qui erant in Bethlehem, & in omnibus finibus ejus, a bimatu & infra, secundum tempus quod exquisierat a Magis*. Ergò didicerat a Magis stellam, signum ortûs novi Regis, eis apparuisse a duobus annis (420). Christus

stus

(417) *Matthæus*, ut n. 58.

(418) *Id. ibid.*

(419) *Id. ibid.*

(420) Quidam putant apud Vossium, ut n. 50. num. xxxiii, p. 18, hanc consequentiam posse esse falsam,

stus igitur jam natus erat biennio ante obitum Herodis: cùmque ex inferiori Propositione-

potuiffique Herodem, etiam ubi elusum se a Magis vidit, quæ irato conceperat animo, in longum differre, partim Cæsaris Augusti, partim pessimi nominis formidine. Atque hoc ita contigisse verisimilius fiet, inquit Vossius ibid. p. 19, si verbis Matthæi, antea etiam allatis, paulùm insistatur. Ait Evangelista is hæc duo; prius quidem Herodem clàm, arcessitis Magis, accuratè ex iis perquisivisse quo tempore apparuisset stella: at postea, ubi ab iis elusum se vidit, satellitibus missis in Bethlehem, & ejus finibus, interfecisse pueros a bimatu & infra; vel, ut brevius cum Macrobio lib. 2 Saturn. cap. 4, dicam, intra bimatum: atque hoc fecisse juxtà tempus quod exquisierat a Magis. Unde hoc consequi videtur, ut ut Magi mox, nato Christo advennerint, non tamen infantes ab eo necatos, nisi biennio, vel saltem aliquot mensibus post. Ut ex sit Matthæi verborum sententia; Herodem ubi in animum revocavit, quando conspectam sibi stellam retulissent Magi, sic ratiocinatum secum: quia quindecim menses, vel, si malis hoc, biennium propè foret, quòd novus Rex natus diceretur; opus esse, quòd regnaret securus, ut e medio tollerentur, quotquot Bethlehemi bimuli essent, vel minores.

At, inquis, subdit ibidem Vossius, cur non simul atque se deceptum vidit, eadem patravit? eò, dixerò, quia credibile est, aliquid temporis abiisse, inquit

ven-

tione IV constet etiam Christum natum esse
exeunte anno VIII ante æram vulgarem,
die XXV Decembris, patet Magos Hieroso-
ly-

*vedi Bethlehemi de nato puero : atque ubi ludere se
operam vidit, necdum tamen ausum fuisse tam crudele
facinus patrare ; metuisse enim Romanos, metuisse sub-
ditos ; ac propterea non antea hoc scelus esse aggressum,
quàm ubi animo jam, & corpore ager, tot etiam Rab-
binos igni tradidisset ; totusque in eo foret, ut Antipa-
tro, vel si, ut puto, eum jam sustulerat, tribus saltem
illis, Herodi, Antipæ & Philippo, Regnum securè,
ac iusdè relinqueret.*

Hanc falsam esse Evangelii interpretationem pluri-
mis ostendere possem. Id tamen omitto, quia minimè
contra meam de natali Christi anno militat sententiam,
cùm supponat Christum a Magis adoratum fuisse
biennio antè Herodis mortem. Cùm enim iste, ex
Propositione I, obierit anno IV ante æram vulgarem,
& quidem ante Pascham, Christus a Magis adoratus
fuisset ineunte anno VI ante eandem æram. Ergò in-
eunte hoc anno VI Christus jam natus erat. Christus
porro, ex Propositionis IV Sectione IV in lucem pro-
diit die XXV Decembris ; ergò pariter jam natus erat
exeunte anno VII ante æram vulgarem. Cùm autem
census, quo ortus est, actus fuerit in Judæa, ex eadem
Propositione IV, exeunte anno præcedenti, omnino
sequitur Christum natum esse exeunte anno VII ante
æram vulgarem.

Iymam venisse exeunte anno VI ante eamdem aram mense Decembri, & paulò post ab iis Christum fuisse adoratum, nempe die VI Januarii incuntis anni V ante aram vulgarem. Id idem ferè nos docuit Sanctus Epiphanius IV Ecclesiæ seculo, ut dicturus sum infra Corollario II.

Iis igitur prælibatis, inquirendum est, nùm contra assignatum tempus, quo Christum a Magis adoratum dico, quid valeant argumenta opinionefque eorum, qui aliter sentiêre.

COROLLARIUM I.

Minus benè Gravesonius contendit Christum a Magis fuisse adoratum die XIII ab ejus nativitate; nec rem probabiliorem dicunt S. Augustinus & alii, sribentes eum adoratum ante Mariæ purificationem.

REV. P. Gravesonius, insignis Prædicatorum Ordinis Theologus, plurimas, ut suam probaret sententiam, attulit rationes, quas nunc perpendere oportet.

I. Enim ait (421) sententiam, quam ample-

(421) Ignat. Hyac. Amat. Gravesonius *Tract. de vit. myst. & ann. J. C.* tom. I, Dissert. VII, p. 197, edit. Romæ MDCCXIV, in 4.

plexus sum, apertè adversari antiquæ Ecclesiæ traditioni, quæ docet Christum adhuc in pannis, in gremio matris, atque in Præsepio collocatum, adoratum fuisse a Magis XIII die ex quo natus est.

Verùm primò, hæc Ecclesiæ traditio non est unanimis, cum Sanctus Epiphanius (422), Origenes (423), Eusebius (424) & alii, scripserint Christum a Magis fuisse adoratum, biennio post ejus nativitatem. Secundò, veterum Ecclesiæ Patrum auctoritas, omni reverentiâ & veneratione digna in rebus fidei & religionis, tanti non est ponderis in Chronologicis, nisi firmis nixa sit argumentis. Jam enim superiùs adnotavi Ecclesiæ Doctores græcos & latinos varia quolibet, seculo docuisse de Christi nativitatis anno, immò in eo assignando errasse omnes. Quid plura? Ecclesia in vulgata sacrorum Bibliorum

(422) Epiphanius, tit. n. 19, vol. I, lib. II, tom. I, hæref. LI, n. 1X, p. 431.

(423) Origenes.

(424) Eusebius *catena græca* manuscripta Bibliothecæ Regio-parisiensis in cap. 25. Matthæi, teste Alexandro, tit. n. 12, tom. III, cap. XIIII, Diss. II, quæst. I, p. 73.

rum editione admittit Hebræorum Chronologiam; in Martyrologio verò Græcorum annis utitur, quæ certè non parùm inter se differunt.

II. Ex Gravefonio (425), Matthæus non obscurè innuit Christum a Magis adoratum fuisse paulò post ejus nativitatem, dum dicit: *cùm natus esset Jesus, ecce Magi ab Oriente venerunt*. Si enim quando Magi Bethlehemum venerunt, Christus fuisset bimus, non dixisset Evangelista: *cùm natus esset Jesus, ecce Magi ab Oriente venerunt*. Nam vox *ecce* non dicitur de re tam fera, sed potiùs de subita & improvisa, vel certè proxima & quasi præfenti dici solet, sicut compertum est ex benè multis Scripturæ sacræ locis. Præterea idem Evangelista narrationem ortûs Domini, Angelorum nuntium, Pastorum officia, nullo alio interjecto, cum Magorum adventu connectit. Quod quidem demonstrat Magos, paulò post nativitatem Christi, hoc est, decimo tertio die ex quo ortus est Christus, ad illius cunas accessisse.

P

Ve-

(425) Gravefoniûs, ut n. 421, p. 197.

Verùm primò, vox *ecce* in laudato Matthæi loco nihil aliud significat quam *post*, ita ut sensus sit *post Christi ortum venerunt Magi ab Oriente*. Sic apud eundem Matthæum, paulò post laudata verba, legitur: *Magi cùm recessissent, ecce Angelus Domini jussit Josepho ut cum puero & matre ejus fugeret in Ægyptum*. Ubi vocem *ecce* Gravesonius in sua sententia interpretari tenetur *sat longe post*, non verò *statim*, aut *exemplò*, aut *repentè*, cùm voluerit Josephum inter Magorum adorationem & fugam in Ægyptum, petiisse Hierosolymam ad Mariæ purificationem, & deinde Nazarethum, ut narrat Divus Lucas. Secundò, ideò Sanctus Matthæus, in Evangelio, narrationem ortûs Domini, Angelorum nuntium, Pastorum officia, cum Magorum adventu connectere videtur, quia de Christi prædicatione fusiùs scripturus, vitæ ejus privatæ gesta paucissimis tantùm verbis attingit.

III. Si Magi, inquit clarissimus Gravesonius (426), biennio dumtaxat post natale Jesu Christi ad ejus cunas accessissent, He-
ro-

(426) Id. Ibid.

rodem, Judææ Regem, in vivis invenire haud potuissent; quia Herodes Rex e vivis excessit anno post natale Christi elabente; quod se ostendisse ait in sua Dissertatione VI.

Verum, in hac Dissertatione VI sophismate tantum, seu argumento falso, ostendit Christum natum anno ante Herodis obitum. Eodem enim modo ibi argumentatur ac Vaillantius:

Christus (427), Evangelio teste, natus est regnante Herode in Judæa:

atqui Herodes obiit anno IV ante æram vulgarem:

ergò Christus natus est anno præcedente, seu V ante æram vulgarem.

Nemo enim non videt, ut dicturus sum inferius Propositionis IV Corollario XIX, hujus argumenti consequens minimè esse ex præmissis deductum. Ex his enim concluditur Christum jam natum esse ante mortem Herodis, non verò eum natum esse anno ante mortem Herodis. Anno enim ante Herodis obitum nullus universi Imperii Romani assignatur census, quo, ex superiori Axioma-

P 2 te

(427) Id. ibid. Dissert. vi, p. 126.

te IV, natus est Christus; immò nullus esse potuit, cùm triennio ante, ex sequenti Propositione IV, talis census actus fuerit. Herodes igitur non obiit anno post Christi nativitatem, nec consequenter moveor Reverendi Gravefonii ratiocinio.

IV. Sancti Patres Hieronymus (428) & Bernardus (429), prosequitur Gravefonius (430), disertè tradunt Christum in vili tugurio pannis involutum, a Pastoribus fuisse inventum & a Magis adoratum. Porro si Magi biennio dumtaxat post Christi natalem diem Hierosolymam adventassent, puerum Jesum non in vili tugurio, sed in vico Bethlehemitico, adorare potuissent, quippe quem parentes ejus, die ab ortu quadragesimo, ad purificationis officium implendum, Hierosolymam tulerant; inde verò non ultrà Bethlehemum redierunt, sed *reversi sunt in Galileam in civitatem suam Nazareth*, ut habetur Lucæ cap. II.

Verùm, laudatorum Patrum sententia patrum admodum adversatur mihi, qui credo pau-

(428) Hieronymus *epist.* 17 ad Marcellam.

(429) Bernardus Sermon. 1 & 2 de Epiphania.

(430) Gravefonius, ut n. 421, p. 197.

pauperis Iosephi domum seu habitationem tùm Bethlehemi, tùm Nazarethi, vile tugurium iis aliisque dici potuisse: ast adnotare teneor Gravesonium, qui Ecclesiæ Patrum auctoritatem hac in re plurimi facit, apertè tamen contradicere Divo Epiphanio, licet laudatis Patribus antiquiori. Hic enim distinctis verbis nos docet Christum Bethlehenum rediisse secundo a nativitatis anno, & ibi tunc temporis a Magis fuisse adoratum, ut inferiùs Corollario II dicturus sum. Si hæc non ignoraverit Gravesonius, cur volens omisit?

V. Accedit præterea, ait Gravesonius (431) traditio Ecclesiæ latinæ, quæ ab initio saltem quinti seculi *Epiphaniam*, seu adyentum, & adorationem Magorum diei VI Januarii, hoc est, ante purificationem Beatæ Virginis affixit, cui traditioni Ecclesiæ indivulsè stare debemus.

Verùm, & ego credo Christum a Magis fuisse adoratum die VI Januarii, ob rationes superiùs allatas; sed inde minimè sequitur, quod Magorum adoratio præcesserit Mariæ purificationem. Quid responderet

P 3 eru-

eruditus Gravefoniſius ſi quis diceret :

Eccleſia Chriſti Baptiſma celebrat die VI
Januarii :

Atqui Mariæ purificatio celebratur tantum
die II Februarii ;

Ergo Chriſti Baptiſma præceſſit Mariæ
purificationem .

Aut ſi quis alter ita ratiocinaretur :

Eccleſia Chriſti circumciſionem celebrat
primâ Januarii :

Atqui Chriſti conceptio celebratur tantum
die XXV Martii ;

Ergo Chriſti circumciſio præceſſit ejus con-
ceptionem .

Parcat Lector ſi ejuſmodi nugas ſcripſe-
rim . At cur Scriptores quidam talia in re
gravi proponunt argumenta ?

VI. Conſtat, ſubjungit Gravefoniſius (432),
Herodem valdè turbatum eſſe cum Magi
Hierofolymam venère , quærentes novum
Regem . Porro ſi Magi poſt purificationem
dumtaxat Beatæ Virginis Bethlehemum per-
veniſſent , non fuiſſet haud dubiè Herodes
animo turbatus , quando Magi Hierofolymæ
Chri-

(432) Id. ibid.

Christi, seu novi Régis nativitatem nunciaverunt, nec convocasset Herodes Sacerdotes legis peritos, ut dignosceret locum, in quo novus ille Rex, seu Messias nasciturus erat. Hæc quippè Herodes jamjam perspecta omnia habuisset ex his, quæ in purificatione Beatæ Mariæ Virginis contigerant, videlicet ex prædictionibus Annæ & Simeonis, de divino Infante in templo Hierosolymitano factis, quæ quidem prædictiones, cùm omnium sermone celebrarentur, earumque fama in dies percrebresceret, Herodem latere minimè potuerunt.

Verùm, quænam est ista argumentatio? cur ita perturbare historiam? quid? Vult Gravesonius ad Herodis cognitionem pervenisse ea omnia, quæ in purificatione Beatæ Virginis contigerunt, ita ut inde sciret puerum, in templo præsentatum, natum esse Bethlehemem, & ipsum esse Messiam, seu novum Regem Judæorum; Hinc, inquit, si Magi venissent post Mariæ purificationem, Herodes non fuisset animo turbatus, nec Sacerdotes interrogasset de loco ejus nativitatibus, quia hæc jamjam perspecta omnia habuisset. Sed si Magi venerint ante Mariæ

purificationem , ut contendit Graveſonius , & Herodes omnia cognoverit purificationis tempore , cur ſe videns a Magis deluſum , de innocentium cæde cogitans , Chriſtum tunc quærens & ejus ſanguinem ita ſpirans , cur , inquam , permisit eum Hieroſolymâ egredi & Nazarethum tranquillè (433) redire ? taceo .

Hæ

(433) Ad hæc tamen ita reſpondet Graveſonius ibidem : ideò Herodes ante purificationem Virginis ſuum furorem cohibuit , quia ſibi fortè perſuaſit , Magos a ſe dimiſſos non reperiffe puerum , quem quærebant , eoſque pudore ſuffuſos ſua relegiſſe veſtigia , nec Hieroſolymam remeare voluiſſe , ne in vulgi fabulam abirent . At , ubi poſt purificationem (p. 200) Virginis , ex fama prædictionum Simeonis & Annæ , quæ per omnium ora volitabant , intellexit ſe a Magis deluſum , & reverà natum eſſe novum illum Regem , ſibi ab ipſis nunciatum , tunc excanduit Tyrannus & vehementer dolens de excuſſa ſibi præda , impotenti furori laxavit habenas , atque e veſtigio juſſit omnes occidi pueros , in eam ſpem erectus , fore ut Chriſtus , cujus vitæ inſidias ſtruebat , & cujus ſanguinem ſitiebat , in tam univerſali clade mortem effugere non poſſet . Hoc pacto ſibi , Regno , rebusque ſuis meliùs conſultum iri putavit immaniſſimus ille Tyrannus . Hanc difficultatem ſic dirimit S. Auguſtinus lib. 2. *de conſenſu Evangelii*

ſta-

Hæ meæ responsiones sufficienter ostendunt Christum non fuisse a Magis adoratum ante B. Mariæ purificationem. Theologi (434) qui-

starum, ubi hæc habet: omitto dicere quot & quantis occupationibus regia cura distendi poterat, & per plurimos dies ab illa intentione vel averti omnino, vel impediri. Illud dico, posteaquam Herodi Magi nihil renuntiaverunt, eum credere potuisse, illos fallaci stellæ visione deceptos, posteaquam non invenerunt, quem natum putaverant, erubuisse ad se redire, atque etiam, timore depulso, ab inquirendo & prosequendo puero quievisse. Deinde, vulgatis rebus, quæ in templo (scilicet in die purificationis Mariæ Virginis) factæ distaverant, Herodes se a Magis sensit delusum, & infantes occidit.

Verùm, quid potest illud Gravesonii, *Herodes sibi fortè persuasis*, contra Evangelistarum auctoritatem, qui nos docent Herodem diligenter didicisse a Magis tempus apparitionis stellæ, eumque pueros a bimatu, seu biennio natos, occidisse secundum tempus, quod exquissierat a Magis?

(434) *Primò* Anonymi quidam apud Gravesonium, ut n. 421, p. 196, dicunt: Beata Virgo in die purificationis suæ non agnum, sed par turturum, aut duos pullos columbarum obtulit in templo, quod argumento est, eam non habuisse pretium agni, nec proinde aurum accepisse a Magis.

Huic

quidam plura argumenta in eodem probando attulerunt, sed ita vana & frigida mihi videntur.

Huic argumento respondet Graveſonius, ut n. 421, p. 197: nec obſtat quod Beata Virgo in die purificationis ſuæ obtulerit more pauperum par turturum, aut duos pullos columbarum; nam in hoc potiùs laudare, & mirari debemus liberalitatem ac beneficentiam Virginis, quæ brevi aurum acceptum a Magis in pauperes erogavit, nihilque ſibi retinuit, vel ipſius prudentiam, quod viaticum paravit mox fugitura in Ægyptum; vel denique ipſius modèſtiam, quia non decebat ut quæ pauper erat, ea divitum oblationem ſubitò inferret. Ab omni quippè faſtu & oſtentatione erat Virgo aliena, nec mutare conditionem illi erat animus, quam ſciebat Dei filio placuiſſe.

Hæc illi. Quid valeat argumentum, quid valeat reſponſio, perpendant alii.

Secundò, Iidem Anonymi, aut alii apud Graveſonium ibidem, p. 197, adnotant Herodem juſſiſſe occidi omnes pueros a bimatu & infrà, ſecundùm apparitionis ſtellæ tempus, quod exquilièrat a Magis: non eſſe autem credibile, Herodem voluiſſe bimos mactare pueros, ſi ab ortu ſtellæ ad Magorum adventum non niſi XIII dies interfluxiſſent.

Prior hujus ratiocinii pars plurimùm valet contra ſententiam de Magorum adoratione XIII die a Chriſti ortu, eaque uſus ſum; ſed poſterior minimi mihi videtur.

dentur , ut ea proponere non auderem .

CO-

detur momenti , quia pendet ab Herodis voluntate & consilio , quæ omnino ignoramus . Unde Gravesonii responſionem permitto , cum & ipsa nitatur momentis incertis , ut pote ignotis .

Nec magis urget , inquit ibid. p. 198 , alia ratio , quam opponunt adverſarii , videlicet Herodem juſſiſſe occidi pueros a bimatu & infra ; nam primò dici po-
teſt , inter apparitionem ſtellæ & Magorum adventum interceſſiſſe quidem tredecim dumtaxat dies , ſed Herodem ira & furore percitum , tempus ex propria malitia ampliſſe , ſicut reverà ampliavit locum occiſionis puerorum . Quamvis enim probè ſciret Herodes tam ex prophetia Michæ , quam ex Sacerdotum atque Scribarum reſponſo , Chriſtum natum eſſe in Bethle-
hem , omnes tamen pueros trucidari juſſit non ſolum in Bethlechem , ſed in omnibus ſinibus ejus . Quemadmodum ergò Herodes ſibulam crudelitatis ſuæ laxavit extrà Bethlechem ſerviendò , ne fortè in ejus conſinio latitaret Rex , recens natus , ſic ſtimulante furore extendit temporis periodum , ne ſibi illius carnificinæ fructus periret . Sic ſentit Sanctus Chryſoſtomus homil. 7. in Matthæum , ubi hæc habet : *quod ſi a biennio & infra Herodes pueros interfecit , ne mireris . Siquidem conveniens in eundem Tyrannum pavor & furor , pro abundantia cautionis & licentia perſecutionis , majus etiam tempus includit , ne quis proſectò ejus*

COROLLARIUM II.

*Minus bene putat Alexander Christum, ante
fugam in Ægyptum, Bethlehemum
non rediisse.*

ITA verum existimant RR. PP. Natalis
Alexander (435) & Gravesonius (436),
aliique, Christum Bethlehem a Magis fuisse
ado-

*ejus ætatis, & fortè is, propter quem & alii interi-
muntur, effugiat. Dicit etiam potest, subjungit Gra-
vesonius, puerulos bimos idè ab Herode fuisse occi-
sos, quia timebat scelestus ille Tyrannus, ne puer,
scilicet Christus, cui sydera famulabantur, speciem
suam paulò suprâ ætatem, vel infrâ, transformaret,
sicque carnificum manus effugeret.*

Ne quis tamen moveatur ea Gravesonii inter tempus
& locum comparatione. Utrumque enim comparatio-
nis extremum falsum ostendunt sacræ paginæ. Teste
enim Evangelio, *Herodes mactavit omnes pueros bi-
mos secundum tempus stellæ, quod diligenter exquisie-
rat a Magis*, non verò abundantia cautionis. Id pa-
riter egit *Bethlehemi & in omnibus finibus eius*, id
est, in Bethlehem territorio, quia verè quis dicitur
natus aut Civis alicujus Urbis, si in territorio ejus-
dem Urbis natus fuerit aut commoretur.

(435) Alexander, ut n. 12, cap. xitr, Dissert. II,
quæst. I, p. 73.

(436) Gravesonius, ut n. 421, p. 197.

adoratum, ut de eo probando non cogita-
verint; immò eo argumento usi fuerint con-
tra Magorum adorationem biennio post Chri-
sti nativitatem, quia, Evangelio teste, pa-
rentes ejus die ab ortu quadragesimo ad pu-
rificationis officium implendum, Hierosoly-
mam tulerant Jesum, unde, *ut perfecerunt
omnia (437) secundum legem Domini, reversi
sunt in Galileam, in civitatem suam Nazareth.*

Eo moti mihi videntur quòd in Matthæi
Evangelio ita ferè narretur Magorum ad-
ventus & adoratio: *post natum Jesum Be-
thlehemi (438), venerunt Magi Hierosolymam,
dicentes: ubi est qui natus est Rex Judæorum?
legis periti, ejus nativitatis tempus ignoran-
tes, responderunt: scimus Christum Bethlehe-
mi esse nasciturum. Hinc Herodes misit eos
Bethlehemum.* Ergò, mihi videntur conclu-
dere Theologi, Magi Bethlehemum petie-
runt, & ibi Christum adoraverunt.

Verùm, consequentia hæc potest esse fal-
sa. Minimè enim ex Evangelio constat Ma-
gos, Hierosolymâ abeuntes, Herodis consi-
lio

(437) Lucas, ut n. 61, p. 702.

(438) Matthæus, ut n. 58.

lio aut mandatis obtemperasse; sed Magi, Evangelio teste (439), *cum audissent Regem abierunt; & ecce stella, quam viderant in Oriente, antecedebat eos, usque dum veniens staret supra, ubi erat puer. Videntes autem stellam gavisi sunt gaudio magno valde, & intrantes domum invenerunt puerum cum Maria, matre ejus, & procidentes adoraverunt eum.* Ibi porro non dicitur Magos Bethlehemum iter fecisse, sed tantum eò, ubi puer erat. Ii, Hierosolymam venientes, & stellam ducem tùm non videntes, quæsierunt de loco ubi novus Rex natus erat; sed Hierosolymâ proficiscentes, ac iterum stellam perspicientes, jam de Pontificum responsione, Regisque consilio, non amplius curarunt, sed certiozem ducem stellam sequuti sunt.

Non igitur, Evangeliorum ope, dirimi potest quæstio de loco, ubi Christus a Magis fuit adoratus. Verùm duce Sancto Epiphonio, inter Ecclesiæ Patres ex antiquissimis uno, ac de Christi Chronologia omninò benè merito, Magos Bethlehemum venisse credo, ibique Christum adorasse.

San-

(439) Id. ibid.

Sancti Doctoris verba hîc fusè laudabo , quia iis & Alexander planè refellitur , & Problema propositum omninò ferè solvitur .

Unicuique Evangelistarum concessum est , inquit (440) , ut quæ singulis & temporibus & opportunitatibus gesta erant , verissimè perscriberet . Itaque Matthæus , cum id unum exposuisset , de Spiritu Sancto susceptum illum ac genitum , de circumcisione tacuit : nec ullam earum rerum attigit , quæ ante biennium acciderunt ; sed Magorum demùm enarravit adventum , quemadmodum verissimus Dei sermo testatur ; cùm scilicet tempus a Magis exquisivit Herodes , ac de stella quæ apparuerat accuratè sciscitatus est . Ad hæc Magorum commemorata responsio , de duobus annis & infra : ut diversum ab eo tempus esse constet , quod Lucas narratione suâ complexus est . Hic enim quæ ante biennium illud gesta sint , exponit . At Matthæus a nativitate statim ad secundum annum se contulit , & quæ post biennium acciderint , declarat . Quod Herodes animo reputans , postquam Magi aliâ viâ discesserunt , in illa inan tium turbaprehendi pue-

ru-

(440) Epiphanius , ut n. 19 , hæres. 11 , n. 1X , p. 430.

rulum illum , atque interfici posse crediderat . Infantes enim omnes , quotquot in agro Bethleemitico forent , a bimatu & infra iussit (441) occidi , ad illam usque diem , quâ apud se Magi fuissent . Ex quo quis non videat tum , cum Magi venerunt , bimulum fuisse puerum ? siquidem ea rei gesta narratio veritatem ipsam accuratissimè demonstrat . Etenim Lucas puerum simul ac natus est , fasciis involutum esse scribit ; & in præsepi ac spelunca jacuisse , quòd nullus in diversorio locus esset . Tum enim census habebatur : & qui bellorum temporibus , quæ sub Macchabais extiterant , dispersi fuerant , quòvis terrarum pervaserant ; aded ut pauci omninò Bethleemi remanerent . Quare in quodam Evangelistarum exemplari Davidis Urbs dicitur ; in alio verò vicus appellatur , quod agrum haberet angustissimum .

Cum igitur (442) Augusti Imperatoris editum esset allatum , qui huc illucque dissipati erant , cum familiis suis ad illum locum censeudi gratiâ venire coacti , faciliè compleverunt : ut propter hominum frequentiam nihil esset

(441) Id. ibid. p. 431 .

(442) Id. ibid.

esset in diversorio loci relictum . Post censum
verò unusquisque eò , ubi domicilium colloca-
rat , reversus est . Unde laxius ad habitandum
spatium fuit . Itaque priore jam anno finito ,
& altero insuper , ob eorum , quæ gesta illic
erant , memoriam eò se parentes Nazaretho ,
velut ad eandem celebritatem , contulerunt .
Quo tempore Magorum adventus ejusmodi quâ-
dam opportunitate contigit . Tametsi non in
eodem illo fortassis diversorio versabantur , in
quo Mariam & Josephum descriptionis tempo-
re mansisse Lucas testatus est . Neque enim
Mariam in spelunca , ubi pepererat , repere-
runt , sed ut Evangelium narrat , stella illos
ad illum locum perduxit , ubi erat puer . Et
intrantes domum invenerunt puerum cum
Maria , non in præsepi vel in spelunca ; sed
in domo scilicet , ut accurata rei veritas , ac
biennii intervallum exprimeretur , quod ab ejus
natali ad Magorum adventum effluxerat . Eâ-
dem illâ verò nocte , duobus a nativitate an-
nis elapsis , Angelus apparuit , ac puerum cum
matre in terram Ægypti jussit abducere . Id-
circo non jam Nazarethum Josephus regredi-
tur ; sed cum puero ac matre fugit in Ægy-
ptum ; ubi biennio altero commoratus est : at-
que

que ita rursùm post Herodis obitum Angelus eundem , ut in Judæam rediret , admonuit . Quippe (443) XXXIII Herodis anno natus est Dominus , ejusdemque XXXV Magi venerunt . deinde XXXVII Imperii anno moritur Herodes , cui successit Archelaus .

Hanc priorum Christi annorum historiam , quam , nonnisi post excogitatam ex Evangelio , Flavio Josepho , Lapide Ancyrano , & nummis antiquis , Problematis solutionem , legi , hîc lubenter transcripsi , quia Sanctus ille Doctor , qui plurima monumenta & scripta , nobis hodiè incognita , præ oculis habebat , ipso quarto Ecclesiæ seculo memoriæ mandavit , quæ etiam nunc nos docent varia , & quidem coætanea ac sibi convenientia monumenta .

Minùs benè igitur scripsit Gravefoni-
nius (444) Christum non ultrà Bethlehe-
num rediisse post Mariæ purificationem ,
cùm , teste Epiphanio , Bethlehemo profe-
ctus fuerit in Ægyptum statim ferè post Ma-
gorum adorationem . Magi enim *cum recess-
sissent* ,

(443) Id. ibid. p. 432 .

(444) Gravefoniùs , ut n. 421 , p. 197 .

sissent, inquit Evangelista Matthæus (445), *ecce Angelus Domini apparuit in somnis Joseph, dicens: surge & accipe puerum & matrem ejus, & fuge in Ægyptum*. Unde patet jam antea Hierosolymis peracta fuisse omnia pro Mariæ purificatione.

Quis tamen forsan dicet Matthæi vocem *ecce*, post Magorum discessum, non magis indicare proximam fugam in Ægyptum, quàm vox eadem post Christi ortum indicat proximam Magorum adorationem, quam tamen biennio post factam scripsi.

Verùm, magnum est inter eas discrimen. Præter enim jam superius a Divo Epiphanio adnotata, mihi quidem videtur id verbum in utroque loco redundare, & *postea* tantum significare, sed rationes admodum graves ostendunt *ecce* in priori rem proximam indicare, non autem in posteriori.

Nam post Magorum discessum, Herodes Rex, eorundem Hierosolymam reditûs valdè anxius, & paulò post videns se ab iis illusum, haud dubiè statim ferè misit milites, qui pueros a bimatu & infrà occide-

Q 2

rent,

(445) Matthæus, ut n. 58, p. 666.

rent; unde Josephus, cum Jesu & Maria, in Ægyptum fugere debuere, non verò Hierosolymam venire ad Mariæ purificationem, ubi, quæ tunc de Jesu prædicta sunt, certè ad Herodis aures pervenissent, eumque manifestassent.

Ecce verò, post Christi nativitatem, Magorum adorationem tam proximam non indicare patet ex Divo Lucà, narrante Mariam cum Jesu, post XL dies a nativitate, Hierosolymam venisse, & deinde Nazarethum rediisse, proindeque non statim, aut post aliquos dies, in Ægyptum fugisse.

PROPOSITIO IV.

Judææ census, quo natus Christus die XXV Decembris, actus est anno VIII ante aram vulgarem a procuratore Cyrino, tum Syria Præside Saturnino, ac toto Orbe in pace composito.

I. **I**mperator Augustus, teste Suetonio (446) *censum populi ter egit: primum ac tertium cum Collega, medium solus.* Id ipsum testat-

(446) Suetonius, ut n. 309, cap. XXVII, p. 131.

PROPOSITIO IV. 161

statue Augustus in celeberrimo vetere lapide
Ancyrano (447), vite sue breviario, cuius
primæ tabulæ titulus est (448):

RERVM GESTARVM DIVI AVGVSTI QVIBVS ORBEM
TERRARVM IMPERIO POPVLI ROMANI SVBIECIT
ET IMPENSARVM QVAS IN REMPVBLICAM PO-
PVLYMQVE ROMANVM FECIT INCISARVM IN
DVANVS AHAENEIS PILIS QVAE SVNT ROMAN
POSITAE EXEMPLAR SVBIECTVM.

In secunda autem ejus tabula sic loquitur
ipse Augustus (449):

IN . CONSVLATV . SEXTO . CENSVM . POPVLI . COLLEGA . M .
AGRIPPA . EGI . LVSTRVM . POST . ANNV . ALTERVM . ET .
QVADRAGESIMVM . FECI . (LEGI) QVO . LVSTRO . CIVIYM .
ROMANORVM . CENSITA . SVNT . CAPITA . QVADRAGIENS .
CENTVM . MILLIA . ET . SEXAGINTA . TRIA . MILLIA
(450) CVM .

Q 3

IM-

(447) Hocce pretiosum antiquitatis monumentum,
apud suburbium Ancyrae repertum, quod Augerus Gi-
slenius Burbequius Turcarum immanitati ereptum, uti
narrat Casaubonus apud Gravefontium, in Europam
asportavit, ab Andrea Scotto, Lipsio, Grutero, aliis-
que clarissimis viris publicatum fuit.

(448) Apud Gruterum, ut n. 161, t. II, p. CCXXX.

(449) Apud eund. ibid.

(450) Hic est Lacuna, ubi haud dubie legebatur
CONSVLARI, uti inferius.

IMPERIO. LVSTRVM . SOLVS . FECI . (LEGI) CENSOR ...

(451) SINIO .

COS . QVO . LVSTRO . CENSA . SVNT . CIVIVM .

ROMANORVM ...

QVADRAGENS . CENTVM . MILLIA . ET . DVCENTA .

TRIGINTA .

TRIA . MILLIA . CONSVLARI . CVM . IMPERIO . LVSTRVM ...

..... COLLEGA . TIB . CA SEX . POMPEIO . ET . SEX .

APPVLEIO . COS . QVO . LVSTRO . ET . ROMANORVM .

CAPITVM . QVADRAGENS .

CENTVM . L GINTA . ET . SEPTEN . MILLIA .

Ex hoc pretioso antiquitatis monumento omninò constat primum censum ab Augusto & Collega Agrippa peractum fuisse , dum ambo Consulatum gererent: hoc est , anno XXVIII ante æram vulgarem . Alterum , fuisse peractum ab Augusto solo , Consulibus Caio Mario Censorino & Caio Asinio Gallo , anno VIII ante eandem æram . Tertium denique actum ab Augusto & Collega Tiberio , Romæ Consulibus Sexto Pompeio & Sexto Appuleio , anno XIV æræ vulgaris .

Porro

(451) Hic detritis elementis INO . ET . A . id est , unâ cum existentibus CENSORINO . ET ASINIO . COS . minùs benè exscriptor apud Gruterum ob vestigia elementorum IN legit CENSORVM . .. SINIO . COS . quod nihil significat .

Porro certum est apud omnes, nec per primum, nec per tertium censum, indicari posse verum & proprium natale Christi, sed tantum per secundum censum, qui ex lapide Ancyrano, ab Augusto absque Collega editus est anno VIII. ante aram vulgarem, seu IV ante obitum Herodis Magni. Eo igitur anno Christus natus est, cum, ex IV Axiomate, Bethlehemii ortus fuerit, dum ibi agebatur census, & quidem, ut mox dicturus sum, exeunte anno, die nempe XXV Decembris, tribus annis, & tribus circiter mensibus ante Herodis mortem. Inferius, Corollario IV, adnotabo quam benè consentiant Evangelium & lapis Ancyranus in assignando anno illius censûs universalis, ab Augusto solo peracti ad conficiendum breviarium suum.

II. Tum porro Syriæ Præses, seu Legatus erat Saturninus, ut patet ex veteribus nummis Vari, ejus successoris, superius Propositionis I Sectione III descriptis. Hinc Tertullianus, ipso secundo Ecclesiæ seculo, probans adversus Marcionem, Christum hominem natum in carne mortali, ait (452):

Q 4

sed

(452) Tertullianus, ut n. 9, *adver. Marcion.* lib. IV, p. 532.

sed & census constat actos sub Augusto tunc (453) in Judæa per Sentium Saturninum, apud quos genus ejus inquirere potuissent. Nec obstant Sancti Lucæ verba, quæ in editione vulgata leguntur (454): *hac descriptio prima facta est a Præside Syriae Cyrino*. Hic enim interpretres paulò minùs benè scripsit *Præside* pro *Censore*. Cùm enim vox græca *égemoneyontos*, quæ Sanctus Lucas Cyrini, seu Quirinii munus significat, de quavis potestate paulò majore promiscuè usurpetur, ut norunt quotquot græcè norunt, & Quirinius seu Cyrinus non fuerit Syriae Præses, seu Legatus Proprætor, nisi anno VI æræ vulgaris, XIII circiter annis post primam Judææ descriptionem factam, teste Josepho (455); tùmque existeret Syriae Præses Saturninus, ut patet ex nummis antiquis & Tertulliano, hanc vocem interpretres vertere debuissent *Censore*, aut *Procuratore*, non verò *Præside*, quia titulus iste latinè equivocatione laborat, & Quirinio non convenit, nisi ratione censûs.

Idem

(453) In laudata editione legitur *nunc* pro *tunc*, Typographi nempe errore.

(454) Lucas, ut n. 61, p. 701.

(455) Josephus, ut n. 67, lib. xviii, cap. I, p. 517.

Idem Sanctus Lucas Pilatum græcè vocat *ἑγεμόνα*, licet propriè Præfes non esset Judææ, sed tantùm Procurator; & Iosephus eodem titulo ornat Volumnium, Saturnini Legatum.

Quod autem Cyrinus, seu Quirinius tunc temporis fuerit tantùm in Syria Procurator, patet auctoritate Sancti Iustini, qui jam florebat medio secundo Ecclesiæ seculo, quique eum græcè tantùm appellat (456) *ἐπιτροπὸν*, id est latinè *Procuratorem*, non *Præsidem*. Hæc autem auctoritas, genuinis Divi Lucæ verbis omninò quadrans, nobis sanè veneranda. Iustinus enim, cujus altissima Philosophiæ ac Historiæ eruditio a celeberrimo Photio plurimùm commendatur, res Judæicas, ut pote ipse Samaritanus, haud dubiè benè noverat. Census igitur, de quo agitur, actus est in Judæa a Procuratore Cyrino, sed nomine & auctoritate Præsidis Saturnini. Vide infra Corollarium IV.

III. Docent communiter Sancti Patres Christum natum fuisse toto Orbe in pace composito. Id porrò verè dici potest de anno

(456) Iustinus Apolog. II.

no VIII ante æram vulgarem . Eo enim corrente , pacatis Gallis ab Augusto , domitisque Germanis a Tiberio (457) , nullum deinde per aliquot annos bellum in Orbe Romano gestum legitur . Hinc eruditus Tillemontius (458) existimat clausum fuisse hoc anno Jani templum ab Octavio Augusto induodecim proximos futuros annos , de quibus loquitur Orosius (459) . Et reverà quidem si circà hæc tempora Jani templum fuerit clausum per duodecim annos continuos , ut ait Orosius (460) , hoc anno VIII clausum fuisse necesse est . Teste enim Dione (461) Augustus hoc anno semet & Tiberium , ob dictam victoriam , Imperatoris
no-

(457) Teste Dione , ut n. 100, lib. LV , p. 338 .

(458) Tillemontius *hist. des Emper.* tom. I , in Aug. art. x , p. 30, edit. à Paris MDCXI , in 4 .

(459) Orosius lib. VI , cap. 22 , p. 207 .

(460) Orosius quidem scripsit anno Romano 752 , seu secundo ante æram vulgarem , clausum fuisse Jani templum in duodecim proximos futuros annos . Sed per illud annorum spatium bellis notabilibus agitatatum imperium fuit ; unde aut erravit in anno assignando , aut forsan & in anno , & in annorum spatio . Hæc enim scripsit quinto seculo tantum .

(461) Dio , ut n. 100 , lib. LV , p. 338 .

nomine ornavit. Porro anno superiori IX ante aram vulgarem, Claudio Drufo & Quintio Crispino Consulibus, Augustus in inscriptione antiqua (462) dicitur PONTIFEX MAXIMVS, IMPERATOR XIII. Hoc igitur anno VIII appellatus est *Imperator XIV*, & reipsa sic appellatur in epigraphe trophæi Alpium, ob eandem victoriam dedicati, in honorem Augusti. Ea enim sic legitur apud Plinium (463): IMPERATORI CAESARI DIVI F. AVG. PONTIFICI MAXIMO, IMPERATORI XIII, TRIBVNITIAE POTESTATIS XVII, S. P. Q. R. QVOD EIVS DVCTV AVSPICIISQVE, &c.

Augustus porro duodecim tantum post annos *Imperator XV* appellatus est, ut adnotavit laudatus Tillemontius (464); unde patere videtur nullum per id tempus fuisse notabile bellum in Imperio Romano, Janique templum tunc clausum remansisse, si reverà, ut

(462) Apud Gruterum, ut n. 161, tom. II, p. LXXI, num. I.

(463) Caius Plinius secund. *nat. hist.* t. I, lib. III, cap. XX, p. 377, edit. Paris. MDCCLXXXV, in 4.

(464) Tillemontius, ut n. 458, p. 30.

ut testatur Orosius , per duodecim annos fuerit clausum .

Sed etiam si errasset Orosius , certum tamen nobis est universum Orbem Romanum a bellis vacasse exeunte anno VIII ante æram vulgarem . Nulla igitur hac de re Sanctorum Patrum & traditionis controversia cum veteribus monumentis ; proindeque quin Christus anno VIII ante æram vulgarem natus fuerit , nullum esse potest dubium .

IV. *Quoad diem autem nativitatis Christi* variæ etiam circumferuntur opiniones . Alii enim existimant eum natum XX Aprilis , alii XX Maii , alii mense Septembri , & alii tandem die XXV Decembris .

Hanc ultimam sententiam sequitur Ecclesia , solaque vera demonstratur veterum auctoritate , Teste enim Divo Augustino , qui florebat IV Ecclesiæ seculo , sicut a Majoribus traditum (465) suscipiens Ecclesiæ custodit auctoritas , octavo enim Kalendas Aprilis conceptus creditur , quo & passus . . . natus autem traditur octavo Kalendas Januarias ,

(465) Aur. Augustinus oper. tom. VIII , de Trin. lib. IV , cap. V , col. 316 , edit. Paris. MDCXCIV , in fol.

rias, seu XXV Decembris. Et alibi (466) de Joanne sic loquitur Sanctus Doctor: *Nam ille natus est, sicut tradit Ecclesia, octavo Calendas Julias, cum jam incipiunt minui dies: Dominus autem natus octavo Calendas Januarias, quando jam dies incipiunt crescere, solstitio nempe hiberno, quod Augusti ætate in fastis notabatur die XXV Decembris. Idem ferè tradit Sanctus Ambrosius (467), Augustino æqualis, unde subjungit (468): bene quodammodo sanctum hunc diem natalis Domini solem novum vulgus appellat... quod libenter amplectendum nobis est, quia oriente Salvatore, non solum humani generis salus, sed etiam Solis ipsius claritas innovatur, cum nempe dies crescere incipiant.*

Sed

(466) Id. ibid. t. IV, p. II, *enarr. in psal. CXXXII*, n. II, col. 1490, edit. ibid. MDCXC1, in fol.

(467) Ambrosius Mediol. *oper. tom. v, Serm. VIII*, p. 9, edit. Romæ MDLXXXV, in fol.

(468) Id. ibid. Serm. x, p. 10. Eruditi tamen Benedictini, qui deinde Sancti Ambrosii opera iterum typis demandarunt, subdubitant ne sermo iste ad Beatum Maximum potiusquam ad Sanctum Ambrosium pertineat. Vide *opera S. Ambrosii tom. II*, ad calcem, edit. Paris. MDCXC, in fol.

Sed audiamus præsertim Sanctum Joannem Chrysostomum, insignem quarto seculo Ecclesiæ Doctorem, anno 386 (469), die XXV Decembris apud populum de die natali Christi sic concionantem (470): *quæ jam olim Patriarchæ parturierunt, Prophætæ prædixerunt, justî cernere cupierunt, ea evenîre, & finem hodierno die acceperunt; Deusque per carnem in terra visus est... nondum* (471) *decimus annus est, ex quo hic ipse dies manifestè nobis innotuit. Attamen, perinde ac si jam olim a multis annis nobis traditus esset, ita operâ vestrâ celebratus inclaruit... quid igitur hodierno die; audire cupitis? quid aliud, quàm de hoc ipso die? Nam multos etiam nunc inter se de eo ipso disceptare probè novi: & hos quidem illum reprehendere, alios defendere. Multus ubique de hoc die sermo, partim incusantium, quasi novus sit, nuncque recens invehctus; partim eundem propugnantium, tanquam antiquum ac vetustum, cùm & olim*
na-

(469) Teste erudito Bernardo Montfauconio in Joan Chrysostomum *oper. omn.* t. II, *homil. in diem nat. Chr.* p. 352, edit. Paris. MCCCXV 122, in fol.

(470) Chrysostomus *ibid.* p. 354.

(471) *Id. ibid.* p. 355.

natiuitatem ejus Propheta prädixerint , & jam inde a primordio ab ipsa Thracia Gades usque incolentibus manifestus & celebris fuerit . Agedum igitur , de hisce sermonem exordiamur .

Habeo porrò , prosequitur Chrysostomus (472) , tres ad probandum demonstrationes , per quas omninò intelligimus hoc ipsum esse tempus , quo Iesus Christus Dominus noster ac Dei verbum in lucem est editus . . . ex Evangelio liquet (473) primæ descriptionis tempore natum esse . Et cui veteres historiarum codices , qui Romæ publicè afferuantur , lectitare libeat , perfacile etiam tempus hujus descriptionis accuratè discere poterit . Ceterùm quid hoc ad nos , dicat aliquis , qui illic neque sumus , neque fuimus unquam ? ausculta ; neque diffidas , quia ab illis qui exactam hujus rei cognitionem habent , quique illam Urbem inhabitant , hunc diem accepimus : nam illi ipsi , qui illic commorantur , multò antè , & ex antiqua traditione ipsam celebrantes , ad nos usque illius notitiam nunc trasmiserunt . Neque enim Evangelista simpliciter nobis illud tem-

(472) Id. ibid.

(473) Ait id. ibid. p. 356.

tempus indicavit; sed ita, ut etiam unâ hunc diem nobis manifestum redderet, & exploratum.

Ex hoc Sancto Doctore & aliis Ecclesiæ Patribus, quorum verba omitto, patet Christi nativitatem medio circiter quarto seculo celebrari cœpisse apud Græcos die XXV Decembris. Ratio autem quâ Græci eam tunc celebrare cœperunt eâ die, fuit quia Christiani Romani, teste Chrysostomo, eam *multò antè & ex antiqua traditione* die illâ celebrabant, *quam diem perfacile discere potuerunt ex codicibus censum, qui Romæ servabantur.*

Porro si Romani *multò antè* medium quartum seculum Christi nativitatem celebraverint die XXV Decembris, eam haud dubiè jam celebrabant anno 250 æræ vulgaris. Cùm enim dicimus apud alios populos aliquid in more positum fuisse *multò antè*, nec ejus initium indicare possumus, centum ad minus annorum spatium intelligimus. Sed si Romani medio circiter tertio seculo Christi nativitatis festum instituerint *ex antiqua traditione*, hanc diem haud dubiè didicerunt ex ipsius Christi Discipulis. *Antiqua enim traditio* 150 annos ad minus indicat. Nec enim hodiè antiquam traditionem diceremus eam, quæ

PROPOSITIO IV. 273

quæ ineunte tantum seculo proxime elapso incæpiſſet. Sed rem finiit Divus Chryſoſtomus, dum ſcribit ab ipſa Thracia Gades uſque Chriſti nativitatem eâ die a primordio fuiſſe celebratam. Nullum dubium igitur eſſe po- teſt quin Chriſtus die XXV Decembris natus fuerit, & quidem anni VIII ante æram vul- garem, ut patet ex diſtis.

Ex iis namque omninò concluditur Judææ cenſum, naſcente Chriſto, actum eſſe an- no VIII ante æram vulgarem; unde conclu- dendum eſt erraſſe Chronologos, qui aliter ſenſerunt tum de anno cenſûs illius, tum de anno natali Chriſti, ut abundantiùs patebit ex ſequentibus Corollariis.

COROLLARIUM I.

*Errat Stampa ſcribens anno VI ante æram
vulgarem factam fuiſſe primam Paeſtinae
deſcriptionem a Sulpicio Qyirinio,
ſeu Cyrino.*

SUam probat ſententiam Stampa (474)
inſignis ætatis noſtræ Chronologus, ex
veteribus numiſmatis, ſuperiùs Propositionis I

R

Se-

(474) Stampa, ut n. 254, col. 585.

Sectione III descriptis , ex quibus constat hoc anno VI remotum fuisse a Syriæ præfectura Caium Sentium Saturninum , atque ejus loco missum Publium Quinctilium Varum . Cùm enim Tertullianus (475) hanc Syriæ & Palæstinæ descriptionem , quam Divus Lucas tribuit Publio Sulpicio Quirinio , adscripserit Sentio Saturnino , *neceſſe eſt* , inquit (476) , *dicere hanc descriptionem ceptam quidem a Sentio Saturnino , ſed abſolutam hoc anno exeunte , vel ineunte ſequenti anno a Publio Sulpicio Quirinio , qui ſuam in Palæſtina descriptionem peregit independenter a Publio Quinctilio Varo , Syriæ novo Præſide .*

Verùm hîc nullam neceſſitatem deprehendo , nec magis moveor hoc clariffimi Stampæ ratiocinio , quàm dùm eruditus Natalis Alexander contrarium ſcribit , cenſum nempe illum cœptum fuiſſe a Quirinio , abſolutum verò a Saturnino . Uterque enim non veterum auctoritate , ſed proprio Marte ſua finxit , unde non mirum ſi in contrarias abierint partes .

Cen-

(475) Tertullianus *adver. Marcion.* lib. 11, p. 532.

(476) Stampæ , ut n. 254 , col. 585 .

Census ille, de quo agitur, jussu Augusti & Præsides Saturnino actus est in Judæa a Procuratore Quirinio, seu Cyrino, ut jam dixi Propositione IV, & fusiùs dicam inferiori Corollario IV. Hanc simplicem facti narrationem haud dubiè admisisset cl. Stampa, si illam agnovisset, complicatamque suam omisisset. Unde enim habuit I. censum cœptum fuisse a Saturnino, & absolutum a Quirinio? II. eum actum anno VI ante aram vulgarem? III. Quirinium censum peregisse independentem a Quintilio Varo, Syriæ Præsides? IV. Quirinium fuisse tùm (477) supremum Præsidem in Palæstina respectu census? V. censum illum fuisse secundam universi Orbis descriptionem? VI. censum Romæ cœptum anno VIII ante aram vulgarem, in Palæstina biennio post tantùm fuisse perfectum? VII. errare Gravesonium scribentem censum a Quirinio fuisse actum antequam adversus Homonadenses bellum suscepisset? VIII. Quirinium censum peregisse post debellatos Homonadenses? &c. Hæc enim omnia nullâ omninò nituntur auctoritate;

R 2

im-

(477) Id. ibid. col. 586.

innuò plurima veteribus adversantur monumentis , ut passim dicam sequentibus Corollariis .

Nec magis probat quod subjungit cl. Stampa , scribens (478) : *ut salvâ Tertulliani sententiâ , quâ asserit (479) factam hanc in Palæstina descriptionem a Sentio Saturnino , salva sit auctoritas Divi Luca , quâ asserit hanc eandem descriptionem a Cyrino factam , dicendum est captam quidem fuisse antecedenti anno a Sentio Saturnino ; sed hoc anno exeunte , a Quirinio completam , & Christum Dominum natum esse hoc anno exeunte , VI nempe ante aram vulgarem .* Ut enim jam adnotavi Propositione IV , & fusiùs dicam inferiori Corollario IV , hæ Divi Lucae & Tertulliani auctoritates minimè contrariæ sunt , cum nos doceant censum fuisse jussu Augusti in Palæstina peractum a Sulpicio Quirinio sub Præside Syriae Saturnino , quemadmodum quidam hostes populi Romani jussu Senatûs aut Imperatoris debellabantur a Legatis nomine & auctoritate Proconsulis , rebus aliis detenti .

Stampa-

(478) Id. ibid. col. 587 .

(479) Teste eod. ibid. .

Stampæ sententiam minùs benè amplexus est cl. Nauzeus, eamque sic probare conatur: *evidens est*, inquit (480), *Dicum Lucam locutum fuisse de secundo Augusti censu, Romæ peracto anno VIII ante æram vulgarem. Porro a cogitato censu ad ejus executionem, ad XL Præfectorum, de quibus Suidas, designationem; ad eorum adventum in Judæam, Româ ita diffitam, unus alterve annus numerandus est. Ergò anno circiter VI ante æram vulgarem actus est census in Judæa, Christusque natus.*

Verùm, quænam est ista argumentatio? Quis Apollo Nauzeo fufurravit ejusmodi rationes? Quid? Romani, ut apud veteres legere licet, sæpius intra eundem annum bella conceperunt, milites legerunt, exercitus compararunt, in Africam, in Asiâ transfugerunt, Régés vicerunt, populos subegerunt, de iis Romam reduces triumpharunt. Et iidem Romani, & Augustus ipse, non potuissent intra eundem annum simplicem censum peragere? Augustus, omnes Imperii

R 3 opes

(480) Nauzeus sur les ann. de J. C. edit. apud hist. de l'Acad. Roy. des inscript. tom. v, p. 147, edit. à Amsterdam MDCCXLI, in 12.

opes & copias cognoscendi cupidus, descriptionem universalem jussisset anno VIII ante æram vulgarem, nec illam perficere potuisset nisi triennio post, anno scilicet VI ante eandem æram, toto Orbe præsertim in pace composito? At ejusmodi rationes omittamus; iis enim in stomacho historico nauseam moveret cl. Nauzeus.

Veri namque Historici rem ita concipiunt: Imperator Augustus anno VIII ante æram vulgarem, universi Imperii opes cognoscendi cupidus, censum universalem decrevit, & decretum Romæ publicavit ineunte, si vis, mense Aprili, ac ad provinciarum Præsides misit. Ipse Romæ censum egit, quo actio lustrum fecit eodem anno, teste laudato vetere lapide Ancyrano. Post duos, aut etiam, si ita desideras, post tres menses, ineunte nempe Julio in Syria decretum recepit Saturninus Præses. Hic, ut mandatis obediret, illud Antiochiæ publicavit, & in varios tractus Procuratorem & Legatos ad censum in iis peragendum misit. Quirinius, seu Cyrinus in Judæam veniens censum promulgavit, eumque egit anno exeunte, ut testatur antiquissima Ecclesiæ traditio.

Si

Si hæc non sufficiant, ut omninò evanescat fictio, ad sequens in eodem genere exemplum attendere velis. Anno VI æræ vulgaris ante Martium, quo Archelaus, Herodis Magni successor, decimum Ethnarchiæ suæ annum iniit, Judæi & Samaritani Legatos contra eum misere ad Cæsarem, qui post Martium Archelaum Romam vocavit, eumque Viennam in exilium detruxit Æmilio Lepido & Lucio Arruntio Consulibus, ut probavi Propositionis I Sectione IV, Josephi & Dionis auctoritate. Post Archelai exilium, ut ibidem dixi, patrimonium ejus adjudicatum fuit Fisco Cæsaris, qui ideò in Syriam misit Senatorem Quirinium, ut jura populis redderet, facultates censeret omnium. Hic, teste Josepho (481), *in Judæam venit jam attributam provinciam Syriæ*, exeunte anno, ut videtur; & ejus tamen census, eodem teste (482), *peractus fuit anno ab Æliæ pugna trigesimo septimo*. Iste porro annus iniit die secundâ Septembris ejusdem anni VI æræ vulgaris, proindeque intra aliquot tan-

R 4

tium

(481) Josephus, ut n. 67, lib. XVIII, cap. I, p. 517.

(482) Id. ibid. cap. III, p. 519.

tum menses census ille Romæ conceptus fuit, censor in Syriam missus, ac descriptio peracta, licet graves adortæ fuissent seditiones. Cur igitur ad priorem censum peragendum necesse fuisset duorum triumve annorum spatio? Si ejusmodi fictiones absque ulla probatione admitterentur, jam nihil certum in Historicis haberetur.

COROLLARIUM II.

Errat Baronius scribens Cyrinum, seu Quirinium, nascente Christo, fuisse Syriæ Præsidem.

Eminentissimus Cardinalis Baronius, aliis licet eruditissimus, miro modo turbavit seriem eorum, qui Syriæ præfuerunt exeunte seculo primo ante æram vulgarem, ineunteque primo ejusdem æræ, ut nimirum nascente Christo, Syriæ Præsidem creare posset Cyrinum, seu Quirinium, qui sexto tantum anno æræ vulgaris huic provinciæ præesse cœpit.

Ut autem ejus error in lucem facilius prodeat, hic mihi texenda est series eorum Præsidium per aliquot annos. Post Agrippam

ex

ex Syria Romam reversum, teste Dione (483), anno Romano 741, seu XIII ante æram vulgarem, Syriæ Præses fuit Titius, ut patet ex Josepho (484). Deinde apud eundem Josephum ejusdem provinciæ Præses legitur Caius Sentius Saturninus. Hujus successor fuit Quintilius Varus ex eodem Josepho, & quidem anno Romano 748 (a), seu sexto ante æram vulgarem, ut nos docent ejus nummi veteres, superius Propositionis I Sectione III descripti, anno circiter tertio ante Herodis Magni obitum, ut ibidem narravi ex Josepho. Varus autem Syriæ adhuc præerat anno Romano 750, seu IV ante æram vulgarem, ut patet ex iisdem antiquis ejus nummis & Josephi narratione. In Syriam deinde Præses missus est Volusius Saturninus, qui successorem habuit Quirinium, seu Cyrinum anno VI æræ vulgaris, ut dicam paulò inferius ex Josephi verbis cum vetere nummo col-

(483) Dio, ut n. 100, lib. LIV, p. 331.

(484) Josephus, ut n. 67, lib. XVI, cap. XII, p. 480, ubi Librariorum incuria scriptum legitur *Titium* pro *Titium*.

(a) Aut forsitan etiam anno 747, seu VII ante æram vulgarem.

collatis . Anno tandem XII æræ vulgaris , seu 768 Romano in Syria Præfes erat Silanus , ut nos docent ejus nummi antiqui , Antiochiæ cusi ineunte Tiberii Imperio .

Hæc certè in dubium revocare non licet , nec Eminentissimus Baronius , si allata numismata agnovisset , ita Syriæ Præsîdum Chronologiam perturbasset .

I. *TITIVS* , anno XIII ante aram vulgarem ; nec enim rem altiùs repetere vacat . Eum prætermisit Baronius , scripsitque : *putamus tamen (485) dilatum magistratum Agrippæ usque in sequentem annum Urbis septingentesimum quadagesimum secundum , quo anno Consulatum gessit unâ cum Valerio Messalâ Quirinus , quo perfuncto magistratu , eundem Quirinum esse missum in Syriam Præsîdem , satis annuere videtur Tacitus (486) , dum agens de ejus funere , post Consulatum mox debellasse , inquit , per Ciliciam castella Homonadensium , ac sic insignia meruisse triumphi . Haud dubium est illos consuevisse in provinciis bella agere , qui illis præessent Proconsules , sive Præsîdes ;*
nec

(485) Baronius , ut n. 44 , p. 41 .

(486) Tacitus *Annal.* lib. 3 .

nec ulla dubitatio est, sub provincia Syria Ciliciam esse redactam: quibus rationibus fateri opus est, Quirinum in Syriam Præsidentem missum esse post suum Consulatum, anno ab Urbe condita septingentesimo quadragesimo tertio.

Verum, id fateri minimè necesse. Josephus enim anno circiter post discessum Agrippæ, Syriae Præsidentem exhibet Titium, scribens de Herode, unà cum Archelao Rege Cappadociæ Antiochiam profecto: *ibi (487) Præsidentem Syriae Titium reconciliavit Archelao.*

Titius autem iste jam antea erat in Syria Legatus Agrippæ. Anno enim 734 Romano, seu XX ante æram vulgarem, Syriae præesse dicitur Straboni, qui, loquens de Phraate Parthorum Rege, ait (488): *tantum Caesaris Augusti amicitia studuit, ut & illi Trophæa remitteret, quæ Parthi de Romanis erexerant; & vocato in colloquium Titio, qui id temporis Syriae præerat, quatuor ei filios legitimos obsides tradidit, Sarspadem, Cerspadem, Phraanum & Boonem. Eruditus Nori-*

(487) Josephus, ut n. 67. lib. XVI, cap. XII, p. 480.

(488) Strabo *rer. Geogr.* tom. II, lib. XVI, p. 1085, edit. Amstelædami MDCCVII, in fol.

rifius (489), Cafaubonum (490) fequutus, his Strabonis verbis minùs benè utitur, ut probet Titium Syriæ Præfidem fuiſſe anno Romano 742. Quæ enim ibi narrat Strabo, ad annum Romanum 734 referenda ſunt, ut alibi fatetur ipſemet Norifius.

Montacutius (491) M. Titium e catalogo Syriæ Præfidum expunxit, quia Joſephus eundem græcè vocat *Titon*; & cùm Strabo *Titium* illum appellet, contendit Montacutius eſſe *depravatam Scripturam apud Strabonem. Legendum omnino, quemadmodum dictum eſt, Titon, non Titium*. Verùm, ut teſtatur Eminentiffimus Norifius (492), qui mihi hanc ſuppeditat reſponſionem, in antiquo codice Joſephi, in Laurentiana Magni Ducis Etruriæ Bibliotheca, in Pluteo LXIX legitur græcè *ton égemonia Syrias Tition*, id eſt, *Syriæ Præfidem Titium*. Rurſus in Pluteo LXVI, in quinque manuſcriptis codicibus latinis inter-

(489) Norifius, ut n. 121, cap. xvi, §. ix, col. 476.

(490) Iſaac Caſaubon. *de reb. ſacris*. Exercit. I, num. xxx, p. 123, edit. Genevæ mdciv, in 4.

(491) Montacutius apud Noriſium.

(492) Norifius, ut num. 121, cap. xvi, §. ix, col. 479 & ſeq.

terprete Rufino, legere licet *Syriae Procuratorem Titium*, quod ipsum in antiqua editione apparet. At Galenius græcum codicem corruptum offendens, nempe editum Basileæ anno 1544, ubi *Titon* legitur, *Titum* reddit. Apud Plutarchum (493) etiam græcè legitur *Titos Kai plaghos*, cum tamen ex latinis Scriptoribus ac Dione dicendum sit *Titius ac Planus*. Nusquam Historici prænomine viros designant, sed illos nomine familiæ, aut cognomine appellant. Titus autem prænomen est Romanis familiis promiscuè usurpatum. Tiberius Imperator ac Vespasiani filius Titus per antonomasiam solo prænomine designantur. Si verò nomen familiæ proximè dixeris, poteris solo postea prænomine, non additâ familiâ, hominem indicare.

Hunc verò suum Titum addito nomine familiæ, Montacutius designans ait (494): *Titus ille Josephianus, Titus est Volumnius, qui Legatus Sentio Saturnino Praside, & Procurator Judææ, in Syria cum subordinario imperio versabatur. At quis Apollo eidem infur-*

(493) Plutarchus in Antonio.

(494) Montacutius apud Norisium.

furravit Volumnium *Titi* prænomen tulisse? Josephus, qui unus Volumnii meminit, prænomen omisit. Veluti hospes in Romana historia, Legatum & Procuratorem confundit Montacutius, ac Volumnium Legatum & Procuratorem Judææ appellat. Id enim temporis Herodi Regi Judæa parebat, eratque extrâ jurisdictionem Procuratoris Syriæ, qualis erat Volumnius. Sabinus, Syriæ Procurator, post mortem Herodis, cum ejusdem pecuniam ad Augusti Fiscum spectare contenderet, nondum ulli filiorum Herodis regno ab Imperatore sancito, omnium primus post annum Romanum 716 potestatem intra Judæam exercuit. At, inquit Montacutius (495): *qui Caesaris res in Syria administrabant, Syriæ vel Judææ Procuratores indifferenter dici poterant, cum sub Syriâ provinciâ Judæa censeretur*. Sed regnante Herode Judæa neutiquam sub Syria, quæ a Romanis magistratibus regebatur, censi poterat, cum proprio Regi pareret. Hinc cum postea Archelaus regno Judaico ab Augusto privatus fuisset, Judæa in formam provinciæ re-

(495) Id. ibid.

redacta, sub Syria censeri cæpit. Rectè Josephus, qui gentis suæ res longè meliùs quàm Montacutius novit, scripsit (496): *Quirinius in Judæam venit jam attributam provinciam Syriæ; & antea* (497): *Ceterùm ditione Archelai contributâ Syriæ, missus est illò a Cesare vir consularis Quirinius.*

Cùm autem Rufinus, Josephi interpres, verba illa græca *ton Egemona Syrias Tition* latinè reddidisset: *procuratorem Syriæ Titium*, Montacutius interpretationem laudans ait (498): *cum, cum Præsidem non fuisse intellexeret, sed Procuratorem, id quod erat, Procuratorem dixit.* At, quæso, a quonam id Rufinus potuit intelligere, qui quadringentis post Titium annis inter homines ambulavit? Utinam Montacutius Rufini codicem inspexisset, sanè vidisset *Titium* ab eodem scribi; unde nec *Titium*, hoc est, nomen familiæ in prænomen Titii e familia Volumnia viri commutasset. Equidem quare Rufinus maluerit *Procuratorem* Titium appellare, quàm

Præ-

(496) Josephus, ut n. 67, lib. xviii, cap. I, p. 517.

(497) Id. ibid. lib. xvii, cap. xv, p. 517.

(498) Montacutius apud Norisum.

Præsidem, omninò ignoro. Scio Procuratores dici etiam interdum *égemonas*. Josepho; sed tamen vox illa græca magis propriè Præsidem significat; & cùm Josephus eo tempore nullum alium Syriæ Præsidem designet, minimè dubitandum quin Titius Præses fuerit. Quod enim ait Baronius Quirinum Agrippæ successisse, omninò falsum demonstratur apud eruditum Norisium (499), ad quem ne longior sim, lectorem remitto.

II. *SATURNINUS*, anno circiter IX ante aram vulgarem. Quo præcisè anno Caius Sentius Saturninus in Syriam Præses missus fuerit, investigare nimis longum. Sufficit mihi hic annotare eum immediatè Titio successisse. Josephus enim omninò innuit (500) Herodem Magnum Romam proficiscentem reliquisse in Syria Titium Præsidem, inde verò reversum in Judæam invenisse ejus loco Saturninum, proindeque istum fuisse immediatum Titii successorem, cùm Herodes per annum ad summum Romæ remanserit.

Eum

(499) Norisius, ut n. 121, cap. XVI, §. XII, col. 503 & seqq.

(500) Josephus, ut n. 67, lib. XVI, cap. XIII, p. 480 & 481.

Eum circa idem tempus Syriæ Præsidem admisit Cardinalis Baronius, sed Collegam minùs benè ei assignavit, dicens (501): post Quirinum *subrogatos putamus, quos scribit Josephus, Sentium Saturninum & Voluminium, quorum præfecturam diuturniorem fuisse, idem auctor testatur*. His enim verbis eruditus Cardinalis, eò quod Josephus aliquot locis Saturnini & Voluminii conjunctim meminerit, existimasse videtur idem fuisse amborum imperium. At illud falsum plurimis ostendit doctissimus Norisius (502), quæ hîc exscribere minimè necesse. Nam quando Josephus de Varo Præsîde successore loquitur, solum Saturninum nominat: *Quintilius Varus*, inquit (503), *successor Saturnino missus in Syriam*, anno scilicet VI ante æram vulgarem, ut modò dicam Sectione inferiori.

Saturninus porrò, ut patet ex Josephi historiâ, ubi sæpe ejus meminit, per aliquot annos Syriæ præfuit. Cùm igitur successore

S

rem

(501) Baronius, ut n. 44, p. 41.

(502) Norisius, ut n. 121, cap. XVI, §. x, col. 484 & seq.

(503) Josephus, ut n. 67, lib. XVII, cap. VII, p. 497.

rem habuerit anno VI ante æram vulgarem, Christusque natus fuerit exeunte anno VIII ante eandem æram ex superiori Propositione IV, nullum dubium esse potest quin Syriæ, nascente Christo, Præses fuerit. Hinc Tertullianus, ut jam adnotavi ejusdem Propositionis Sectione II, ipso secundo Ecclesiæ seculo, Marcionem & alios revocat ad censum, quem idem Saturninus jussu Augusti tunc in Judæa egit, ubi Christi nascentis genus inquirere potuissent. Id fusiùs dicam inferiùs Corollario IV.

Saturnini Procurator fuit Quirinius. Hic missus in Judæam censum, quo Christus natus est, delegatâ auctoritate in ea egit. Reverà quidem Sanctus Lucas munus ejus significat voce græcâ *égemoneyontos*, quæ Præsidem sæpiùs indicat; sed cùm de majori quocumque magistratu etiam diccretur, & Sanctus Justinus Quirinium appellaverit græcè *Epitropon*, quæ latinè *Procuratorem* significat, quæque de Præside dici nequit, evidens est Quirinium fuisse tantùm Procuratorem, ut fusiùs dicturus sum infra Corollario IV.

III. *VARVS*, anno VI ante æram vulgarem, in Syria successit Saturnino. Hæc omnino

nò patent ex Josepho (504) & veteribus Vari nummis, quos descripsi Propositionis I Sectione III. Josephus enim & narratione & verbis ostendit Quintilium Varum immediatum fuisse Saturnini successorem; nummi verò nos docent eum jam Syriæ fuisse Præsidem anno VI ante æram vulgarem, eademque provinciæ præfuisse insequentibus annis V & IV ante eandem æram. Hoc ultimo anno cùm obiisset Herodes Magnus, ut demonstravi eadem Propositione I, quidam Simon regium nomen invasit; sed *is*, Tacito (505) teste, a *Quintilio Varo obtinente Syriam punitus*. Varum igitur Syriæ præfuisse annis assignatis quis inficias ibit?

Baronius ipse, qui, cùm laudatos nummos veteres non cognovisset, Syriæ historiam, proprio Marte excogitavit dicens (506): *anno verò ab Urbe condita septingentesimo quadragesimo octavo præficitur Syriæ totique orienti Caius Caesar, Augusti filius adoptivus; quo defuncto, nullus alius subrogatus reperitur; nisi*

S 2

qui

(504) Id. Ibid.

(505) C. Cornel. Tacitus *opera*, lib. v *hisor.* p. 423, edit. Antuerpiæ MDCXXVII, in fol.

(506) Baronius, ut n. 44, p. 41.

qui ab Evangelista recensetur idem qui *suprà* Quirinus, sive Cyrinus . . . hic habuit successorem Quintilium Varum, quem eodem auctore (507) constat mansisse in eo magistratu usque ad consulatum Sulpitii Camerini & Poppei Sabini, anno Christi Redemptoris nostri undecimo. cui non Quirinus, ut Josephus habet, sed M. Ambivius est subrogatus.

Verùm nimis postulat Baronius, dum sibi met fidem desiderat potiusquam Josepho. Hic enim res suæ nationis, sui que seculi narrat; Baronius verò scribit de externa natione, & quidem septemdecim seculis postquam res gestæ fuerunt. Josephus consentiens est cum monumentis coætaneis, ab iis verò dissentit Baronius. Utri potior fides?

Baronius vult Caium Cæsarem, post Saturninum, Syriæ præfuisse ab anno 748 Romano, seu sexto ante æram vulgarem. Sed hoc anno & duobus insequentibus Syriæ Præses fuit Quintilius Varus, testibus Josepho & nummis antiquis. Præterea Caius Cæsar anno Romano 749, ab Augusto Consule XII virilem togam accepit, auctore Suetonio (508).

Idem,

(507) Josepho nempe, ut videtur.

(508) Suetonius, ut n. 309, lib. II, cap. xxvi, p. 130.

Idem , cùm Herodes Magnus obiit anno Romano 750 , ex superiori Propositione I , nondùm Româ discesserat , cùm , teste Josepho (509) , judicio de Herodis successoribus adfuerit ; nec in Orientem profectus est nisi anno Romano 753 , seu primo ante æram vulgarem , ut ad probandum promptus essem , si necesse . Ergò Syriæ certè non præfuit annis a Baronio assignatis .

Immò etiam si Caius annis Romanis 748 , 749 & 750 in Syria fuisset , non esset tamen inter Syriæ Præsides numerandus . Quando enim in Asiam transiit , non uni Syriæ præpositus fuit , sed toti Orienti cum imperio proconsulari extraordinario , sub quo proinde Syria ac reliquæ provinciæ a suis Præsidibus ordinariis regebantur . Sic deinde quando Cæsar Germanicus jus ac imperium in Syria habuit , ejus tamen Præses erat Cneus Piso , ut patet ex eorum dissensionibus , quas Tacitus (510) narravit . Malè igitur inter Syriæ Præsides recensetur Caius , ab anno præsertim 748 Romano .

S 3 IV. VO-

(509) Josephus , ut n. 67 , lib. xvii , cap. xi , p 508 .

(510) Tacitus , ut n. 505 , *annal.* lib. II variis locis .

IV. *VOLUSIUS SATURNINUS* anno I ante aram vulgarem Syriæ præficitur . Hujusce Præsidis non meminerunt veteres Scriptores ; sed nummus antiquus (a) ex ære parvo , quem e proprio nummophylacio æri demandavit cl. Pellerinius (b) nos docet eum Syriæ præfuisse anno V aræ vulgaris . In antica enim parte exhibet caput Jovis lævam versùs , in postica verò muliebrem Antiochiæ urbis genium , rupibus sinistrorsum insidentem , cum epigraphe græca **ANTIOXΕΩΝ ΕΠΙ ΟΥΟΑΟ ΣΑΤΟΡΝΙΝΟΥ ΕΛ**, id est , moneta *Antiochensium suo Volusio Saturnino*, anno *trigesimo quinto*, aræ nempe *Actiacæ*, qui est 758 Romanus , & V aræ nostræ vulgaris . Hoc igitur anno Syriæ præerat Lucius Volusius Saturninus , vir Consulæ (c) , qui imperante Tiberio obiit anno ætatis XCIII . Eum porrò præfecturam iniisse existimo anno primo ante eandem aram , quia anno insequenti VI aræ vulgaris

(a) Vide tab. I .

(b) Pellerin *recueil. de med. de peupl.* tom. II, pl. LXXVI , n. 15 , edit. à Paris MDCCLXIII , in 4 .

(c) Teste Columella lib. I , cap. VII , apud Harquinum in Plinium *nat. hist.* lib. VII , cap. XLVIII .

ris successorem habuit Quirinium, ut modò dicam, qui, uti & Silanus post eum, per sexennium Syriæ præfuerunt.

V. *QUIRINIUS*, anno VI æræ vulgaris Præses in Syriam missus est, & Volusio Saturnino successit. Hinc errat Baronius (511) dum ait: Josephus scribit, *Varum Præsidentem Syriæ, & Sabinum Procuratorem Judææ præfuisse, & usque ad finem Regni Archelai in eo munere perdurasse*. Nusquam enim id scripsit Josephus. Immò novennium Regni Archelai paucis versibus absolvit (512), nec de Varo mentionem ullam fecit nisi ineunte Archelai Principatu, statim post obitum patris ejus Herodis Magni. At istud ex Josepho constat, Quirinium nempe, Romanum Senatorem, Archelao Romæ damnato anno VI æræ vulgaris, ut narravi superius Propositionis I Sectione IV, atque Vienne Galliæ urbem in exilium deportato, missum fuisse (513) a Cæsare, ut censum ageret per Syriam & ipsius Archelai domum

S 4

cen-

(511) Baronius, ut n. 44, p. 42.

(512) Vide Josephum, ut n. 67, lib. xvii, cap. xv, p. 516.

(513) Id. ibid. p. 517.

venderet. Hic, subdit idem Josephus (514), rerum Judaicarum testis omnium optimus, mittitur in Syriam, ut jura populis redderet... & in Judæam venit jam attributam provinciam Syriæ, ut percenseret facultates ejus regionis Civium, & Archelai pecunias in potestatem suam redigcret... Quirinius autem (515) venditis & confiscatis Archelai facultatibus, peractoque censu, qui incidit in annum trigessimum septimum post victum a Casare in Aëtiaca pugna Antonium, &c.

Idem innuit Dio (516), scribens Archelaum, quem vocat Herodem Palæstinum, trans alpes fuisse relegatum, Æmilio Lepido & Arruntio Consulibus, anno nempe VI æræ vulgaris. Errat igitur Baronius (517) dicens Quincilium Varum, quem etiam omnino malè facit Quirinii successorem, Syriæ præfuisse usque ad Consulatum Sulpitii Camerini & Poppæi Sabini anno Christi undecimo.

Non minor est ejusdem Baronii error,
dum

(514) Id. ibid. lib. xviii, cap. I, p. 517.

(515) Id. ibid. cap. III, p. 519.

(516) Dio, ut n. 100, lib. lv, p. 347.

(517) Baronius, ut n. 44, p. 41.

dum subdit (518): *Quintilio Varo non Quirinus, ut Josephus habet, sed M. Ambivius est subrogatus*. Hic enim non fuit Syriae Praeses, sed tantum Judææ Procurator, ut patet ex eodem Josepho, scribente (519): *cum Quirinio, Syriae Praeside, venit Coponius, Praefectus turmae equitum, penes quem esset totius Judææ rerum administratio*. Et deinde (520): *paulo post Coponius Romam revertitur, successore accepto M. Ambivio...* huic successit (521) *Annius Rufus, quo Praeside Caesar fato functus est...* a Tiberio *Judæarum Praeses missus est in Annii Rufi locum Valerius Gratus*. Isti igitur non fuerunt Syriae Praesides, sed tantum Judææ Procuratores, seu, ut ait Josephi interpres, Judææ Praesides; qui titulus haud dubie Baronium decepit, ita ut Ambivium & ejus successores in Judææ administratione, Syriae Praesides proprætores crediderit. Verum præter Josephi auctoritatem habemus nummos

ve-

(518) Id. ibid.

(519) Josephus, ut n. 67, lib. xviii, cap. I, p. 517.

(520) Id. ibid. cap. III, p. 519.

(521) Id. ibid. p. 520.

veteres , qui nos docent ineunte Tiberii Imperio Syriae praefuisse Silanum , ut modò dicam .

VI. *SILANUS* , anno XII *æra vulgaris* , & sex insequentibus , Syriae fuit Praeses propraetor , uti nos docent ejus nummi , quos indicavi superius Propositionis I Corollario V , (a) quique Antiochia , Syriae metropolis , fuere cusi annis XLII , XLIII , XLIV , XLV & XLVII a victoria Actiaca , seu XII , XIII , XIV , XV & XVII *æra vulgaris* , quibus jam imperabat Tiberius . Omnino igitur errat Baronius , dum , jam turbato Syriae Praesidum ordine , inter eos numerare etiam vellet M. Ambivium & Annium Rufum Tiberii Imperio ineunte , quo tempore Syriae praerat Silanus Creticus .

COROLLARIUM III.

Errat Norisius scribens Varum , nascente Christo , fuisse Syriae Praesidem .

Eminentissimus Norisius , sine cujus eruditissimis operibus Problema de natali Christi anno solvere forsàn mihi non li-

(a) Vide pariter tab. I & VII .

licuisset, in nonnullis tamen erravit, quia ea non eodem ac cætera critico examinavit animo. Sic non sufficienter attendens ad tempus censûs Judææ, quo Christus natus est, scripsit (522): *hoc scio Quintilium Varum A. V. 748 (VI ante æram vulgarem) fuisse Legatum prætorem Syria, ac duobus insuper annis insequentibus...*, Quare (523), si quo anno mortuus est Herodes Ascalonita, Quintilius Varus Syriam Præses obtinebat, sub eodem pariter Præsede Syria Christus Dominus natus est; nequit enim ejusdem natalis citrà A. V. 748 retrahi, quamvis annus illius certus nondum fuerit demonstratus.

Nullam eruditissimus Cardinalis suæ assertionis affert rationem, unde minimè infirmat meam Problematis solutionem, quâ patet Christum in lucem prodiiisse exeunte anno VIII ante æram vulgarem, seu ineunte anno Romano 747 ab autumno. Si Eminentissimus Norisius benè ponderasset quæ leguntur de secundo censu Augusti in lapide Ancyrano; quæ

(511) Norisius, ut n. 121, tom. II, de epoch Syromaced. Dissert. III, cap. VII, col. 165.

(523) Id. ibid. col. 165.

quæ ait Tertullianus de censu in Judæa acto a Saturnino; quæ scribuntur in Evangelio de apparitione stellæ; infantiumque cade, &c. haud dubiè superiora non scripsisset, annumque VIII ante æram vulgarem pro Christi natali assignasset.

COROLLARIUM IV.

Errat Valesius putans in textu Lucæ, ubi de censu agitur, pro Sentio Saturnino irrepisse Quirinii nomen.

Henicus Valesius, eruditissimorum seculi proximè elapsi unus, ob auctoritatem Tertulliani minùs benè intellectam, putavit corruptum fuisse Divi Lucæ Evangelii locum, ubi de censu legitur: *hæc descriptio facta est a Præside* (melius *Procuratore* aut *Censore*) *Syriæ Cyrino*, unde scripsit (524): *ac mihi quidem videtur error in testu Lucæ irrepisse in Quirinii nomine, & pro Quirinio restituendum esse nomen Sentii Saturnini*; quia nempe tolligebat ex Tertullianis verbis mox laudandis *Tertulliani tempore quosdam in E-*

van-

(524) Henric. Valesius in Eusebium *Cæf. histor.* lib. I, cap. v.

vangelio Lucæ pro Quirino Saturninum legisse.

Verùm , Tertulliani auctoritas minimè militat contra Evangelii textum; nihilominus quia imaginariâ inter ea contradictione plurimi Viri docti summopere agitantur , rem explanare necesse est , ac contraria e medio tollere .

I. Divus Lucas Evangelista , narrans Christi nativitatem , scripsit (§25) : *factum est autem in diebus illis , exiit edictum a Cæsare Augusto , ut describeretur universus Orbis . Hæc descriptio prima facta est a Præside (§26) Syriæ Cyrino , & ibant omnes ut profiterentur singuli in suam Civitatem .*

Tertullianus , ipso secundo Ecclesiæ seculo , Christum in carue mortali natum probans adversus Marcionem , dicentem eum repentinum ac prorsus ignotum apparuisse , neminemque suâ ætate adhuc esse certum de Christi tribu (§27) , de populo , de domo , de censu denique Augusti , provocat ad de-

(§25) Lucas , ut n. 61 , p. 701 .

(§26) Hic vox *Præside* æquivocatione laborat , ut mox dicturus sum .

(§27) Teste Tertulliano , ut n. 9 , *adver. Marcion.* lib. iv , p. 507 .

descriptionem sub natalem Christi Domini jussu Augusti factam, in qua Christi genus & parentes apertè designati legebantur, & de censu ait (528): *quem testem fidelissimum Dominicæ natiuitatis Romana Archiua custodiunt*. Deinde autem hunc in Judæa peractum scribit a Sentio Saturnino, dicens (529): *sed & census constat actos sub Augusto tunc* (530) *in Judæa per Sentium Saturninum, apud quos genus ejus inquirere potuissent*.

Justinus tandem, Martyr, Tertulliano paulò antiquior, qui ipsos quosdam Christi Discipulos videre potuit, in Apologia ad Imperatorem Antoninum ait Christum natum esse Bethlehemi in Judæa, *quemadmodum* (531) *& ex descriptionibus censûs acti, quæ sub Quirino primo vestro in Judæa Procuratore sunt confecta, intelligere potestis*.

Ex dictis Propositione I & superiori Corollario II, omninò patet Sentium Saturninum fuisse, nascente Christo, Syria Præsidem,

(528) Tertullianus ibid.

(529) Id. ibid. p. 532.

(530) In laudata editione malè scriptum est *nunc pro tunc*.

(531) Justinus *Apolog.* II.

dem, seu Augusti Legatum proprætorem in ea provincia. Id etiam apertè innuit laudatus Tertullianus. Hinc eruditus Valesius putavit corruptum fuisse allatum Divi Lucæ Evangelii locum, & pro *Sentio Saturnino* irrepsisse *Cyrini*, seu *Quirinii* nomen. Haud dubiè deceptus est Calvisius vulgatâ sacrorum Bibliorum editione, in qua legitur *Præsides Syriæ Cyrino*, qui tunc temporis Syriæ non præfuit. Verùm, ut jam adnotavi, eo loci non legendum esset *Præsides Syriæ Cyrino*, sed *Censore* aut *Procuratore Syriæ Cyrino*, seu *Quirinio*, ut reverà legit in textu originali laudatus antiquissimus Justinus, cui incognita fuit vulgata lectio.

Divus Lucas, loco laudato, ad significandum *Cyrini*, seu *Quirinii* munus utitur voce græcâ *égemonyontos*. Hæc porrò de quavis potestate paulò majore promiscuè usurpatur, sicut *égemonia* Imperium & Principatum quemcumque significat. Ipse Sanctus Lucas Pilatum vocat *égemonæ*, licet fuerit tantùm Judææ Procurator; & eidem (532) Tiberii Imperium dicitur *égemonia*. In actis
Apo-

(532) Lucas, cap. II.

Apostolorum (533) Procurator Felix *égemon* etiam appellatur. Josephus (534) Saturninum ac Volumnium vocat *égemonas*, licet Volumnius esset tantum Saturnini Legatus aut Procurator in Syria. Hic enim eidem Josepho alibi (535) græcè *Epitropos* dicitur, quo titulo nusquam Syriæ Præsidem proprætorem donavit, quia Procuratorem tantum significat. *Imperator etiam*, inquit Dio (536), *Epitropoys* (sic enim ii vocantur, qui publicos redditus colligunt, certasque impensas faciunt) in omnes provincias suas ac populi Romani, ex equitibus alios, alios ex libertis mittit.

Vox quoque latina *Præses* accipitur etiam generaliter pro Deo, Principe aut Magistratu, qui alicui rei præest. Sic Quintiliano Mars dicitur bellorum Præses: *Præsides bellorum Deo genitus Romulus*; Livio duces exercituum Præsides appellantur: *Præsides* (537) *provinciarum, exercitus*; Ciceroni libertatis Præ-

(533) Lucas *act. Apost.* cap. xxiv.

(534) Josephus *antig.* lib. xvi, cap. 16.

(535) Id. *de bello*, lib. I, cap. 17.

(536) Dio Cass. lib. 53.

(537) Livius lib. 3.

Præses vocatur Tribunus plebis : *Tribunum plebis* (§38), quem majores *Præsidentem libertatis*, custodemque esse voluerunt.

Hinc in vulgata sacrorum Bibliorum editione vocem græcam *egemoneyontos* Sancti Lucæ benè omninò latinè interpretati sunt *Præsides*; sed quia Syriæ summus Magistratus tunc Præsidis titulo donabatur, hinc *Præsides* æquivocatione laborat, & primarium Syriæ Magistratum indicare videtur, licet *Censorem* aut *Procuratorem*, qui censui præfuit, tantùm significet. Cyrinus enim, seu Quirinius non fuit tunc temporis, ut jam dixi, Præses proprætor, seu summus Syriæ Magistratus, sed tantùm Præses censûs, seu Procurator Syriæ, qui in Judæa censui præfuit, dum Præses proprætor Saturninus, cujus nomine censum agebat, populos alteriùs tractûs censebat, aut res Syriacas ordinabat.

Hinc Sanctus Justinus loco laudato, ubi Imperatorem Romanum alloquebatur, non ait : *quemadmodum & ex descriptionibus censûs alti, quæ sub Quirino Præsides vestro sunt con-*

T

fe-

(§38) Marc. Tull. Cicero *Orationes*, tom. II, de *lege agr.* Orat. II, p. 103, edit. Paris: MDCLXXXIV, in 4.

ficta, intelligere potestis, sed, quæ sub Quirino primo vestro in Judæa Procuratore. Si enim Præsidem in genere Quirinum appellasset, uti Sanctus Lucas, Imperator haud dubiè intellexisset censum alterum, quem, deinde, anno VI æræ vulgaris, in Judæa egit idem Quirinus, seu Quirinius, tùm verè missus Præses, seu primarius Syriæ Magistratus. Quod igitur in versione latina Bibliorum æquivocatione laborat, auctoritate Sancti Justini omninò explanatur; licet ipse Divus Lucas æquivocationem sufficiens fustulerit, dicens eam primam fuisse descriptionem, ne scilicet confunderetur posteriori, quam fecit deinde idem Quirinius, ut dicam inferiori Corollario V.

Tertullianus autem, loco laudato, Magistratum magis notum, ac Syriæ primarium indicat, quia sub ejus imperio & ipsius jussu censum in Judæa egerat. Census enim iste actus dici potest ab Augusto qui illum jusserrat, a Saturnino sub quo Præsides actus est, & a Quirinio qui illum reverà egit. Perperam igitur putavit Valesius laudatum Evangelii locum fuisse corruptum.

II. Cardinalis Baronius, minùs benè putans

tans Tertullianum Divo Lucae dissentire, multa excogitavit, ut vanam allati ex illo testimonii vim declinaret, existimavitque (539) Sentium Saturninum, a Tertulliano nominatum, non fuisse hunc Præsidem Syriæ, sed alium, qui anno Romano 757 cum Ælio Cato Consulatum gessit, quo Consule post lustrum a nato Christo *more Romano census agebatur*. Etenim, inquit Baronius (540), cum Tertullianus non satis exploratum haberet, an Christus natus fuerit absolutâ descriptione alterius lustrum proximè elapsi, an verò cum eodem adhuc perageretur, recurrat ad subsequens lustrum, in quo illi constabat tum Christum, tum ejusdem parentes descriptos fuisse.

Verù n, unde habuit Baronius conditum fuisse lustrum *more Romano*, aut *censum*, actum Romano anno 757, seu IV æræ vulgaris? hîc sibi contradicit. Ex ipso enim Christus natus est anno tertio ante æram vulgarem, seu 751 Romano, & census actus eodem anno. Ergò si quolibet quinquennio

tunc

T 2

(539) Baronius, ut n. 44, p. 43.

(540) Id. ibid.

tunc fiebant & census & lustrum , iterùm facta sunt anno 756 , non verò 757 .

III. Sed , præter hanc contradictionem , falsum supponit Baronius , singulis nempe lustris in Judæa censum fuisse peractum . Census enim peragebatur in solis provinciis Romanis , non verò in regnis amicis & foederatis , quale tunc erat regnum Judæorum . Id patet ex iis quæ narrat Tacitus de Cappadocia . Anno enim Romano 770 , Romæ mortuo Archelao , quem Antonius & deinde Augustus Regem Cappadociæ , uti Herodem Judææ impôtsuerant , ac Cappadociam in provinciæ formam redactam , Calitæ , hujus novæ provinciæ populi , censum deferre jussi , rebellarunt . *Per id tempus* , inquit Tacitus (541) , *Clitarum natio Cappadociæ , Archelao subiecta , quia nostrum in modum deferre census , pati tributa adigebatur , in jugum Tauri montis abscessit* . Inde namque patet gentem illam in Romanorum modum census non detulisse , Archelao regnante .

In Judæa pariter , cùm anno Romano 759 , seu VI æræ vulgaris , in exilium pulso Archelao

(541) Tacitus , ut n. 505 , *annal.* lib. vi , p. 160 .

chelao, regio provinciis Romanis addita fuisset, Quiriniusque Syriæ Præses censum in ea perageret, *Judas Gaulanites*, teste Josepho (542), *solicitabat ad defectionem populos, censum nihil aliud quam manifestam servitutis professionem esse dictitans, & universam gentem ad tuendam libertatem adhortans*. Idem innuit Divus Lucas (543), dicens: *post hunc exstitit Judas Galilaus in diebus professionis, & avertit populum post se, & ipse periit, & omnes quotquot consenserunt ei, dispersi sunt*. Non igitur Judæi antea deferebant censum in Romanorum modum, ita ut scilicet post censum singuli secundum proprias facultates tributum solvere tenerentur.

Quod si Judæi, cæterique populi, Romanorum amici & socii, censum pacificè professi sunt nascente Christo, anno VIII ante æram vulgarem, id factum est, quia descriptionem illam universalem habuerunt ut simplicem meramque Augusti curiositatem, cui libenter satisfacere voluerunt, ut potè quæ nemini nocua erat ac parùm molesta.

T 3

Cum

(542) Josephus, ut n. 67, lib. XVIII, cap. I, p. 518.

(543) Lucas, ut n. 61, Act. Apost. cap. V, p. 743.

Cum enim eo anno VIII ante æram vulgarem, pax toto Romano Imperio floreret, Augustus, omnes Imperii opes & copias cognoscendi cupidus, decrevit, absque proposito in præsens exigendæ pecuniæ, universum qui vel subditi, vel focii essent populi Romani, numerum ac facultates percensere. Hinc Lucæ, loco laudato, census iste dicitur *descriptio universi Orbis*, nempe Romani. Ex hac descriptione Augustus postea brevium confecit, in quo, ut ait Tacitus (544), *opes publicæ continebantur; quantum Civium, sociorumque in armis; quot classes, regna, provincie, tributa, & vectigalia & necessitates, ac legiones, quæ cuncta sua manu perscripserat Augustus.*

Præter Evangelii testimonium, vetus lapis Ancyranus, superiori Propositione IV laudatus, in quo haud dubiè continetur exemplar brevium illius, de quo loquitur Tacitus, sufficienter nos docet censum illum universalem, ex quo brevium suum confecit Augustus, fuisse eum qui actus est nascente Christo, anno VIII ante æram vulgarem, seu

(544) Tacitus, ut n. 505, *Annal.* lib. I, p. 12.

seu Romano 746, Consulibus Marcio Censorino & Asinio Gallo. Ibi enim legitur censum illum actum fuisse ab Augusto *solo* sine Collega, ut nempe Reges amici & foecii, populi que Autonomi non contradicerent; duos verò alios actos quidem ab eodem Augusto, sed cum Collega. Hinc in Evangelio dicitur: *exiit edictum a Cesare Augusto*, non autem a Censoribus, quia nempe census ille actus est a solo Augusto. Hæc concordia Evangelii cum lapide Ancyrano in re tam singulari, omninò evincit censum illum, quo natus est Christus, fuisse illum, qui peractus est anno VIII ante æram vulgarem.

IV. Errat etiam Baronius (545), scribens de descriptione a Cyrino, seu Quirinio facta: *quod primam dixit, nemo prudens intelliget, tunc primum censitos fuisse Judæos atque redactos sub tributo, factosque populo Romano vectigales. Siquidem longè antea, sub Consulatu Ciceronis & Antonii, Pompeius eos domuit, & tributum ab eis exegit. Hic enim vir Eminentissimus duo hæc deferre censum*

T 4

ac

(545) Baronius, ut n. 44, p. 41.

ac tributum solvere, pro eodem accepit, licet omninò diversa sint, ut patet exemplo Galliarum. Eas namque postquam Julius Cæsar subegit, inquit Dio (546), *singulis mensibus tributum erat Gallis pendendum*; eæ tamen non nisi diu postea censum deferre coactæ sunt ab Augusto Imperatore, anno nempe Romano 742, quando Drusus in Germanos movit, ut testis nobis est Imperator Claudius in oratione de Civitate Romana Gallis danda, quæ quondam in æs incisa fuit, & in qua (547) de Gallis sic loquitur Claudius: *ILLI. PATRI. MEO. DRUSO. GERMANIAM. SVBIGENTI. TVTAM. QUIETE. SVA. SECVRAMQVE. A. TERGO. PACEM. PRAESTITERVNT. ET. QVIDEM. CVM. AD. CENSVS. NOVO. TVM. OPERE. ET. INADSVETO. GALLIIS. AD. BELLVM. AVOCATVS. ESSET. QVOD. OPVS. QVAM. ARDVVM. SIT. NOBIS. NVNC. CVM. MAXIME. QVAMVIS. NIHIL. VLTRA. QVAM. VT. PVBLICAE. NOTAE. SINT. FACVLTATES. NOSTRAE. EXQVIRATVR.*

(546) Dio, ut n. 100, lih. xlv, p. 328.

(547) Apud Gruterum, ut n. 161, p. dxi 4.

TVR. NIMIS. MAGNO. EXPERIMENTO. COGNOSCIMVS. Galli igitur diu tributum solverunt antequam censum perferrent. Cur ergò idem dici nequiret de Judæis, præsertim quandò propriis Regibus erant subiecti?

Reverà quidem de Judæa subdit Baronius (548): *nec licet ea provincia a Romanis Herodi ac ceteris Regibus concessa esset, desit tamen aliquando tributum solvere: quod ex Evangelio etiam testatum habemus, cujus auctoritate compertum est eosdem Judæos, tempore Herodis Regis, Romano imperio censum persolvisse.*

Verùm hallucinatur vir doctissimus. Equidem Judæi Christum interrogantes, aiunt apud Matthæum (549): *quid tibi videtur, licet dare censum Cæsari, an non?* & apud Lucam (550): *licet nobis tributum dare Cæsari, an non?* ubi certè tributum idem ac census significat. At Judæa tunc temporis non erat Regnum, sed Romana provincia per

(548) Baronius, ut n. 44, p. 42.

(549) Matthæus, ut n. 58, cap. XXI, p. 630.

(550) Lucas, ut n. 61, cap. XX, p. 718.

per magistratus Romanos administrata, quam tunc Pontius Pilatus procurabat, ut patet ex ipso Evangelio. Herodes Antipas enim, de quo fit mentio apud Evangelistas sub ultimis Christi annis, non erat Rex Judæorum, sed tantum Tetrarcha Galilææ, ut nos docet ipse Sanctus Lucas (551). Nullum igitur dubium quin Judæa, ut pote id temporis Romanis subiecta, eis censum daret; sed nascente Christo eadem regio erat Regnum amicum tantum populi Romani, proindeque alio modo quàm Romano regebatur. Non igitur alterum censum, quinquennio post Christi nativitatem actum, indicare potuit Tertullianus.

V. Cardinalis autem Norisius, ut ostenderet Tertullianum contrarium non esse Sancto Luca, scribit probabilem esse doctorum virorum sententiam, qui dicunt Quirinium, seu Cyrinum, cum imperio extraordinario ad censum peragendum in Syriam missum. *Nam*, inquit Norisius (552), *cum eo anno*
pax

(551) Id. ibid. cap. III, p. 702 & cap. XXIII, p. 720.

(552) Norisius, ut n. 121, Dissert. II, cap. XVI, §. XII, col. 508.

pax toto Romano imperio floreret , Augustus decrevit universonum , qui vel subditi vel socii essent populi Romani , numerum ac facultates noscere . . . cum verò Quirinius vir Consularis id temporis in Oriente degeret , ac bellum contra Homonadenses feliciter confecisset , eundem in Syriam cum extraordinario imperio misit , ut tum ibidem , tum in Judæa , quæ gens erat socia & amica populi Romani , censum perageret . Quamvis verò eo anno Sentius Saturninus Syriam administraret , Quirinius ob recentem (553) victoriam totâ Asiâ celebratus , descriptioni faciendæ præpositus fuit . Tacitus lib. 1. *Annal.* A. V. 767 : Regimen , inquit , summæ rei penès Germanicum , agendo Galliarum censui , tum intentum . Et postea anno Urbis 769 , sub initium libri 2 , de eodem Germanico ait : igitur huc intendit , missis ad census Galliarum P. Vitellio & Cantio . At Germanicus id temporis non erat Legatus ordinarius Galliæ , sed summo cum imperio ad census in Gallia accipiendos ab Augusto destinatus . Ita etiam Romæ census non a Consulibus , neque a Prætoribus ,

bus, qui erant ordinarii Magistratus, sed a duobus Consularibus cui eidemque tantum muneri destinatis, agebatur. Quod verò Sentius Saturninus tunc Syriam obtinebat, Tertullianus ordinarium Magistratum nominavit; qui tamen eò in re exequendū, Quirinio erat subordinatus.

Hanc sententiam jam antea amplexus fuerat Casaubonus (554); verum admittenda non est, quia Tertullianus, loco citato, ait censum illum in Judæa fuisse actum per *Sentium Saturninum*. Si enim Quirinius in Syriam missus fuisset extraordinarius Magistratus ad censum peragendum, illum egisset independentem a Saturnino, proindeque census ille minimè dici potuisset actus per *Sentium Saturninum*; quemadmodum Romæ census non dicebantur acti per Consules, aut Consulibus, sed a Censoribus ad id destinatis.

Quod autem Quirinius, seu Quirinus, hunc non egerit censum extraordinario imperio, sed delegatā tantum a Saturnino potestate & ejusdem jussu, sufficienter patet ex hac in-

(554) Casaubonus, ut n. 490, num. xxxiii, p. 132.

inſcriptione antiqua , Venetiis aſſervata (a) :

Q. AEMILIVS Q. F.
 PAL. SECVNDVS
 CASTRIS . DIVI . AVG.
 P. SVLPITIO . QVIRINO . LEG
 CAESARIS . SYRIAE . HONORI
 BVS DECORATUS . PRAEFECT
 COHORT. AVG. I. PRAEFECT
 COHORT. II. CLASSICAE . IDEM
 JVSSV . QVIRINI . CENSVM : FEC.
 APAMENAE . CIVITATIS . MIL
 LIVM . HOMIN. CIVIVM . CXVII
 IDEM . IVSSV . QVIRINI . ADVERSVS
 ITVREOS . IN . LIBANO . MONTE
 CASTELLVM . EORVM . CEPIT . ET . ANTE
 MILITIAM . PRAEFECIT . FABRVM
 DELALVS . A . DVOBVS . COS. AD . AE
 RARIVM . ET . IN . COLONIA
 QVAESTOR . AEDILIS . II. DVVMVIR . II.
 PONTIFEX
 IBI . POSITI . SVNT . Q. AEMILIVS . Q. F. PAL
 SECVNDVS . F. ET . AEMILIA . CHIA . LIB.
 H. M. AMPLIVS . H. N. S.

Cùm

(a) In *Ædibus* nempe N. V. Nicolai Venerii , te-
 ſſe Sertorio Urfato apud a Van der Mieden Alema-
 rian. *Diſp. crit. ad marm. vet.* edit. inter *Symbol. litt.*
opuſc. var. Decad. II, vol. ix, pag. 38 & 39, Ro-
 mæ MDCCCLIV .

Cùm enim eà in epigraphæ Quintus Æmilius dicatur censum fecisse Apamenz Civitatis jussu Publii Sulpitii Quirini, Legati Cæsaris Syriæ, anno scilicet VI æræ vulgaris, omninò patet census in Syria non fuisse actos ab extraordinariis Magistratibus, sed ab ipso Syriæ Præside, qui per Procuratorem & Legatos suos censebat varios Syriæ tractus. Rectè igitur scripsit Tertullianus censum, de quo agitur, fuisse actum à Saturnino, tunc temporis Syriæ Præside, cujus jussu eundem in Judæa fecit Quirinius Procurator. Id certò certius falsus esset doctissimus Norisius, si ipsi nota fuisset allata inscriptio.

VI. Joannes Georgius Herwartus (555), seculo XVII Baviaræ Cancellarius, auctor fuit laudata verba Evangelii vulgatæ editionis: *hæc descriptio prima facta est a Præside Syria Cyrino*, græca Divi Lucæ non exprimere; quia, inquit, vox græca *prôtê* apud Divum Lucam, non *primam*, sed *priorem* descriptionem significat: unde textum Lucæ sic interpretatur: *hæc descriptio prior facta, quam illa*

(555) Joan. Georg. Herwartus *Chronol.* cap. CCXII.

illa Præsidis Syriæ Cyrini, vel hæc descriptio facta priusquam esset Præses Syriæ Cyrinus. Ratio ipsi est quia nomen positivum *prôtos* pro comparativo *proteros* non rarò a Græcis usurpatur, apud quos sæpè desideratur *mallon*, uti apud Latinos *magis*; quod plurimis exemplis probare tenta vit.

Verùm ejus conatus jam refutavit eruditus Casaubonus (556), qui ostendit neminem ferre posse græcam Evangelistæ orationem, si in ea *mallon* suppleretur, licet aliis in locis suppleri possit.

Herwarti tamen sententiam amplexi sunt Keplerus, Henschenius ac Papebrochius (557). Immò Eminentissimus Norisius (558), qui eam nec probat, nec improbat, subdit: *quæ quidem interpretatio, si novitatem excipias, eas difficultates emollit, e quibus viri*
eru-

(556) Casaubonus, ut n. 490, num. XXXI, p. 129.

(557) Geodefr. Henschenius & Daniel Papebrochius *acta Sancti Aprilis* tom. I, diatrib. prælim. exerc. II, p. vii, edit. Antwerpæ MDCLXXV, in fol. hanc sententiam non quidem omnino amplectuntur, sed eam plurimi facere videntur.

(558) Norisius, ut n. 121, Dissert. II, cap. XVI, §. XII, col. 511.

eruditi cum se expedire non possent, de administratione Syriacæ Quirinii pleraque non modo sine teste ac tabulis, verum etiam adversus veteris historiæ fidem in litteras misere.

At non sufficit si sententia hæc difficultates Chronologicas, quas sibi finxerunt quidam eruditi, emolliat; necesse etiam esset ut salvam relinqueret auctoritatem Divi Justinii, qui ipse Palæstinus, & quidem antiquissimus, ut pote ejusdem ac Evangelistæ seculi, Imperatorem de Christi nativitate Bethlehemi sic alloquitur (559): *quemadmodum & ex descriptionibus censûs acti, quæ sub Quirino primo vestro in Judæa Procuratore sunt confectæ, intelligere potestis*. Hic enim Justinus certè non loquitur de censu acto ante Quirinii, seu Cyrini præfecturam. Non est igitur admittenda Herwarti interpretatio, nec eâ indigemus ad ostendendam Divi Lucæ, Justinii & Tertulliani concordiam, ut patet ex superiùs dictis.

CO-

(559) Justinus *Apolog.* II.

COROLLARIUM V.

*Errat Eusebius confundens duos census,
actos in Judæa a Quirinio.*

Eusebius, celeberrimus IV seculo Episcopus Cæsariensis in Palæstina, quamquam eruditissimus Chronologus, censum, quo natus est Christus, cum eo, quem post Archelai exilium egit Quirinius, minùs benè confundit, scribens: (560) : *secundus igitur & quadragesimus Regni Augusti agebatur annus, octavus autem & vigesimus ab Ægypto subjugata, & Antonii Cleopatraque morte . . . cum servator & Dominus noster Iesus Christus sub primo censu Cyrenii, id temporis Præfècti Syria, congruenter secundùm Prophetarum vaticinationes de illo editas, in Bethleem Judææ natus est. Hunc quidem censum Cyrenii temporibus factum, Flavius Iosephus, historicorum qui sunt apud Hebræos facilè princeps, memoriæ prodidit. Aliam etiam historiam de Galilæorum secta, quæ iisdem temporibus exorta est, adnectit, de qua item Lucas apud nos in actis ita fere verba facit: post*

V

hunc

(560) Eusebius Cæs. ut n. 22, p. 9.

hunc surrexit Judas Galileus in diebus census, & avertit multum populum post se: & ille periit, omnesque quotquot consenserunt ei, dispersi sunt. Quod item narrat Josephus in suis antiquitatibus.

At mirum fane eruditissimum Episcopum non observasse censum, de quo Josephus, omninò esse diversum ab eo, qui in Judæa actus est nascente Christo. Iste enim, ex Evangelio, peractus fuit ante mortem Herodis Magni; illum verò, de quo loquitur Josephus, non tantùm post ejusdem Herodis obitum egit Quirinius, sed etiam post exilium Archelai ejus successoris, anno decimo ab Herodis morte: *decimo autem*, ait Josephus (561), *Principatus Archelai anno... Caesar... misit eum Viennam in exilium, quæ est urbs Gallia, multatam prius omni pecuniâ... caterùm* (562) *ditione Archelai contributâ Syria, missus est illò a Cesare vir Consularis Quirinius, qui censum ageret per Syriam, & ipsius Archelai domum venderet... quin & ipse* (563) *Quirinius in*

fin-

(561) Josephus, ut n. 67, lib. xvii, cap. xv, p. 516.

(562) Id. ibid. p. 517.

(563) Id. ibid. lib. xviii, cap. I, p. 517.

Judeam venit jam attributam provincia Syria, ut percenseret facultates Civium, & Archelai pecunias in potestatem suam redigeret. Hic igitur Quirinii census, anno decimo post Herodis Magni mortem actus, idem esse non potest ac ille, qui, nascente Christo, peractus est vivente adhuc eodem Herode, teste ipsomet Evangelio.

Sed quæ subdit Josephus (564): *Quirinius autem venditis & confiscatis Archelai facultatibus, peractoque censu, qui incidit in annum trigesimum septimum post victum a Cesare in Actiaca pugna Antonium*, omninò manifestant Eusebii errorem. Ex eo enim census Christi nativitatis actus est anno vigesimo octavo ab Antonii & Cleopatraz morte (in quo tamen etiam errat), seu vigesimo nono a victoria Actiaca; e contra verò census, de quo Josephus post Archelai exilium, peractus est anno trigesimo septimo ab eadem Actiaca pugna. Diversi sunt igitur illi census, malèque ab Eusebio confunduntur.

Horum censuum discrimen ostendere pa-

V 2

ri-

(564) Id. ibid. cap. III, p. § 19.

riter videtur Evangelista laudatus, scribens de priori: *hac descriptio prima facta est a Præside Syria Cyrino*. Licet enim vox *prima* indicare possit primum censum in Judæa actum, vulgò tamen, uti apud Pagium (565), Norisium & alios, intelligitur de priori censu in Judæa peracto a Cyrino, seu Quirinio, qui postea anno sexto æræ vulgaris Præses proprætor in Syriam veniens censum iterum egit, tum primum Judæâ in provinciæ formam redactâ. Hic posterior, ut patet ex Josepho (566), unius tantum provinciæ census fuit; prior verò, teste Evangelio, fuit universalis; proindeque alter cum altero confundi non potest.

COROLLARIUM VI.

Errat Natalis Alexander scribens censum, nascente Christo, in Judæa fuisse a Quirinio captum & a Saturnino absolutum.

REV. Pater Natalis Alexander Ordinis Prædicatorum, ac Parisiensis Doctor seculi proximè elapsi, ut auctoritates Divi Lu-

(565) Pagius, ut n. 140, p. 31.

(566) Josephus, ut n. 67, lib. xv, cap. xv, p. 517.

Lucæ & Tertulliani , allatas superiori Corollario IV , quas minùs benè contrarias putavit , conciliare posset , ait Judææ censum , nascente Christo actum , cœptum fuisse a Cyrino , seu Quirinio , & absolutum a Saturnino . Igitur , inquit (567) , *missus est ab Augusto in Syriam cum extraordinaria potestate Quirinus , & in alias fortassis Orientis provincias , ad censum peragendum , cùm Saturninus jam Syriæ Præses & ordinarius moderator esset . Sed negotium censûs vix incœptum , statim intermittere coactus est ob turbas Homonadensium , qui tùm adversûs Romanos rebellarunt . Promovit autem atque absolvit Saturninus censum a Quirino inchoatum , cui ad tam arduum faciliùs exequendum munus , ut credere par est , adjuncti sunt a Cesare Volumnii Procurator & Pedanius Legatus , quorum Josephus meminit lib. 1. de bello Judæico , cap. 17 . Porro Sanctus Lucas descriptionem factam sub tempus natalis Christi , scribit factam a Quirino , quia ab ipso cœpta est . Tertullianus ait ipsam per Saturninum actam ,*

V 3

quia

(567) Natal. Alexander , ut n. 12. , cap. XIII. , Dissert. II , quæst. I , p. 68 .

quia is ipsam promovit & absolvit. Josephus honores Quirini memorans, eam pratermisit, quia statim ab ipso fuit interrupta.

Verùm eruditus Alexander, non veterum auctoritate, sed proprio Marte hæc scripsit XVII seculo ex quo fuere peracta; unde testis nullus. Extraordinarii Quirinii Magistratûs hypothesim jam superius confutavi Corollario IV, nec censûs interruptionem probat quod ait de Homonadensium turbis. Quo anno enim Quirinius Homonadenses expugnaverit omninò ignoratur, ut sufficienter patet ex his, quæ eorum occasione scripsit Eminentissimus Norisius (568). Equidem Tacitus (569) de Quirinio dicens: *Consulatum sub Divo Augusto, mox expugnatis per Cili-
ciam Hemonadensium Castellis, insignia trium-
phi adeptus*, innuere videtur id factum anno ejus Consulatum insequenti. At, si id admitteret Reverendus Alexander, deciperetur in anno & initii & finis illius censûs assignando. Quirinius enim Consul fuit an-
no

(568) Norisius, ut num. 121, cap. XVI, §. XII, col. 504 & seq.

(569) Tacitus, ut n. 509, annal. lib. III, p. 92.

no XII ante aram vulgarem : ex laudato autem antiquo lapide Ancyrano census , de quo agitur , actus fuit anno VIII ante eandem aram ; ergò non nisi post expugnatos Homonadenses censum agere potuisset Quirinius . Nec eum absolvere potuisset Saturninus . Census enim ille absolvi non potuit ante Christi nativitatem , cum , teste Evangelio , natus fuerit dum peragebatur . Porro juxta Alexandrum (570) Christus natus est exeunte anno quinto ante aram vulgarem ; & Saturninus , testibus antiquis Vari nummis , superiùs Propositionis I Sectione III descriptis , anno præcedenti successorem habuit in Syria Quinctilium Varum ; ergò juxta ipsummet Alexandrum nec Quirinius censum incipere , nec Saturninus eum absolvere potuisset ; proindeque ut mera fictio habenda est ejus sententia .

V +

CQ-

(570) Alexander , ut n. 12 , cap. 811 , Dissert. II , quest. I , p. 65 .

COROLLARIUM VII.

*Errant qui putant Christum natum esse
die VI Januarii.*

Ægyptii olim, teste Cassiano (571), Christi nativitatem soliti erant celebrare unâ cum festo Epiphaniæ, sextâ nempe die Januarii. Mos idem fuit etiam apud Græcos plurimos; unde Sanctus Epiphanius, Salaminis in Cypro Episcopus, eâ die Christum natum existimavit, de eo dicens (572): *cûm enim Januario mense natus esset VIII id. Jan. qui est apud Romanos Januarii dies VI; Ægyptiis verò Tybi XI, Syris, seu Græcis Audinæi VI, Cypriis seu Salaminis quinti mensis dies V, Paphiis Julii XIV, Arabibus Aleom XXI; Cappadocibus Atartæ XIII; Hebræis Tebeth XIII, Atheniensibus Mæmasterionis VI, &c.*

Verùm Græci & Ægyptii, ac ipse Sanctus Epiphanius morem deinde mutarunt & sententiam, ut pote nullo nixam fundamento,

(571) Joan. Cassianus *collat. Patr. coll. x, cap. I*, p. 364, edit. Romæ MDLXXX, in 8.

(572) Epiphanius, ut n. 19, tom. I, part. I, *hæres. Alogi. num. xxiv*, p. 446.

to , veteremque Ecclesiæ latinæ traditionem amplexi sunt quarto seculo , ut jam adnotavi superius Propositionis IV Sectione IV, & ut patet ex epistola (573) Joannis , veteris Archiepiscopi Nicæni , de nativitate Domini ad Zachariam , Catholicum majoris Armeniæ , ubi ita loquitur (574) : *quod spectat ad Salvatoris natale , ut celebrandum constituerint XXV Decembris , in hunc modum invenimus . Scripsit aliquando Cyrillus (Patriarcha Hierosolymitanus) . . . ad Julium Romanum Pontificem , in hæc verba : magnus est labor , ac hominum paucitas in magnis ac præclaris solemnitatibus , eo quòd eadem die celebrentur , lectionesque ac officia ambarum celebritatum vix mediâ parte absolvuntur , quòd nequeamus & natale Domini celebrare , & Baptisma nimirum fieri non potest , ut eadem die occurramus ad locum Baptismatis : nam Bethleem tribus miliaribus distat abs Hierusalem ad austrum ; Jordanis verò distat quindecim ad Orientem ,*

Ju-

(573) Hæc Joannis epistola edita fuit apud Franc. Combesium *bist. hæres. Monoth.* &c. col. 298 & seqq. Parisiis MDCXLVIIII , in fol.

(574) Joan. Nicæn. *ibid.* col. 302 .

Jubeat ergò tua sanctitas perquiri scripta, omnia Judæorum, quæ Titus Cæsar ab Hierusalem prædatus Romam abduxit: fortè inveneris certam diem nativitatis Christi ac Dei nostri.

Acceptâ Julius epistolâ, subdit Joannes (575), sedulò eâ de re quasivit. Congregans itaque Judæorum scripta omnia spoliis loco ablata, ac Romam ducta, invenit Josephi Chronographi scripturam quandam ab eo scriptam: ut nimirum in mense septimo, in solemnitate tabernaculorum, ac die expiationis, apparuerit (576) Dei Angelus, Sacerdosque mutus remanserit, usque dum Elizabeth ejus uxor in senectute concepit.

Hinc cùm dies expiationis esset X mensis Tisri, seu XXIII Septembris nostri, Josephi testimonium cum Evangelio componens Romanus Pontifex, teste eodem Joanne (577), invenit sextum mensem de quo Angelus Beatæ Mariæ Virgini ait: & *hic mensis est sextus illi, quæ vocatur sterilis:*

fuisse

(575) Id. ibid.

(576) Apud eumd. ibid. col. 303.

(577) Id. ibid.

fuisse mensem Nisan, cujus IV die, id est, XXV Martii nostri, Angelus conceptionem filii Dei eidem Virgini Mariæ annuntiavit. A quo tempore si numerentur novem menses, partus Deiparæ & Christi Domini natalis incidit in diem XXV Decembris. Hinc Julius, Romanus Patriarcha, inquit Joannes Nicænus, natalem Salvatoris diem universis Ecclesiis XXV Decembris tradidit celebrandum.

Ex laudato auctore (578), Sanctus Basilus scripserat, in libro *Moralium*, natalem Salvatoris, diem XXV Decembris, mandaveratque Gregorio Theologo in Synodo Constantinopolitana promulgari ac celebrari eodem die. Quidam tamen non assensere. Deinde Honorius Imperator Romæ veniens Constantinopolim (579), Matri, fratrique Arcadio, Romanæ Ecclesiæ morem in celebranda nativitate Christi statâ die XXV Decembris commendavit. Res ab iis delata est ad Sanctum Joannem Chrysostomum, qui, ut pote olim sic festum celebrari cupiens, mul-

tum

(578) Id. ibid.

(579) Teste eod. ibid. col. 306.

tum gavifus est. Accersierunt pariter ex Cypro Reatum Epiphanium, qui Judæus genere, & in monumentis suæ gentis versatissimus, ex Hebræorum scriptis, ac Josephi Chronographi historiâ rem confirmans, Domini natale etiam definivit XXV Decembris. Alii quoque congregati Episcopi sanxerunt eo die celebrandum in regia Urbe, scripseruntque ad Theophilum Patriarcham Alexandrinum, ad Joannem Hierosolymitanum ac Flavianum Antiochenum, qui summo consensu, Romanam Ecclesiam sequuti sunt. Immo ipsi Hæretici, teste laudato auctore, per catholicos sacri natalis solemnitatem edocti, eodem die celebrarunt.

Hinc manifestum est Græcos Christi natalis solemnitatem ad quartum usque Ecclesiæ seculum celebrasse quidem die VI Januarii unâ cum Epiphania, sed nullo omninò iuxta fundamento, & eâ tantùm ratione, ut videtur, ne festa nimium multiplicarentur. Sed deindè has solemnitates dividere cupientes, verum Christi natalem diem inquisierunt, & Josephi auctoritate convicti sunt veram & legitimam fuisse veterem Romano-Christianorum traditionem de natali Salva-
to-

toris die celebrando XXV Decembris.

Reverà quidem laudatus Joannes Nicæ-
nus (580) credidit Romanam Ecclesiam ,
uti & Græcam , Julii tantum ætate Christi
natalem XXV Decembris celebrare cœpisse ;
sed ex dictis Propositionis IV Sectione IV ,
patet Romanorum traditionem fuisse multò
antiquiorem . Hæc tamen ut vera a Græcis
habita tantum fuit ætate illius Summi Pon-
tificis , ob inventam nempe Josephi aucto-
ritatem .

COROLLARIUM VIII.

*Errat Nauzeus autumans Christum
natum esse die XXV Maii .*

ERuditus Nauzeus , inscriptionum huma-
niorumque litterarum Regio-Parisen-
sis Academiæ socius , Divi Clementis Ale-
xandrini de natali Christi die XXV Maii
sententiam , omnium verisimiliorem existi-
mavit (581) , quia , ex Evangelio , Pasto-
res nascente Christo *custodiebant vigilias no-
ctis super gregem suum* , & quidem sub dio ,
ut

(580) Id. ibid. col. 303 .

(581) Nauzeus , ut n. 480 , p. 149 .

ut indicat vox græca *agrayloyntes*, quâ utitur Sanctus Lucas: perspicuum enim est, ait Nauzeus, Pastores exeunte Decembri & rigente hieme cum suis Gregibus sub dio non pernoctasse.

Verùm hæc ratio, quæ non magis innuit Christi nativitatem mense Maio, quam cæteris veris, æstatis & autumnî mensibus, minimè militat contra veterem Ecclesiæ Romanæ traditionem & sententiam. Franci enim nostri, ex quo honori est agricolationis studium, experientissimi Agricola facti, docent Greges etiam ovium hiemis tempestate, multò melius valere sub dio quàm in stabulis, ut passim legitur in eruditorum diariis. Hinc in Anglia, ubi nullus est a Lupis & aliis noxiis animalibus metus, armenta saltem toto anno in agris pernoctant, neque propter frigus aut pluviam aut ventos ulli tecto unquam subeunt, ut asserit Casaubonus (582), testis oculatus. Testatur etiam

(582) Casaubonus, ut n. 490, exercit. II, n. vii, p. 156. Casauboni assertionem sua auctoritate confirmat Gerardus Joannes Vossius, ut n. 50, *Dissert. de temp. nativ. J. C.* part. II, num. xiii, p. 46, scribens:

etiam Langius (583) oves in Dania, patriâ suâ, tota hieme in agris degere, nisi terra ita penitus nive tecta sit, ut nihil pabuli extra villas habere possint. Quid mirum igitur si in Judæa, longè temperatiori regione, greges in agris pernoctaverint mediâ hieme. Id porro ita factum patet ex Geneseos libro (584), ubi Patriarcha Jacobus, curans Labani greges de nocturno gelu sic queritur: *die noctuque astu urebar & gela, fugebatque somnus ab oculis meis*. Hoc enim argumento est in vicina Mesopotamia & apud Judæorum majores, oves & Pastores sub dio sæpius egisse hibernis noctibus. Idem innuit Cicero (585) de Pastoribus Phrygis, Arabibus & Cilicibus.

Nec firmius videtur alterum argumentum ex censu petatum, qui hieme commodè agi non potuisset. Nam, ut ait eruditus Alexan-

bens: *quod de Anglia ait Casaubonus, id verissimum esse comperimus ... cùm per Angliam de nocte, & ante & post natalem Domini, sæpius iter faceremus*.

(583) Langius *de ann. Christ.* lib. II, cap. II, p. 2.

(584) Genes. cap. xxxi, p. 28, edit. apud Bibli. sacr. Lugduni MDCXIII, in 8.

(585) Cicero *de divinat.* lib. I.

xander (586), tempus censûs non aliunde quàm ab Imperatoris voluntate suspensum erat, pro cuius arbitrio nomina erant proferenda Judæis, sive commodo, sive incommodo tempore. Accedit regionem, quam incolebant Judæi, temperatam fuisse, adeoque minùs incommodam itineri faciendo sub tempus hibernum, cùm menses November & December in tractibus multis, etiam Europæis, fatis amœni sint & temperati. Præterea cùm Judæa tota exiguis finibus circumscripta fuerit, longinquo itinere non fuit opus, illaque anni tempestas, ut pote libera ab operibus rusticis, genti integræ ad censum fatis commoda fuit. Temerè igitur omninò ob allata argumenta vetus Ecclesiæ traditio rejiceretur.

COROLLARIUM IX.

*Errat Harduinus scribens Christum natum esse
mense Septembri.*

CLarissimus Joannes Harduinus, multiplici eruditione admodùm famosus, contendit (587) etiam censum, quo natus est
Chri-

(586) Nat. Alexander, ut n. 12, cap. XIII, Dif. II, quæst. I, p. 74.

Christus, peractum fuisse in Judæa mense Septembri, quia tempestas hæc itineribus eorum qui dare nomina debuerunt, erat opportunior... & in mensem Septembrem multò verius conveniunt Pastorum vigiliæ super gregem suum, quas Lucas commemorat... quàm in Decembrem.

Verùm, quàm parvi momenti sint ejusmodi argumenta, jam ostendi Corollario immediatè superiori; unde nemo ad veterem Ecclesiæ traditionem rejiciendam iis certè moveri potest.

Josephus Scaliger, Chronologus inter æquales celeberrimus, de natali Christi die XXV, Decembris vetustissimam Ecclesiæ traditionem labefactare pariter conatus, eum quoque mense Septembri natum esse vult, idque ex Ephemeris Sacerdotum, & inter eas octavâ, quæ est Abiæ, colligi ait. Sic enim, sed fusiùs, argumentatur (588): ex antiquissimo Davidis Regis instituto (589) Aaronis posteris omnes in XXIV familias seu

X

Ephe-

(587) Joan. Harduinus *Antirrhet. de numm. ant.* p. 65, edit. Paris. MDCCLXXXIX. in 4.

(588) Scaliger, ut n. 45, p. 54 & seqq.

(589) Id legitur lib. I *Paralipom.* cap. xxiii;

Ephemerias distributi sunt , quarum XVI ab Eleazaro & VIII ab Ithamaro propagatæ fuerunt . Ear Sacerdotum familiæ vicem suam rei divinæ operabantur in templo , & singulis Sabbatis novæ succedebant secundum gradum quem tunc obtinuerunt forte , quâ prima & princeps exiit Joiaribi , octava verò Abiæ familia . Solemnibus quidem Paschæ , Pentecostes & Scenopegiae diebus poterant omnes Sacerdotes ministrare , sed præter eas solemnitates nunquam in ministerio alia aliam antevertebat , aut Liturgiæ tempus præripiebat familia , sed singulæ ordine sibi succedebant . Hinc si quis meminisset temporis , quo una ex illis familiis ministrasset ante multos annos , ex denominatione orbium , poterat tutò sine indice divinare , cujus familiæ functio esset in templo .

Ordo iste Ephemeriarum in ministrando a Davide Rege ad Judæ Macchabæi ætatem nonnunquam interruptus est , ut cum a Nabuchodonosoro templum est eversum , & cum ab Antiocho Rege profanatum ; at ex quo Judas illud restituit , ac pristinos cultus instauravit , perpetuò deinceps ad postremum exci-

excidium constantissimè servatus fuit , ita ut nulla solemnibus sacris interpellatio possit huc intervenireit .

Jam Christus anno periodi Julianæ 4711, seu III ante æram vulgarem , in lucem prodit, ex falsa nempe Scaligeri opinione (590). At verò Zachariæ XIV ante Christum natum mensibus Evangelismus contigit , ut ex historica serie constat . Quippe ex Evangelio (591) statim post functionis sacræ tempus expletum , & oblatum Angeli visum concepit Elizabeth . Sexto post mense Gabriel ad Mariam mittitur , indeque mense nono nascitur Christus . Ab instauratis itaque a Juda ceremoniis ad nunciatum Zachariæ Joannis ortum Ephemeriarum ordo perducendus est . Post triennem templi contaminationem , ab Antiocho Rege factam , Judas Macchabæus solemnes ritus & sacrificia restituit anno Græcorum CXLVIII , ac die XXV mensis Casleu obtulerunt (592) sacrificium secundum legem . Hic est annus perio-

X 2

di

(590) Vide inferius Corollarium xvii , ubi refellitur hæc opinio .

(591) Lucas *Evangel.* cap. I .

(592) Macchab. lib. I , cap. iv .

di Julianæ 4549, cujus Casleu neomenia incidit in Octobris XXX. Quare Novembris XXIII, feriâ I, fuit mensis Casleu XXV. Verùm a pridie ejus diei, quod Sabbatum erat, prima Ephemeria functionem iniit. Ea verò familia sine dubio Joiaribi fuit. Neque enim aliunde, quàm a prima stationum ordinem inchoavit. Cùm igitur Ephemeria XXIV essent, & septenos dies singulæ ministrarent, si quatuor & viginti septies numeres, consient CLXVIII, quibus constituitur orbis hieraticus. Proindè si XXII Novembris iniit familia Joiaribi, quæ ab hac octava fuit Abiæ familia, cœpit anno periodi Julianæ 4550, Januari X. inde ad Sabbatum XXI Julii anno 4710, qui est IV ante æram vulgarem, fluxerunt anni CLX dies CXCII, qui sunt orbis Hieratici Abiæ 349 præcisè. Ergò XXVIII Julii impleti sunt dies functionis Zachariæ. Quare post XXVIII Julii conceptus est Joannes, & inter XXI & XXVIII Evangelisimus incidit. Elizabeth paulò post id tempus concepit, & V menses sese abdidit, ut testatur Lucas, ac VI mense ineunte Gabriel Mariæ adlittit, circa finem Decembris. Itaque nata-

talís Christi competit circiter finem Septembris , quo tempore sub dio Pastores regere ac pernoctare solent . Ita ferè Scaliger (593) apud Petavium (594) .

Verùm , licet Scaliger (595) subjunxerit : *in hoc nullæ sunt conjecturæ vane , sed mera demonstrationes ex ratione temporum , quibus contradici non potest* ; vim tamen nullam habet supradicta omnis ejus argumentatio , cùm ex incertis rebus , immò & falsis , tota pendeat . Falsum enim est Christum in lucem prodissse anno III ante æram vulgarem , ut patet ex inferiori Problematis solutione & Corollario XVII . Porro orbes Hieratici , ad alium annum deducti , alium certè mensem pro Joannis conceptione , ac proinde pro Christi nativitate , indicarent . Sic eruditus Petavius (596) probavit orbes illos Hieraticos omninò convenire cum veteri Ecclesiæ traditione de Christi natali die XXV Decembris , si nempe Christus natus credatur

X 3

an-

(593) Scaliger , ut n. 45 , p. 59 .

(594) Petavius , ut n. 1 , lib. XII. cap. VII , p. 417 .

(595) Scaliger , ut n. 45 , p. 59 .

(596) Petavius , ut n. 1 , lib. XII. cap. VII , p. 417 .

anno V ante æram vulgarem, ut ipse minus benè credidit.

Sed nihil certi demonstrari potest ex supradicta Ephemeriarum serie. Incertum enim est Judam a Joiaribi familia functionum ordinem inchoasse. Fieri namque potuit, ut pristinam stationum seriem Judas pertexere voluerit, non verò ordinem novum statuere. Præterea cùm, teste Scripturâ (597), Sacerdotes mundos ac sine macula delegerit Judas, qui mundarent sancta, incidere potuit, ut e familia Joiaribi nulli tùm ad manum ejusmodi Sacerdotes essent, qui legali immunditiâ vacarent, unde & aliam quampiam Ephemeriam capere opus habuerit. Minimè igitur ejusmodi argumentis quid certi de Christi natali die statui potest, sed tantùm veteri Ecclesiæ Romanæ traditione.

C O R O L L A R I U M X.

Errat Georgius Syncellus scribens Christum natum esse anno IX æræ vulgaris.

Georgius, celebris exeuntis VIII seculi Monachus, ac Tarasii Patriarchæ Constantinopolitani quondam Syncellus, existi-

ma-

(597) Auctor lib. I *Macchab.* cap. iv, p. 632, apud *Bibl. sacr.* edit. Lugdani MDCXIIII, in 8.

navit (598) Christum in lucem prodisse, Romæ Consulibus Sulpicio Camerino & C. Poppæo Sabino, anno scilicet IX æræ vulgaris.

Verùm hæc sententia falsa omninò demonstratur ex dictis Propositione I, quibus evidenter patet Herodem Magnum obiisse, anno quarto ante æram vulgarem. Cum enim Christus, teste Evangelio, natus fuerit ante Herodis mortem, natalis illius annus nonus æræ vulgaris esse non potuit.

COROLLARIUM XI.

Errat Paulus Middelburgensis scribens Christum natum anno XXII ante æram vulgarem.

QUI post Bedam, ait Petavius (599), aliquot ab hinc seculis Chronica scripsere, damnatâ Dionysii methodo, natalem Domini XXII annis aut XXI anticipandum esse putarunt, & sic ratiocinari solebant: Christus XXV Martii feria VI passus est, & resurrexit Martii XXVII feria I.

X 4

An-

(598) Georgius Syncell., ut n. 25, *Chronograph.* p. 315.

(599) Petavius, ut n. 1, lib. XII, cap. IV, p. 407.

Anni in toto cyclo Dionysiano tres omnino characteres illos habent. Nam lunarem cyclum oportet esse XIII, litteram verò Dominicalem B, quod in annis cycli contingit XIII, vel CCLX, vel CCCCL, qui sunt anni æræ vulgaris XII, CCLIX & CCCCLXIX, quia cyclus uno anno eandem præcedit æram. Quocirca cum reliqui duo anni nimium remoti sint, annum æræ vulgaris XII elegerunt, in quem passionem conferrent, cyclo Lunæ XIII, Solis XXI, littera CB. Hoc igitur anno, inquiebant, includenda est Passio; atque adeò ante XXXIII annos ab eodem anno natalis Christi putandus, ac communis æræ collocandum initium.

Paulus Middelburgensis, seculo XVI Episcopus Forosempronienſis ac Princeps Mathematicorum suæ ætatis, longissima disputatione ac variis argumentationibus eandem opinionem probare adstruereque conatus est, & commentum usque adeò illi placuit, ut id se per somnium a Sancto Paulo Apostolo didicisse finxerit, dicens (600): *cum Domi-*
nica

(600) Paulus Middelb. *Paulina de rell. Pasch. celebr. part. II, lib. x, edit. Forosempronii MDXIII, in fol.*

nica Passionis diem multis ac variis lucubrationibus & methodis indagare conatus essem, ejusque supputationem in manus sæpè numero adduxissem, & per observationes Ptolemai aliorumque Astrologorum indagare contendissem, cùmque nuper hesterno scilicet vesperi in multam & intempestam noctem jam propè auroram calculi supputationes produxissem, tandem defatigato animo lectum petii, ubi postquam paulisper requievissem, ecce visus est adesse mihi senex quidam infulatus, staturâ procerus, vultu placidus atque decorus, aspectu ipso & habitu sanctitatis insignia Divinæque Pauli Apostoli effigiem præ se ferens, qui voce benignâ me compellans & manu a somno excitans, desine, inquit, mi Paule calculo hæc indagare, desine ob hæc noctes infomnes ducere, nisi primùm errata Chronographorum in annis Christi Salvatoris numerandis didiceris. Hæc investigare satage, hæc invenire contende, quoniam in his difficultas indagandi diem quo crucifixus fuit Christus consistit, quandoquidem & temporum Scriptores annos Christi non adamussim quadrarunt. Quæ si invenire desideras, si Chronographorum errata in annis ab Incarnatione Christi numeratis

tis cognoscere gliscis, si Dominicæ Passionis diem quem tantopere quæris invenire optas, respice sursum, & visa animadvertite ac memoriæ commenda, & quæ longo jam temporis tractu calculo perscrutari frustra conatus fuisti, nunc brevi momento percipies, & oculatâ fide conspicias. Cumque attonitus suspexit, & in Cælum oculos intendissem, visus sum videre Cælum apertum, &c. quâ visione, ut ipse asserit, didicit Christum Martii XXV feriâ VI mortem obiisse, omnesque Chronologos errasse, ut pote qui in annorum serie duos & viginti præterissent, ac annum duodecimum aræ vulgaris fuisse XXXIV a nativitate Christi. Hanc verò labem temporum, annorumque jacturam inde esse conflatam, quod trium Pontificum Romanorum anni, Cleti nempe, Marci & Marcellini ab Eusebio prætermissi sunt, quorum anni collecti summam illam conficiunt.

Verùm si, uti divino Spiritu affatus haberi voluit Paulus Middelburgensis, vera, non verò falsa, se a Deo didicisse fingere debuisset. Ejus enim visio omninò indigna est viro Christiano, dignitate præsertim Episcopali insignito, ac religioni Deoque injuriosa,

fa , ut pote sacro Evangelio contraria . Si enim Christus crucifixus fuisset anno XII æræ vulgaris , obiisset anno tertio ante Augusti mortem , qui , testibus omnibus veteribus monumentis , e vivis sublatus est mense Augusto anni XIV ejusdem æræ ; porro id manifestè repugnat Evangelio , quo teste , Christus Dominus nondum a Joanne baptizatus fuerat ineunte XV anno Tiberii , Augusti successoris . Hanc opinionem , fictionemve omissem certè , si eam apud alium quàm apud virum Episcopum , ac mathematicarum artium peritissimum , legere mihi contigisset .

Reverà quidem vir doctissimus subindè , contemptâ revelatione , suam mutavit sententiam , sed ut alium errorem amplecteretur , ut dicturus sum infra Corollario XIII .

COROLLARIUM XII.

Errat Parisius scribens Christum natum esse anno XXI ante æram vulgarem .

Matthæus Parisius , celeberrimus XIII seculi Monachus Anglus e Benedictinorum familia , sententiam suæ ætatis de Christi

Christi mortis anno sequutus, falsoque argumento, de quo Corollarii immediatè superioris initio, usus, scripsit (601) Dionysium exiguum Christi nativitatem posuisse XXI annis tardiùs quàm debuisset, ac proindè eam totidem annis æram vulgarem præcessisse.

Verùm hæc opinio, cùm non minùs sacro adversetur Evangelio quàm superior Pauli Middelburgensis, e Christiana republica omninò pariter expellenda.

COROLLARIUM XIII.

*Errat Paulus Middelburgensis scribens Christum
natum esse anno 1111 æræ vulgaris.*

Mathematicarum artium peritissimus Paulus Middelburgensis, Forosempromiensis Episcopus, cùm variis argumentationibus, immò & cœlesti visione, ut ipse ait, Christum natum anno XXII ante æram vulgarem probare conatus esset, ut adnotavi superiùs Corollario XI, sibimetipsi subinde contradicens, aut, contemptà revelatione, sententiam mutans, Dionysium exiguum, non
me-

(601) Matthæus Paris. ut n. 41, p. 7.

metachronismo XXII annorum ut antea, sed biennii prochronismo in assignando natali Christi anno peccasse asserit (602), unde contendit Christum in lucem prodixisse anno III æræ vulgaris.

Verum si prior ejus opinio rejicienda fuit, quia sacro Evangelio erat contraria, hæc posterior evanescit ex dictis Propositione I. Cum enim, eodem Evangelio teste, Christus natus fuerit regnante Herode Magno, & hic obierit anno IV ante aram vulgarem, ut ibidem demonstravi; certè Christus anno tertio ejusdem æræ nasci non potuit.

COROLLARIUM XIV.

Errat Dionysius exiguus scribens Christum natum esse anno I æræ vulgaris.

Dionysius Exiguus, Scythiæ Monachus, qui VI Ecclesiæ seculo aram Christiano-vulgarem publicavit, Christum & conceptum & natum tradidit anno primo æræ hujus vulgaris, Consulibus Caio Cæsare & Æmilio Paulo, aramque Incarnationis, non

ve-

(602) Paulus Middelb. ut n. 600, lib. XIII, vi præsertim capite.

verò a nativitate adhibuit . Deinde autem eandem æram dixerunt a Christi natali , unde Christum natum putarunt exeunte anno præcedenti .

Verùm Dionysii sententia , uti & aliorum , omninò falsa demonstratur , ut sæpiùs jam dixi , ex annis obitûs Herodis Magni & censûs , quem , nascente Christo , in Judæa egit Cyrinus , seu Quirinius , quique ex Propositione IV actus est anno VIII ante æram vulgarem , non verò anno primo ejusdem æræ .

C O R O L L A R I U M X V .

Errat Labbeus scribens Christum natum esse anno I ante æram vulgarem .

REV. Pater Labbeus (603) , Chronologus cèlebris , Christi natale confert in annum primum ante æram vulgarem , quòd Ecclesia eundem elegerit , summique Pontifices in Bullis ac rescriptis hâc denominatione utantur .

Verùm recens est hæc Summorum Pontificum consuetudo , ut pote quæ admissa tantum

(603) Philipp. Labbeus *abregé Chronol.* tom. III , part. III. de l'introd. p. 558 , edit. à Paris MDCLXV , in 12.

tum fuit seculo decimo quinto, Eugenio IV Pontifice, auctore Blondo Forolivienſi, qui Pontificii Collegii a ſecretis notarius erat. Antea enim ſoli Pontificum anni in litteris adſcribebantur.

Prætereà Eccleſia, uti & Summi Pontifices, in ratione temporum ſeſe populari uſui accomodant, nec unquam Chronologiam aliquam iudicio ſuo probaverunt. Immò Eccleſia Chronologiam Græcorum ſequitur in ſuo Martyrologio Dominicam nativitatem annuntians, Hebraici verò textûs in vulgata ſacrorum Bibliorum editione, licet dux iſtæ Chronologiæ de quindecim circiter ſeculis a ſe invicem diſcrepent. Unde patet citrà pietatis & venerationis, quam ergà matrem noſtram ſanctam Eccleſiam profite-mur, diſpendio impugnare licere vulgarem Chronologiam, & aliam ſectari, quia has quæſtiones filiorum ſuorum diſceptrationi per-mittit Eccleſia.

Hinc cùm ex annis obitûs Herodis Magni & cenſûs in Judæa a Cyrino, ſeu Quirinio acti, de quibus Propositionibus I & IV, omninò demonſtretur Chriſtum natum eſſe anno VIII ante aram vulgarem, vulgarem ſen-

sententiam uti falsam, penitusque vitiosam rejicio, nec illud religioni duco.

COROLLARIUM XVI.

Errat Panvinus scribens Christum natum esse anno II ante æram vulgarem.

Onuphris Panvinus (604) ex Augustinianorum familia, doctissimus factorum conditor, anno secundo ante æram vulgarem, Augusto XIII & Plautio Silvano Consulibus, Christi nativitatem adscripsit, & a Kalendis Januariis anni sequentis æram Christianam auspicatus est.

Verum hæc sententia eadem ratione evanescit ac inferior Baronii opinio. Cum enim ex Evangelio Christus in lucem prodierit ante Herodis Magni obitum; & Herodes, ex Propositione I, mortuus fuerit anno IV ante æram vulgarem, manifestum est Christum natum fuisse ante annum secundum ante eandem æram.

CQ-

(604) Onuphr. Panvinus *fassi & triumph. Rom.*
p. 39, edit. Venetijs MDLVI, in fol.

COROLLARIUM XVII.

*Errat Baronius scribens Christum natum esse
anno III ante æram vulgarem.*

Eminentissimus Cardinalis Baronius (605) natale Christi cum anno tertio ante æram vulgarem copulavit, suamque sententiam plurimorum Sanctorum Patrum probavit auctoritate. Ea enim sententia, ut adnotat eruditus Pagius (606), in Patriarchatu Alexandrino primis Ecclesiæ seculis usurpata, ut liquet ex Julio Africano qui eâ utitur, adhuc ibidem viget. Eam adhibet Eusebius, ut colligitur ex fine libri septimi, ubi ait historiam Ecclesiasticæ successionis a se conscriptam *a Servatoris ortu usque ad Ecclesiarum everisionem quinque ac trecentos annos complecti*, ultimo scilicet termino incluso. Nam Eusebius annos Incarnationis, sicuti & annos Abrahæ ac Olympiades incipit a mense Octobri cum anno civili, a quo mense anni tertii ante æram vulgarem ad eundem mensẽ anni CCCIII ejusdem æræ, quo inchoatur annus primus persecutio-

Y

tio-

(605) Baronius, ut n. 44, p. 46 & seqq.

(606) Pagius, ut n. 140, p. 37.

tionis Diocletianæ , anni CCCV completi numerantur . Ejusdem sententiæ fuisse videntur omnes ii veteres Sancti Patres , qui Christum anno XLII Cæsaris Augusti natum dixere ; unde negari non potest quin hæc opinio gravissimos sectatores habuerit .

Verùm omnes hoc unico argumento , cæteris omiſſis , refellere licet : ex Evangelio sæpiùs laudato , Christus natus est ante Herodis Magni mortem : atqui , ex Propositione I , Herodes obiit anno IV ante æram vulgarem ; ergò errant qui Dominum dicunt natum anno tantùm tertio ante eandem æram .

Nec obstat ratio , quam affert Eminentissimus Baronius (607) ex anno Christi baptismatis , quâ præsertim usi sunt veteres ad annum Christi natalem investigandum . Annus enim baptismatis minimè definitur a Sancto Luca , quem laudant , cùm scripserit (608) : *anno autem quinto decimo imperii Tiberii Cæsaris . . . factum est verbum Domini super Joannem , Zachariæ filium , in deserto ; & venit in omnem regionem Jordani , præ-*
di-

(607) Baronius , ut n. 44 , p. 49 .

(608) Lucas , ut n. 61 , cap. III , p. 601 .

dicans baptismum pœnitentiæ in remissionem peccatorum . . . existimante autem populo , & cogitantibus omnibus in cordibus suis de Joanne , ne forte ipse esset. Christus : respondit Joannes , dicens omnibus : ego quidem aquâ baptizo vos : veniet autem fortior me , cujus non sum dignus solvere corrigiam calceamentorum ejus : ipse vos baptizabit in Spiritu Sancto . . . factum est autem cum baptizaretur omnis populus , & Jesu baptizato. & orante , apertum est Cœlum , & descendit Spiritus Sanctus corporali specie sicut columba in ipsum : & vox de Cœlo facta est : tu es filius meus dilectus , in te complacui mihi . Et ipse Jesus erat incipiens quasi annorum triginta , ut putabatur filius Joseph . vel , ut in græco legitur : erat Jesus quasi annorum triginta , incipiens , suum nempe ministerium obire .

Lectio enim eo Evangelii loco , nescimus an Christus baptizatus fuerit anno XV imperii Tiberii , annove insequenti ; an tunc fuerit plus minusve annorum triginta ; an XV annus ille imperii Tiberii sit imperii proconsularis , imperiive Augustei , &c. Hinc veteres , uti & recentiores , in varias abiêre sententias . Baptismum enim Christi ad an-

num XXVIII æræ vulgaris referunt Sanctus Clemens Alexandrinus (609), Eusebius Cæsariensis (610), Lactantius (611) & Cassiodorus (612). Annum XXIX eidem Baptismo assignat Apollinarius Laodicænus (613); annum verò XXX Julius Africanus (614) & Natalis Alexander (615), ac XXV tantum Harduinus (616). Nec magis in ætate Christi, ad baptismum accedentis, definiendū conveniunt. Alii enim XXIX annos Christo assi-

(609) Clemens Alexandr. *Stromat.* lib. I, p. 95, edit. apud *max. Biblioth. Vet. Patr.* tom. III, Lugduni MDCLXXII, in fol.

(610) Eusebius Cæs. ut n. 22, *Chronic.* ann. Mundi 5228, p. 470.

(611) Lactantius *Institut.* lib. IV, cap. 10.

(612) Cassiodorus, ut n. 31, p. 386. Videretur tamen hic manu aliena addita fuisse quæ ad Christi baptismum & prædicationem spectant.

(613) Apollinarius Laodic. apud Hieronymum, ut n. 17, col. 1114.

(614) Julius Afric. in fragmento quod refert Georgius Syncellus *Chronogr.*

(615) Natal. Alexander, ut n. 12, cap. XIII, *Dissert.* II, *Quæst.* II, p. 75.

(616) Harduinus, ut n. 587, p. 67.

assignant : Origenes (617) verò , Sanctus Hieronymus (618) , Divus Epiphanius (619) & Jansenius Gandavensis (620) XXX ; Cedrenus (621) & Baronius (622) XXXI ; Dekcherius (623) , Harduinus (624) & Tirinus (625) XXXII ; & tandem Natalis Alexander (626) XXXIV ætatis annos ei tribuit quando a Joanne baptizatus est . Neque etiam conveniunt Chronologi circa imperii

Y 3

Ti-

(617) Origen. *Oper. Homil. I in Ezechiel. p. xcix*, edit. Venetiis MDXIII, in fol.

(618) Hieronymus, ut n. 17, *comment. in Ezechiel. cap. I, col. 699*.

(619) Epiphanius, ut n. 19, p. 447.

(620) Cornel. Jansenius Gandav. *comment. in suam concord. Evang. part. I, part. XIII, p. 123*, edit. Lovanii MDLXXI, in fol.

(621) Cedrenus, ut n. 40, p. 173.

(622) Baronius, ut n. 44, tom. I, ann. Chr. 31, p. 102.

(623) Dekcherius apud Alexandrum.

(624) Harduinus, ut n. 587, p. 66.

(625) Jacob. Tirinus in *S. Script. comment. tom. I, Chronic. sacr. cap. XLVII, p. 59*, edit. Antuerpiæ MDCLXXVIII, in fol.

(626) Nat. Alexander, ut n. 12, cap. XII, Diss. II, quæst. II, p. 75.

Tiberii annum ab Evangelista assignatum ; Nihil igitur omninò ex hoc Evangelii loco concludi potest pro assignando Christi nati-
vitatìs anno .

Et reverè quidem , hoc probationis genus vanum & inefficax est ad definiendum aliquem annum . Cùm enim Evangelista scripserit Christum tùm fuisse *quasi annorum triginta* , nihil certò definit quoad annum . Nam modus iste loquendi *quasi annorum triginta* , non magis designat *triginta* quàm *viginti septem* aut *triginta quatuor* : uti cùm apud Joannem (627) recensetur miraculum multiplicationis quinque panum , viri numero *quasi quinque millia* satiati dicuntur ; apud Matthæum (628) verò numerantur rotundo numero *quinque millia virorum* , *exceptis mulieribus & parvulis* . Undè certè colligitur eam esse particulæ *quasi* , seu *circiter* , potestatem & notionem , ut numerum præcisè sumptum non indicet , sed numerum paulò minorem aut paulò majorem . Non igitur ad illum Evangelii locum recurrendum erat
ad

(627) Ioannes *Evangel.* cap. vi , p. 727 , apud *Bibl. sacr.* edit. Lugduni MD CXLIII , in 8. -

(628) Matthæus , ut n. 58 , cap. xiv , p. 674 .

ad assignandum Christi nativitatis annum , sed ad tempus Herodis Magni obitus , & censûs præsertim in Judæa acti a Cyrino , seu Quirinio , quo natus est Christus .

Eodem errore ac Baronius , capti sunt Josephus Scaliger (629) & Gerardus Vossius (630) , Chronologi alijs celeberrimi , necnon , ut jam adnotavi , ii omnes Sancti Patres Scriptoresque veteres , Epiphanius nempe , Hieronymus , Irenæus , Eusebius Cæsariensis , Tertullianus , Cedrenus , Nicephorus Callixtus , &c. qui anno Cæsaris Augusti XLI aut XLII Christum natum scripserunt . Cum tamen tot viri graves , inter quos etiam antiquissimi , id crediderint , non abs re erit eorum erroris causam perscrutari .

Minimè dubitare mihi licet quin primis Ecclesiæ seculis notus fuerit Christi nativitatis annus , uti & censûs sub quo natus est . Tunc temporis enim & census ille celebris , utpote universalis , monumentis publicis haud

Y 4

du-

(629) Scaliger , ut n. 45 , p. 59 .

(630) Vossius , ut n. 50 , p. 35 ; confessus tamen jam fuerat ibid. num. xvi , p. 11 , Christum natum esse *fortasse quidem multò ante* .

dubiè ab Ethnicis fuit expressus , & natalis Christi annus a Christianis annotatus . Verùm cùm id factum fuerit ratione & numerandi modo iis temporibus usitato , aliique deinde , ut suis ætatibus nationibusque servire possent , eum immutare tenerentur , neque id rectè semper facere possent , rem admodùm obscurarunt , infinitisque prope modùm erroribus anſam præbuerunt .

Vidimus (1) Sanctum Epiphanium , Sulpicium Severum , & alios Christi ortum anno Herodis Regni XXXIII rectè scripſiſſe , quia anni Regni illius , ex quo Rex a Romanis declaratus fuerat , eodem modo ab omnibus omnique ætate numerari debuerunt . Hinc Christi ortus & census , quo natus est , conſignati fuerunt anno Herodis XXXIII ; ſed ut res notior evaderet additus fuit , ut in Syria moris erat , annus XLII Cæſaris ſeu epochæ Cæſariæ , quæ initium ducebat ab autumno anni periodi Julianæ 4665 , ſeu Romani 705 exeuntis , ut clariffimis veterum Scriptorum testimoniis , antiquorumque nummorum auctoritate jam demonſtra-

vit

(1) Propositione II.

vit præstantissimus Norisius (b). Porro si ab autumno anni 4665 numerentur XLII anni, eorum ultimus iniit autumno anni 4706, seu VIII ante aram vulgarem, quo reverà Christum natum probavi.

Hunc certè annum Cæsaris XLII, autumno cœptum Antiochensum more, aut XLI, Kalendis Januariis more Romanorum incipientem (c), indicare voluerunt Sancti Patres; sed quia antiquioribus notum erat Antiochenfes Augusti ætate usos fuisse ærâ, nempe Actiacâ, in honorem Cæsaris Augusti; existimarunt *annum Cæsaris XLII* monumentis publicis & scriptis obsignatum in indicando censûs universalis & Christi nati-
vitatis tempore, fuisse annum Cæsaris Augusti imperii a morte Julii Cæsaris: unde recentiores crediderunt Christum natum an-
no

(b) Norisius, ut n. 121, tom. II. *de epoch. Syrmaced.* Dissert. III, cap. xv, col. 174 & seqq.

(c) Hæc apud eosdem Scriptores unius anni discrepantia, orta est etiam aliquando ex diversa de Christi natali die sententia. Cum enim alii eum natum existimarent die vi Januarii, alii verò die xxv Decembris, isti annum Augusti xxi scripserunt, alii verò annum xlii, initum nempe ante sex dies.

no tertio vel secundo ante æram vulgarem, XLI nempe aut XLII a Julii Cæsaris obitu, in quo omninò errarunt.

Eàdem ratione deceptus Sanctus Clemens Alexandrinus, omnium ferè antiquissimus, scripsit Christum natum anno XXVIII Augusti, nempe a morte Antonii & Cleopatræ, Ægyptiorum more, qui annus cum tertio ante æram vulgarem pariter copulatur.

Antiochenfes, jam antiquatæ æris Syromacedonicæ, seu Seleucidarum, & Pompeianæ, usi sunt Cæsarianâ in honorem Julii Cæsaris, initium ducente ab autumno anni XLIX ante æram vulgarem, & Actiacâ in honorem Cæsaris Augusti, quæ iniit II Septembris anni XXXI ante eandem æram nostram. Cæsariana per plura secula viguit; Actiaca verò in usu fuit Augusti tantùm ætate & ineunte Tiberii imperio, ut jam dixi superiùs (d). Nam præter Scriptorum veterum testimonia, antiquos Antiochenfium nummos cognoscimus in honorem Imperatorum Galbæ, Neronis, Claudii & ipsiusmet

(d) Propositionis I Coroll. V.

met Tiberii (e) cufos , ac æræ Cæfarianæ feu Julianæ annis inſignitos .

Æra igitur Cæſariana in uſu fuit apud Antiochenſes & ante Cæſaris Auguſti principatum & poſt ejus mortem : immò ipſo Auguſto imperante , utrâque , Cæſarianâ nempe & Aſtiacâ , utebantur , ut patet ex nummo vetere argenteo , quem æri demandavi (f) ex Bellorio & Vaillantio , & in quo cum capite Auguſti & Antiochiæ genio obſervantur elementa $\propto \Lambda$: ATT. ΔN . id eſt , anno ab Aſtiaca pugna *trigeſimo ſexto* , *Autonomiæ* verò ſeu Cæſariano *quinquageſimo quarto* . Si enim Aſtiacæ æræ initio aſſignato addas 36 , Cæſarianæ verò 54 , utrinque habebis annum VI æræ vulgaris , ſeu 759 Romanum , quo cuſus fuit nummus .

Non mirum igitur ſi annus Chriſti natiuitatis & cenſûs , quo natus eſt , copulatus fuit a primis Chriſtianis & ipſis Chriſti Diſcipulis cum anno XLII æræ Cæſarianæ ; ſed deinde Sancti Patres , *Cæſaris* nomine decēpti , ſcripſerunt Dominicum natale *anno XLII*

Ca-

(e) Vide tab. 7 nummum cum *Flacci* nomine .

(f) Vide tab. 5 .

Cæſaris Auguſti , pro anno *XLII Cæſaris* , ſeu *Julii Cæſaris* . Hinc minimè errarunt in aſſignando Chriſti nativitatſ anno , ſed tantùm in vocis *Cæſaris* ſignificatu . Fatendum tamen , quod in magna antiquitatum ſtudii laude ponendum eſt , me , ullumque alium mortalem umquam-potuiſſe , ſine numiſmatum veterumque inſcriptionum auxilio , nec annum Chriſti natalem invenire , nec Sanctorum Patrum hâc in re erroris cauſam patefacere .

COROLLARIUM XVIII.

Errat Sulpicius Severus ſcribens Chriſtum natum eſſe, Sabino & Ruſino Conſulibus, ſeu anno IV ante æram vulgarem .

Sulpicius Severus , hiftoriæ Eccleſiaſticæ Scriptor celebris VIII ſeculo , Chriſti nativitatem conſignavit (631) anno XXXIII Herodis Magni regni , Romæ Conſulibus Sabino & Ruſino , ſeu Rufo , VIII Kalendas Januarias ; unde vulgò creditur eum exiſtiſſe Chriſtum natum fuiſſe anno IV ante æram vulgarem , quo reverà Conſules fuère Ca-

(631) Sulpicius Sev. ut n. 28 , p. 351 .

Caius Calvisius Sabinus & Lucius Passienus Rufus.

Verùm , si res ita sit , erravit omninò Sulpicius . Cum enim , ex Axiomate I , Christus in lucem prodierit regnante Herode Magno , & iste obierit ante Pascham anni IV. ante aram vulgarem ex Propositionis I Sectione III , manifestum est Christum non fuisse natum ejusdem anni VIII Kalendas Januariarum , seu XXV Decembris .

Cùm tamen Sulpicius (632) Christi natiuitatem pariter adscripserit anno XXXIII regni Herodis Magni , & hic annus fuerit VIII ante aram vulgarem , quo reverà Christus natus est ex inferiori Problematis solutione , libentiùs credo cum rectè assignasse natalem Christi annum , & errasse tantùm in illo componendo cum Consulatu Sabini & Rufi , qui non nisi anno IV ante aram vulgarem Consules fuere .

CO-

(632) Id. ibid.

COROLLARIUM XIX.

*Errat Vaillantius scribens Christum natum esse
anno V ante æram vulgarem.*

JOannes Vaillantius, omnium seculi proximè elapsi numismatologorum celeberrimus, ut probet Christum natum esse anno 749 æræ Romanæ, seu V ante æram vulgarem, sic ratiocinatur:

*Christus natus est (633) ante mortem Herodis, quod verum est ex superiori Axio-
mate I:*

Atqui Herodes (634), testibus nummis antiquis & Josepho, mortuus est anno 750 Romano, seu IV ante æram vulgarem; quod pariter verum est ex superiori Propositione I:

Ergò Christus nasci debuit (635) anno antecedente 749 Romano exeunte, seu V ante æram vulgarem; cum (636) nos doceat Ecclesia eum natum esse die XXV mensis Decembris,
con-

(633) Vaillantius, ut n. I, p. 187.

(634) Id. ibid. p. 195.

(635) Id. ibid.

(636) Id. ibid.

constetque Herodem obiisse (637) mense Martio anni 750 Romani.

Verum nemo non videt hanc consequentiam malè omninò deductam esse ex præmissis. Ex iis enim concluditur Christum natum esse ante Herodis mortem, non verò aliquot mensibus ante eandem mortem. Si dixerim:

Christus, Evangelio teste, natus est ante mortem Herodis:

Atqui Herodes mortuus est anno IV ante aram vulgarem:

Ergò Christus jam natus erat anno IV ante aram vulgarem,

Rectè argumentatus sum, quia consequentia ex præmissis naturaliter deducitur. Sed si dixerim, uti Vaillantius:

Christus, Evangelio teste, natus est ante mortem Herodis:

Atqui Herodes mortuus est anno IV ante aram vulgarem:

Ergò Christus natus est anno V ante aram vulgarem,

Re-

Rectè fauè non argumentor , quia plurimis annis ante Herodis obitum nasci potuit Christus . Isto enim syllogismo non magis probatur Christi nativitas anno V ante aram vulgarem , quàm illam probarem anno XIII ejusdem æræ sequenti ratiocinio :

Christus , Evangelio teste , natus est ante mortem Augusti :

Atqui Augustus mortuus est anno XIV æræ vulgaris :

Ergò Christus natus est anno antecedente , seu XIII æræ vulgaris .

In utroque argumento eadem sunt præmissæ , sed in utroque malè deducitur consequentia , ac consequenter nihil probat .

Herodis Magni obitus non est præcipuus anni nativitatis Christi character , sed descriptio universi orbis Romani , facta edicto Caesaris Augusti . Hinc non annus tantùm Herodis mortis erat inquirendus , sed annus etiam illius censûs , qui anno IV ante obitum Herodis actus est , ex superiori Propositione IV . Certum est igitur errasse Vailantium in assignando Christi nativitatis anno .

Cum eo tamen pariter errarunt celeberrimi

mi Chronologi Petavius (638), Usserius (639), Eminentissimus Norisius (640), Mediobarbus (641), Gravefsonius (642), Tillemontius (643), Barreus (644) & Natalis Alexander (645). Hic in facultate Parisiensi Doctor e Prædicatorum familia, eodem ferè modo ac Vaillantius, ratiocinatur, scribens (646): Christi natalis mortem Hero-

Z

dis

(638) Petavius, ut n. I, lib. XII, cap. VII, p. 417.

(639) Usserius, ut n. 171, ann. periodi Jul. 4709, p. 600.

(640) Norisius, ut n. 121, cap. v, col. 208, ubi scripsit: *igitur Christus Dominus natus est die 25 Decembris A. V. 749, Augusto XII, L. Cornelio Sylla Cos. anno verò Juliano exeunte xxxxi, Olympiadis 193 anno IV.*

(641) Mediobarbus apud Stampam.

(642) Gravefsonius, ut n. 421, Dissert. VI, p. 126.

(643) Tillemontius, *memoir. Eccles.* tom. I, not. IV sur J. C. p. 446, edit. à Paris MDCXCIII, in 4. ibidem tamen fatetur vir eruditus se epochæ illi non sufficienter studuisse ad illam pertractandam.

(644) Barreus *Dissert. sur les an. de J. C.* edit. apud hist. de l'Acad. Roy. des inscrip. tom. v, p. 160, à Amsterdam MDCCXLI, in 12.

(645) Nat. Alexander, ut n. 12, p. 65.

(646) Id. ibid. p. 66.

dis anno fermè integro anteverit : atqui Herodes mortuus est anno IV ante æram vulgarem : ergò Christus natus est anno V ante eandem æram . Major constat , inquit , ex Scriptura sacra , quæ testatur Christum natum *in diebus Herodis Regis* , & infantium cædem post natale Christi aliquanto tempore perpetrata . Siquidem non ante ipsam aggressus est Herodes , quàm Magi ad Christi præsepium , stellâ duce , pervenissent ; quàmque sat temporis elapsum esset , ut se ab illis delusum agnosceret . Cùm igitur hæc anno ipso fatali Herodis contigerint , nec dierum quinque intervallo potuerint peragi ; hinc evidenter colligitur plures quàm quinque dies inter mortem Herodis , & Christi nativitatem intercessisse , adeòque Christus natus non est anno XLII Juliano , seu IV ante æram vulgarem exeunte . Cùm igitur Christum menſe Decembri , & XXV hujus mensis die natum ex traditione constet , sequitur illum anno integro fermè ante mortem Herodis natum . Hæc Alexander .

Verùm , falsum est omninò majorem ejus argumenti constare ex Scriptura sacra . Ex ea quidem constat Christum natum esse ante mor-

mortem Herodis , non verò eum natum anno tantum ante illius mortem ; immò contrarium nos docet , ut jam adnotavi , cùm census , sub quo , ipsa teste , natus est Christus , actus fuerit anno ferè IV ante Herodis obitum . Hic est verus character anni natiuitatis Domini .

COROLLARIUM XX.

Errat Pagius scribens Christum natum esse anno VI ante æram vulgarem .

REV. Pater Antonius Pagius , Scriptor celeberrimus e Minorum Conventualium familia , descriptis veteribus Quinctilii Vari nummis , de quibus suprâ Propositionis I Sectione III , quibusque demonstratur Varum Syriæ præfuisse annis VI , V & IV ante æram vulgarem ; autumat Christum , natum anno VI ante eandem æram , & subiungit (647) : *quare fecus ac hætenus creditum , Quinctilius Varus currenti anno (VI ante æram vulgarem) , quo Antiochenus XXV adhuc in cursu erat , in Syriam Sentio Satur-*
Z 2
ni-

(647) Pagius , ut n. 140 , p. 34 .

nino successurus missus est. Ratio autem cur anno præterito, quo annus ille XXV Antiochenus cæpit, missus non videatur, desumitur ex Tertulliano nuper laudato, qui tradit, nascente Christo, censum a Saturnino in Judæa factum fuisse, scilicet cum Quirinio a Sancto Luca memorato, ut num. CXX explicavi. Si enim verum est quod Tertullianus scribit, Saturninum scilicet, censum in Judæa egisse, Quintilii Vari eius successoris initium ab hoc anno removeri non potest, nec Christi Salvatoris nostri nativitas ulterius differri.

Verum, si ob nummorum illorum & Tertulliani auctoritatem, Christi nativitas ultra annum VI ante æram vulgarem differri non potest, indè minimè sequitur eam annum illum præcedere non potuisse. Ex iis enim patet tantum Christum natum Saturnino censum in Syria agente; sed insuper inquirendum est quo anno Saturninus censum illum peregerit. Hic porro annus fuit VIII, non verò VI ante æram vulgarem, ut probavi superius Propositionis IV Sectione I ex celeberrimo lapide Ancyrano. Anno igitur VIII, non verò VI natus Christus dicendus est.

Præterea adnotare licet ex Pagii ratiocinio

nio

nio minùs probari Christum natum esse anno VI ante æram vulgarem , quàm anno præcedenti . Cùm enim in lucem prodierit die XXV Decembris , & Varus in Syriam venerit anno VI ante æram vulgarem , & quidem ante Septembrem , quo exiit annus Actiacus seu Antiochenus XXV , iniitque annus XXVI , Christum natum esse adminùs anno VII ante æram vulgarem necesse est , ut sub Præsìde Saturnino natus dici possit . In re igitur & in calculis erravit Pagius , vir aliàs eruditissimus .

Eodem tamen errore capti fuère Capellus (648) , Joannes Kepplerus (649) , Henschenius & Papebrochius (650) , Stampapa (651) , Blanchinus (652) & Nauzeus . Hic , inscriptionum humaniorumque litterarum Academiae Regio - Parisiensis socius , suam sententiam ita probare tentavit .

Z 3

He-

(648) M. Anton. Capellus apud Stampam .

(649) Joan. Kepplerus *de vero ann. Chr.* apud Tinum , ut n. 625 , p. 58 .

(650) Henschenius & Papebrochius , ut n. 557 , p. VIII .

(651) Stampapa , ut n. 254 , col. 585 .

(652) Blanchinus apud Stampam ibid.

Herodes, inquit (653), quo regnante natus est Christus, obiit anno IV ante æram vulgarem: atqui idem Herodes non obiit (654) nisi secundo circiter anno post Christi natiuitatem, ut patet ex iis, quæ de Magorum adoratione & infantium cæde narrantur in Evangelio: ergò Christus natus est anno VI ante æram vulgarem.

Verùm, hocce ratiocinio probatur tantum Christum jam fuisse natum anno VI ante æram vulgarem, non verò eum in lucem prodiiſſe hoc ipſo anno. Præter tempus apparitionis stellæ & Herodis Magni obitûs, investigandus erat inſuper annus cenſûs quo natus eſt Chriſtus, quique ex Propositionis IV Sectione I actus eſt anno VIII, non verò VI ante æram vulgarem, ut malè finxit idem Nauzeus, cuſus vana argumenta jam vidimus ſuprà ejuſdem Propositionis IV Corollario I.

Clariffimus Schelſtratus, Bibliothecæ Vaticanæ Præfectus, ac Romanæ Bafilicæ Principis Apoſtolorum Canonicus, qui eandem ſen-

(653) Nauzeus, ut n. 450, p. 146.

(654) Id. ibid. p. 147.

sententiam amplexus est , eam alio probationum genere veram ostendere voluit , unde scripsit (655) : *Ex Consulatu tempore mortis , circa quem conveniunt ferè omnes (Consulatu nimirum Fusi & Rubellionis , seu quod idem est , duorum Geminorum , qui in aram vulgarem 29 incidit) tempus vitæ Christi deducendum erat . Ab hoc tamque Consulatu si XXXIII annos & tres menses , quibus Christus juxta Evangelium vixit , retronumerando computare velimus , reperiemus nativitatem Christi incidere in annum ante aram vulgarem sextum , Julianum 40 , Olympiadis 193 annum 3 , quo Augustus agebat a morte Caesaris annum trigessimum novum , Herodes ab occiso Antigono trigessimum secundum , ab accepto verò Romæ Regno trigessimum quintum , Consulibus Lelio Balbo & Antistio vetere .*

Verum , dato quod Christus crucifixus fuerit anno XXIX æræ vulgaris , Romæ Consulibus duobus Geminis , ex quo Evangelio evidenter didicit eum vixisse XXXIII annis & tribus mensibus ? Id præsertim probare tenebatur , nec tamen illud præstitit .

Z 4 CO-

COROLLARIUM XXI.

*Errat Boivinius scribens Christum natum esse
anno VII ante æram vulgarem.*

Ludovicus Boivinius, causarum actor in parlamento, ac inscriptionum humaniorumque litterarum Academiæ Regio-Parisiensis socius, existimavit (656) Christum natum esse anno septimo ante æram vulgarem, cum scripserit Christi æram veram & genuinam initium ducere ab ineunte anno VI ante eandem æram. Verum, cum ne minimum quidem suæ sententiæ argumentum proposuerit, eam falsam esse sufficienter patebit ex inferiori Problematis solutione.

Nec datam a me solutionem istam infirmant rationes celebris Harduini, qui ante Boivinium eandem vulgaverat opinionem his verbis (657): *natalem Dominicum contigisse anno Urbis conditæ DCCXLVII, annis sex & mensibus tribus ante æram vulgarem, quæ a Kalendis Januariis anni DCCLIV ducit initium, Antiochenorum nummi planè suadent...*

Sy-

(656) Boivinius, ut n. 57, p. 3.

(657) Harduinus, ut n. 587, p. 63.

Syriam regente Caio Sentio Saturnino, quod probat allatâ superiùs Tertulliani auctoritate.

Antiochenorum nummi veteres, quos affert Harduinus (658), quosque ipse descripsi Propositionis I Sectione III, cum laudatâ Tertulliani auctoritate collati, probant quidem Christum natum ante mensem Septembrem anni VI ante æram vulgarem, sed minimè suadent eum in lucem prodiiisse anno præcedenti. Saturninus enim censum, quo natus est Christus, agere potuit anno VIII, aut etiam exeunte anno IX ante eandem æram, quibus pariter Syriæ præfuit.

SOLUTIO PROBLEMATIS

Certum est I. Christum natum esse ante mortem Herodis Magni, ex I Axiomate:

II. Christum fugisse in Ægyptum ante mortem Herodis Magni, ex II Axiomate:

III. Magos, Christum adoraturos, Hierosolymam venisse ante mortem Herodis Magni, ex III Axiomate:

IV. Christum natum esse dum census ex edicto Augusti agebatur in Judæa, ex IV Axiomate:

At-

(658) Id. ibid. p. 58 & 59.

Atqui certum est I. Herodem Magnum, mortuum esse anno IV ante æram vulgarem, ex I Propositione:

II. Christum fugisse in Ægyptum anno V ante æram vulgarem, ex II Propositione:

III. Magos, Christum adoraturos, Hierosolymam venisse anno VI ante æram vulgarem, ex III Propositione:

IV. Censum jussu Augusti actum fuisse in Judæa anno VIII ante æram vulgarem, ex IV Propositione.

Ergò certum est I. Christum jam natum fuisse anno IV ante æram vulgarem; quo mortuus est Herodes:

II. Christum jam natum fuisse anno V ante æram vulgarem, quo fugit in Ægyptum:

III. Christum jam natum fuisse anno VI ante æram vulgarem, quo Magi, cum adoraturi, Hierosolymam venêre:

IV. Christum natum esse anno VIII ante æram vulgarem, quo census actus est in Judæa. Non quidem ante, quia aut nullus omninò, aut nullus saltem a plurimis annis census in Judæa actus fuerat; nec etiam post, quia ab anno VIII ad Herodis obitum ullus census in Judæa nec actus fuit, nec agi potuit.

SCHO-

S C H O L I U M I.

Hæc solutio ideò vera & genuina existimanda videtur, quia, omiſſis injuriis omnibus, dictariis, conviciis & præſertim calumniis, quibus Baronius, Ricciolius & ferè omnes recentes Scripturæ sacræ interpretes, Joſephi & aliorum veterum Scriptorum memoriam immeritò ornarunt, concordēs de assignato Chriſti nativitatĩ anno observantur veteres Scriptores sacri, Judæi; Ethnici, Græci & Romani, inscriptiones antiquæ, & numismata vetera variorum populorum, locorum ac Principum. Quænam enim major in re historica afferri posset ratio? nullam ominor.

S C H O L I U M II.

Ex dictis superiùs & probatis hæc brevis quatuor priorum Chriſti annorum historia texenda est.

Regnante Herode in Judæa (659), exiit edictum a Cæsare Augusto, ut describeretur universus orbis Romanus (660), anno, quo
Ro-

(659) Ex Axiomate I.

(660) Ex Axiomate IV.

Romæ Consules fuere Censorinus & Asinius Gallus (661), seu VIII ante æram vulgarem (662). Hæc descriptio facta est in Judæa (663) mense Decembri (664). Hinc Judæi ibant omnes ut profiterentur singuli in suam civitatem (665).

Josephus igitur, ut pote de domo & familia David, Nazaretho in Galilæa, ubi tunc habitabat, Bethlehemum, urbem Davidis in Judæa, ascendit ut profiteretur cum Maria, desponsatâ sibi uxore prægnante. Cum autem essent ibi impleti sunt dies ut pareret, & peperit filium suum primogenitum (666) die XXV Decembris (667); sed quia non erat eis locus in diversorio, eum pannis involutum reclinavit in præsepio (668); & Pastores, qui erant in eadem regione vigilantes, Angeli monitu venērunt illum admiraturi (669). Die

(661) Ex Propositione IV & lapide Ancyran.

(662) Ex Propositione IV.

(663) Ex Axiomate IV.

(664) Ex Propositione IV.

(665) Ex Axiomate IV.

(666) Ex eodem Axiomate IV.

(667) Ex Propositione IV.

(668) Ex Axiomate IV.

(669) Ex Evangelio Lucæ cap. II.

Die autem VIII a nativitate (670), seu primâ Januarii anni VII ante æram vulgarem, circumcisis est puer & Jesus appellatus; die verò XL (671), seu secundâ Februarii ejusdem anni, Mariæ purgationis tempore expleto, tulerunt illum Hierosolymam, ut sisterent eum Domino, & inde reversi sunt Nazarethum (672).

Menſe Martio ejusdem anni & inſequentis Hierosolymam rediſſe, ibi Paſcham celebraturi (673). Exeunte autem anno VI ante æram vulgarem Jeſus & parentes ejus Bethlehemum iter fecere (674), Magique, Chriſtum adoraturi, veniſſe Hierosolymam, unde ineunte anno V ante eandem æram, Bethlehemum profeſſi, puerum Jeſum ibi adoraverunt die VI Januarii (675). Inde in regionem ſuam Magis per aliam viam reverſis, Joſephus & Maria cum puero Jeſu, Angeli monitu fugerunt in Ægyptum (676),
ibi-

(670) Ex eod. Evangel. ibid.

(671) Ex eod. Evangel. ibid.

(672) Ex eod. pariter Evangelio ibid.

(673) Ex eod. Evangel. ibid.

(674) Ex Propositionis III Coroll. II.

(675) Ex Propositione III.

(676) Ex Propositione II.

ibique remanserunt usque ad mortem Herodis (677), qui obiit mense Martio anni IV ante æram vulgarem, ut demonstravi superiùs Propositione I.

CANON CHRONOLOGICUS

Ab anno XL ante æram vulgarem ad annum XLI ejusdem æræ.

Anno XL ante æram vulgarem a Januario, 33 ante æram Christianam a XXV Decembris præcedentis, 4674 periodi Julianæ a Januario, 714 Varroniano æræ Romanæ ab Octobri præcedente, 1 Olympiadis 185 a Julio tantùm, 6 Juliano a Januario, 4 Imperii Romani a Novembre tantùm, 1 Herodis Magni a Martio Judæorum more.

Romæ Consules Cn. Domitius Calvinus II & Caius Asinius Pollio (678).

Perusia a Lucio Antonio Cæsari deditur anno ineunte (679).

Par-

(677) Ex Axiomate II.

(678) Ita Petavius, ut n. I, lib. xiii, p. 656, & alii, & quidem ex Dione, Flavio Josepho, Fastis seculis, Tabula Collotiana & Cassiodoro.

(679) Ex Propositionis I Corollario I.

Parthi, Pacoro & Labieno Ducibus, Syriam invadunt menſe circiter Martio (680).

Antigonuſ Rex Judæis imponitur a Parthis menſe circiter Junio (681).

Marcuſ Antoniuſ Brundifiuſ terrâ marique obſidet menſe Julio (682).

Cæſar & Antoniuſ, pace initâ, Romam ovanteſ ingrediuntur exeunte circiter Septembri (683).

Herodeſ Magnuſ Judææ Rex declaratur a Senatu Romano (684) poſt aliquot dieſ (685).

In Judæam navigat menſe Octobri (686).

Anno 39 ante æram vulgarem, 32 ante æram Chriſtianam, 4675 periodi Julianæ, 715 æræ Romanæ, 2 Olympiadis 185, 7 Juliano, 5 Imperii Romani, 2 Herodis Magni.

Romæ Conſuleſ Luciuſ Marciuſ Cenſorinuſ & Caiuſ Calviſiuſ Sabinuſ (687).

Cæ-

(680) Ex eodem Corollario I.

(681) Ex eod. Coroll.

(682) Ex eodem pariter Corollario I.

(683) Ex eodem Coroll.

(684) Ex Propositionis I Sectione I.

(685) Ex Propositionis I Corollario I.

(686) Ex ejuſd. Propoſ. Corollario IV.

(687) Ita Noriſiuſ, ut n. 121, atque alii, & quidem ex falſis ſiculis, Dione & Caſſiodoro.

Cæsar & Antonius pacem ineunt cum Sexto Pompeio anno ineunte (688).

Paulò post M. Antonius relictâ Italiâ Athenas venit (689).

Ventidium mittit adversus Parthos (690).

Ventidius, Romanorum Dux, fugatis Parthis in Judæam venit (691).

Herodes Magnus Galiliæ & Samariâ potitur (692).

Anno 38 ante æram vulgarem, 31 ante æram Christianam, 4676 periodi Julianæ, 716 æræ Romanæ, 3 Olympiadis 185, 8 Juliano, 8 imperii Romani, 3 Herodis Magni.

Romæ Consules Appius Claudius pulcher & Caius Norbanus Flaccus (693).

Herodes Magnus Silonem mittit ad Ventidium (694).

Contra latrones ducit militem (695).

Par-

(688) Ex Propositionis I Corollario iv :

(689) Ex eod. Coroll.

(690) Ex eodem pariter Corollario,

(691) Ex eod. Coroll. iv.

(692) Ex eodem Corollario.

(693) Ita Pagius, ut n. 140, p. 18, atque alii, & quidem ex Dione, fastis seculis & Cassiodoro.

(694) Ex Propositionis I Corollario iv.

(695) Ex eod. Coroll.

Parthi, occiso Pacoro eorum duce, fugantur a Ventidio die VIII Junii (696).

M. Antonius Athenis in Syriam proficiscitur (697).

Herodes Magnus ducit auxiliares ad Antonium, oppugnantem Samosatam (698).

Ventidius Syriæ præfecturâ ab Antonio privatur (699).

Sosius Syriæ ab Antonio præficitur (700).

Herodes Magnus venit Ptolemaidem (701).

Cum Pappo, Antigoni duce, signa confert (702).

Anno 37 ante æram vulgarem, 30 ante æram Christianam, 4677 periodi Julianæ, 717 æræ Romanæ, 4 Olympiadis 185, 9 Juliano, 7 imperii Romani, 4 Herodis Magni.

Romæ Consules Marcus Vipsanius Agrippa & Lucius Caninius Gallus (703).

A a

He-

(696) Ex eodem pariter Corollario.

(697) Ex eod. Coroll. iv.

(698) Ex eodem Corollario.

(699) Ex eod. Coroll.

(700) Ex eod. pariter Coroll. iv.

(701) Ex eodem Corollario.

(702) Ex eod. Coroll.

(703) Ita Carol. Sigonius *oper. omn. tom. I, in fast.*

Herodes Magnus, detruso Antigono captâque Hierosolymâ, Judææ Regno potitur (704).

Anno 36 ante aram vulgarem, 29 ante aram Christianam, 4678 periodi Julianæ, 718 æræ Romanæ, 1 Olympiadis 186, 10 Juliano, 8 imperii Romani, 5 Herodis Magni.

Romæ Consules L. Gellius Poplicola & Marcus Cocceius Nerva (705).

Anno 35 ante aram vulgarem, 28 ante aram Christianam, 4679 periodi Julianæ, 719 æræ Romanæ, 2 Olympiadis 186, 11 Juliano, 9 imperii Romani, 6 Herodis Magni.

Romæ Consules Lucius Cornificius & Sextus Pompeius (706).

Anno 34 ante aram vulgarem, 27 ante

fast. comment. col. 554, edit. Mediolani MDCCXXXII, in fol. atque alii, & quidem ex Cornelio Nepote, Dione, Cassiodoro & tabulis Siculis.

(704) Ex Propositionis I Sect. II & Coroll. 17.

(705) Ita Stampa, ut n. 254, col. 555, atque alii, & quidem ex fastis Siculis, Dione & Cassiodoro.

(706) Ita Petavius, ut n. I, lib. XII, p. 657, atque alii, & quidem ex Dione, Cassiodoro & fastis Siculis.

te æram Christianam, 4680 *periodi Julianæ*, 720 *ære Romanæ*, 3 *Olympiadis* 186, 12 *Juliano*, 10 *imperii Romani*, 7 *Herodis Magni*.

Romæ Consules Marcus Antonius II & Lucius Scribonius Libo (707).

Anno 33 *ante æram vulgarem*, 26 *ante æram Christianam*, 4681 *periodi Julianæ*, 721 *ære Romanæ*, 4 *Olympiadis* 186, 13 *Juliano*, 11 *imperii Romani*, 8 *Herodis Magni*.

Romæ Consules Caius Cæsar Octavianus II & Lucius Volcatius Tullus (708).

Anno 32 *ante æram vulgarem*, 25 *ante æram Christianam*, 4682 *periodi Julianæ*, 722 *ære Romanæ*, 1 *Olympiadis* 187, 14 *Juliano*, 12 *imperii Romani*, 9 *Herodis Magni*.

Romæ Consules Cn. Domitius Ahenobarbus & Caius Sossius (709).

A 2 2

An-

(707) Ita Pagius, ut n. 140, p. 23, atque alii, & quidem ex lapide antiquo, fastis Siculis & Dione.

(708) Ita Sigonius, ut n. 703, col. 559, atque alii, & quidem ex tabula Capuana, Dione & Suetonio.

(709) Ita Stampa, ut n. 254, col. 559, atque alii, & quidem ex Dione, tabula Capuana & Cornelio Nepote.

Anno 31 ante aram vulgarem, 24 ante aram Christianam, 4683 periodi Julianæ, 723 æræ Romanæ, 2 Olympiadis 187, 15 Juliano, 13 imperii Romani, 10 Herodis Magni.

Romæ Consules Caius Cæsar Octavianus III & Marcus Messala Corvinus (710).

Cæsar Octavianus M. Antonium vincit ad Actium, die 2 Septembris (711).

Eadem die init æra Actiaca (712).

Anno 30 ante aram vulgarem, 23 ante aram Christianam, 4684 periodi Julianæ, 724 æræ Romanæ, 3 Olympiadis 187, 16 Juliano, 14 imperii Romani, 1 Actiaco a Septembri præcedente, 11 Herodis Magni.

Romæ Consules Caius Cæsar Octavianus IV & Marcus Licinius Crassus (713).

Herodes Magnus apud Rhodum Cæsarem Octavianum convenit (714).

An-

(710) Ita Petavius, ut n. I, lib. XIII, p. 658, atque alii, & quidem ex lapide antiquo, Suetonio & Dione.

(711) Ex Propositionis I Corollario v.

(712) Ex eod. Coroll.

(713) Ita Pagius, ut n. 140, p. 24, atque alii & quidem ex Dione, fastis Siculis & Plutarcho.

(714) Ex Propositionis I Corollario xiii.

Anno 29 ante aram vulgarem, 22 ante aram Christianam, 4685 periodi Julianæ, 725 æræ Romanæ, 4 Olympiadis 187, 17 Juliano, 15 imperii Romani, 2 Actiaco, 12 Herodis Magni.

Romæ Consules Caius Cæsar Octavianus V. & Sextus Appuleius (715).

Anno 28 ante aram vulgarem, 21 ante aram Christianam, 4686 periodi Julianæ, 726 æræ Romanæ, 1 Olympiadis 188, 18 Juliano, 16 imperii Romani, 3 Actiaco, 13 Herodis Magni.

Romæ Consules Caius Cæsar Octavianus VI & M. Agrippa II (716).

Anno 27 ante aram vulgarem, 20 ante aram Christianam, 4687 periodi Julianæ, 727 æræ Romanæ, 2 Olympiadis 188, 19 Juliano, 17 imperii Romani, 4 Actiaco, 14 Herodis Magni.

Romæ Consules Caius Cæsar Augustus VII & Marcus Agrippa III (717). Hoc

(715) Ita Sigonius, ut n. 703, col. 563, atque alii ex Dione & fastis Siculis.

(716) Ita Stampa, ut n. 254, col. 565, atque alii, & quidem ex fastis Siculis & Dione.

(717) Ita Petavio, ut n. I, lib. xiii, p. 658, atque alii ex fastis Siculis.

Hoc anno iniit æra Augustana (718).

Anno 26 ante æram vulgarem, 19 ante æram Christianam, 4688 periodi Julianæ, 728 æræ Romanæ, 3 Olympiadis 188, 20 Juliano, 18 imperii Romani, 5 Aftiaco, 15 Herodis Magni.

Romæ Consules Caius Cæsar Augustus VIII & T. Statilius Taurus II (719).

Anno 25 ante æram vulgarem, 18 ante æram Christianam, 4689 periodi Julianæ, 729 æræ Romanæ, 4 Olympiadis 188, 21 Juliano, 19 imperii Romani, 6 Aftiaco, 16 Herodis Magni.

Romæ Consules Caius Cæsar Augustus IX & Marcus Junius Silanus (720).

Anno 24 ante æram vulgarem, 17 ante æram Christianam, 4690 periodi Julianæ, 730 æræ Romanæ, 1 Olympiadis 189, 22 Juliano, 20 imperii Romani, 7 Aftiaco, 17 Herodis Magni.

Romæ Consules Caius Cæsar Augustus X & Ca-

(718) Ex Propositionis I Corollario v.

(719) Ita Pagius, ut n. 140, p. 27, atque alii ex Dione & fastis Siculis.

(720) Ita Sigonius, ut n. 703, col. 571, atque alii & quidem ex Dione ac fastis Siculis & Capitolinis.

& Caius Norbanus Flaccus (721).

Anno 23 ante aram vulgarem, 16. ante aram Christianam, 4691 periodi Julianæ, 731 æræ Romanæ, 2 Olympiadis 189, 23 Juliano, 21 imperii Romani, 8 Actiæco, 18 Herodis Magni.

Romæ Consules Caius Cæsar Augustus XI & Cn. Calpurnius Piso (722).

Anno 22 ante aram vulgarem, 15 ante aram Christianam, 4692 periodi Julianæ, 732 æræ Romanæ, 3 Olympiadis 189, 24 Juliano, 22 imperii Romani, 9 Actiæco, 19 Herodis Magni.

Romæ Consules Marcus Claudius Marcellus & Lucius Arruntius (723).

Anno 21 ante aram vulgarem, 14 ante aram Christianam, 4693 periodi Julianæ, 733 æræ Romanæ, 4 Olympiadis 189, 25 Juliano, 23 imperii Romani, 10 Actiæco, 20 Herodis Magni.

A 24

Ro-

(721) Ita Stampa, ut n. 254, col. 571, atque alii ex iisdem monumentis.

(722) Ita Petavius, ut n. I, lib. xii, p. 659, & alii ex Dione & fastis Siculis.

(723) Ita Pagius, ut n. 140, p. 27, atque alii, & quidem ex Dione, fastis Capitolinis & lapide Colotiano.

Romæ Consules Quintus Aemilius Lepidus & Marcus Lollius (724).

Anno 20 ante æram vulgarem, 13 ante æram Christianam, 4694 periodi Julianæ, 734 æræ Romanæ, 1 Olympiadis 190, 26 Juliano, 24 imperii Romani, 11 Aëtiiaco, 21 Herodis Magni.

Romæ Consules Marcus Appuleius & P. Silius Nerva (725).

Anno 19 ante æram vulgarem, 12 ante æram Christianam, 4695 periodi Julianæ, 735 æræ Romanæ, 2 Olympiadis 190, 27 Juliano, 25 imperii Romani, 12 Aëtiiaco, 22 Herodis Magni.

Romæ Consules Sentius Saturninus & Lucretius Vispillo (726).

Anno 18 ante æram vulgarem, 11 ante æram Christianam, 4696 periodi Julianæ, 736 æræ Romanæ, 3 Olympiadis 190, 28 Juliano, 26 imperii Romani, 13 Aëtiiaco, 23 Herodis Magni.

Ro-

(724) Ita Sigonius, ut n. 703, col. 576, & alii ex lapide Collotiano, Cassiodoro & Siculis fastis.

(725) Ita Stampa, ut n. 254, col. 575, atque alii, & quidem ex fastis Siculis, lapide Collotiano ac Dione.

(726) Ita Petavius, ut n. I, lib. xii, p. 659, & alii ex Cassiodoro, Dione & fastis Siculis,

Romæ Consules P. Cornelius Lentulus & Cn. Cornelius Lentulus (727).

Anno 17 ante æram vulgarem, 10 ante æram Christianam, 4697 periodi Julianæ, 737 æræ Romanæ, 4 Olympiadis 190, 29 Juliano, 27 imperii Romani, 14 Aëtico, 24 Herodis Magni.

Romæ Consules Caius Furnius & Caius Junius Silanus (728).

Anno 16 ante æram vulgarem, 9 ante æram Christianam, 4698 periodi Julianæ, 738 æræ Romanæ, 1 Olympiadis 191, 30 Juliano, 28 imperii Romani, 15 Aëtico, 25 Herodis Magni.

Romæ Consules Lucius Domitius Ahenobarbus & Publius Cornelius Scipio (729).

Anno 15 ante æram vulgarem, 8 ante æram Christianam, 4699 periodi Julianæ, 739 æræ Romanæ, 2 Olympiadis 191, 31 Juliano, 29 imperii Romani, 16 Aëtico, 26 Herodis Magni.

Ro-

(727) Ita Pagius, ut n. 140, p. 28, atque alii, & quidem ex Dione, fastis Siculis & Cassiodoro.

(728) Ita Sigonius, ut n. 703, col. 578, & alii ex Cassiodoro, Dione & lapide Collotiano.

(729) Ita Stampa, ut n. 254, col. 579, atque alii, & quidem ex Dione, Cassiodoro & fastis Siculis.

Romæ Consules Marcus Livius Drusus & Lucius Calpurnius Piso (730).

Anno 14 ante aram vulgarem, 7 ante aram Christianam, 4700 periodi Julianæ, 740 aræ Romanæ, 3 Olympiadis 191, 32 Juliano, 30 imperii Romani, 17 Actiaco, 27 Herodis Magni.

Romæ Consules Cn. Lentulus & Marcus Licinius Crassus (731).

Anno 13 ante aram vulgarem, 6 ante aram Christianam, 4701 periodi Julianæ, 741 aræ Romanæ, 4 Olympiadis 191, 33 Juliano, 31 imperii Romani, 18 Actiaco, 28 Herodis Magni.

Romæ Consules Tiberius Claudius Nero & Publius Quinctilius Varus (732).

Titius Syriæ præest (733).

Anno 12 ante aram vulgarem, 5 ante aram Christianam, 4702 periodi Julianæ, 742 aræ

(730) Ita Petavius, ut n. I, lib. xiii, p. 660, & alii ex fastis Siculis, Cassiodoro & Dione.

(731) Ita Pagius, ut n. 140, p. 29, atque alii, & quidem ex hisdem monumentis.

(732) Ita Sigonius, ut n. 703, col. 580, & alii ex Cassiodoro, fastis Siculis & Dione.

(733) Ex Propositionis iv Corollario II.

742 *erae Romanae*, 1 *Olympiadis* 192, 34 *Juliano*, 32 *imperii Romani*, 19 *Aëtiano*, 29 *Herodis Magni*.

Romæ Consules Marcus Valerius Messala
& Publius Sulpicius Quirinus (734).

Anno 11 ante aram vulgarem, 4 *ante aram Christianam*, 4703 *periodi Julianæ*, 743 *erae Romanae*, 2 *Olympiadis* 192, 35 *Juliano*, 33 *imperii Romani*, 20 *Aëtiano*, 30 *Herodis Magni*.

Romæ Consules Paulus Fabius Maximus
& Quintus Aelius Tubero (735).

Anno 10 ante aram vulgarem, 3 *ante aram Christianam*, 4704 *periodi Julianæ*, 744 *erae Romanae*, 3 *Olympiadis* 192, 36 *Juliano*, 34 *imperii Romani*, 21 *Aëtiano*, 31 *Herodis Magni*.

Romæ Consules Julius Antonius Africanus
& Quintus Fabius Maximus (736).

Anno 9 ante aram vulgarem, 2 *ante aram*

(734) Ita Stampa, ut n. 254, col. 581, atque alii, & quidem ex fastis Siculis, Cassiodoro & Dione.

(735) Ita Petavius, ut n. I, lib. xiii, p. 660, & alii ex Cassiodoro, Dione & Frontino.

(736) Ita id. Petavius ibid. atque alii, & quidem ex Dione & fastis Siculis ac Cuspinianis.

aræ Christianam, 4705 *periodi Julianæ*,
745 *aræ Romanæ*, 4 *Olympiadis* 192, 37 *Ju-*
liano, 35 *imperii Romani*, 22 *Actiaco*,
32 *Herodis Magni*.

Romæ Consules Nero Claudius Drusus &
Lucius Quinctius Crispinus (737).

Saturninus Syriæ præest (738).

Anno 8 ante aræ vulgarem, 1 *ante*
aræ Christianam, 4706 *periodi Julianæ*,
746 *aræ Romanæ*, 1 *Olympiadis* 193, 38 *Ju-*
liano, 36 *imperii Romani*, 23 *Actiaco*,
33 *Herodis Magni*.

Romæ Consules Caius Marcius Censori-
nus & Caius Asinius Gallus (739).

Hoc anno lustrum conditum & censita
4233000 Civium Romanorum (740).

Census agitur in Judæa (741).

Christus nascitur Bethlehemem die XXV De-
cembris (742).

Ab-

(737) Ita Pagius, ut n. 140, p. 29, & alii ex iis-
dem monumentis.

(738) Ex Propositionis IV Corollario II.

(739) Ita Sigonius, ut n. 703. col. 584. atque alii:
& quidem ex Dione, Cassiodoro & fastis Siculis.

(740) Ex lapide Ancyrano superius laudato Pro-
positione IV.

(741) Ex Propositione IV.

(742) Ex ejusd. Propositionis Corollario II.

Anno 7 ante æram vulgarem, 1 *æra*
Christianæ, 4707 *periodi Julianæ*, 747 *æra*
Romanæ, 2 *Olympiadis* 193, 39 *Juliano*,
37 *imperii Romani*, 24 *Ætiaco*, 34 *He-*
rodus Magni.

Romæ Consules Tiberius Claudius Nero II
& Cn. Calpurnius Piso II (743).

Christus circumciditur VIII die a nativi-
tate (744), seu primâ Januarii.

Hierosolymam defertur ob Mariæ purifi-
cationem XL die a nativitate (745), seu
secundâ Februarii.

Anno 6 ante æram vulgarem, 2 *æra*
Christianæ, 4708 *periodi Julianæ*, 748 *æra*
Romanæ, 3 *Olympiadis* 193, 40 *Juliano*,
38 *imperii Romani*, 25 *Ætiaco*, 35 *He-*
rodus Magni.

Romæ Consules D. Lælius Balbus & Caius
Antistius Vetus (746).

Magi, Christum adoraturi, veniunt Hie-

ro-

(743) Ita Stampa, ut n. 254, col. 584, & alii ex
Dione, Cassiodoro & fastis Siculis.

(744) Ex Evangelio Lucæ cap. II.

(745) Ex eod. Evangel. ibid.

(746) Ita Petavius, ut n. I, lib. XIII, p. 661,
atque alii, & quidem ex fastis Siculis, Cassiodoro &
Dione.

rosolymam anno exeunte (747).

Quintilius Varus Præses in Syriam mittitur, & Saturnino succedit (748).

Anno 5 ante aram vulgarem, 3 ære Christianæ, 4709 periodi Julianæ, 749 ære Romanæ, 4 Olympiadis 193, 41 Juliano, 39 imperii Romani, 26 Actiaco, 36 Herodis Magni.

Romæ Consules Caius Cæsar Augustus XII & Lucius Cornelius Sulla (749).

Christus a Magis adoratur die VI Januarii (750).

Paulò post in Ægyptum a parentibus deportatur (751).

Herodes Magnus Antipam Regem successorem testamento declarat (752).

Anno 4 ante aram vulgarem, 4 ære Christianæ, 4710 periodi Julianæ, 750 ære Romanæ, 1 Olympiadis 194, 42 Juliano, 40 imperii Romani, 27 Actiaco, 37 Herodis Magni.

(747) Ex Propositione III.

(748) Ex Propositionis I Sectione III.

(749) Ita Pagiùs, ut n. 140, p. 35, & alii ex Plinio.

(750) Ex Propositione III.

(751) Ex Propositione II.

(752) Ex Propositionis I Corollario XVII.

rodus Magni, 1 Archelai Regis Judææ, 1 Herodis Antipæ a Martio.

Romæ Consules Caius Calvisius Sabinus & Lucius Passienus Rufus (753).

Herodes Magnus interpretes legis vivos exurit die XII Martii (754).

Paulò post Antipatrum filium occidi jubet (755).

Mutatâ voluntate Archelaum filium sibi successorem declarat (756).

Moritur (757) mense Martio, aliquot diebus ante Paschæ solemnitatem (758).

Archelaus Romam proficiscitur aliquot diebus post eandem Paschæ solemnitatem (759).

Anno 3 ante æram vulgarem, 5 æræ Christianæ, 4711 periodi Julianæ, 751 æræ Romanæ, 2 Olympiadis 194, 43 Juliano, 41 imperii Romani, 28 Actiaco, 2 Archelai, 2 Herodis Antipæ.

Ro-

(753) Ita Sigonius, ut n. 703, col. 338, atque alii, & quidem ex fastis Siculis & Cassiodoro.

(754) Ex Propositionis I Sectione III.

(755) Ex ejusd. Propos. I. Sect. III.

(756) Ex eadem Sectione.

(757) Ex Propositione I.

(758) Ex ejusdem Propositionis I Sectione III.

(759) Ex ead. Sectione III.

Romæ Consules Cornelius Lentulus & Marcus Valerius Messalinus (760).

Anno 2 ante æram vulgarem, 6 æra Christianæ, 4712 periodi Julianæ, 752 æra Romanæ, 3 Olympiadis 194, 44 Juliano, 42 imperii Romani, 29 Aëtiiaco, 3 Archelai, 3 Herodis Antipæ.

Romæ Consules Caius Cæsar Augustus XIII & Marcus Plautius Silvanus (761).

Anno 1 ante æram vulgarem, 7 æra Christianæ, 4713 periodi Julianæ, 753 æra Romanæ, 4 Olympiadis 194, 45 Juliano, 43 imperii Romani, 30 Aëtiiaco, 4 Archelai, 4 Herodis Antipæ.

Romæ Consules Cossus Cornelius Lentulus & Lucius Calpurnius Piso (762).

Anno 1 æra vulgaris, 8 æra Christianæ, 4714 periodi Julianæ, 754 æra Romanæ, 1 Olympiadis 195, 46 Juliano, 44 imperii Romani, 31 Aëtiiaco, 5 Archelai, 5 Herodis Antipæ.

Ro-

(760) Ita Stampæ, ut n. 254, col. 589, atque alii, & quidem ex lapide antiquo.

(761) Ita Pagius, ut n. 140, p. 40, & alii ex Dione.

(762) Ita Petavius, ut n. I, lib. xxi, p. 662, atque alii, & quidem ex Dione, fastis Siculis & vetere Veronensi inscriptione.

Romæ Consules Caius Julius Cæsar & Lucius Æmilius Paullus (763)

Anno 2 æræ vulgaris, 9 æræ Christianæ, 4715 periodi Julianæ, 755 æræ Romanæ, 2 Olympiadis 195, 47 Juliano, 45 imperii Romani, 32 Ætiaco, 6 Archelai, 6 Herodis Antipæ.

Romæ Consules Publius Vinucius & Publius Alfenius Varus (764).

Anno 3 æræ vulgaris, 10 æræ Christianæ, 4716 periodi Julianæ, 756 æræ Romanæ, 3 Olympiadis 195, 48 Juliano, 46 imperii Romani, 33 Ætiaco, 7 Archelai, 7 Herodis Antipæ.

Romæ Consules Lucius Ælius Lamia & Marcus Servilius (765).

Anno 4 æræ vulgaris, 11 æræ Christianæ, 4717 periodi Julianæ, 757 æræ Romanæ, 4 Olympiadis 195, 49 Juliano, 47 imperii Romani, 34 Ætiaco, 8 Archelai, 8 Herodis Antipæ.

B b

Ro-

(763) Ita Sigonius, ut n. 703, col. 590, & alii ex Dione.

(764) Ita Stampa, ut n. 254, col. 591, & alii ex fastis Siculis.

(765) Ita Pagius, ut n. 140, tom. I, an. J. C. 3, p. 4, & alii ex Cassiodoro, fastis Siculis & Dione.

Romæ Consules Sextus Ælius Catus & Caius Sentius Saturninus (766).

Anno 5 æra vulgaris, 12 æra Christiana, 4718 periodi Julianæ, 758 æra Romanæ, 1 Olympiadis 196, 50 Juliano, 48 imperii Romani, 35 Actiaco, 9 Archelai, 9 Herodis Antipæ.

Romæ Consules Lucius Valerius Messala Volufus & Cn. Cornelius Cinna magnus (767).

Anno 6 æra vulgaris, 13 æra Christiana, 4719 periodi Julianæ, 759 æra Romanæ, 2 Olympiadis 196, 51 Juliano, 49 imperii Romani, 36 Actiaco, 10 Archelai, 10 Herodis Antipæ.

Romæ Consules Marcus Æmilius Lepidus & Lucius Arruntius (768).

Archelaus, Ethnarcha Judææ, Viennam in exilium detruditur (769).

Quirinius in Syriam Præses mittitur & ad
cen-

(766) Ita Petavius, ut n. I, lib. XIII, p. 662, atque alii, & quidem ex Dione & Cassiodoro.

(767) Ita Sigonius, ut n. 703, col. 592, & alii ex Dione, Cassiodoro & fastis Siculis.

(768) Ita Stampa, ut n. 254, col. 592, atque alii, & quidem ex Dione, Cassiodoro & fastis Siculis.

(769) Ex Propositionis I Sectione IV.

censum in Judæa peragendum (770).

Anno 7 *ære vulgaris*, 14 *ære Christianæ*,
4720 *periodi Julianæ*, 760 *ære Romanæ*,
3 *Olympiadis* 196, 52 *Juliano*, 50 *imperii*
Romani, 37 *Ætiaco*, 11 *Herodis Antipæ*.

Romæ Consules Quintus Cæcilius Metellus
Creticus & A. Licinius Nerva (771).

Anno 8 *ære vulgaris*, 15 *ære Christianæ*,
4721 *periodi Julianæ*, 761 *ære Romanæ*,
4 *Olympiadis* 196, 53 *Juliano*, 51 *imperii*
Romani, 38 *Ætiaco*, 12 *Herodis Antipæ*.

Romæ Consules Marcus Furius Camillus
& Sextus Nonius Quinctilianus (772).

Anno 9 *ære vulgaris*, 16 *ære Christianæ*,
4722 *periodi Julianæ*, 762 *ære Romanæ*,
1 *Olympiadis* 197, 54 *Juliano*, 52 *imperii*
Romani, 39 *Ætiaco*, 13 *Herodis Antipæ*.

Romæ Consules Sulpicius Camerinus &
Caius Poppæus Sabinus (773).

B b 2

An-

(770) Ex ead. *Scd.* & Propositionis iv Coroll. II.

(771) Ita Pagius, ut n. 140, tom. I, an. J. C. 7,
p. 5, & alii ex fastis Siculis, Dione & Cassiodoro.

(772) Ita Petavius, ut n. I, lib. xiii, p. 663,
atque alii, & quidem ex Dione, fastis Capitolinis,
Siculis & Cuspinianis.

(773) Ita Sigonius, ut n. 703, col. 593, & alii
ex iisdem monumentis.

Anno 10 æra vulgaris, 17 æra Christiana,
 4723 *periodi Julianæ, 763 æra Romanæ,*
 2 *Olympiadis 197, 55 Juliano, 53 imperii*
Romani, 40 Aëtiiaco, 14 Herodis Antipæ.
 Romæ Consules Publius Cornelius Dolabella & Caius Julius Silanus (774).

Anno 11 æra vulgaris, 18 æra Christiana,
 4724 *periodi Julianæ, 764 æra Romanæ,*
 3 *Olympiadis 197, 56 Juliano, 54 imperii*
Romani, 41 Aëtiiaco, 15 Herodis Antipæ.
 Romæ Consules M. Æmilius Lepidus & T. Statilius Taurus (775).

Anno 12 æra vulgaris, 19 æra Christiana,
 4725 *periodi Julianæ, 765 æra Romanæ,*
 4 *Olympiadis 197, 57 Juliano, 55 imperii*
Romani, 42 Aëtiiaco, 16 Herodis Antipæ.
 Romæ Consules Tiberius Germanicus Cæsar & Caius Fonteius Capito (776).

Anno 13 æra vulgaris, 20 æra Christiana,
 4726 *periodi Julianæ, 766 æra Romanæ,*
 1 *Olym-*

(674) Ita Stampa, ut n. 254, col. 594, atque alii, & qui sem ex Dione, Cassiodoro & fastis Siculis.

(775) Ita Pagius, ut n. 140, tom. I, an. J. C. 11, p. 6. & alii ex Dione, ac fastis Siculis & Capitolinis.

(776) Ita Petrus, ut n. I, lib. xiii, p. 663, atque alii, & quidem ex iisdem monumentis.

1 Olympiadis 198, 58 Juliano, 56 imperii
Romani, 43 Aftiaco, 17 Herodis Antipæ.
Romæ Consules Caius Silius & Lucius Mu-
natius Plancus (777).

Anno 14 æræ vulgaris, 21 æræ Christianæ,
4727 periodi Julianæ, 767 æræ Romanæ,
2 Olympiadis 198, 59 Juliano, 57 imperii
Romani, 44 Aftiaco, 1 Tiberii Impera-
toris, 18 Herodis Antipæ.

Romæ Consules Sextus Pompeius & Se-
xtus Appuleius (778).

Silanus Syriæ præest (779).

Augustus Imperator Nolæ in Campania
moritur (780).

Tiberius Augusto succedit (781):

Anno 15 æræ vulgaris, 22 æræ Christianæ,
4728 periodi Julianæ, 768 æræ Ro-
manæ, 3 Olympiadis 198, 60 Juliano,

B b 3

58 im-

(777) Ita Sigonius, ut n. 703; col. 598, & alii,
ex Dione, Suetonio, ac fastis Capitolinis & Siculis.

(778) Ita Stampa, ut n. 254; col. 597, atque alii
ex Dione, Suetonio & fastis Siculis.

(779) Ex Propositionis IV Corollario II.

(780) Petavius, ut n. I, lib. XI II, p. 664, & alii
quamp plurimi celeberrimi Chronologi.

(781) Id. ibid.

58 imperii Romani , 45 Aëtiiaco , 2 Tiberii , 19 Herodis Antipæ .

Romæ Consules Drusus Cæsar & Caius Norbanus Flaccus (782) .

Anno 16 *era vulgaris* , 23 *era Christianæ* , 4729 *periodi Julianæ* , 769 *era Romanæ* , 4 *Olympiadis* 198 , 61 *Juliano* , 59 *imperii Romani* , 46 *Aëtiiaco* , 3 *Tiberii* , 20 *Herodis Antipæ* .

Romæ Consules T. Statilius Sifenna Taurus & Lucius Scribonius Libo (783) .

Anno 17 *era vulgaris* , 24 *era Christianæ* , 4730 *periodi Julianæ* , 770 *era Romanæ* , 1 *Olympiadis* 199 , 62 *Juliano* , 60 *imperii Romani* , 47 *Aëtiiaco* , 4 *Tiberii* , 21 *Herodis Antipæ* .

Romæ Consules Caius Rufus & Lucius Flaccus (784) .

Anno 18 *era vulgaris* , 25 *era Christianæ* , 4731 *periodi Julianæ* , 771 *era Romanæ* .

(782) Ita Pagius , ut n. 140 , tom. I , an. J. C. 15 , p. 15 , & alii ex Dione & fastis Siculis .

(783) Ita Petavius , ut n. I , lib. xiii , p. 664 , & alii ex Dione , Tacito & fastis Siculis .

(784) Ita id. ibid. & alii ex Tacito & lapide antiquo .

mane, 2 *Olympiadis* 199, 63 *Juliano*, 61 *imperit Romani*, 48 *Æliaco*, 5 *Tiberii*, 22 *Herodis Antipæ*.

Romæ Consules Tiberius Cæsar Augustus III & Germanicus Cæsar II (785).

Anno 19 *ære vulgaris*, 26 *ære Christianæ*, 4732 *periodi Julianæ*, 772 *ære Romanæ*, 3 *Olympiadis* 199, 64 *Juliano*, 62 *imperii Romani*, 49 *Æliaco*, 6 *Tiberii*, 23 *Herodis Antipæ*.

Romæ Consules Marcus Junius Silanus & Lucius Norbanus Balbus Flaccus (786).

Anno 20 *ære vulgaris*, 27 *ære Christianæ*, 4733 *periodi Julianæ*, 773 *ære Romanæ*, 4 *Olympiadis* 199, 65 *Juliano*, 63 *imperii Romani*, 50 *Æliaco*, 7 *Tiberii*, 24 *Herodis Antipæ*.

Romæ Consules Marcus Valerius Messala & Marcus Aurelius Cotta (787).

Anno 21 *ære vulgaris*, 28 *ære Christianæ*,
B b 4 ne,

(785) Ita Stampa, ut n. 254, *fast. Rom. contin.* col. 605, & alii ex Dione, Tacito & Cassiodoro.

(786) Ita id. ibid. col. 606, & alii ex Dione & lapide antiquo.

(787) Ita Petavius, ut n. I, lib. XIII, p. 665, & alii ex *fastis Siculis* & Dione.

na, 4734 *periodi Juliane*, 774 *ara Romana*, 1 *Olympiadis* 200, 66 *Juliano*, 64 *imperii Romani*, 51 *Æliaco*, 8 *Tiberii*, 25 *Herodis Antipæ*.

Romæ Consules Tiberius Cæsar Augustus IV & Drusus Cæsar II (788).

Anno 22 ara vulgaris, 29 *ara Christianæ*, 4735 *periodi Juliane*, 775 *ara Romana*, 2 *Olympiadis* 200, 67 *Juliano*, 65 *imperii Romani*, 52 *Æliaco*, 9 *Tiberii*, 26 *Herodis Antipæ*.

Romæ Consules Caius Sulpicius Galba & D. Aterius Agrippa (789).

Anno 23 ara vulgaris, 30 *ara Christianæ*, 4736 *periodi Juliane*, 776 *ara Romana*, 3 *Olympiadis* 200, 68 *Juliano*, 66 *imperii Romani*, 53 *Æliaco*, 10 *Tiberii*, 27 *Herodis Antipæ*.

Romæ Consules Caius Asinius Pollio & Caius Antistius Vetus (790).

Anno 24 ara vulgaris, 31 *ara Christianæ*,

(788) Ita id. ibid. & alii ex Tacito, Dione & fastis Siculis.

(789) Ita Pagius, ut n. 140, tom. I, an. J. C. 22, p. 17, & alii ex fastis Siculis & Tacito.

(790) Ita id. ibid. & alii ex Dione; Plinio & fastis Siculis.

na, 4737 *periodi Juliana*, 777 *ara Romana*, 4 *Olympiadis* 200, 69 *Juliano*, 67 *imperii Romani*, 54 *Atiaco*, 11 *Tiberii*, 28 *Herodis Antipæ*.

Romæ Consules Ser. Cornelius Cethegus & Lucius Visellius Varro (791).

Anno 25 *ara vulgaris*, 32 *ara Christiana*, 4738 *periodi Juliana*, 778 *ara Romana*, 1 *Olympiadis* 201, 70 *Juliano*, 68 *imperii Romani*, 55 *Atiaco*, 12 *Tiberii*, 29 *Herodis Antipæ*.

Romæ Consules Marcus Asinius Agrippa & Cornelius Lentulus (792).

Anno 26 *ara vulgaris*, 33 *ara Christiana*, 4739 *periodi Juliana*, 779 *ara Romana*, 2 *Olympiadis* 201, 71 *Juliano*, 69 *imperii Romani*, 56 *Atiaco*, 13 *Tiberii*, 30 *Herodis Antipæ*.

Romæ Consules Cnæus Cornelius Lentulus Getulicus & Caius Calvisius Sabinus (793).

An-

(791) Ita Stampa, ut n. 254, *fast. Rom. contin.* col. 609, & alii ex *fastis Siculis*, Tacito & Frontino.

(792) Ita id. *ibid.* col. 610, & alii ex Tacito & *fastis Siculis*.

(793) Ita Petavius, ut n. I, lib. XIII, p. 665, & alii ex *fastis Siculis* & Cassiodoro.

Anno 27 *ære vulgaris*, 34 *ære Christianæ*, 4740 *periodi Julianæ*, 780 *ære Romanæ*, 3 *Olympiadis* 201, 72 *Juliano*, 70 *imperii Romani*, 57 *Actiaco*, 14 *Tiberii*, 31 *Herodis Antipæ*.

Romæ Consules Marcus Licinius Crassus & Lucius Calpurnius Piso (794).

Anno 28 *ære vulgaris*, 35 *ære Christianæ*, 4741 *periodi Julianæ*, 781 *ære Romanæ*, 4 *Olympiadis* 201, 73 *Juliano*, 71 *imperii Romani*, 58 *Actiaco*, 15 *Tiberii*, 32 *Herodis Antipæ*.

Romæ Consules Ap. Junius Silanus & Publius Silius Nerva (795).

Anno 29 *ære vulgaris*, 36 *ære Christianæ*, 4742 *periodi Julianæ*, 782 *ære Romanæ*, 1 *Olympiadis* 202, 74 *Juliano*, 72 *imperii Romani*, 59 *Actiaco*, 16 *Tiberii*, 33 *Herodis Antipæ*.

Romæ Consules Rubellius Geminus & Caius Fufius Geminus (796).

An-

(794) Ita id. ibid. p. 666 & alii ex Tacito & fastis Siculis.

(795) Ita Pagius, ut n. 140, tom. I, ann. J. C. 28, p. 18, & alii ex fastis Siculis, Tacito & Solino.

(796) Ita Noriſius, ut n. 121, tom. II, *epist. Consul.* p. 1050, & alii ex Tacito & fastis Siculis.

Anno 30 æra vulgaris, 37 æra Christiana, 4743 periodi Julianæ, 783 æra Romana, 2 Olympiadis 202, 75 Juliano, 73 imperii Romani, 60 Aeliaco, 17 Tiberii, 34 Herodis Antipæ.

Romæ Consules Cassius Longinus & Marcus Vinicius (797).

Anno 31 æra vulgaris, 38 æra Christiana, 4744 periodi Julianæ, 784 æra Romana, 3 Olympiadis 202, 76 Juliano, 74 imperii Romani, 61 Aeliaco, 18 Tiberii, 35 Herodis Antipæ.

Romæ Consules Tiberius Cæsar Augustus V. & Lucius Aelius Sejanus (798).

Anno 32 æra vulgaris, 39 æra Christiana, 4745 periodi Julianæ, 785 æra Romana, 4 Olympiadis 202, 77 Juliano, 75 imperii Romani, 62 Aeliaco, 19 Tiberii, 36 Herodis Antipæ.

Romæ Consules Cnæus Domitius Ahenobarbus & M. Furius Camillus Scribonianus (799).

An-

(797) Ita id. ibid. & alii ex Cassiodoro & lapide antiquo.

(798) Ita Stampa, ut n. 254, *fast. Rom. contin.* col. 621, & alii ex lapide antiquo, Suetonio & Dione.

(799) Ita id. ibid. col. 623, & alii ex Tacito & lapide Nolano.

Anno 33 æra vulgaris, 40 æra Christiana, 4746 periodi Julianæ, 786 æra Romana, 1 Olympiadis 203, 78 Juliano, 76 imperii Romani, 63 Aëtiaco, 20 Tiberii, 37 Herodis Antipæ.

Romæ Consules Ser. Sulpicius Galba & Lucius Cornelius Sulla (800).

Anno 34 æra vulgaris, 41 æra Christiana, 4747 periodi Julianæ, 787 æra Romana, 2 Olympiadis 203, 79 Juliano, 77 imperii Romani, 64 Aëtiaco, 21 Tiberii, 38 Herodis Antipæ.

Romæ Consules Paullus Fabius Persicus & Lucius Vitellius (801).

Anno 35 æra vulgaris, 42 æra Christiana, 4748 periodi Julianæ, 788 æra Romana, 3 Olympiadis 203, 80 Juliano, 78 imperii Romani, 65 Aëtiaco, 22 Tiberii, 39 Herodis Antipæ.

Romæ Consules Caius Cestius Gallus & Marcus Servilius Nonianus (802). *An-*

(800) Ita Petavius, ut n. I, lib. xiii, p. 666, & alii ex Dione & inscriptione antiqua.

(801) Ita Pagius, ut n. 140, tom. I, ann. J.C. 34, p. 28, & alii ex Tacito, Dione & fastis Siculis.

(801) Ita id. ibid. & alii ex fastis Siculis, Plinio & Tacito.

Anno 36 *era vulgaris*, 43 *era Christiana*, 4749 *periodi Juliana*, 789 *era Romana*, 4 *Olympiadis* 203, 81 *Juliano*, 79 *imperii Romani*, 66 *Actiaco*, 23 *Tiberii*, 40 *Herodis Antipæ*.

Romæ Consules Sextus Papinius Allenius & Quintus Plautius (803).

Anno 37 *era vulgaris*, 44 *era Christiana*, 4750 *periodi Juliana*, 790 *era Romana*, 1 *Olympiadis* 204, 82 *Juliano*, 80 *imperii Romani*, 67 *Actiaco*, 24 *Tiberii*, 1 *Caii Caligula Imperatoris*, 41 *Herodis Antipæ*.

Romæ Consules Acerronius Proculus & Caius Pontius Nigrinus (804).

Tiberius Imperator moritur (805).

Caius Caligula Tiberio succedit (806).

Agrippa, Herodis Magni nepos, Philippi Tetrarchiæ Rex a Caio declaratur (807).

An-

(803) Ita Notillus, ut in *Fast. Rom. II*, *capit. Consul.* p. 1051, & alii ex Dione, Plinio & Solino.

(804) Ita id. ibid. col. 874, & alii ex Dione & Tacito ac inscriptione antiqua.

(805) Ita Stampa, ut n. 254, *fast. Rom. contin.* col. 629, & alii ex Tacito & Suetonio.

(806) Ita id. ibid.

(807) Ex Propositionis I Corollario XIX.

Anno 38 æræ vulgaris, 45 æræ Christianæ, 4751 periodi Julianæ, 791 æræ Romanæ, 2 Olympiadis 204, 83 Juliano, 81 imperii Romani, 68 Aëtiiaco, 2 Cæii Caligula, 42 Herodis Antipæ.

Romæ Consules Marcus Aquilius Julianus & Publius Nonius Asprenus (808).

Agrippa Româ in Regnum suum pervenit ætate jam declinante (809).

Anno 39 æræ vulgaris, 46 æræ Christianæ, 4752 periodi Julianæ, 792 æræ Romanæ, 3 Olympiadis 204, 84 Juliano, 82 imperii Romani, 69 Aëtiiaco, 3 Cæii Caligula, 43 Herodis Antipæ.

Romæ Consules Caius Cæsar Caligula II & Lucius Apronius Cæcilianus (810).

Caius Imperator Legatum in Syriam mittit Petronium, Vitellio successurum (811).

Judæorum plura millia Ptolemaidem veniunt ad Petronium messis tempore (812).

He-

(808) Ita Petavius, ut n. I, lib. XIII, p. 66g, & alii ex Frontino & fastis Cuspinianis.

(809) Ex Propositionis I Sectione v.

(810) Ita Pagius, ut n. 140, tom. I, an. J. C. 39, p. 33, & alii ex fastis Siculis & Dione.

(811) Ex Propositionis I Corollario XIX.

(812) Ex eodem Corollario.

Herodes Antipas, Tetrarcha Galilææ, in Italiam venit ante exitum mensis Augusti (813).

Caius Imperator ad expeditionem Germanicam proficiscitur ineunte autumno (814).

Judæi, Tiberiade Petronium supplicantes; dimittuntur sementis tempore (815).

Anno 40 æræ vulgaris, 47 æræ Christianæ, 4753 periodi Julianæ, 793 æræ Romanæ, 4 Olympiadis 204, 85 Juliano, 83 imperii Romani, 70 Aëtiano, 4 Caii Caligulæ, 44 Herodis Antipæ.

Romæ Consul Caius Cæf. Caligula III (816).

Caius Imperator ex Gallia Romam revertitur exeunte mense Augusto (817).

Herodes Antipas, Tetrarcha Galilææ, Lugdunum in exilium detruditur (818).

Agrippa Rex Galilæam obtinet (819).

Anno 41 æræ vulgaris, 48 æræ Christianæ,

næ,

(813) Ex eod. pariter Coroll.

(814) Ex eod. Coroll. xix.

(815) Ex eodem Corollario.

(816) Ita Stampa, ut n. 254, *fast. Rom. contin.* col. 632, & alii ex Idatio & Dione.

(817) Ex Propositionis I Corollario xix.

(818) Ex Propositionis I Sectione v & Coroll. xix.

(819) Ex eod. Coroll. xix.

na, 4754 *periodi Julianæ*, 794 *aræ Romanæ*, 1 *Olympiadis* 205, 86 *Juliano*, 84 *imperii Romani*, 71 *Æliaco*, 5 *Caii Caligulæ*, 1 *Claudii Imperatoris*.

Romæ Consules Caius Cæsar Caligula IV & Cnæus Sentius Saturninus (820).

Caius Caligula Imperator occiditur anno ineunte (821).

(820) Ita Pagius, ut n. 140, tom. I, an. J. C. 41, p. 34, & alii ex Dione & fastis Siculis.

(821) Ita Norisius, ut n. 121, tom. II, *epist. Consul.* col. 879, & alii ex Scriptoribus antiquis.

FINIS.

ARA 1983

